# নেজ়্নেল (আকুৰ) গ্ৰন্থ বাগবান্ধার রীডিং লাইবেরী

#### THE BAGHBAZAR READING LIB



পনের দিনের মধ্যে বইখানি ফেরত দিতে Please return the book within 15 da

পুত্ৰান্ধ Folio No.	প্রদানের তারিথ Date of Issue	গ্রহণের ডারিথ Date of Return	পত্রাঙ্ক Folio No.	প্রদানের তারিথ Date of Issue
981	6/6/4/86	6/8		
	<u> </u>			

-29/85-3,000 Copies.

পত্রাঙ্ক Folio No.	প্রদানের তারিখ Date of Issue	গ্রহণের তারিখ Date of Return	পত্ৰাঙ্ক Folio No.	প্রদানের তারিখ Date of Issue	গ্রহণের তারিথ Date of Return
		1			
	:				

# तिकादिल (जाकर्) शह



वृक्षदम्व ।

( যবদ্বীপস্থ কোন প্রস্তর-মূর্ত্তি হইতে গৃহীত ও শ্রীষামিনীপ্রকাশ গঙ্গোপাধ্যায় কর্তৃক চিত্রিত।)

# শুদ্ধিপত্র।

### ( অতিরিক্ত )

#### **♦₩%**|**%** ~ **♦**

অশুদ্ধ	পৃষ্ঠা	পংক্তি	শুদ
সোপানপরস্পরা	৬১	>0	সোপানপরস্পরা
নিৰ্মান	<b>b</b> >	৬	নিৰ্মাণ
পূন্ম ক	৯২	১৬	পূৰ্ব্বক
উঠিয়া	<b>५</b> ०२	ર	<u>উ</u> ঠিয়া
সরনাথ	<b>५</b> ०२	>>	সারনাথ
গোতম ও রাজ্ল	১৬৯	>>	গৌতমপুত্র রাভ্ন
ধর্মপ্রচার	२०१	۶۵	ধর্মপ্রচারক
প্রসাদে	२५०	9	প্রাসাদে
, আমেরিকায়	२১১	>>	আমেরিকার
পূর্ব	२ऽ२	೨	পূর্ব্ব
মহত্ত্বর	२७৫	১৬	মহত্তর

#### কলিকাতা। ২০ নং কর্ণওয়ালিস ষ্ট্রীট,

মজুমদার লাইত্রেরী হইতে প্রকাশিত।

T. C. SC. Sold Jan.

ৰাগবাভাৱ বীডিং লাইব্ৰেৰী
ভাৱ দংখা। ৮ এট : ৪৪ চচ ।
পরিত্রহণ সংখ্যা। ১ ট ট ট ট ।
পরিত্রহণের ভারিব ০৮ ট 200৬
বিশ্বিশ্বর্যা।

#### **◇≻**∮**∑**[**⊘**[**&**}⊲◇

অনেক জাতি সংসারং সন্ধাবিস্সং অনিবিবসং গহকারকং গবেসস্তো তুঃখাজাতি পুনপ্পুনং গহকারক! দিট্ঠোহসি, পুন গেহং নকাহসি স্ববাতে ফাস্থকা ভগ্গা গহক্টং বিসংখিতং। বিস্থারগতং চিত্তং তণ্ছানং খ্যুমজ্ঝগা।

জন্ম জনাস্তির পথে ফিরিয়াছি পাইনি সন্ধান সে কোথা গোপনে আছে এ গৃহ যে করেছে নির্দ্মান, পুনঃ পুনঃ ছঃথ পেয়ে দেখা তব পেয়েছি এবার, হে গৃহকারক! গৃহ না পারিবি রচিবারে আর। ভেঙেছে তোমার স্তম্ভ, চুরমার গৃহ-ভিত্তিচয়, সংস্কার বিগত চিত্ত, তৃষ্ণা আজি পাইয়াছে ক্ষয়।

> প্রীসত্যেন্দ্রনাথ ঠাকুর প্রণীত।

#### কলিকাতা।

৪৮ নং গ্রে খ্রীট, কাইসর মেশিন্ যঞ্জে

ূ শ্রীরাথাল চক্র ঘোষ দ্বারা মুদ্রিত। ১৩০৮ সাল



পূজ্যপাদ

# শ্রীযুক্ত দিজেন্দ্রনাথ ঠাকুর

বড়দাদা মহাশয়ের

শ্রীচরণ কমলে—

## প্রথম পরিচ্ছেদ।

श्रृष्ठी।

वूक्षकीवनी।---

মহাভিনিক্রমণ--বৃদ্ধত্ব-প্রাপ্তি--ধর্ম্মপ্রচার---শেষকথা-পরিনির্ব্বাণ-

# দ্বিতীয় পরিচ্ছেদ।

বৌদ্ধ ইতিহাসের কাল নির্ণয়—

বুদ্ধের পরিনির্বাণ-অশোকের অমুশাসন **ুলিপি—গ্রীকদ্ত মেগান্থিনীস—চীন পরিব্রাজক** कांश्ज्ञान, रुरप्तन नाः-क्मांत्रिम ভট্ট, महत्रांठार्या-- २১--२७

# তৃতীয় পরিচ্ছেদ।

বৌদ্ধর্শ্মের মত ও বিশ্বাস ৷—

দর্শন,--নীতি,--দশামুশাসন--কর্মফল-জাতক 

## চতুর্থ পরিচ্ছেদ।

शृष्टी।

বৌদ্ধ সঙ্ঘ।---

মধ্যপথ—সভ্যের গঠন,—দলাদলি—বৈদিক ক্রিয়াকাণ্ড—পৌরোছিত্য—জাতিবিচার—

### পঞ্চম পরিচ্ছেদ।

সজ্বের নিয়মাবলী।---

প্রবেশ—আহার—পরিচ্ছদ — বাসস্থান— দারিদ্রাব্রত—পৃঙ্গা—ভাবনা, ধ্যান, সমাধি—তীর্থ-দর্শন—প্রায়শ্চিত্তবিধান—পঞ্চায়ৎ—শিলাদিত্যের

দানোৎসব—

**b9-338** 

ভিকৃণী-সজ্য—

**>>8--->**>

বৌদ্ধ গৃহস্থ—

>>&--->0>

## ষষ্ঠ পরিচ্ছেদ।

বৌদ্ধ ধর্ম্মশান্ত্র।—

তিপিটক-ধর্মপদ-মিলিল-প্রশ্ন-দীপ-

বংশ—মহাবংশ,—ললিত বিস্তর—

**১৩**৩---১**৫**২

পাণিভাষা—আৰ্য্যভাষা লতিকা—

140-149

### সপ্তম পরিচ্ছেদ।

পৃষ্ঠা।

বৌদ্ধধর্ম্মের রূপান্তর ও বিকৃতি।—

মহাধান হীনধান—ত্রাহ্মণ্য ও বৌদ্ধর্ম—
সেন্ট জোসাফৎ—বৃদ্ধতত্ত্ব, হীনধান মত—
বৃদ্ধতত্ত্ব, মহাধান মত—বোধিসত্ত্ব—ধ্যানীবৃদ্ধ—
আদিবৃদ্ধ — তান্ত্রিকতা — তিব্বতে বৌদ্ধধর্ম—
প্রার্থনা চক্র—ওঁ মণিপল্নে হুঁ—গামাধর্ম—লামার
সহিত শরৎচক্র দাসের সাক্ষাৎকার—হুর্গ নরক—
দার্শনিক শাধা—সম্প্রদায় ভেদ—

>64--->64

## অফ্টম পরিক্ষেদ।

বৌদ্ধধর্ম্মের বিস্তার ও ধ্বংস।—

শাক্যপুত্রীয় শুর্মণ মণ্ডলী—ধর্মপ্রচার—
অশোক রাজ্ঞা— সিংহলে বৌদ্ধর্ম্ম — চীনদেশে

•বৌদ্ধর্ম্ম—রাজ্ঞা কনিক্ষ—মার্কিন দেশে বৌদ্ধধর্ম — উপসংহার — বৌদ্ধর্ম্ম লোপের কারণ
নির্ণয়—বৌদ্ধধর্ম্মের প্রভাব—জগরাথ ক্ষেত্র—

>bb--->>9

#### পরিশিষ্ট।

তেবিজ্জ সূত্ত।—


ব্রাহ্মণ যুবকের প্রতি বুদ্ধদেবের উপদেশ— ব্রহ্মলাভের উপায়—ব্রহ্ম, ব্রহ্মা।—

२२<del>४---</del>२8•

# শুদ্দিপত্র।

<b>অশুক্</b>	পৃষ্ঠা	পংক্তি	শুস্ক
<b>পঃ</b> খ	¢	b*	হ:খ
আশ্ৰহ	¢	>•	আশ্রয়
উপস্থিত	9	<b>5</b> 0	উপস্থিত
সান্ত্ৰা	>0	9	শাস্থ <u>ন</u>
সই	<b>አ</b> ৯	১৬	সেই
প্রচণ্ড	<b>२</b> ०	, >e	প্রচণ্ড ,
দায়শ	় ২৬	રહ	वानम
করিয়ফুটিয়া	• •8	<b>₹</b> ₹	করিয়া ফুটিয়া
ক্ৰোধ	৩২	>9	কোধ ক্রোধ
रेमवः कूक़	৩৬	78	দৈবং নিহত্য কুরু
<b>মৃ</b> প্তিতে	৩৮	<b>२</b> 8	<b>মূর্জিতে</b>
<b>অ</b> স্তত্ত্	¢¢.	8	<b>অ</b> স্থিত্ব
বিছিন্ন	<b>(</b> 6	२०	বিচ্ছিন্ন
_যশ্মাৎ	<b>(</b> ৮	>	यन्त्रां९
<b>অ</b> ভাবনীচ	CF	•	অভাবনীয়
কথত	৬০	১২	কথিত
<i>শোহহ</i> ম	<b>60</b>	२•	সোহহং
পরিজ্ঞাত	<b>র</b> র	२১	পরিজ্ঞান
এর <b>স্থিং</b> শ	>•¢	२२	<b>ত্ৰ</b> য়ন্ত্ৰিং <b>শ</b>
জীবদশার	>२¢	6	জীবদ্দশায়
বৃদ্ধিত	১৩৭	<b>?</b> \$	<b>বৰ্দ্ধিন্ত</b>
			•

থয়মঞ্চগা,	১৩৮	₹8	<b>থয়মজ</b> ্ঝগা
নিশান	১৩৯	<b>ર</b>	নিৰ্মাণ
লাতিকা	>৫%	<b>&gt;</b> 0 '	<b>লতিকা</b>
উৎসহিত	১৬২	\$5	উৎসাহিত
বদ্ধই	১৬৭	२२	বুদ্ধই
काननन्	১৭২	₹8	কান্-নন্
তিন `	১৯২	२२	তিনি
জ্ম	200	৬	<b>ङ</b> ग
ক্ষিক্লছে	२०२	৬	করিয়াছে
উদয়	२०१	>•	উদয়
্বস্থ	२०४	8	অশ্বথ
এইরপ	२১•	<b>خ</b> ۶	এইরূপ
হিন্দু	२२१	59	<b>हिन्</b> षू
উৎসূর্	२७৫	55	উৎসর্গ



# वीक्षधर्म।

# প্রথম পরিচ্ছেদ।

পথর ও পরকালে বিশ্বাস মানবধর্ম্মের ভিত্তিভূমি বলিয়া সামান্ততঃ নিৰ্দেশ কুৱা হইয়া থাকে, কিন্তু ইহা কি আমশ্চৰ্য্য ় নহে যে অনাত্মবাদী নিরীশ্বর বৌদ্ধর্ম দেশবিদেশে প্রবেশ-লাভ করিয়া কোটি 🖍কাটি মনুষোর উপর স্বীয় আধিপত্য করিয়াছে ; এমন কি, ভক্তসংখ্যামুসারে भिर्फिष्टे रहेरल शिथिवीत मकल धर्मात मर्सा जाहारक मर्स-প্রধান আসনের যোগ্য বলিয়া মানিতে হয় ? বুদ্ধদেব প্রকাশ্য ভাবে নান্তিক বুলিয়া আপনার পরিচয় দিতেন তাহা নহে, তথাপি ভিত্ত ক্লে প্রবেশ ক্রুব্লিয়া দেখিলে তাঁহার ধর্মকে 'নিরীশ্বর' ধর্ম বলা অসঙ্গত কোধ হয়-না; আর ইহা নিশ্চয় যে ওাহার সময়ে ব্ৰহ্মজ্ঞান ও আত্মতত্বিষয়ে ক্ৰেক্ৰাণ বিৰাদ্ধ জনসাধা-রণে প্রচলিত ছিল্যু-ভিনি তার্যক্ষা ক্রিক্ত ভারমান ছিলেন। আমরা ত্রিবিদ্যাসতে দেখিছে; পাই বৃদ্ধদেব কি ভাবে আর্য্য-দেবতা ত্রন্সকে বৌক্ষ নুদ্দিরে স্থান দান করিয়াছেন। এই হত্তে ব্রাহ্মণ যুবকদ্বয়ের প্রতি তাঁহার যে উপদেশ আছে, ভাহাতে ব্রুলাভের প্রকৃত্ত উপায় নির্দারিত হইয়াছে। বুদ্ধ-প্রদর্শিত পথ <u>বিশুদ্ধ নীতিমার্গ</u> ভিন্ন আর কিছুই নহে। আজু-

সংযম, ইন্দ্রিয়-দমন, বাসনা-বিসর্জন—এই সকল উপায়ে, ন্যায়, সত্য, কমা, দয়া ও বিশ্বব্যাপীমৈত্রীগুণে <u>আত্মোন্নতিসাধন</u> করাই তাঁহার মতে ব্রহ্মদনিলনের অব্যর্থ উপায়। বৌদ্ধর্মনীতির চারিটি প্রধান তত্ত্ব 'ধর্মচক্র' বলিয়া বৌদ্ধসমাজে প্রসিদ্ধ আছে, স্বয়ং বৃদ্ধ দেই ধর্মচক্র প্রবর্তিত করেন। ইহার বিবরণ বৃদ্ধ-জীবনীতে বর্ণিত; সে জীবনী সংক্ষেপে এই—

গোতম বৃদ্ধ খৃষ্টের পূর্বতন ষ্ঠ শতাকীতে বর্ত্তমান নেপাল বাজের অন্তর্গত কপিল-বান্ত নগরে শাক্য-রাজবংশে জন্মগ্রহণ করেন। তিনি রাজা ওদ্ধোদনের পুত্র, তাঁহাব মাতা মায়াদেবী, ভার্য্যা যশোধরা ও পুত্র রাহল। যথন তাঁহার উনত্রিংশ বংসর বয়ংক্রম, তথন সংসার ফুঃখময় বলিয়া তাঁহার হৃদয়ঙ্গম হয় এবং এই হঃখভার হইতে জীবের পরিত্রাণ সাধনোদ্দেশে বৈরাগ্য অবলম্বন পূর্বেক তিনি গৃহ হইতে বহির্গত হন। এই মহান সঙ্কল হাদরে ধারণ করিয়া কোন এক রাত্তিতে যথন তাঁহার প্রিয়তমা यरमाधना मिक्षिटिक कारन नहेग्रा ताज्ञ वर्गन निजा याहेर्जिएन, এমন সময় তিনি চুপে চুপে উঠিয়া কাহাকেও কিছু না বলিয়া ক্হিয়া বাহির হইয়া পড়িলেন। সেই তাঁহার মহাভিনিক্রমণ। তিনি প্রথমে মগধরাজ্যের রাজধানী রাজগৃহে, পরে গুয়ায়, তদন্তর বারাণসীতে গিরা ধানে ধারণা সাধনা ও ধর্মপ্রচারে প্রবৃত্ত হইলেন। সাত বংসর ধরিষা তিনি উপোষণপ্রভৃতি তপশ্চৰ্যায় বত থাকিয়া পশ্চাৎ অভীপ্সিতফল্লাভে ৰঞ্চিত হইয়া ভাহা হইতে বিনিবৃত্ত হইয়াছিলেন। তদুৱে তাঁহার প্রথম পাঁচটী শিষ্য তাঁহাকে উদরপরায়ণ বিবেচনায় পরিত্যাগ করিয়া কাশীবাসী হন। এই অসহায় অবস্থায় তিনি একাকী

ভ্রমণ করিতে করিতে এক রাত্রে এক বৃক্ষতলে গিয়া ধানমগ্ন হইয়া প্রবৃদ্ধ হইলেন; তাঁহার জ্ঞাননেত্র উন্মীলিত হইল। সেই অবস্থায় তিনি জগতের যে কার্য্যকারণ-শৃঙ্খল অবলোকন করেন, তাহা এই---

অবিদা ইইতে সংস্কার (সংকার)
সংস্কার ইইতে বিজ্ঞান (সংজ্ঞা)
বিজ্ঞান ইইতে বিজ্ঞান অর্থাৎ মন ও পঞ্চেক্রিয়্
বড়ায়তন হুইতে স্পূর্ণ
স্পূর্ম ইইতে বেদনা
বেদনা ইইতে তুঞা
উপাদান ইইতে ভব
ভব ইইতে জন্ম
জন্ম ইইতে রোগ শোক জরা মৃত্যু হংখ যন্ত্রণ।

অবিদ্যাই সকল হুংথের মূল। অবিদ্যা নাশে সংস্কার বিনষ্ট দ্ব, সংস্কার বিনষ্ট হুইলে সংজ্ঞা বিনষ্ট হুয়, পরে নামরূপ, ষড়ায়তন, স্পর্শ, তৃষ্ণা, আসজি প্রভৃতি পর্য্যায়ক্রমে বিনষ্ট হুইলে জন্মবন্ধন ছিন্ন হইয়া যায়; পরিশেষে জরা মৃত্যু রোগ, শোক, সর্বহঃথ বিদ্বিত হয়। এইরপে হুংথের মূলকারণ ও মূলচ্ছেদ বৃদ্ধদেব ধ্যানযোগে স্কুস্পষ্টরপে উপলব্ধি করিলেন।

এই গভীর ধানে প্রবৃত্ত হইবার পূর্ব্বে 'মার' অর্থাৎ যম বা শয়তান কত ভয়, কত প্রলোভন দেথাইয়া অশেষ প্রকারে পীড়ন ছারা, শয়তান যেমন যীশুখুষ্টের প্রতি করিয়াছিল,

বুদ্ধকেও সেইরূপ বিপথে লইয়া যাইবার চেষ্টা করিতেছিল; কিন্তু বৃদ্ধ অটল রহিলেন। এইরূপে বৃদ্ধত্ব পাইবার পর তিনি একাকী সন্দিগ্ধ মনে বনে বনে বিচরণ করিতে লাগিলেন। তিনি নিজে যে জ্ঞানলাভ করিয়াছেন, তাহা লোকের মধ্যে বিতরণ করিবেন কি না এই সমস্যা: অবশেষে ব্রহ্মা সহাস্পতি স্বৰ্গ হইতে নামিয়া তাঁহার সমক্ষে আবিভূত হইলেন ও উৎসাহ-বাক্যে তাঁহাকে ধর্মপ্রচারে উৎসাহিত করিলেন। ব্রহ্মার প্ররোচনায় বুদ্ধদেব সভ্যপ্রচারে বাহির হইলেন। প্রথমে তাঁহার ভূতপূর্ব শিষ্য সেই পঞ্চ ভিক্ষুদিগকে উপদেশ প্রদান-মানসে বারাণসীক্ষেত্রে তাঁহাদের বাসস্থানে উপনীত হইলেন। শিষোরা তাঁহাকে বদিবার আদন দিবে না ও তাঁহার কোনরপ আতিথ্য করিবে না স্থির করিয়াছিল; কিন্তু তিনি নিকটবর্ত্তী হইলে তাঁহার স্থলর গম্ভীর মূর্ত্তি ও অমানুষ প্রশাস্তভাব দশ্নে স্তম্ভিত হইয়া তাঁহাকে যথোচিত অভ্যর্থনা করিল; তথাপি পূর্ব্ব-পরিচিত বলিয়া কেহ তাঁহার নাম ধরিয়া ডাকে—কেহ তাঁহাকে স্থা বলিয়া সম্বোধন করে-ইহাতে তিনি বিরক্ত হইয়া বলিলেন—"আমার নাম ধরিয়া ডাকিও না, আমাকে নথা বলিয়া সম্বোধন করিও না। তথাগত এখন সমুদ্ধ হইয়াছেন, দিব্য জ্ঞানলাভে লব্ধকাম হইয়াছেন। আমার উপদেশ শ্রবণ কর। মনুষ্যেরা মোহবশতঃ বিপথে পদার্পণ করে; এক দিকে বিষয়-লালসা ভোগাসক্তি,—অন্তদিকে অনর্থক কঠোর তপস্যায় শরীর ু শোষণ। আমি মধাপথ আবিদ্ধার করিয়াছি—সেই আপ্তাঙ্গিক সাধুমার্গ অবলম্বন করিয়া চলিলে দেখিতে পাইবে যে, ক্লেশের मृनष्टिम श्रेरत,—भाष्ठि ও निर्त्तानमूक्ति जाशत व्यवार्थ कन।"

এই কথা গুনিয়া ভিক্সরা অবহিত হইলেন ও তথন বৃদ্ধদেব যে উপদেশ প্রদান করিলেন, তাহাই ধর্মচক্র,—তাহাতে চারিটি গভীর তব্ব সন্নিবেশিত আছে।—

প্রথম।—সংসার নিরবচ্ছিন্ন হংখমর। জ্বনে হংখ, রোগে হংখ, জ্বামরণ হংখমর; যাহা ভাল লাগে না তাহার সঙ্গে মিলনে হংখ, ভালবাসার পাত্রের বিয়োগ হংখমর।

দ্বিতীয়।—বিষয়তৃষ্ণাই তঃখের মূল কারণ।

তৃতীয়।—এই বিষয়তৃষ্ণা সমূলে উৎপাটন করাতেই পাংথ- মৃ/
নিবৃত্তি।

চতুর্থ।—ছঃখনিবৃত্তির আটাক্লিক পথ আছে সেই পথ আশ্রষ্ঠ भू করিয়া চলিলেই বাঞ্জিতফললাভ হয়।

সে পথ কি--না

- ১। সম্কৃষ্টি।
- ২। সম্যক সম্বল্প সম্বল ঠিক রাখা।
- ৩। সমাক্ বাক্য-সত্য সরল প্রিয়বাক্য বলা।
- ৪। সমাক কর্মান্ত--সদাচরণ।
- ४। नगाक् आजीव—नर्सञ्हा अहिश्नापूर्व नाध्यीविका
   अवनयन।
- ৬। সমাক্ বাায়াম আত্মসংযম প্রভৃতি উপায়ে আত্মোৎ-কর্ম সাধন।
  - ণ। সমাক্ স্মৃতি—ধারণা ঠিক রাখা।
- ৮। সমাক্ সমাধি—জীবনের স্থগভীর তত্ত্ব সকলের ধ্যান, মন্ন, নিদিধাাসন।
  - এই আষ্টাঙ্গিক সাধুমার্গ অনুসরণ করিয়া চলিতে চলিতে

পথে কাম, ক্রোধ, দ্বেষ, হিংসা, বিচিকিৎসা প্রভৃতি যে কয়েকটি সংযোজন অর্থাৎ বন্ধন আছে, তাহা ছেদন করিতে হইবে। এই নির্দ্দিষ্ট পুণাপথে চলিলে তৃংথ শোক অতিক্রম করিয়া জীব নির্বাণরূপ পরমপুরুষার্থ লাভে সমর্থ হইবেন।

শাক্যমূনি যে সময়ে প্রাত্র্ভূত হন, সে সময়ে বৈদিক পূজার্চনা কতকগুলি জটিল কর্মকাণ্ডে পরিণত হইয়াছে, এই সকল ক্রিয়াকর্মের উপদেশদাতা যে ব্রাহ্মণ প্রোহিত—ভাঁচার আধিপতোর দীমা নাই। তিনি ব্রাক্ষণাধিপতোর বিক্লে \*— ব্রাহ্মণদিগের জাত্যভিমানের বিরুদ্ধে—ব্রাহ্মণদিগের বাহ্যাডম্বর-ময় ক্রিয়াকাণ্ডের বিরুদ্ধে—তাঁহার সরল ধর্ম-সত্য, অহিংসা, ক্ষা, দয়া, মৈত্রী, আত্মসংযম, সদাচার—প্রচলিত সহজ গ্রাম্য ভাষার আপামর সাধারণ সকল শ্রেণীর মধ্যেই প্রচার করিলেন। তিনি এইরূপে উৎসাহ এবং ওজস্বিতাসহকারে প্রায় ৪৫ वरमत कान व्यत्याधा, मिथिना, वातानमी এই ममस ब्राह्म অবস্থিতি পূর্বক স্বমতারুষায়ী ধর্ম প্রচারে প্রবৃত্ত থাকেন এবং অশীতি বৎসর বয়:ক্রমের পর দেহত্যাগ করেন। বারাণসীতে ' অবস্থিতি কালে প্রথমে উল্লিখিত পঞ্চ ভিক্ষু তাঁহার উপদেশক্রমে দীক্ষিত হয়। ক্রমে তাঁহার শিষ্য সংখ্যা বৃদ্ধি পাইতে লাগিল বর্ষানম্ভর তাঁহার শিষামণ্ডলীকে একত্র করিয়া এই উপদেশ দিলেন—"হে ভিক্ষুগণ, তোমরা আমার উপদেশ লাভে এইক্ষণে

<sup>\*</sup> আমি এ কথা বলিতে চাহি না যে, বুদ্দেবে প্রকাশ্যরূপে ব্রাহ্মণ্যধর্মের বিরুদ্ধে থড়া হত্ত ছিলেন, কিন্ত তিনি যে ভাবে ধর্মপ্রচার করিতেন, তাহাতে কলে তাহাই গাঁড়াইয়াছিল সন্দেহ নাই। শুধু ব্রাহ্মণের জাত্যভিমান কেন তিনি সকল প্রকার অভিমানেরই বিরোধী ছিলেন।

পঞ্রিপু দমন করিয়া জিতেন্দ্রি হইরাছ। এখন তোমাদের কর্ত্তব্য যে ভিন্ন ভিন্ন প্রদেশে গিয়া উচ্চ নীচ দকল লোকের মধ্যে আমার উপদিষ্ট সতা ঘোষণা কর। আমি এক্ষণকার মত উরুবেলার বনে গিয়া আমার ব্রত উদ্যাপন করি।" উক্রেলায় কিয়ৎকাল বাস করিয়া তিনি কতিপয় নৃতন শিষ্য সংগ্রহ করিলেন এবং সেখান হইতে রাজা বিশ্বিসারের রাজধানী রাজগৃহে দশিষা যাত্র। করিলেন। রাজা বহু দশানপূর্বক বুদ্ধ-দেবের দশন ও উপদেশ শ্রবণ করিয়া পরদিন তাঁহাকে °ভিক্ষু-মণ্ডলী সহ রাজবাটীতে ভোজনের নিমন্ত্রণ করিলেন। বুদ্ধদেব यथानमार उपिष्ठि हरेलन এवः बाहातानि नमाश्र हरेल বেণুবন ( বাঁশ বন ) নামক এক স্থুরমা উল্যান গুরুদক্ষিণাস্বরূপ वोक्तमभाक्रक नाम कतिया ठाँशनिशक विनाय निवन। বুদ্ধদেব এথানে অনেক বংসর বর্ষকাল যাপন করেন এবং তাঁহার অনেক উপদেশ এথান হইতেই প্রদত্ত হয় বলিয়া এই স্থান বৌদ্ধদের মহাতীর্থরূপে প্রসিদ।

ইতাবসরে এক সময়ে তিনি কপিল-বাস্ত গিয়া তাঁহার বৃদ্ধ পিতার সহিত সাক্ষাৎ করেন। সে রাজ্য হইতে প্রজাবৎসল ব্বরাজ যথন বৈরাগ্য-দীপ্ত হৃদয়ে বাহির হই য়াছিলেন, সে এক কাল, আর এই ক্ষণে সর্যাসী বেশে, মৃণ্ডিত কেশে, ভিক্ষাপাত্র হস্তে সেই রাজ্যে ফিরিয়া আসিলেন। নগরে প্রবেশ করিয়া গৌতম ঘারে ঘারে ভিক্ষা করিয়া বেড়াইতেছেন শুনিয়া রাজ্য শুদ্ধান অত্যন্ত ব্যথিত হইয়া তিনি যেথানে ছিলেন সত্তর আসিয়া সেথানে উপস্থিত হইলেন এবং কাতর স্বরে কহিলেন ধুই কি আমাদের শাক্যকুলপ্রদীপ যুবরাজ সিদ্ধার্থ ? তুমি ঘারে

ঘারে ভিক্ষা করিয়া ফিরিতেছ এ কি কথন সহা হয় ? হা বংস। এরপ কেন হইল ?" বৃদ্ধ উত্তর করিলেন "মহারাজ! আমার কলধর্ম এই।" মহারাজ কহিলেন "সে কি কথা ? কোন বংশে তোমার জন্ম ? ক্ষত্রিয়বংশীয় রাজ্পরুষেরা কি তোমার পিতৃপুরুষ ছিলেন না গ তাঁহাদের মধ্যে কেই ভিক্ষাবৃত্তি অবলম্বন করিয়াছেন, কেহ কথন কি শুনিয়াছে ?" গৌতম कहिलान "आমाর বংশ রাজবংশ নয়, বৃদ্ধের। আমার পূর্বে পুরুষ। তাঁহাদেরই চিরন্তন প্রথামুদারে আমি ভিথারী বেশে এই রাজঘারে সমাগত হইয়াছি। কিন্তু মহারাজ: আত্মপ্রভাবে এবং প্রেমবলে সেই সে মলিনবদন দীন হীন ভিথারী, মহা-প্রতাপশালী রাজরাজেশ্বর অপেক্ষাও আজ তার উচ্চাসন। আমি যে অক্ষয় অমূল্য রত্ন ভেট লইয়া আসিয়াছি, তাহা পিতদেবের চরণে সমর্পণ করি আমার একান্ত ইচ্ছা, প্রসন্ন হইয়া গ্রহণ করুন।" শুদ্ধোদন কিঞ্চিৎ অপ্রতিভ হইয়া পুত্রের হস্ত হইতে ভিক্ষাপাত্র লইয়া তাঁহাকে গৃহে লইয়া গেলেন। তথায় রাজা প্রজা মন্ত্রিবর্গ সভাস্থ সকলকে তিনি তাঁহার ধর্ম্মোপদেশ প্রদান করিলেন। চতুর্মহাস্তা, অষ্টমহামার্গ, আত্মহংষম, বৈরাগ্য, অহিংসা, অমুকম্পা, মৈত্রী, শাখত শান্তিরূপিণী নির্বাণ-মুক্তি এই সকল সতা অমৃতধারার ভাষে বর্ষিত হইল। সেই উপদেশ শ্রবণ করিয়া শুদ্ধোদন প্রীত হইলেন; তাঁহার সকল সংশয় দূর হইল, সকল ক্ষোভ মিটিয়া গেল।

যথন রাজপুত্র প্রাসাদে প্রবেশ করিলেন, তথন তাঁহাকে অভ্যর্থনা করিবার জন্ম রাজপরিবারত স্ত্রীপুরুষ সকলেই উপস্থিত হইল, কেবল যশোধরা নাই। বুদ্ধদেব জিজ্ঞাসা করিলেন,

"যশোধরা কোথায় ?" তিনি আসিবেন না শুনিয়া গৌতম রাজার সহিত জীর কক্ষে প্রবেশ করিলেন। গিয়া দেখেন, যশোধরা মলিনবেশে রুক্ষ আলুলায়িতকেশে ঘরে বসিয়া আছেন। স্বামীকে দেখিয়া তাঁহার চিরদম্বরিত প্রেমাশ্রু উথলিয়া উচিল। তাঁর পা জডাইয়। ধরিয়া কাঁদিতে লাগিলেন। পরে রাজাকে দেখিয়া সমন্ত্রমে এক পার্শ্বে উঠিয়া দাঁড়াইলেন। অভাগিনী যশোধরা এতকাল পতিবিরহে দ্বীনবেশে, অনাহারে, অনিদ্রায়, কট্টে দিনযাপন করিতে ছিলেন, রাজা সমস্ত খুলিয়া বলিলেন। বুদ্ধের মন গলিয়া ,গেল। তথন তিনি যশোধরা পূর্বজন্মে কিরূপ গুণবতী ছিলেন তাহার এক 'জাতক' গল বলিয়া তাঁহাকে সান্তনা করিলেন: পরে তিনি বিদায় লইয়া চলিয়া গেলেন। বুদ্ধদেবের উপদেশ শ্রবণে তাঁহার হৃদয় মন আরুষ্ট হইল ও বৌদ্ধদের মধ্যে সন্ন্যাসিনীশ্রেণী স্থাপিত হইবার প্র তিনি বৌদ্ধসন্ন্যাসিনীর মধ্যে প্রধানা বলিয়া পরিগণিত হইলেন। किशन-वाञ्चनिवामीत मध्य ज्यानक वृक्त-उपारम গ্রহণ क्रितित्वन। याँशाता वीक्षमभाक्षज्ञ श्रेट्रालन, ठाँशात्रत्र भरधा দিদ্ধার্থের বৈমাত্রেয় ভ্রাতা আনন্দ একজন—তাঁহার খালক দেবদত্ত, নাপিত উপালি, রাজার ত্রাতৃষ্পুত্র অনিরুদ্ধ। আনন্দ বুদ্ধের মৃত্যুকাল পর্যান্ত তাঁহার দেবা-শুক্রষায় তৎপর থাকিয়া তাঁর বিশেষ প্রিয়পাত্র হইয়াছিলেন। কিছুদিন পরে যশোধরা তাঁহার পুত্র রাহুলকে রাজপুত্রের মত বেশভ্যায় সাজাইয়া তাঁহার পিতার নিকট পাঠাইয়া দেন। রাহুলের বয়স তখন

সাত বংসর। পাঠাইবার সময় বলিলেন, "ওই যে সাধু দেখছিন, ঐ তোর পিতা। ওর কাছে কত টাকা কড়ি ঐখর্যা আছে,— কাছে গিয়া তোর বাপের ধন ভিক্ষা চাস্।" রাছল বলিল—
"আমার পিতা ? রাজাইত আমার বাবা, আর কে ?" যশোধরা
বৃন্ধকে দেখাইয়া দিলেন। রাছল বৃদ্ধের নিকট গিয়া তাঁহাকে
পিতা বলিয়া ডাকিয়া আপন পৈতৃক সম্পত্তি ভিক্ষা করিল।
বৃদ্ধ কহিলেন, "বংস! সোণা, রূপা, মণি, মাণিকা আমার
কাছে নাই। আমার কাছে যে সতারত্ন আছে, তাহা আমি
দিতে পারি, যদি আমাকে কথা দেও যে, তাহা যত্নপূর্বক বক্ষা
করিবে।" এই বলিয়া রাছলকে তাহার ধারণামুসারে ধর্মোপদেশ
দিলেন এবং বালক পিতৃ-উপদেশ গ্রহণ ক্রিয়া বৌদ্ধসমাজভুক্ত
হইল।

এই বৃত্তান্ত রাজার কর্ণগোতর হইলে তিনি অত্যন্ত মনঃক্ষ্ম হইলেন। সিদ্ধার্থ গেল, আনন্দ গেল, তাঁর লাতুপুল অনিক্দ্ধ গেল, এখন তাঁর পৌত্রটিকে তাঁর পার্য হইতে কাড়িয়া লওয়া হইল, তাঁর রাজ্যাধিকারী আর কেহই রহিল না। রাজ্যা সিদ্ধার্থের প্রতি এ বিষয়ে বিরক্তি প্রকাশ করাতে সিদ্ধার্থ নিবেদন করিলেন, "মহারাজ যাহা হইয়াছে মার্জ্জনা করিবেন, ভবিষ্যতে এরূপ আর হইবে না। পিতৃব্যের অনুমতি বিনা অল্পরন্ধস্ক বালকের দীক্ষাবিধি নিষিদ্ধ—আমি এই নিয়ম করিয়া দিতেছি। এইরূপ অনেক আখাস দিয়া কিছুদিন পরে পিতার নিকট হইতে বিদার লইয়া রাজগৃহের বেণুবনে প্রত্যাগমন করিলেন।

বুদ্ধদেবের মহাবোধি বৃক্ষতলে আধ্যাত্মিক সংগ্রাম ও বৃদ্ধত্ব প্রাপ্তি হইতে আরম্ভ করিয়া তাঁহার কপিল-বাস্ত গমন ও তথা হইতে রাজগৃহে প্রত্যাবর্ত্তন পর্যান্ত প্রায় আঠার মাস কাল অতিবাহিত হয়। এই স্বল্পলব্যাপী বৃদ্ধজীবনীর ইতিবৃত্ত বৌদ্ধগ্রন্থ সকলে আমুপুর্নিক প্রাপ্ত হওয়া যায়। ইহার পরবর্ত্তী ঘটনাবলীর কাল নির্ণয় করা স্থকঠিন, কেন না সেই সমস্ত গ্রন্থে সে বিষয়ে কোন মিল নাই। যে সমস্ত ঘটনাবলী বর্ণিত আছে, তাহা আর কিছুই নয়—গৌতম বৃদ্দের স্বরণীয় কোন কৃত্য অথবা স্বরণীয় কথাবার্তা উপদেশ। এই স্থলে তাহার বিস্তারিত বিবরণ দেওয়া আমার অভিপ্রেত নহে—কেবল ছই একটি ঘটনার উল্লেথ করিয়া এইভাগ উপসংহার করা আমার ইচ্ছা।

বৌদ্ধর্মে সদ্যোদীক্ষিত স্থুরাপরস্তের একটি বণিক্ তাঁহার প্রতিবাসী আত্মীরবর্গকে ধর্মোপদেশ প্রদান করিতে সম্ৎস্কক হইরা গুরুদেবের অন্থমতি প্রার্থনা করাতে বৃদ্ধ কহিলেন,— "আমি গুনিরাছি, স্থরাপরস্তের লোকেরা বড়ই ছষ্ট, রাগী ও অত্যাচারী, তাহারা তোমার অপবাদ ও নিন্দা করিলে তুমি কি করিবে?'' তাহার উত্তর, "আমি চুপ করিয়া থাকিব।" "তাহারা বদি তোমাকে ধরিয়া মারে?'' ভিকু কহিল, "আমি তাদের মারিব না।" "যদি তোমাকে বধ করিবার চেষ্টা করে?'' উত্তর,—''মৃত্যুর হাত এড়াইবার উপায় নাই, শমন ত আসিবেই, কিন্তু তাহাতে ভয় কি? অনেকে সংসারের জালা যন্ত্রণা হইতে মুক্ত হইবার জন্ম অনেক সময় মৃত্যু চায়, কিন্তু আমি তা করিব না। তাকে ডাকিয়াও আনিব না, আর আসে ত বারণও করিব না।'' ) এই উত্তরে গুরুদেব তুই হইয়া তাঁহাকে প্রচার কার্যে বাহির হইতে অনুমতি দিয়া আশীর্কাদ করিলেন।

আর এক সময় একটি যুবতী ত্রী তাহার পুত্রটী হারাইয়া পাগলিনীপ্রায় হইয়া ছুটাছুটি করিতেছিল। তাহার নাম <u>কি</u>সা- গোতমী। অলবয়দে তাহার বিবাহ হয় ও তাহার একটি পুত্র জনো। শিশুটি দেখিতে অতি স্থন্দর ছিল, আর বেড়াইতে শিথিবার বয়সেই সর্পদংশনে মারা পডে। গোত্মী মৃত শিশুটি কোলে লইয়া ছারে ছারে ফিরিতেছেন, যদি কেহ কোন ঔষধ দিয়া তাহাকে বাঁচাইতে পারে। একজন বৌদ্ধভিক্ষ স্ত্রীলোক-টিকে বলিল,—"তুমি যে ঔষধ চাহিতেছ, আমার কাছে তা নাই। কিন্তু আমি জানি একজন তোমাকে ঔষধ দিতে পারেন। ঐ रेगतिक वमनधाती वक्त मन्नामीत कार्ष्ट या ७, विनया निरवन।" গোত্মী বদ্ধের নিকট ঘাইয়া বলিলেন, "প্রভো। আমি আপনার নাম শুনিয়া বড আশা করিয়া আপনার কাছে এপেছি, এখন একটা ঔষধ বলিয়া দিন যাতে আমার এই ছেলেট প্রাণ দান পায়।" বদ্ধদেব কহিলেন—"আছে। বলিয়া দিব যদি আমি যে জিনিষ বলিতেছি আমায় তা আনিয়া দিতে পার: আর কিছু নয়, এক মুঠা সরিষার বীজ।" যথন গোতমী আগ্রহের সহিত আনিয়া দিতে স্বীকৃত হইল, তথন কহিলেন, "কিন্তু একটা দর্ত্ত আছে। এমন ঘর থেকে আনিতে হইবে, যেথানে বাপ, মা, স্বামী, পুত্র কিম্বা ভূত্য, ইহার কোন একজনের মৃত্যু হয় নাই।" গোতমী তাহাই অঙ্গীকার করিয়া মৃত শিশু। कारल वक्-वाकारवत्र वाड़ी घारत घारत कितिरा लागिरलन। এক মুঠা সরিষা দিতে সকলেই প্রস্তুত, কিন্তু যথন তিনি জিজ্ঞাসা করিলেন, "এ বাড়ীতে মা-বাপ-স্বামী-পুত্র কি ভূত্য কেহ মরিয়াছে কি না ? তাহারা বলিল,—"বলেন কি ? জীবস্ত লোক অন্ন, মৃতের সংখ্যাই অধিক।" কেহ বলে আমার একটি পুত্র মরিয়াছে, কেহ বলে আমার পিতামাতার মৃত্যু হইয়াছে;

#### বৌদ্ধধৰ্ম।

কেই বলে আমার ভৃত্যটি মরিয়াছে। অবশেষে যেথানে একটি লোকও মরে নাই এমন গৃহ না পাইয়া রমণী বৃদ্ধের নিকট ফিরিয়া আসিলেন। বৃদ্ধ জিজ্ঞাসা করিলেন, "বাছা, সরিষার বীজ এনেছ কি ?" পোতমী বলিলেন, "প্রভা, আনি নাই। তাহারা বলে জীবস্ত লোক অল্ল, মৃতব্যক্তিই অনেক।" তখন বৃদ্ধ তাহাকে জীবনের অনিতাতা বিষয়ে উপদেশ দিয়া বুঝাইয়া দিলেন। তাঁহার মনে প্রতীতি জন্মিল, তখন সার্থনা লাভ করিয়া বুদ্ধদেবের চরণে প্রণত হইলেন।

বৌদ্ধভিক্ষর একদিন বৃদ্ধদেবের নিকট আসিয়া জিজ্ঞাসা করিল—"ভগবন্! সন্ন্যাসাশ্রমী ভিক্ষরা স্ত্রীলোকদের সহিত কিরপ ব্যবহার করিবে ?

বুদ্ধদেব কহিলেন,—"তাহাদের প্রতি দৃষ্টি করিও না।" "যদি তাহারা সম্মুখে আদিয়া পড়ে ?"

"তাদের দূথিয়াও দেখিও না এবং তাহাদের সহিত বাক্যা-লাপ করিও না।"

"যদি তাহারা আমাদের সহিত কথা কহে, তাহা হইলে কি করিব ?"

"যদি কথা কহিতেই হয়, তবে মনে যেন কোন কুভাব না থাকে, পদ্মপত্রস্থিত জলবিন্দুর ভায় স্বচ্ছ ও নির্লিপ্ত থাকিবে।" বুদ্ধদেব আরও কহিলেন,—

"বয়োজ্যেন্চ। রমণীকে মাতৃত্ব্য, যুবতীকে ভগিনীতু্ল্য, অন্নবয়স্কা বালিকাকে হুহিতা সমান জ্ঞান করিবে।

"পরস্ত্রীর প্রতি কামাসক্ত নয়নে দৃষ্টিপাত করা অপেক্ষা তপ্রলোহপণ্ড বারা চক্ষু উৎপাটন করাও ভাল। "রমণী হাবভাবলাবণ্যে পুরুষের গ্রদম বশ করিতে চাহে, সে হৃদম বজকঠোর হইলেও রমণীর কটাক্ষবাণের নিকট পরাভৃত হয়। রমণীর হাসি অঞ তোমাদের শক্র— তাহার ভুজলতাবন্ধন হুশ্ছেদ্য—তার কেশপাশ মুনিজনেরও চিত্তবিক্ষোভকারী।

"দাবধান! দংঘনী হও, কামরিপুকে হৃদয়ে স্থান দিও না। রষ্ণীসংসর্গ হইতে দূরে থাকিয়া তোমরা শ্রমণের ত্রত পালন করিবে।"

এইরপে তাঁহার জীবনের অশীতি বংগর গত হইল: এই मीर्यकान विना इःथ करहे विना मक्टिं अवार्य काछिया त्रान, এমন মনে করা ঠিক নয়। এই সময়ের মধ্যে তাঁহার উপর দিয়া কত বিম্ন গিয়াছে, তিনি কত বিপত্তির মধ্যে পড়িয়াছেন. বলা যায় না তথাপি তিনি তাঁহার কর্ত্তব্যপ্থ হইতে তিল্মাত্র বিচ্যুত হন নাই। গৃহত্বেরা আত্মীয় স্বজন-বন্ধবিচ্ছেদে তাঁহার উপর ক্ষেপিয়া উঠিয়া তাঁহার কত অনিষ্ট চেষ্টা করিয়াছে। বান্ধণেরা স্বকীয় আধিপত্য নাশ ভয়ে তাঁহার বিরুদ্ধে কত্ ষড়যন্ত্র করিয়াছে। তাঁহার শিষ্য দেবুদুত্ত একবার তাঁহাকে মহাবিপদে ফেলিবার উপক্রম করিয়াছিল। তাঁহার ইচ্চা তিনি ্নিজে এক স্বতন্ত্র সম্প্রদায় পত্তন করিয়া গৌতমের পদারত হন। তাঁহার মনোরথ পূর্ণ না হওয়াতে তিনি গুরুমারা ফাঁদ পাতি-্লেন ৷ মগধরাজ অজাতশক্রকে ফুদলাইয়া তাঁহার বিপক্ষে উত্তেঞ্চিত করেন। রাজা গৌতমকে বধ করিবার নানাবিধ উপায় অবলম্বন করিলেন, কিন্তু কিছুতেই কৃতফার্য্য হইলেন না। পর্বত হইতে শিলাথও তাঁহার সন্থে পড়িয়া চূর্ণ হইরা

গেল। তাঁহাকে পদদলিত করিতে যে উন্মন্ত বস্তুহন্তী প্রেরিত হয়, সে তাঁহার সন্মুথে গিয়া নিরীহ শাস্তভাব ধারণ করিল। পরিশেষে এইরূপ কথিত আছে যে, রাজা অন্তুত্থ হৃদয়ে স্বীয় পাপ দকল প্রকাশ্যভাবে স্বীকার করিয়া বৃদ্ধের শরণাপন্ন হুইলেন।

এই জীবনী হইতে বুদ্দদেবের নিতা নিয়মিত জীবনকতা আমরা কতকটা কল্পনা করিতে পারি, কিন্তু শুধু কল্পনা নহে অনেকানেক বৌদ্ধগ্রহে আমরা তাহা বর্ণিত দেখিতে **পা**ই। তিনি প্রত্যুষে গাত্রো্খান পূর্বক কোন পরিচারকের সাহায্য বাতিরেকে স্নানাদি প্রাতঃক্বতা সমাপন করিতেন। হইতে ভিক্ষার্থে গ্রামে যাইবার পূর্বে যে সময় টুকু থাকিত, তাহা নির্জ্জনে ধ্যানে যাপন করিতেন। বাহির হইবার সময় হইলে তিনি ভিকুদের তায় বসনত্রয় পরিধান পূর্বক ভিকাপাত্র হত্তে কথনো একাকী, কথনও বা অনুচরসহ সন্নিহিত গ্রামে কিম্বা নগরে ভিক্ষার্থে প্রবেশ করিতেন কাঁহার দেহ হইতে অপূর্ক জ্যোতি বিনির্গত হইত। বিহঙ্গদের কলরবে এবং আকাশ হইতে মধুর ধ্বনিতে দিখিদিক্ নিনাদিত হইত। তাঁহার শুভাগমনের নিদর্শন দৃষ্টে গ্রামের স্ত্রীপুরুষ বেশভূষায় সজ্জিত হইয়া পুষ্পমালা উপহার লইয়া তাঁহাকে যথোচিত অভ্যর্থনা করিতে বাহির হইত। তাহাদের মধ্যে দুন্দ বাধিয়া যাইত কে তাঁহার আতিথা করিবে। অমুগ্রহ করিয়া আজ আমার গৃহে পদার্পণ করুন, আপনার জন্ম আপনার অতুচরবর্গের জন্ম আহার প্রস্তুত, এই বলিয়া তাঁহার হন্ত হইতে ভিক্ষাপাত্র লইয়া, উপস্থিত জনের মধ্যে কোন

গৃহস্বামী তাঁহাকে অনুচরবর্গদহ গৃহে ডাকিয়া আনিয়া তাঁহাদের আতিথ্য করিতেন। আহার শেষ হইলে বৃদ্ধদেব সমবেত লোকসকলকে উপদেশ দিতেন। শ্রোত্বর্গের মধ্যে কেহ বা গৃহত্তের মন্ত্র গ্রহণ করিত; আর বাহাদের তদপেক্ষা উচ্চাভিলাষ তাঁহারা স্ত্রাস্ত্রত গ্রহণ করিতেন। পরে উঠিয়া তিনি নিজ বাসস্থানে প্রত্যাগমন করিতেন; সেথানে তাঁহার কক্ষে প্রবেশ করিয়া মধ্যাক্ত পর্যান্ত দিবসের গতাগত কার্য্য সকল স্থিরভাবে পর্যালোচনা করিতেন। তৎপরে ঘারে দণ্ডায়মান হইয়া এইরূপ উপদেশ দিতেন "সত্যপরায়ণ হও,, দৃঢ় প্রতিজ্ঞ হও। পৃথিবীতে वृक्षमभेन धर्मछ। वृक्षत्र छेशाम नाट्यत छ्रारात अवस्था করিও না।'' পরে তাঁহার পুষ্পবাদিত কক্ষে গিয়া সন্ধ্যা পর্য্যস্ত বিশ্রাম করিতেন। সন্ধার সময় ইচ্ছা হইলে স্নান করিতেন। তদনস্তর লোকেরা আশপাশ গ্রাম বা নগর হইতে আসিয়া তাহার বাসস্থানে সম্মিলিত হইলে পর তিনি তাহাদের ধীশক্তি ও ধারণা অনুসারে ধর্মোপদেশ প্রদান করিতেন; তাঁহারা তাঁহাকে আপন আপন আদ্যাত্মিক অবস্থা জ্ঞাপন করিত : যাহার যাহা জানিবার ইচ্ছা তিনি তাহা পূর্ণ করিতেন; যাহার যে কোন বিষয়ে সংশয়, তাহা মিটাইয়া দিতেন। এইরূপে একপ্রহর রাত্রি কাটিয়া যাইত; পরে সকলকে স্থমধুর সাস্থনা বাক্যে বিদায় দিতেন। অবশিষ্ট রাত্রি কতক ধ্যান, কতক বা নিজার যাপন করিতেন, এবং প্রত্যায়ে উঠিয়া কাহার কি আবশ্যক, কাহাকে কিরূপ উপদেশ দিতে হইবে, কি উপায়ে লোকের হুঃথ মোচন ও কুশল বর্দ্ধন করিবেন, এই সমস্ত বিষয় আলোচনা করিয়া দিবদের কার্য্য স্থির করিতেন।

আতিথা সংকার আর এইক্ষণে এই চুন্দার প্রান্ন উপহার এ कृष्टेहे आभात मभान आमत्रीय। এ विषय यमि क्लान वास्क्रि সন্দেহ প্রকাশ করে, কহিও যে এ কণা আমার নিজের মুখ হইতে শুনিয়াছ।" অনেক কন্তে আন্তে আন্তে কুশীনগ্রসমীপন্ত হিরণাব্তী নদীতীরে পোঁছিয়া গৌতম তথায় কিয়দণ্ড বিশ্রাম করিলেন এবং মল্লদের এক শালবনে গিয়া বুক্ষতলে ডান কাতে শ্রান থাকিয়া মৃত্যুর পর আপনার অস্তোষ্টিক্রিয়া সম্বন্ধে আনন্দের সহিত কথোপকথন করিতে লাগিলেন। সন্ধার সময় আনন্দের विवापश्विम अभिया व्वित्वम "डारे बानम, बामात कना (बाक করিও না। আমিত তোমাদের পূর্বেই বলিয়াছি, যার জন্ম তারই মৃত্য--্যার বৃদ্ধি তারই ক্ষয়-- এমন কি কোন জিনিস আছে যাহার বিনাশ নাই? শীঘুই হউক বিলম্বেই হউক, এক সময়ে প্রিয়জনদের ছাডিয়া যাইতেই হইবে। কিন্ত यागात गुज़ रहेन जावि अना। यागात अठातिक मका मकन, আমার উপদেশ ও অফুশাসন আমার পশ্চাতে রাখিয়া যাইতেছি আনন্দ, তুমি অতি বত্নে আমার দেবা শুক্রাষা করিয়াছ--আশীর্কাদ করি তোমার কল্যাণ হউক। দুঢ়প্রতিজ্ঞ হইয়া ধর্মপথে চল, বিষয়াস্তিক, অহ্মিকা, অবিদ্যা হইতে পরিত্রাণ পাইবে। যত্তিন আমার শিষোর। গুদ্ধাচারী হইয়া স্তাপথে চলিৰে. ততদিন আমার ধর্ম পৃথিবীতে প্রচলিত থাকিবে। পাঁচ সহস্র বৎসর পরে যথন সত্যজ্যোতিঃ সংশয়-মেঘজালে আচ্ছন্ন হইবে, তথন যোগ্যকালে অন্তত্তর বুদ্ধ উদিত হইয়া আমার উপদিষ্ট ধর্ম পুনরায় উদ্ধার করিবেন। শিষ্যেরা জিজ্ঞাসা

করিলেন "দে বুদ্ধের নাম কি ?'' বুদ্ধ উত্তর ক্রিলেন"মৈতেয়।" মল্লদের শালবনে এইরূপ উপদেশ ক্রিলেন।

পর্দিন প্রাতঃকালে তিনি স্কল্কে জিজ্ঞাসা করিলেন ব্দ্বের প্রতি কাহারো কিছু সন্দেহ আছে কি না। আনন্দ কহিলেন – "গুরুদেব। আশ্চর্যা এই যে এত লোকের মধ্যে কাহারে। একটি বিষয়েও কোন সন্দেহ নাই। সভাের প্রতি, বৃদ্ধের প্রতি ধর্মের প্রতি আমাদের দকলেরই বিশ্বাস অটল, কাহারে। মনে তিলমাত্র সংশয় নাই।" পরে বৃদ্ধদেব क्रनकान खन्न थाकिया भूनवीत कहितन "यात जन्म जात क्रम उ মৃত্যু অবশান্তাবী--- দতাই মৃত্যুঞ্জয় হইয়া চিরকাল বাস করিবে। . তোমরা যত্নপূর্বক সতাধর্ম পালন করিয়া আপন মুক্তিসাধন কর।" এই কয়েকটী কথা বলিয়া তিনি গভীর ধাানমগ্ন হইয়া নির্বাণ রাজ্যে প্রয়াণ করিলেন। তাঁহার নির্বাণের সঙ্গে সঙ্গে ভয়ন্বর ভূমিকপ্পে হালোক ও ভূলোক কম্পিত হইল – ্প্রচপ্ত বজ্রশ্বনি গগন ভেদ করিয়া উঠিল। ব্রহ্মা সহাম্পতি এবং শক্তের কণ্ঠ হইতে আকাশবাণী হইল—"হায়! বুদ্ধদেব মর্ত্ত্যন হইতে অন্তহিত হইলেন—পৃথিবীর আলোক নিবিয়া গেল।"

তদনস্তর চক্রবর্ত্তী নৃপতির মরণোত্তর যে অন্ত্যেষ্টি-বিধান শাস্ত্র বিহিত, দেই বিধানামুদারে বৃদ্ধদেবের অন্ত্যেষ্টিক্রিয়া (ক্রুশীনগরের) প্রধান প্রধান নাগরিক কর্তৃক যথাবিধি মুম্প্রতিত হইলে তাঁহার দেহাবশেষ গ্রহণ করিতে অনেকানেক রাজ্য হইতে ভক্তগণ আদিয়া উপস্থিত হইল। দেই দগ্ধদেহের ভন্মরাশি আট ভাগে বিভক্ত হইল এবং প্রত্যেকের উপর একটি স্তৃপ ভিন্ন ভিন্ন স্থানে স্থাপিত হইল। মহাপরিনির্জাণ স্থাতে বৃদ্ধের মৃত্যুর পূর্বেশেষ তিন মাদের ঘটনাবলীর সবিশেষ বৃত্তান্ত বর্ণিত আছে। ইহা হইতে এবং অস্থান্ত প্রাচীনতর গ্রন্থ হইতে দেখা যার যে বর্ধার চারি মাদ ছাড়িয়া অবশিষ্ঠ করেক মাদ তিনি প্রায় প্রত্যহ আট দশ ক্রোশ পদর্বজে ভ্রমণ করিয়া বেড়াইতেন। ইহাই তাঁহার বল, স্বাস্থ্য ও দীর্ঘায়ুর কারণ বলিয়া প্রতীয়মান হয়। পূর্বেই বলা হইয়াছে যে প্রবৃদ্ধ হইবার পর প্রায় ৪৫ বংশর তিনি স্বীয় মতান্থায়ী ধর্মপ্রচার করিয়া বেড়ান। এইরূপে দক্ষিণু-পূর্বে পাটনা হইতে উত্তর-পশ্চিম দরস্বতী পর্যান্ত এক দিকে প্রায় দেড়শত জোশ, অন্ত দিকে পঞ্চাশ জোশ ব্যাপিয়া, তিনি তাঁহার জীবদ্দশার দেশ বিদেশ পরিভ্রমণ করেন এবং এই বিস্তীর্ণ প্রদেশে রাজা প্রজা, ধনী দরিজ, পণ্ডিত মূর্য, বহুবিধ জনপদের সমাগ্রম তিনি মানবপ্রকৃতি—মন্থ্যের ভাব গান্তি, রীতি নীতি, স্থুখ ছঃখ, আশা ভরদা তলাইয়া বুঝিবার বিস্তর স্থােগ পাইয়া-ছিলেন সন্দেহ নাই।

বৃদ্ধদেবের যথন অশীতি বংসর বয়ঃক্রম, তাঁহার ধর্মপ্রচারের প্রারম্ভ হইতে চতৃশ্চন্থারিশং বংসর, তথন তিনি পাটলিপ্রক্রী আধুনিক পাটনা নগরের স্থানে গঙ্গা পার হইলেন। দেখানে গিয়া দেখেন রাজা অজাতশক্রর মন্ত্রীগণ পাটলিপ্রের হুর্গনির্মানে বাস্ত, মগধের ভাষি রাজধানীর সেই প্রথম পত্তন। তাহার রাজ্যপ্রী সহস্রবংসর স্থায়ী হইবে বৃদ্ধ এইরপ ভবিষাধাণী করিরা যান। দেখান হইতে বৃদ্ধি জাতীয় লিচ্ছবিদের আবাসন্থান বিশ্রামান প্রকিক অন্ত্রপালী গণিকার আত্রবনে বিশ্রামাকরেন ও নাগরিকদের আমন্ত্রণ অগ্রাহ্য করিয়া গণিকার

ভবনে গিয়া আহারাদি করেন। সেই সময় অম্বপালী তাঁহার উদ্যানগৃহ বৌদ্ধ সজ্যে উৎসর্গ করে। বৈশালীর কূটাগারে তাঁর ধর্মের সারতত্ত্তিলি, যথা চারপ্রকার ধানে, চতুঃশমপ্রধান ধর্ম, চারি ঋদ্ধিপুদ, অধ্যাত্মিক পৃঞ্বুলু, সপ্ত বোধান্ত, অষ্টান্ত মার্গ ব্যাখ্যা করিয়া উপদেশ দিলেন ও পরদিন ভিক্ষার পর বৈশালী ছাড়িয়া চলিলেন। বৈশালী হইতে তিনি ভগুগ্রাম ও আর কতকগুলি গ্রাম অতিক্রম করিয়া অবশেষে কুশীনগর গাতা করেন-ইহা কপিলবাস্ত হইতে পূর্বাদিক প্রায় ২০ ক্রোশ দূর। কুশীনগর যাত্রা কালে (পারা) গ্রামের প্রান্তবর্ত্তী আম্রবনে কিয়ৎ-কাল বিশ্রাম করেন। এই ভূমি চুন্দা নামক জনৈক কর্মকার বৌদ্ধ-সমাজে দান করিয়াছিলেন। চুন্দা ভিক্ষুকদের জন্ম তণ্ডুল ও বরাহমাংস প্রস্তুত করিল। প্রবাদ এই যে সেই মাংস ভোজন করিয়াই বুদ্ধদেব পীড়িত হন এবং এই পীড়াতেই তাঁহার প্রাণ-বিষোগ হয়। অপরাহে কুশীনগরের পথে কিয়দূর চলিয়া শ্রান্তি-বোধ হওয়াতে তিনি বসিয়া পড়িলেন এবং আনন্দকে বলিলেন-"আমার বড় তৃষ্ণা লাগিয়াছে, জল আনিয়া দেও।" আনন্দ জল আনিয়া দিলেন। অল দূরে কুকুষ্ট নদী বহিতেছিল – তীরে পৌছিয়া নদীতে শেষ বারের মত স্নান করিয়া লইলেন। মৃত্যু আসর দেখিয়া এবং লোকে পাছে চুন্দার প্রতি দোষারোপ ও কটুবাক্য প্রয়োগ করে এই আশস্কায় আনন্দকে বলিলেন "আমার মৃত্যুর পর চুন্দাকে বলিও দে বড়ই পুণ্যফল উপার্জন कंत्रियाह्य: क्यांखरत जारांत कलाांग रहेरत। जारांत अन्छ অন্নাহার করিয়া আমি মৃত্যুক্তপ আরোগা লাভ করিলাম निसीनमूर्य উপনীত श्रेनाम। आमात त्काएत পूर्व स्वाजात

# দ্বিতীয় পরিচ্ছেদ।

## বৌদ্ধ ইতিহাদের কালনির্ণয়।

বৃদ্ধদেব ঠিক কোন্ সময়ে আবির্ভূত হইয়াছিলেন, কোন্
সময়ে তাঁহার মৃত্যু হয়, বৌদের। কোন্ সময় হইতে কোন্ সময়
পর্যান্ত এদেশে বিদ্যমান ছিলেন ও কোন্ সময়য়ই বা এখান
হইতে অন্তহিত হন, আমাদের সকলেরই সে বিষয়ে জানিবার
কৌত্হল হইতে পারে। ছুর্জাগাবশতঃ কাল নির্নপণের বেলায়
আমাদের প্রাচীন ইতিহাস হইতে সাড়াশক কিছুই পাওয়া যায়
না। যুক্তি ও অনুমান, শিলালিপি ও প্রোথিত ধাতৃমুদ্রা ইত্যাদি
সাধন ও উপকরণ হইতে যাহা কিছু স্থির করা যায়, ভাহাতেই
একপ্রকার সন্ত্রই থাকিতে হয়। ত্ত্রাপি বৌদ্ধ ধর্মের উদয়ান্ত,
উল্লভি অবনতির কাল কতকগুলি বিশেষ কারণ বশতঃ নির্নপণ
করা অপেক্ষাক্কত সহজ। সেই সকল কালনির্ণায়ক নিদর্শন
সংক্ষেপে প্রদর্শিত হইতেছে।

প্রথমতঃ, বৃদ্ধ শাক্যসিংহের মৃত্যুকাল যতদূর জ্ঞানা যায়, খুব সম্ভব পূ: খু: ৪৮০ বৎসর বলিয়া নির্দ্ধারিত হইয়াছে।

দ্বিতীয়তঃ, বুদ্দের মৃত্যুর পর বৌদ্ধদের চারিটি মহাসভা হয়; তাহার কালও এক প্রকার নির্দেশ করা যাইতে পারে। তন্মধ্যে মগধ রাজ্যাধিপতি অশোক রাজার মহাসভা সর্বাপেক্ষা প্রসিদ্ধ। এই অশোক রাজা গ্রীকদের সাক্রাকোতস্ (চক্রগুপ্তের) পৌত্র;

পাটিলিপুত্র (পাটনা-) ইঁহার রাজধানী। অশোক রাজার পূর্বে ছইটি বৌদ্ধ সভা হয়। বৃদ্ধের মরণোত্তর অনতিকালবিলম্বে **রাজ**গৃহে রাজা অ**জা**তশক্র আশ্রয়ে ইহার প্রথম সভায় বৌদ্ধ-শাক্ত প্রস্তুত হয়। ঐ শাস্ত্র তিন প্রকার ;—সুত্রপিট্রু (বুদ্ধের কথাবার্ত্তা), বিনয়পিটক (ব্যবহার ধর্ম) ও অভিধর্মপিটক (দর্শনশাস্ত্র); এই তিনের সমবেত নাম ত্রিপিটক। ভারত-বর্ষের ভূপতিগণের মধ্যে প্রথমে প্রকাশাভাবে মগধরাক অশোক খৃষ্টপূর্ব তৃতীয়শতাকীতে বৌদ্ধর্ম অবলম্বন করেন। তাঁহার উৎদাহ প্রভাবে বৌদ্ধর্মের সমধিক শ্রীবৃদ্ধি সম্পাদিত হয়। তাঁহার অনুশাসন লিপি সকল প্রোথিত স্তন্ত, গিরি ও গিরিগুহায় থোদিত, কাবুল নদীর উত্তর হইতে দক্ষিণে মহীশুর পর্যান্ত --পূর্বে উড়িষা হইতে পশ্চিমে গিরনার (কাঠেওয়ার) পর্যান্ত-পূর্বাপর তোয়নিধির মধান্ত সমুদয় ভারতবর্ষে প্রক্রিপ্ত রহিয়াছে। এই সকল লেখ আবিষ্কৃত ও অর্থ সহিত অমুবাদিত হইয়াছে। এই সকল অনুশাসন পত্রে অশোকরাজার স্বধর্মা-মুরাগ, উদার নিঃস্বার্থতা, দয়া দাক্ষিণা অহিংসাদি গুণের যে, দেদীপ্যমান প্রমাণ পাওয়া যায়, তাহা হইতেই আমরা বুঝিতে পারি কেন তিনি ধর্মাশোক নামে বিখ্যাত হ**ইলে**ন। তাঁহার একটি খোদিত স্তম্ভ বুদ্ধদেবের জন্মভূমি কপিলবান্তর চিহ্ন স্বরূপ নির্শ্বিত হয় তাহা তিন চারি বৎসর হইল আবিষ্কৃত হইয়াছে।

তৃতীয়তঃ, দেক দর সা'র ভারত আক্রমণের পর হইতে যে কম্মেক জন গ্রীস দেশীয় লোক ভারতবর্ষ পরিদর্শনার্থ আগমন করেন, তাঁহাদের লিখিত বিবরণ হইতে তৎকালবর্তী ধর্ম ও রীতি নীতি বিষয়ক কিছু কিছু জ্ঞানলাভ হয়। ইহাদের মধ্যে

প্রীক্ থেগান্থিনীস একজন প্রসিদ্ধ । তিনি প্রাক্তি পৃষ্টাবের ত০০ বংসক পৃথির নগধ রাজধানী পাটলিপুত্রে কিয়ংকাল বাস করেন এবং তাঁহার সমসাময়িক ভারতের সামাজিক অবস্থান্ত্রান্ত অল্ল বিশুর লিখিয়া যান। তিনি প্রাহ্মণ ও প্রমণ এই সুই শ্রেণীর লোকের বিষয় উল্লেখ করেন; এবং বৌদ্ধদের কথা প্রসঙ্গে বলেন, যে কতকগুলি শ্রমণ অর্থাৎ সন্ন্যাসী কেবল দন্ধা—ধর্ম্মের অনুষ্ঠান উদ্দেশে লোকের চিকিৎসা করিয়া বেড়ান; কাহার নিকট কিছু গ্রহণ করেন না; অপর কতকগুলি ধর্ম্ম-প্রচারক লোকদিগকে নরক ভয় প্রদর্শন পূর্ব্বক ধর্মোপদেশ প্রদান করেন। কোন কোন সংস্কৃত নাটক হইতে এই বাক্যগুলির সত্যতার পোষকতা প্রাপ্ত হওয়া যায়।

চতুর্থতঃ, চীন পরিব্রাঞ্জ দিগের শ্রমণ বৃত্তান্ত। চীনদেশীয় অনেক তীর্থবাত্রী তীর্থশ্রমণ উদ্দেশে খৃষ্টান্দের একাদশ শতান্দ্রী পর্যান্ত ভারতবর্ষে আগমন করেন। বৃদ্ধ গয়াতে ভারান্দের খোদিত লিপি বিদ্যমান আছে ও তাহার মধ্যে অনেকের নামপ্ত সান্নবিষ্ট রহিয়াছে। এই সকল যাত্রীর মধ্যে ফাহিয়ান ও হিউ-এন্ সাং আমাদের বিশিষ্টরূপে পরিচিত। তাহাদের আগমনের প্রের্ব ভারতবর্ষীয় বৌদ্ধ সম্প্রদারের সবিশেষ বৃত্তান্ত কিছু প্রাপ্ত হওয়া যায় না। এই শতান্দীর প্রত্নত্ত্ব সম্বন্ধীয় যে মহান্ আবিক্রিয়া—বৃদ্ধন্দ শৃত্তি বিবরণই তাহার সাধনীভূত। ফাহিয়ান ওচন খৃষ্টান্দের কিথিত বিবরণই তাহার সাধনীভূত। ফাহিয়ান ওচন খৃষ্টান্দে স্থান্ত তীর্থ জ্মণ করেন এবং হিউএন্ সাং ৬০০ খৃষ্টান্দ হইতে ৬৪৫ খৃষ্টান্দ পর্যান্ত পরিক্রমণ পূর্বক ভারতবর্ষীয় হিন্দু ও বৌদ্ধ উভয়ধর্ম্ম

সংক্রান্ত নান। বিষয় লিথিয়া বান। তাঁহারা উভয়েই-গান্ধার, ভক্ষশিলা, মথুরা, কান্তকুজ, শ্রাবস্তী, কপিলবাস্ত, বৈশালী, মগধ, পাটলিপুত্র, নালন্দ, রাজগৃহ, গয়া, বারাণদী, তামলিপু, কোশল প্রভৃতি বিবিধ স্থানস্থিত বিহার ও বিহারবাসী বহুসংখ্যক ভিক্ ে। মণ্ডলী দশন করেন। হিউএন্ সাং তদতিরিক্ত প্রয়াগ, সারনাথ, উৎকল, কলিঙ্গ, ভরোচ, মালব, উজ্জিয়িনী, দ্রাবিড়, ক।श्लीপুর, মলয়, কোন্ধণ, গুজরাট, কচ্ছ, মুলতান, থানেশ্বর, প্রভৃতি বিবিধ স্থান পরিভ্রমণ পূর্বক প্রায় সমগ্র ভারত ভূমিতেই বৌদ্ধর্ম প্রচলিত দেখেন। কিন্তু ফাহিয়ানের সময় অপেক্ষা তাঁহার সময় এ ধর্ম্মে কিয়ৎ পরিমাণে হীন দশা উপস্থিত হইয়াছিল দেখা যায়। ফাহিয়ান যে সমস্ত বৌদ্ধতীর্থ ও বৌদ্ধ দেবালয়ের কার্যা স্বন্ধর পে প্রচলিত দেখেন, হিউএন্ সাং তাহার মধ্যে অনেকা-নেকস্থান ও তদতিরিক্ত অন্ত অন্ত বহুতর বৌদ্ধক্ষেত্র ভগ্ন, ভগ্নপ্রায়, বা একেবারে শৃত্ত দেখিতে পান এবং কোন কোন ष्टांन क्रमणः रोक्षधरर्यंत्र रक्षन श्रहेरा निर्मुक श्रेषा शिलूधरर्यंत्र অধীন হইতেছে দেখিয়া যান। ঐ সময় হইতে খুষ্টাব্দের একাদশ শতাকী পর্যান্ত ক্রমশঃ বৌদ্ধধর্মের অবনতি। সপ্তমু শতাকীতে কান্তকুজাধিপতি <u>শ্রীহর্ষ</u> পূর্ব্বাবলম্বিত বৌদ্ধধর্ম পরিত্যাগ করিয়া জৈনধর্ম গ্রহণ করেন। ঐসময়ের পর যে জৈন সম্প্রাদায়ের প্রাহর্ভাব হয়, মহীশূর, বিজয় নগর, আবু প্রভৃতি অনেক স্থানের খোদিত লিপিতে তাহার স্বস্পষ্ট প্রমাণ প্রাপ্ত হওয়া ্যায়। তাহাদের যেমন উন্নতি হইতে লাগিল, বৌদ্ধদম্প্রদারের সেই রূপ ष्परनि हरेबा वातिल। अनित्क वातात्र हिन्दूधर्म उाँहात्र সহস্রবংসরব্যাপী বুমঘোর হইতে উত্থান করিয়া বৌদ্ধর্মের

উচ্ছেদ-সাধন-ত্রতে কটিবদ্ধ হইলেন। খৃষ্টাব্দের দ্বাদশ শৃত্যাকী শেষে এবং তাহার পরেও কিছুদিন বৌদ্ধেরা যদিও ভারতম্বর বিদ্যমান ছিলেন, কিন্তু নিতান্ত অবসন্ন হইয়া পড়েন সক্ষেত্র নাই। চতুদিশ শতাকীতে বৌদ্ধধর্ম একেবারে অন্তর্হিত বেকি

পণ্ডিতপ্রবন্ধ কুমারিল ভট্ট এবং শঙ্কর ও রামান্ত্র্জ্ব এই পুনরুদ্দীপ্ত হিল্প্র্য্ম প্রণালীর প্রধান প্রবর্ত্তক। কুমারিল ভট্ট বৌদ্ধসম্প্রদায়ের একজন প্রবল বিপক্ষ ছিলেন। তিনি সম্ভবতঃ খৃষ্টায় অষ্ট্রম শতাক্ষীর প্রথমার্ক্তে বর্ত্তমান ছিলেন। তিনি নিজ গ্রন্থে পুনঃ পুনঃ বৌদ্ধ-মতের প্রতিবাদ করেন এবং ঝৌদ্ধদের প্রতি যারপর নাই বিদ্বেষ প্রকাশ করিয়া যান। বেদভাষ্যকার স্থবিখ্যাত সায়ণাচার্য্যের ল্রাতা মাধবাচার্য্য লিখি-য়াছেন, কুমারিলের সহায়ভূত স্থধনা রাজা বৌদ্ধসম্প্রদায় সংহার উদ্দেশে এই আদেশ প্রচার করেন যে,—

আসেতোরাতুষারাদ্রে বৌদ্ধানাং রৃদ্ধবালকান্।
ন হস্তি যং স হস্তব্যো ভৃত্যানিত্যস্থাামূপঃ॥
রাজা স্বকীয় কার্য্যকর্তাদিগকে আদেশ করিলেন, একদিকে
সেতৃবদ্ধ রামেশ্বর, অপরদিকে হিমালয় পর্বত, ইহার মধ্যে
আবালর্দ্ধ যত বৌদ্ধ আছে সকলকে সংহার কর। যাহারা
বধ না করে, তাহারা বধ্য।

শহরাচার্য্য কুমারিলের উত্তরকালীন লোক, তিনিও বৌদ্ধবিধেষী বলিয়া প্রথ্যাত। যেরপে তিনি হিন্দুসমাজে ধর্ম্ম-বিপ্লব উপস্থিত করেন, তাহা প্রদিদ্ধই আছে। প্রীযুক্ত অক্ষয়-কুমার দত্ত তাঁহার প্রণীত ভারতবর্ষীয় উপাসক সম্প্রাদায় নামক গবেষণা ও পাণ্ডিত্য পূর্ণ গ্রন্থে শঙ্করের কালনির্ণয় সম্বন্ধে যাহা কিথিয়াছেন, তাহা যুক্তিনঙ্গত বোধ হয়। তিনি বলেন, চীনদৈশীয় তীর্থয়াত্রী হিউএন্ সাং সপ্তম পৃষ্টাব্দের প্রথমার্দ্ধে
ভারতবর্ষে অনেক বর্ষ অবস্থিতি করিয়া সর্বস্থান পরিভ্রমণ
পূর্ব্বক ভারতবর্ষীয় জ্ঞান, ধর্ম ও অন্ত নানাবিষয়ে যেরূপ
সবিশেষ বর্ণন করেন, তাহাতে ঐ সময়ে বা তাহার কিছু পূর্ব্বে
যদি হিল্পুনমাজে তাদৃশ ধর্মবিপ্লব সজ্যটিত বা আন্দোলিত হইত,
তাহা হইলে তাঁহার ভ্রমণ বিবরণে সে বিষয়ের প্রসঙ্গ না
থাকা কোন রূপেই সঙ্গত নয়। যথন ঐ ভ্রমণ বিবরণে সেরূপ
ধর্মান্দোলনের কিছুমাত্র নিদর্শন নাই, তথন ঐ সময়ের উত্তর
কালে কোন সময়ে শঙ্করাচার্যোর প্রাত্তাব সর্ব্বরেভাবে সম্ভব।
যতদুর জানা গিয়াছে শাঙ্কর ভাষা রচনার কাল খৃষ্টাব্দ ৮০৪।

# তৃতীয় পরিচ্ছেদ।

# দর্শন, নীতি, পরকাল ও নির্ব্বাণ।

উপরে বৃদ্ধের জীবন-বৃত্তান্ত সংক্ষেপে বর্ণিত হইরাছে; এখন বৌদ্ধর্মের সংক্ষিপ্ত সমালোচনার প্রবৃত্ত হওয়া যাক্। শাকামুনি প্রবৃদ্ধ হইয়া যে কার্য্যকারণশৃত্থাল ( বালুশ নিলান) ধ্যানযোগে উপলব্ধি করেন, তাহার অর্থ কি ? এই দামুল

নিদানের অনুক্রম একের পর এক ধে হইতে যাত্রারঙঃ শয়ন তাহা কতদ্র যুক্তিসঞ্জ, তাহা সাধাস্তার ছুঃখুটে ক্থন মোটামুট এই দেখা যাইতেছে যে অবিদ্যা শীর্ষস্তানে ক্রক দুৱা-অবিদ্যাই ছঃথোৎপত্তির মূল কারণ বলিয়া নিরূপিত হংশবি— বেদাস্ত-দর্শনের সহিত এই বিষয়ে বৌদ্ধশাস্ত্রের ঐক্য দেখ। যাইতেছে। বেদাস্ত মতেও অবিদ্যা হইতে তাবৎ ভবযন্ত্রণা**র** উৎপত্তি। এই মহারিপু দমন করা উভয় শাস্ত্রের উদ্দেশ্য। তবে বেদান্তের অবিদ্যা আর বুদ্ধের অবিদ্যা এক নহে। বৈদাস্তিকেরা বলেন, জীব ও ত্রন্মের মধ্যে এই অবিদ্যারই ব্যবধান। এই ব্যবধান দূর হইলে "সোহতুম্" বলিয়া যে অভেদ জ্ঞান জন্মে, তাহা হইতেই জীব ব্রহ্মে একীকরণ সংঘটিত হয়। অবিদ্যা দারা আচ্ছাদিত ব্রন্ধই জীব। অবিদ্যা**র**প আবরণের উচ্ছেদ হইলে জীব ব্রহ্মস্বরূপ প্রাপ্ত হন। সেই আবরণচ্ছেদই মুক্তি। বুদ্ধের অবিদ্যা স্বতন্ত্র, ত্রন্ধবিদ্যার সহিত তাহার কোন সম্পর্ক নাই। অবিদ্যা সেই, যাহা জীবনের প্রকৃত তত্ত্বজীবের নিকট হইতে প্রচছন করিয়া রাখে — সেই যত অনর্থের মূল। যদি কোন ব্যক্তির রজ্জাতে সর্পত্রম হয়, তাহা হইলে সে ভ্রম যতক্ষণ থাকে, ততক্ষণ সে অকারণ দর্শভরে ভীত, দেই ভ্রম অপনীত হইলে দর্শভরও দুর হয়— এও সেইরূপ। এই অবিদ্যার অপগমে হু:থোৎপত্তির বাস্তবিক কারণ আমাদের জ্ঞাননেত্রে প্রতিভাত হয়। সেই কারণ কি— না বিষয়ত্ত্বা-তৃষ্ণা হইতে আসক্ত্রি-আসক্তি হইতে জুনু-তাহার সঙ্গে সঙ্গেই রোগ শোক তঃথ কষ্ট। এই জন্মবন্ধন रहेट मुक र अप्राहे मुकि। अविमा मृत रहेटन जारात नीटित

#### वोक्षभर्भ।

তৃটিয় যায়; এক কথায়, আমার আমিছ
বন্ধন ছিল্ল হয়, এবং নির্বাণপথ উলুক্ত হয়।
াপ্ত হইবার পর বৃদ্ধদেব যে চতুর্মহাসত্তার উপদেশ
, তাহাই বা কি ? ইহাতে নৃতন কথা কিছুই নাই।
ভীবের তঃখ (২) তঃথের কারণ (৩) তঃথের ম্লোচ্ছেদ (৪) তাহার উপায় নির্ধারণ এবং উপায় চেষ্টা।
উপায় নির্ধারণ ক্রিতে গিয়া অষ্ট মহামার্গ্রপ বৌদ্ধ নীতিশাস্ত বিবৃত হইয়াছে।

বৌদ্ধর্ম ও সাংখ্য মতের অনেক বিষয়ে পরস্পর একা **प्रतिका ज्ञान कर्म क्रिक्स क्रिक्स क्रिक्स क्रिक्स क्रिक्स** करतन। आवात (कह (कह वरनन, काशिन माश्यामर्गन এই বৌদ্ধ শাস্ত্রের অনুদর্শন। কপিল ৬ বৃদ্ধ উভয়েই <u>্নিরীশববাদী। বৌদ্ধু ও দাংখা উভয় মতেই সংসার নিরু-</u> ৰচ্ছিল তু:খুমুল ; দেই তু:খ হইতে জীবের পরিত্রাণ সাধন চেষ্টা ঐ উভয় মত প্রবর্তনেরই মূলস্ত্র। বুদ্ধের জন্মস্থান কপিলবাস্ত, বৃদ্ধের মাতার নাম মায়া (প্রকৃতি)। এ ছইটিও সাংখ্য মতের পরিচায়ক। বৌদ্ধদের এইরূপ এক উপাখ্যান चाছে যে বৃদ্ধ পূর্বে জন্মে কপিল ছিলেন। শাক্যবংশীয় নুপতিরা আপনাদের নগর নির্মাণের স্থান নিরূপণ করিতে গিয়া কপিল ঋষির কুটীর দর্শন ও তাঁহার সহিত সাক্ষাৎ করিলে পর, তিনি তাঁহাদিগকে একটি স্থান নির্দেশ করিয়া मिलान, त्में शांत नगत निर्मिष्ठ श्रेटल, कशिलात नामा-মুদারে তাহার নাম কপিলবাস্ত হইল। দে যাহা হউক, এই উভয় মডের যেমন দৌসাদৃশ্য আছে, তেমনি অনেকাংশে

## বৌদ্ধধৰ্ম।

ভিন্নতা ও দৃষ্ট হয়। উভুয়েই একস্থান হইতে যাতারঙ্ য়াছেন, উভয়ের ছাড়িবার স্থান এক—মুমুরোর ছঃখা কিন্তু গ্যাস্থান স্বতন্ত্র এবং গস্তব্যপথ্ও অনেক ঐকান্তিক ছঃথ নিবৃত্তি উভয়েরই লক্ষ্য কিন্তু সে লক্ষ্য ি সিদ্ধ হয় ? কপিল মুনি তুইটি মূলতত্ত্ব মানিয়া চলেন, প্রক্লা আর পুরুষ। সত্তরজন্তমোগুণাত্মিকা প্রকৃতি নর্ত্তকীর ন্যাই পুরুষের সম্মৃথে <u>সংসাররূপ মায়ার</u> থেলা থেলিতেছেন, পুরুষ নিজদর্পণে তাহা দর্শন করিতেছেন। প্রকৃতির এই মায়াময়ী 🖊 প্রতিক্বতি অপসারিত করিয়া, প্রকৃতির অজ্ঞানরচিত আবরণ জীর্ণ বস্ত্রের ভায় ফেলিয়া দিয়া পুরুষ যথন প্রকৃতি হইতে স্বতন্ত্র রূপে আত্মস্বরূপ সাক্ষাৎ উপলব্ধি করেন, তথন সেই মারার খেলা থামিরা যার; তথনি তিনি ছঃখক্লেশ, জন্মমৃত্যু **इहेरक मुक्तिनां करातन। त्**कृ ध मकन करवृत **केरेह्नभ करात**न নাই। বুদ্ধের রাজ্যে পুরুষের অন্তিত্ব নাই। তিনিও বলেন সকলি অনিত্য-সকলি ক্ষয়শীল-সকলি তুঃখময়; কিন্তু এই ুপরিবর্ত্তনশীল নামরূপের মৃলে সত্যবস্ত কিছুই নাই। বুদ্ধের গমাস্থান নির্বাণ---বেদান্তের ত্রদ্ধজানও নহে---সাংথ্যের স্থাত্ম-তবঁও নহে - কিন্তু নির্কাণ, যার মূলার্থ নিবিয়া যাওয়া--অন্য কথায়, জীবাত্মার অন্তিত্ব লোপ। তাঁহার মতারুযায়ী এই নির্বাণ মুক্তি কি, তাহা পরে সবিশেষ আলোচিত হইবে। কিন্তু বুদ্ধ নিজে যাহাই বলুন, তাঁহার অফুচরের তাঁহার নামে যে দর্শন-তত্ত প্রচার করিয়াছেন, তাহা শৃস্তবাদ বই আর কিছুই নহে। আমিও মিথ্যা, জ্বপুৎও মিথ্যা, क्शरङ्ख भूगकार्ग जेश्वत्र भिथा।

### विकथर्भ।

কগুলি দার্শনিক তত্ত্ব ও বিশেষ বিধান ছাড়িয়া দেখা যায় যে বৌদ্ধধর্ম মহুব্যের প্রকৃতিমূলক সহজ্ব তি ভিন্ন আর কিছুই নহে। বৃদ্দদেব ভাষুয়, সূত্য, গোদি নীতির প্রাধান্ত প্রদর্শন করিয়া ও সেই সমুদায়ই শিনবকুলের সলগতি সাধক বলিয়া তদীয় অন্প্র্ভানের ব্যবস্থা দেন। খ্রীষ্ট ধর্ম্মের ন্যায় বৌদ্ধ ধর্মেও দশান্ত্শাস্ন প্রচলিত, ত্রমধ্যে গৃহস্থ সাধারণের জন্ত এই পাঁচটি নির্দেশিত আছে—

- ্র বৃধু করিও না।
- অপহরণ করিও না।
- <u>ব্যভিচার দোষ করিও না।</u>
- 😗 মিথ্যা কহিও না।

### িঃসুরাপান করিও ন। ∤

ভিক্ষদের জন্ত তদভিরিক্ত অপর পাচটি ব্যবস্থা আছে;
যথা, ছিকালভোজন, নাট্যাদি দুশন, উত্তম পরিচ্ছদ, প্রশস্ত
শ্বা, বুল রৌপ্যাদি দান গ্রহণ, এই পঞ্চ ব্যসন হইতে
বিরতি। উচ্চশ্রেণী ভিক্ষদের জীবনত্রত যারপর নাই কঠোর।,
শ্রশানে যে সকল ছিন্ন বস্তাদি কুড়াইয়া পাওয়া যায়, তাহা
আপন হস্তে সেলাই করিয়া পরিতে হইত; তাহার উপর
এক গেরুয়া বসন। আহার যত সামাত্ত সাদাসিধা হইতে
পারে, আর ঘারে ঘারে ভিক্ষা করিয়া তাহাদের ভিক্ষাপাত্রে
যাহা কিছু সংগ্রহ করিয়া আনিতে পারে, তদ্ভিন্ন অত্যোপায়ে
ধনোপার্জ্জন নিষিদ্ধ। দিনের মধ্যে একাহার, মধ্যাহ্লের পর
আহার নিষেধ। বনই তাহাদের আশ্রম, বৃক্ষতল তাহাদের
আশ্রম স্থান। সেধানে বড় জোর আসন বিছাইয়া বসিতে

পার, কিন্তু কলাপি শরন করিবে না—নিদ্রার সময়েও শয়ন নিষেধ। নিদ্রা যাইবে সেও বিসিয়া বসিয়া। যদি কথন গ্রাম কিন্তা নগরে যাইতে হয় সে কেবল ভিক্ষার জন্ত সন্ধ্যার পূর্বের আবার আশ্রমে ফিরিয়া আসিতে হইবে—কথন কথন শ্রশানে গিয়া সংসারের অসারতা চিন্তা ও ধ্যান মূননে রাত্রি যাপন করিবে—এই প্রকার কত কঠোর তপশ্চর্যায় রত থাকিয়া বৌদ্ধ ভিক্ষু 'অহ্ৎ' পদবী লাভের অধিকারী হইতেন।

উল্লিখিত দশারুশাসনে যে সকল পাপকার্য্য নিষিদ্ধ, তদ্ব্য-তীত কাম, ক্রোধ, লোভ, অহঙ্কার, পরনিন্দা, পরপীড়া প্রভৃতি মনুষ্যের সর্বপ্রকার কুপ্রবৃত্তির বিকৃদ্ধে বৌদ্ধধর্ম্মের উপদেশ ও বিধান আছে। যে সমস্ত ধর্মনীতি পালনীয়, তাহা পিতৃভক্তি, গুরুভক্তি, মেহ, দয়া, অহিংসা, চিত্তের হৈর্ঘ্য, ধৈর্ঘ্য, ক্ষমা। বৃদ্ধের উপদেশ এই, সত্য ও প্রিয়বাক্য कहित्त, काहादता हिश्मा कत्रित्व ना । माधुठात चाता अमाधुटक ▶পরাজ্য করিবে, সত্যদারা অসত্যকে পরাজ্য করিবে, মৈত্রী গুণে শত্রুতা পরাভব করিবে। হিন্দুশাস্ত্রের মতে প্রায়শ্চিত্ত ও যাগ যজের অনুষ্ঠান দারা পাপের বিমোচন হয়: কিন্তু বুদ্ধ তাহা অস্বীকার করিয়া উপদেশ দেন, কায়মনোবাক্যে! সর্বজীবে দয়া প্রকাশ ও তদীয় হিতাত্মহান ব্যতিরেকে मलाठि लाएकत व्यना छेशात्र नाहे। हिन्दूधर्म क्रांकिएक दिन त উপর প্রতিষ্ঠি। বুদ্ধ প্রচারিত ধর্ম দেশগত, জাতিগত नरह; हेश मञ्चा कूलात खडारिष्क गांधात्र धर्म; कि हिन्दू, कि श्रष्टोन, कि मुनलमान, क्टिंग्ट अध्याद विद्याधी नहि । इः ।

ক্লেশ বান্ধণ শূদ সকল মহুষ্যেরই ভাগধেয়। গৌতম প্রদীশিত . নির্বাণপথের যাত্রীদিগের মধ্যে কোনরূপ জাতিবিচার নাই। বৌদ্ধর্মে জাতির মহত্ব নাই। জাতিতেদে মনুষো মনুষো যে পার্থক্য সে কল্লিভ, কিন্তু গুণ ও কন্মানুসারেই রথার্থ পার্থক্য। ব্রাহ্মণ শূদ্র জনিয়াই হর না, কিন্তু কর্মগুণে। যিনি সদাচারী, শুদ্ধাচারী, তিনিই ব্রাহ্মণ। অজ্ঞানান্ধ পা।কারীই শুদ্র। যে বাক্তি লোভী, ক্রোধপরায়ণ, হিংসারত, দয়ামায়। শ্র্ম, দেই চণ্ডাল। মালা চন্দন ভস্মলেপন যাগযজ্ঞ প্রভৃতি কতকগুলি বাহ্ অনুষ্ঠানের দারা গ্রাহ্মণ হয় না। যিনি সংযত ও জিতে দ্রিয়, যিনি কাম ক্রোধ প্রভৃতি রিপুদল স্বৰশে আনিয়াছেন, সংসারাসক্তি পরিত্যাগ করিয়া স্বাধীন হইয়াছেন, তিনিই ব্রাহ্মণ। ইতিপূর্কে চতুমহাসত্যরূপ ধর্ম-চক্রের কথা উল্লেখ করা গিয়াছে, তাহাই বৌদ্ধ ধর্মনীতির প্রধান অঙ্গ । বারাণসীতে বুদ্দদেব সেই তাঁহার প্রথম উপদেশে যে নির্বাণমুক্তির আদর্শ ভক্তমগুলীর সন্মথে ধারণ করিয়াছিলেন, সেই নির্কাণ পথের চারিটি বিভাগ বা ধাপ, ২∕ আছে এবং কাম কোঁ

ই লোভ প্রভৃতি দশরিপু সে পথের বিম্নকারী; সেই রিপুদল দমন করিতে করিতে পথিক এক এক ধাপে উপনীত হন ও সমস্ত রিপুর উপর জয়লাভ না করিলে গমাস্থানে পৌছান যায় ন।। তন্মধ্যে তুইটি ভয়কর শত্রু, 'রূপরাগ' এবং 'অরূপরাগ'—এক বিষয়-বাসনা, অপর স্বর্গ-কামনা,--এ ছইই অনর্থের মূল। শেষ-ভাগে পৌছিয়া মৈত্রীর সহিত মিত্রতাবন্ধন হয়। সকল ধর্মের শিরোদেশে—সর্ব্বোচ্চ শিখরে প্রেম ও মৈত্রী ভাষ।

মৈত্রী ভাবের দৃষ্টান্ত মাত্রেছ। মাতা যেমন সন্তানকে প্রাণ দিরাও পোষণ করেন, দেই উদার গভীর মাতৃপ্রেম—
যে প্রেম শক্র মিত্র আত্ম পরে সমান—শ্ব প্রেমের ভেরীনিনাদ দিখিদিক পরিব্যাপ্ত হইয়া পৃথিবীকে স্বর্গতুলা করে,
দেই প্রেম বিতরণের জন্ম মন্তালোকে বৃদ্ধদেবের আগমন।
ে কৈদের বিশ্বাস এই যে এই সার্বভৌম মৈত্রীভাব জগতে
বিস্তার উদ্দেশে ভবিষাতে মৈত্রেয় নামক অন্ততর বৃদ্ধের
উদয় হইবে।

বৌদ্ধ শান্তে দয়া মায়া, ধুতি সংযম, স্বার্থত্যাগ, পরো-পকার, এই দকল গুণের দৃষ্টান্ত স্বরূপ ত্মনেকানেক নীতিকথা আছে তাহার একটি বলিয়া এই ভাগ শেষ করি। এট অশোক রাজার পুত্র কুনালের আথ্যান ; কুনাল চরিত্র ক্ষমা ও সহিষ্ণুতা গুণের দৃষ্টান্তস্থল। তাঁহার বিমাতা তিযা-বৃক্ষিতা তাঁহার খ্রীদোভাগ্য দর্শনে ঈর্বান্থিত। হইয়া তাঁহাকে দুর দেশে নির্মাসন করিয়া দেন ও তথাকার রাজ-ুকর্মচারীর প্রতি কুমারের চক্ষুদ্বয় উৎপাটন করিয়া ফেলা হয় এইরূপ রাজনামান্ধিত এক আর্ক্তাপত্র প্রেরণ করেন। কেহ এই অঘোর ক্বত্য করিতে প্রস্তুত হয় না, অবশেষে একজন নির্দয় নিষ্ঠর চণ্ডালের সাহাযো এই নুশংস কার্য্য অনুষ্ঠিত হয়। যথন সেই ঘাতক সাঁড়াণী দিয়া তাঁহার ছই চকু একে একে টানিয়া ছিঁড়িয়া ফেলিল তথন লোকেদের মধ্যে হাহাকার পড়িয়া গেল কিন্তুরাজকুমার একটি কাতর শব্দ করিলেন না-চক্ষু ছটি হাতে লইয়া কহিলেন ''আমার চর্ম্ম-চক্ষ্র গেল তাহাতে কি ? এখন আমার জ্ঞান-চক্ষ্

ফুটিল। রাজা আমাকে পরিত্যাগ করিলেন কিন্তু আমার রাজাধর্ম, তিনি কথন আমায় পরিত্যাগ করিবেন না। রাণী এই কার্য্যের আদেশ করিয়াছেন শুনিয়া কহিলেন, "মহা-রাণী আমার এত উপকার করিয়াছেন, তাঁর মঙ্গল হউক। আমি চকু হারাইয়াছি সত্য কিন্তু যে ক্ষমা কারুণা শিক্ষা করিয়াছি সেই আমার মহৎশাভ, তার তুলনায় এ ক্ষতি কিছুই নহে।" পরে তিনি ভিথারীর বেশে তাঁহার পিতার রাজধানীতে উপনীত হইলেন। একরাত্রে রাজবাটীর সন্মৃথে বীণা বাজাইয়া গান করেন, রাজা শুনিয়া তাঁহাকে ডাকিয়া পাঠাইলেন। সেই অন্ধকে দেখিয়া পুত্র বলিগা চিনিতেই পারিলেন না। পরে সবিশেষ বৃত্তান্ত শ্রবণ করিয়া রাজা রাগে জ্বলিয়া উঠিলেন, রাণীকে বধ করিতে উদ্যত। কুনাল অনুনয় বিনয় করিয়া কহিলেন ''মহারাজ ৷ এমন কর্ম করিবেন না, স্ত্রী হত্যা মহাপাপ। তথাগত উপদেশ দিয়াছেন, ক্ষমাই পরম ধর্ম, ক্ষমার পর আর গুণ নাই। আরো নিবেদন করিলেন, "মহারাজ! আমার কোন কণ্ঠ নাই। যিনি আমার উপর এইরূপ অত্যাচার করিয়াছেন আমি তাঁহাকে সর্ব্বান্তঃকরুণে ক্ষমা করিতেছি। তিনি আমাকে স্থুখ দিন, আর হুঃখ কষ্ট দিন, আমার কাছে এ চুইই সমান। মাতার প্রতি আমার প্রেম ভক্তি সমানই আছে। যদি আমার কথা সত্য হয় আমার চক্ষু যেন ফিরিয়া পাই।" তৎক্ষণাৎ তাঁহার চক্ষুদ্বয় কোটরে আসিয়া পূর্ববং জল জল করির্মফুটিয়া উঠিল।

বৌদ্ধর্মের অভিধর্ম ভাগ (দর্শন) যতই ভ্রাস্তিসঙ্কুল ও জাটল হউক না কেন, বুদ্ধের নীতি শিক্ষার উপর কেহই

• দোষারোপ করিতে পারিবেনা। ঐহিক পারত্রিক অভ্যুদয় কামনা করিয়া যাগ যজ্ঞাদির অনুষ্ঠান দারা দেবতাদিগের তৃপ্তিসাধন করা যে নিতান্তই বুথা কার্য্য, আরু আত্মপ্রভাবে ইন্দ্রিয় মন দমন করিয়া এবং চরিত্র সংশোধন করিয়া দয়া ধর্ম অনুষ্ঠান করা যে শ্রেয়ঃ পথের একমাত্র দ্বার-এই কথাটার প্রতি বৃদ্ধদেব জনসাধারণের চক্ষু ফটাইয়া দিলেন। শুধু উপদেশ নহে, বুদ্ধের মহৎ জীবন বৌদ্ধধর্ম্মের প্রধান অবলম্বন। তাঁহার ধর্মোপদেশ যেরূপ মহান, তাঁহার সাধু पृष्ठीख जनरायका महत्त्वत । वृक्षतात्वत देशर्या, नत्रा, मात्रा, मर्मेजा, প্রশান্ত গন্তীর ভাব, বৈমন ধ্যানস্থ বুদ্ধের প্রন্তর মৃত্তিতে, তেমনি ভক্তদিগের মানসপটে মুদ্রিত রহিয়াছে। বুদ্ধদেব পৃথিবীর মধ্যে একজন সর্ব্বোচ্চ শ্রেণীর ধর্মবীর ছিলেন সন্দেহ নাই। আমরা দেখিতেছি, তিনি ঘোর বিলাসিতার মধ্যে লালিত পালিত হইয়া পিতৃ-গৃহের অতুল স্থুথ সম্পত্তি কেমন অকাতরে পরিত্যাগ করিয়া লোক-হিতার্থে সন্যাস •অবলম্বন করিলেন, পরে সাত বৎসর কি স্কুত্রুসহ তপঃসাধন-বলে বিশুদ্ধ ধর্মজ্ঞান উপার্জন করিয়া প্রবৃদ্ধ হইলেন এবং প্রায় অর্দ্ধশতাব্দ ধরিয়া উপদেশ ও দৃষ্টান্তে ব্রাহ্মণ-শত্র-নির্বিশেষে জ্ঞান ধর্মে সাধারণ মনুষ্য জাতির সমান অধিকার ঘোষণা করিয়া কিরূপে ভারতে দেশ বিদেশে ধর্ম প্রচারে জীবন ক্ষেপণ করিলেন। তিনি যে কার্য্যের জন্ম পৃথিবীতে আদিয়াছিলেন, তাহা তিনি একাকী নিভীক চিত্তে, উদ্যমের সহিত সমাধা করিয়া যথন শাস্ত সমাহিত চিত্তে. जाननप्रात ठाँहात भिषावार्शत निक्र हरेए विनास नहेसा

পরিনির্মাণ লাভ করিলেন তথন আকাশবাণী হইল—হায় বৃদ্ধদেব অন্তহিত হইলেন—পৃথিবীর আলোক নিবিয়া গেল! বৃদ্ধ-জীবনের ছবি আমাদের সকলেরই মনশ্চক্ষুর সমক্ষে প্রকাশমান রহিয়াছে।

বৌদ্ধনীতিশাস্ত্র অরাজক রাজা। বিশ্বসংসার অকাট্য নিয়মে বদ্ধ অথচ তাহার নিয়ন্তা নাই—ধর্মরাজ্যের কোন त्राका नाहे। कलाकल्वत वावश आहि, किन्द कान वावशायक পুরুষ নাই। পুণ্যের কেহপুরস্কর্তা নাই, পাপের শান্তা নাই। দেবতা-প্রীত্যর্থ পশুবলি যাগ যজ্ঞ নিক্ষল, দেবারাধনা অনা-বশ্যক। বৌদ্ধধর্ম সাধনপ্রধান ধর্ম, তাহাতে ভজনের কোন প্রকার বিধি ব্যবস্থা নাই। বৌদ্ধর্মের উপদেশ এই বে আত্মপ্রভাব দারা ইন্দ্রিয়গণকে জয় করিয়া অন্তঃকরণকে দ্বেষ হিংসা কাম ক্রোধ লোভ মদ মাৎস্থ্য হইতে বিনিমুক্তি কর. তাহা হইলেই সিদ্ধিলাভ হইবে। সাধনেই সিদ্ধি কুরু পৌরুষমাত্মশক্ত্যা" এই পুরুষকারই আমাদের মুক্তিপথের একমাত্র সম্বল। আমাদের আপনার মুক্তিসাধন আপনারই, হত্তে—আত্মপ্রভাবে এই ছন্তর ভবসাগর উত্তীর্ণ হইতে হইবে। বুদ্ধদেবের মৃত্যুশয্যার শেষ কথাগুলি তাঁহার ছর্দ্ধর্য বীরত্ত্বে পরিচয় প্রদান করিতেছে। তিনি ঐ সময়ে তাঁহার প্রিয় मिया जानकरक मरशाधन कतिया विलालन :—

"ভাই আনন্দ, আমার জীবনের অশীতি বংসর অতীত হইয়াছে—দিন ফুরাইয়া আসিল, আমি এইক্ষণে চলিলাম। দেখ আমি আআ-নির্ভরে নির্ভয়ে চলিয়া ঘাইতেছি, ভোমরা দৃঢ়প্রতিজ্ঞ হও। তোমরাও আপনার উপর নির্ভর করিয়া চলিতে শেখ। তোমরা আপনারাই আপনার প্রদীপ—
আপনারাই আপন নির্ভর-দণ্ড। সত্যের আশ্রের গ্রহণ কর—আপনা
ভির অন্ত কাহারে। উপর নির্ভর করিও না। আমি চলিরা
যাইতেছি দেখিরা শোক করিও না। আমার জীবন 'ধর্মা' ও
'সজ্ম' ইহাতেই রাখিরা যাইতেছি। তাহা অক্ষর ও অবিনাশী।
দেই ধর্মা তোমরা প্রাণপণে পালন কর। সংসারের হৃঃখ কট্ট
হইতে পরিত্রাণের জন্ত আমি স্থবিজ্ঞ চিকিৎসকের স্তার
তোমাদের জন্ত ঔষধ আনিরাছি—সেই ঔষধ সেবন কর।
আমার উপদেশ মনে রেখাে, যাহার জন্ম তাহার মৃত্যু,
যার বৃদ্ধি তারই করা; সংসারের সকলি ক্ষরশীল,
সকলি অনিত্য। ইহা জানিরা যত্নপূর্কক তোমরা নিজ নিজ
মৃক্তিসাধন কর। এইরপে আত্মবলে আমার প্রদর্শিত
পুণাপথে চল—নিশ্চর তোমাদের কল্যাণ হইবে; তোমরা '
হৃঃখ শোক অভিক্রম করিয়া অপার শান্তি ও নির্বাণরূপ অমৃল্য
নিধি লাভ করিবে।"

মানব প্রকৃতির উচ্ছেদকারী—মহ্ব্য সমাজের উন্নতির প্রতিরোধী কোন এক অভিনব ধর্মপ্রণালী কালে নিশ্চরই অবদাদ প্রাপ্ত হয়। বাসনা-বিরহিত মহুষ্যে মিলিরা মহুষ্য সমাজ গঠিত হয় না। ঈশ্বরবিহীন ধর্ম অধিক দিন তিন্তিতে পারে না। মহুষ্য আপনা অপেক্ষা উচ্চতর দৈবলজ্জির উপর নির্ভর না করিয়া ধর্মপথে চলিতে অক্ষম। আমরা এমন একজন জ্ঞানময় মললময় প্রকৃষ চাই, যিনি আমাদের প্রাদ্দিনা গ্রহণ করিতে তৎপর—এমন রাজা চাই, যিনি আমাদিগকে সংসারের সমুদ্র বিম্ন বিপত্তি হইতে উদ্ধার করিতে সমর্থ —

এমন স্থা, ঘাঁহার নিকটে আমাদের স্থুথ তুঃথ নিবেদন করিয়া আমরা ইহলোকে স্থমতি-পরলোকে স্থগতি লাভে সমর্থ হই। আধ্যাত্মিক জগতে আত্মপ্রভাব অতীব প্রয়ো-জনীয় সন্দেহ নাই, কিন্তু দেবপ্রসাদ ভিন্ন ধর্মের মূল শুফ হইয়া যায়: এই কারণে কাল সহকারে নিরীশ্বর বৌদ্ধদের যে অবস্থান্তর ঘটিয়াছে, তাহা আপনারা অবগত আছেন; তাহার জ্মভূমি এই ভারতভূমি হইতে তাহার বহিষ্ত হইবার কারণও এই। বেচিদ্ধরা ঈশ্বরের অস্তিত্ব অস্বীকার করিয়া নীতি अलानी रामनरे जाविष्ठ कक्रन, किन्न राम पाम जानकारनक বৌদ্ধক্ষেত্রে ঘোর পৌত্তলিকতা বিলক্ষণ প্রশ্রম পাইয়াছে। যে বুদ্ধদেব ঈশ্বরের প্রদঙ্গ পর্যান্ত মুথে আনিতে কুন্তিত হইতেন, দেই বৃদ্ধদেবের মতাবলম্বী সাধকেরা তাঁহাতেই ঈশ্বরত্ব আরোপ করিয়া তাঁহার আরাধনায় প্রবৃত হইলেন। "প্রতিমা পূজা, বৃদ্ধ প্রভৃতির অন্থি দন্তাদির অর্চ্চনা এবং নানাবিধ যাত্রা মহোৎসব অবাধে চলিয়া আসিতেছে। ফাহিয়ান খুষ্টান্দের পঞ্ম শতাকীর প্রথমে অনেকানেক বৃদ্ধ প্রতিমৃতি দেখিয়া, যান। কেবল শাক্য বুদ্ধ নয়, এক এক দেবালয়ে স্বস্ত অস্ত বৌদ্ধদেবতার প্রতিমূর্ত্তি প্রতিষ্ঠিত ও অর্চ্চিত হইয়া থাকে।" ্এদিকে আমরা দেখিতে পাই যে বৌদ্ধের: নিরীশ্বর এরং **(मवश्रमाम इटेरज পরাজুখ-ওদিকে দেখি যে, বৌদ্ধেরা** মনুষ্যপূজা এবং মৃত্তিপূজার আদি গুরু বুদ্ধদেব যেমনি পৃথিবী হইতে অন্তর্জান করিলেন, তাহার ক্রিংপরে ভারতবর্ষের এক সীমা হইতে সীমান্তর পর্য্যন্ত শত স্থান শত দেবদেবীর প্রস্তর মূর্ত্তিতে পরিকীর্ণ হইয়া উঠিল, তার সাক্ষী ইলোরা,

অজ্ঞা, পণ্ডগিরি, প্রীক্ষেত্র।—বদ্ধ গ্রায় তারাদেবী ও বাগীশ্বরী দেবী, বৈশালীতে ধ্যানী বন্ধ অমিতাভ ও বোধিসত্ত অবলোকিতেশ্বর, নালন্দ বিহারে অবলোকিতেশ্বর,তারা, ত্রিশিরা বজুবরাহী, বাগীখরী ইত্যাদি অনেক স্থানে অনেকানেক বৌদ্ধ দেবদেবীর প্রতিমৃত্তি ও মন্দির অদ্যাপি দেখিতে পাওয়া যায়। দেবপ্রদাদ হইতে বিচ্ছিন্ন আত্মপ্রভাবের নিরতিশয় কঠোর সাধনার যে বিসদৃশ পরিণাগ, তাহা আর এক দিয়া প্রতীয়নান হইতেছে। আমরা দেখিতে পাই যে ধর্মদাধন ক্রমে উচ্চুতাল হইয়া যথেচ্ছাচারিতায় পরিণত হইল। যথেচ্ছা-চারিতার বলে ক্রতিম দিদ্ধি উপার্জ্জনের প্রণালীই তন্ত্র-শাস্ত্র—কালক্রমে বৌদ্ধর্মের গণ্ডীর ভিতরে বিকট বীভৎস তান্ত্ৰিক ক্ৰিয়াকাণ্ড প্ৰবেশ লাভ করিল। "হিন্দু মতান্ত্ৰায়ী সিদ্ধ যোগীরা দেমন অণিমা, লঘিমা, ব্যাপ্তি প্রভৃতি আট প্রকার ঐশ্ব্যা লাভ করেন লিখিত আছে, সেইরূপ বৌদ্ধদিগেরও বিশ্বাস এই যে ঐ সম্প্রদায়ী সিদ্ধব্যক্তিরা অশেষ রূপ অলৌকিক 📭 ক্তি প্রাপ্ত হইয়া অতীব অভুত কার্য্য সমুদয় সম্পাদন করিতে ममर्थ इन , रामन वांग्रुं मर्था मक्षत्रन, करलत छेशत भमनाभमन, গৃহ সম্বলিত পর্বাত ও সমুদ্র প্রকম্পন, পর্বাত ও পৃথিবীর गर्ड मर्गेन, टेव्हावटन वांग् अवाह डेप्शामन, अधि धात्रा आनम्म, নষ্ট বা গুপ্ত বিষয় উর্জার করণ ইত্যাদি।"

যদি জিজ্ঞাসা করেন বৌদ্ধশান্তের মূলতত্ব—তাহার বীজমন্ত্র কি ? তাহার উত্তর "কর্মফল"। কতকগুলি দর্শনতত্ব হিন্দু ও বৌদ্ধর্মের সাধারণ সম্পত্তি—এ তত্ত্বটিও তাহারই মধ্যে। স্কৃতি ছক্ষতি অনুসারে জীবের সদস্যুতি হিন্দু শান্তেরও এই শিক্ষা, এই

উপদেশ-ইহাতে বৌদ্ধর্শের বিশেষত্ব নাই। কেছ রাজ। কেই চাষা হইয়া জনাগ্রহণ করিতেছে – কেই ধনী কেই দ্বিদ্ৰ— কেছ স্থপষ্টলে দিন্যাপন করিতেছে, কেছ অকারণ কষ্ট ভোগ করিতেছে—অন্তায় উৎপীড়ন সহু করিতেছে; এরূপ व्यवश्रादेवस्त्यात्र कांत्रण कि ? बीवरन এই इःथ मांक, भाभ তাপ. অন্তার অত্যাচার-এ সকলেরই মীমাংসা "কর্মফল"। ঐহিকে যে অমঙ্গলের কারণ অমুদদ্ধান করিয়া পাওয়া যায় প্রহেলিকার উত্তর বলিয়া দেয়। তবে এই কর্ম্মের প্রাধান্ত যেমন বৌদ্ধর্মে, তেমন আর কুত্রাপি দৃষ্ট হয় না। তাহার भए कर्त्यामागरे जीवन-कर्यरे त्विचात्र स्मानियक विन्ति व অত্যক্তি হয় না। আর সকলি ক্ষয়শীল, মৃত্যুর অধীন-কেবল কর্মবলের উপর মৃত্যুর কোন অধিকার নাই। বুদ্ধের উপদেশ এই 'বেমন বীজ বপন করিবে তাহার ফলও তদ্মুরূপ হটবে।" কর্ম্মবন্ধন কেহট অতিক্রম করিতে পারেনা। আমরা यांश किছ प्रिक्टिक, कानिएकि, जांश शतिवर्श्वनभीन नामक्रभ, মাত্র—ভৌতিক জগতে কোন বস্তু স্থির নহে, অধ্যাত্ম জগতেও কোন বস্তুর স্থারিত নাই। দেহ পঞ্চত্তের সমষ্টি, আত্মা কতক-श्विम श्वभ ও সংস্থারের সমষ্টি: তাহাদের বাস্তব্য নাই। কর্ম্মই একমাত্র সভ্য পদার্থ, বিশ্বচরাচর কেবল কর্মসূত্রে বাঁধা। ৰালকের কর্মফল যুবার জীবনে প্রতিফলিত, যুবকের কর্মফল বুদ্ধের জীবনে প্রভিফলিত; সেইরূপ ভোমার ঐহিকের কর্মকল भारतिक कीवान প্রতিফলিত हरेत। বেমন পূর্ব কলের কর্ম-क्न जूमि हेर कीवरन खांश कतिराज्य, त्नहेन्नभ वित भन्नत्नारक

মঙ্গল চাও, তবে পাপকর্ম পরিহার কর। পুণাকর্ম অনুষ্ঠান কর, কেননা কোন চিন্তা, কোন বাক্য, কোন কর্ম এ পৃথিবীতে নষ্ট হয় না। অমি সত্য বলিতেছি স্বর্গ মর্ত্তা পাতাল যেখানে যাও, সমুদ্রে প্রবেশ কর অথবা সিরি গুহায় লুকায়িত থাক, তোমার কর্মফল তোমার পশ্চাং ধাবিত হইবে—কিছুত্তই তাহা হইতে নিস্তার নাই। তোমার পাপের ফল যেমন তুঃখ ভোগ, সেইরূপ তোমার পুণার স্থফলভাগীও তুমি। বিদেশ হইতে গৃহে ফিরিয়া আদিলে তোমার আত্মীয় স্বজনবন্ধ যেমন তোমাকে আননকে অভ্যর্থনা করে, সেইরূপ তোমার পুণাকল লোক হইতে লোকান্তরে তোমাকে অনুসরণ করিয়া সাদরে আলিক্সন করিবে।"

এই সলে বৌদ্ধর্মের পারলোকিক মত ও বিশ্বাস একবার পর্যালোচনা করিয়া দেখা যাউক। মৃত্যু ও পরকাল সম্বন্ধীয় যে সকল প্রহেলিক। মানব হৃদয়ে স্বভাবতঃ উদয় হয়, বৌদ্ধ ধর্মাশাস্ত্রে তাহার সমর্পক উত্তর সর্বাংশে উপলব্ধি হয় না। বৃদ্ধদেব স্বয়ং তাহা কতক ব্যক্ত, কতক অব্যক্ত রাথিয়াছেন। জীবাত্মার শেষ গতি কি ? বৃদ্ধদেব মৃত্যুর পর জীবিত থাকিবেন কি না ?
—এই সকল প্রশ্ন সম্বন্ধে তিনি অনেক সময় মৌনভাব অবলম্বন করিতেন। তাঁহার শিষেরা তাঁর কাছে এই সমস্ত গৃঢ় প্রশ্ন উত্থাপন করিতে বিরত হইত না; বৃদ্ধদেব সে সকলের যথাসাধ্য উত্তর প্রদান করিয়াছেন—যাহার উত্তর নাই, তাহাও বিশ্বা দিয়াছেন।

মানুখ্যপুত্র যথন এই সকল তত্ত্বের জ্ঞানলাভ মানসে বুদ্ধের নিকট উপদেশ প্রার্থনা করেন তথন বুদ্দেব কহিলেন:— হে মালুখ্যপুত্ত—অমি কি কখন তোমাকে বলিয়াছি—"এস, আমার শিষ্য হও—আমি তোমাকে বলিয়া দিব, জগৎ স্টু কি অনাদি, দেহ আত্মা পরস্পর ভিন্ন কি অভিন্ন—বৃদ্ধ-মরণোত্তর নবজীবন ধারণ করিবেন কি না ?—এই সকল সন্দেহ-ভঞ্জন করিয়া উপদেশ দিব, অমি কি এমন কোন বচন দিয়াছি ?"

मानुष्पा-ना, अक्राप्तव, जा तमन नाहे।

বুদ্ধ--এই সকল তত্তজান শিক্ষার উদ্দেশে কি তুমি আমাকে শুকু বলিয়া মানিয়াছ ?

় মালুঙ্খ্য—না, ভাহা নহে। বুদ্ধদেব কহিলেন—

এক ব্যক্তি বিষাক্ত বাণে আহত হই রাছিল। তাঁহার আত্মীয় বন্ধুগণ একজন স্থনিপুণ চিকিৎসক ডাকিয়া আনিল। যদি সেই আহত ব্যক্তি বলিত—আগে আমাকে বল কার কার বাণে আমি আহত হই রাছি, বে বাণ মারিয়াছে সে লোকটাকে ? বান্ধণ, ক্ষত্রিয়, বৈশু কি শুদ্র ? তাহার নাম কি ? নিবাস কোথার ? সে বাণই বা কি রক্ষের বাণ ? এই সকল প্রশ্নের উত্তরে কি কোন লাভ আছে ? ফলে এই দাঁড়াইত যে কথা শেষ হইতে না হইতেই সে বাণাহত ক্ষত ব্যক্তি কালগ্রাসে পতিত হইয়াছে দেখিতে পাইতে।

হে মালুখ্যপুত্র, তুমি আহত হইয়া আমার নিকট চিকিৎসার জন্ম আসিরাছ। তোমার আরোগ্যের উপযোগী যে ঔষধ তাহা আমি বলিয়া দিয়াছি। আমি যাহা প্রকাশ করি নাই, তাহা অপ্রকাশিত থাকুক—যাহা ব্যক্ত করিয়াছি তাহা প্রকাশিত হউক। বৌদ্ধদেষকগণ এই মৌনভাব বশতঃ বুদ্ধের প্রতি দোষা-রোপ করিবে, তাহাতে আর বিচিত্র কি ? মিলিন্দ প্রশ্নে যবন-রাজ মিলিন্দ এবং বৌদ্ধ সম্ল্যাদী নাগদেনের মধ্যে যে কথোপ-কথন আছে, তাহাতে বৃদ্ধদেবের এই মৌনভাবের কারণ সমালোচিত দেখিবেন।

রাজা—শাক্যমূনি বলিয়াছেন যে সকল ধর্মতক্ত মন্থ্যা বৃদ্ধির গোচর তাহা আমি অপ্রকাশিত রাখি নাই। তথাপি দেখা যায় যে মালুঙ্খাপুত্রের প্রশ্নগুলির উত্তর দিতে তিনি বিরত হইরাছিলেন। তাহার কারণ ছয়ের এক হইতে পারে—হয়্ম অজ্ঞান বশতঃ উত্তর দেন নাই, অথবা জানিয়া শুনিয়া শুহু রাখিবার ইচ্ছায় উত্তর দেন নাই। এ ছয়ের কোন্টা ঠিক ?

নাগদেন কহিলেন---

রাজন, বৃদ্ধদেব মালুঙ্খাপুত্তের প্রশাবলির উত্তর দেন নাই
সভ্য বটে, কিন্তু তাহা অজ্ঞানবশতঃ নহে। কোন প্রশ্ন এমন

•আছে, যাহার উত্তরে অন্ত এক প্রশ্ন উত্থাপন করা যাইতে পারে

—আবার এমনও প্রশ্ন আছে, নিক্তর থাকাই যাহার উত্তর।
সে সকল প্রশ্ন কি—না

জগৎ নিত্য কি অনিত্য ? দেহ আত্মা এক কি স্বতন্ত্ৰ ?

মৃত্যুর পরে তথাগত জীবিত থাকিবেন কি না ? এই সমস্ত প্রছেলিকা একপাশে ফেলিয়া রাথা কর্ত্তব্য । ইহাদের কোন উত্তর নাই—উত্তরে কোন লাভ নাই—এই সকল প্রশ্নের অনর্থক উত্তর দানে তথাগত বাক্যব্যর ক্রিতে উৎস্থক

ছিলেন না। যে সকল ছক্সহ সত্য মানব বৃদ্ধির অগমা, তৎ সম্বন্ধে কোন স্পষ্ঠ মত ব্যক্ত করা তাঁহার অভিপ্রেত ছিল না।

জীবাত্মা অমর কিম্বা মৃত্যুর অধীন—মৃত্যুর পর জীবাত্মার গতি কি হইবে ? এই প্রহেলিকা ভেদ করা মনুষ্যের পক্ষে হঃসাধ্য সন্দেহ নাই। অথচ আবার মানব জাতির জীবিতাশা ও স্থথাশা এতাদৃশ বলবতী, যে তাহা এই ক্ষণভঙ্গুর সংসারে সীমাবদ্ধ থাকিয়া তপ্ত হইবার নহে। বন্ধবাদিনী মৈত্রেয়ীর দেই গভীর উচ্ছাদ আত্মা হইতে স্বতই উথিত হয়—যেনাহং নামুতা স্থাং কিমহং তেন কুর্যাম। এই হেতৃ পারলোকিক আশার উদ্রেক-কারী আখাদ বচন প্রায় দর্মজাতীয় ধর্মশাস্ত্রেই সন্নিবিষ্ট দৃষ্ট হয়। কোরাণ ত স্বর্গ বর্ণনায় ও স্বর্গস্থুথ বর্ণনায় পরিপূর্ণ। খুষ্ট ধর্মশাস্ত্র বাইবেলেও একথা আছে, আর হা ছাড়া খুষ্টানেরা ঈশার সশরীরে স্বর্গারোহণ বিশ্বাস বলে অনন্ত জীবন ও মুক্তি লাভের প্রত্যাশা করেন। বৃদ্ধ এ বিষয়ে কোন আশ্বাস ৰাক্য দিয়াছেন বলিয়া বোধ হয়না। ঐহিক স্থ বাসনার ভায় স্বর্গ কামনাও তাঁহার নীতিরাজ্য হইতে বহিঙ্গত। বুদ্ধ স্বয়ং অমর कीवानत अधिकाती कि नाः, ठाहाउ अकामिछ हम्र नाहे। কোশলরাজ ও সন্নাসিনী ক্ষেমার মধ্যে যে কথোপকথন তাহাতে ক্ষেমা স্পষ্টই বলিতেছেন—"স্বয়ং বৃদ্ধ যাহা প্রকাশ করেন নাই, আমরা তাহা কি বলিব ? বুদ্ধের প্রকৃতি সমুদ্রের ন্তায় অতলম্পর্ণ গভীর। যদি বল বৃদ্ধ অমর, তাহা ভূল--যদি বল তিনি মরণশীল, তাহাও ঠিক নহে।" এই উত্তরে রাজা मुद्ध इहेरनम कि ना कानि ना, किन्छ देशा छेभत काहारता

কিছু বলিবার নাই। যে সকল বিষয় মানববৃদ্ধির অগোচর সে বিষয়ে মৌন থাকা ভিন্ন আর উপায়ান্তর নাই।

त्वोत्कत्रा यमि এहेथात्न शामित्रा याहेत्छन, जाहा इहेत्न चात्र কোন কথা বলিবার থাকিত না। কিন্তু এদিকে আবার দেখা যার, তাঁহারাও হিন্দুদের ভার মৃত্যুর পর নানারূপ যোনি ভ্রমণ স্বীকার করেন: ইহকালে যিনি যেরূপ শুভাশুভ কর্ম করেন পরকালে তিনি তদমুরূপ যোনি প্রাপ্ত হন। কেবল পশু পক্ষী কীটাদি নিরুষ্ট জন্ত নয়, পাতকের পরিমাণামুসারে মৃৎপিণ্ডাদি জড় বস্তু হইয়াও জন্মগ্রহণ করিতে হয়। বৌদ্ধেরা वरनन, भाकाभूनि निष्म जारभव समाठरक वृर्गिक इहेब्रा सूथ হু:খ ভোগ করিয়া আদিয়াছেন। পূর্ব্ব জ্বন্থের কথা তোমার यामात्र मे ७ (य-१म लाटिक स्न भारत थाटिक ना, तुरक्षत्र छात्र मिक পুরুষেরাই তাহাদের বিগত জীবন-কাহিনী শারণ করিয়া বলিতে পারেন। বৃদ্ধদেব পশু পক্ষ্যাদি কোন যোনিতে কিরপে কার্য্য করিয়াছেন, তাহার স্বিশেষ বুত্তান্ত জ্বাতক্মালায় \* সন্নিবেশিত আছে। বৃদ্ধ জাতকে আত্মার নিম হইতে উৰ্দ্মুখী অভিবাক্তি নাই-জীবনের ক্রমোন্নতির ভাব লক্ষিত হয় না। কি কারণে কি নিয়মে জীবের অবস্থান্তর ঘটতেছে তাহা বুঝা যায় না। আমরা দেখিতে পাই চারিবার তিনি মহাত্রন্ম, বিশ বার ইন্দ্র-তিরাশীবার সন্ন্যাসী-আটারবার রাজা-চব্বিশবার বান্ধণ হট্যা জন্মিয়াছিলেন : তডিয় বানর, হস্তী, সিংহ, বরাহ, শশক, মংস্ঠ, বৃক্ষ, চোর, বামীকর, ভূতের ওঝা—এইরূপ কড কত জন্ম ধারণ করিয়াছিলেন, তাহার ইয়তা নাই। বৃদ্ধ কথন नांदी बन्न श्रहण करवन नांहे--- जृष्ठ त्था करां कर बनान नाहे। সকল জন্মেই তিনি বোধিসত্ত ছিলেন ও জগতের মঙ্গল সাধন উদ্দেশে অশেষ ভঃখ কেশ ভোগ করিয়াছিলেন।

বৃদ্ধের পূর্ব্ব জন্ম কাহিনীতে বৃদ্ধজীবনী স্বার্থহীন পরোপকারী দ্যার অবতার রূপে চিত্রিত: ও এই সকল মহদ্পুণভূষিত তাঁহাব দেই জীবনী মানবের দৃষ্টান্ত স্বরূপে জাতকমালায় বর্ণিত দেখা যায়। একস্থানে বৃদ্ধানে কহিতেছেন—
"আমি 'সাম' নাম ধারণ করিয়া উপত্যকারণো বাস করিতাম।
সর্ব্বভূতে সম দৃষ্টি দ্বারা আমি সকলকেই বশে আনিয়াছিলাম।
সিংহ বাছে ভল্লুক বন বরাহ মহিষ পালিত পশুর তার আমার
কাছে আসিয়া বসিত। আমাকে ও কেহ ভয় করে না,
আমিও কাহাকে ভয় করি না, আমি দ্যার উপর পা রাখিয়া
নির্ভিয়ে পর্বত প্রদেশে বিচরণ করিতাম।"

যিনি পরোপকার ব্রতে জীবন উৎসর্গ করেন তাঁহাকে কত প্রকার কঠোর ত্যাগ স্বীকার করিতে হয়—সময়ে সময়ে প্রাণ পর্যান্ত অকাতরে বিসর্জ্জন দিতে প্রস্তুত হইতে হয়। বুদ্দেদেব স্বীয় জীবনে সেইরূপ আ্ম ত্যাগের পরাকাঠা প্রদর্শন করিয়াছেন।

পূর্বজন্ম বৃদ্ধ যথন রাজকুমার বশ্বস্তর হইয়া জীবন যাপন করিয়াছিলেন তথন তাঁহার বিপদের আর অন্ত ছিল না। বশ্বস্তর অন্তায়রূপে রাজ্য হইতে নির্বাসিত হয়েন। তাঁহার যাহা কিছু ধন সম্পত্তি ছিল—পরিশেষে চড়িবার রথটি ও অশ্বন্দানে ক্ষয় হইয়া গেল। স্ত্রী পুত্র সমভিব্যাহারে পদত্রজে প্রথর স্থ্য তাপের মধ্য দিয়া বনে ফিরিতেছেন। বালক বালিকা পথের মধ্যে বৃক্ষে ফল ঝুলিয়া আছে দেখিয়া তাহা

পাডিবার জন্ম লালায়িত-বৃক্ষ পর্যান্ত তাহাদের ফুর্দশায় সম-(वहनी अञ्चल कतिया अवनल श्रेया लाशकितक कन পाड़ित्ल দিল। পরে তাঁহারা বন্ধ পর্কতে সন্ন্যাসী বেশে এক পর্ণ গৃছে বাদ করিতে লাগিলেন। "আমি, রাজকন্তা মাদ্রী, ছই পুত্র ক্যা, জালী ও কর্ণাজিনা, এই চারি জনে সেই পর্ণ কুটীরে বাস কবিতে লাগিলাম-পরস্পার পরস্পারের শোকাঞ মুছাইয়া সাত্তনা অনুভব করিতাম। আমি ছেলে মেয়ে ছটির সংরক্ষণে ≱আশ্রমে থাকিতাম, মাদ্রী বন হইতে ফল কুড়াইয়া আনিয়া আমাদের আহার যোগাইত। এই সময়ে একজন ভিক্ষুক আঁসিয়া আমার নিকট পুত্র কন্ঠা ভিক্ষা করিল। আমি একটু মুচকি হাসিয়া ছেলে মেয়েদের দিয়া ত্রাহ্মণের প্রার্থনা পূর্ণ করিলাম। পরে স্বর্গ হইতে ইন্দ্র নামিয়া আদিয়া মাদ্রীকে ও লইতে চাহি-লেন—আমার সতী সাধ্বী স্ত্রী, আমি তাহার হাত ধরিয়া তাহার হত্তে জল রাথিয়া মাদ্রীকেও সন্তোষ চিত্তে জলাঞ্জলি দিলাম। এই দান দেখিয়া দেবতারা উপর হইতে পুষ্পরৃষ্টি করিলেন – বুক্ষের তক্তরাজি শুদ্ধ মেরু পর্য্যস্ত কাঁপিয়া উঠিল। আমার পুত্র, ক্সা--রাজকুমারী সকলকেই আমি বুদ্ধত্ব পাইবার আশায় পরিত্যাগ করিলাম--সেই মুনি-জন-অভীপিত মহামূল্য রত্নের নিকট এ সকল জিনিস কি ক্ষুদ্র—কি তুচ্ছ!

দানশীলতায় আর একটা আথ্যান শ্রবণ করুন। বুদ্ধের পূর্ব্ব জন্ম বৃত্তান্তে একটা বিজ্ঞ শশকের গল্প আছে। বুদ্ধ বলিতেছেন:—

পূর্বজন্মে যথন আমি শশক ছিলাম পার্বতা অরণ্যে চরিয়া
বেড়াইতাম। তৃণ পল্লব ফল মূল যাহ। পাইতাম আহার করি-

ভাষ। এক বানর, এক শৃগাল, এক বিড়াল, আর আমি--আমরা এই চারি জনে মিলিয়া বনে বিচরণ করিতাম। আমার সহচর দিগকে আমি ধর্মোপদেশ করিতাম—কি ভাল কি মল তাহা শিক্ষা দিতাম—ভাল গ্রহণ করা মন্দ পরিত্যাগ করা এই-রূপ উপদেশ দিতাম। পূর্ণিমার উপবাদ পর্বের আমি তাহার দিগকে বলিতাম "এই পুণ্য দিনে ভিকুকদিগের জ্বন্ত অনুদানের সংগ্রহ করিয়া রাধ। পাত্রাপাত্র বিবেচনা করিয়া ভিক্ষা দান করিবে ও আগে হইতে তাহাদের জন্ম ভিক্ষাসামগ্রী প্রস্তুত করিরা রাখিবে।" আমি বসিন্না ভাবিতে লাগিলাম—এই উপ-লকে কি দান করা যায় ? কলাই মটর ডাল ভাত আমার কিছুই নাই। আমি তৃণ ভক্ষণ করিয়া থাকি তাহা ত আর কাহাকেও দেওয়া যায় না। ভাল মনে পড়িয়াছে। কেহ আসিয়া ভিষ্ণা চাহিলে আমি আপনাকে দান করিব-ভাহাকে শুন্য হত্তে ফিরিয়া যাইতে হইবে না! শক্র আমার মনের ভাব জানিতে পারিয়া আমাকে পরীক্ষা করিতে ভূতলে অবতীর্ণ ছইলেন। ব্রাহ্মণ বেশে আমার বিবরের সমূথে দাঁড়াইয়া কহি-लেन "छिकाः (पृष्टि।" आिय कहिलाम आप्रीन छिका हाहिएछ আসিয়াছেন ভালই হইয়াছে—আমি আপনাকে এমন জিনিস দিব যে কেহ কথন স্বপ্নেও কল্পনা করিতে পারে না। মহাশন্ন गांधू शुक्रव, काहारता अनर्थक कहे मिर्छ हेव्हा कतिरवन ना। আমার মিনতি যে আপনি শুক কাঠ স্কল একত করিয়া জালাইয়া দিন-আমি নিজে দগ্ধ হইয়া আপনার আহার যোগাইব।" ইক্র আমার কথা মত করিলেন এবং অগ্নির शार्ष উপविष्ठ रहेरनन। कार्क व्यनिया उठिरन व्यापि वनस

অনলের মধ্যে ঝাঁপ দিয়া পড়িলাম। জল প্রবেশ করিলে বেমন অঙ্গদাহ নিবারিত হয় দেই চিতানলে তেমনি আমার সকল কষ্টের অবসান হইল। অন্থি চর্ম মাংস শিরা উদর হৃৎপিণ্ড সমেত আমার সমুদ্র দেহ ভশ্মসাং হইল; ব্রাহ্মণের হস্তে আমি অকাতরে আত্ম সম্প্র করিলাম।

বুদ্ধের পূর্ব্ব জন্ম কাহিনীর নমুনা স্বরূপ ছই একটী ক্ষুদ্রগন্ধ উপরে দেওয়া হইল—এই সকল নীতি পূর্ণ উপাথ্যানে জাভক-মালা পরিপূর্ণ।

পরলোক ও মৃক্তি বিষয়ে বৌদ্ধ মত জানিতে হইলে ধৌদ্ধধর্মে আত্ম-তত্ত্বের শিক্ষা ও উপদেশের প্রতি মনোনিবেশ করা আবশুক। আত্মার পরলোকিক গতি ও মৃক্তির করানা আত্মস্বরূপ লক্ষণের উপর অনেকাংশে নির্ভর করে। আত্মাকে যদি
দেহের সহিত অভিন্ন মিন্তিদ্বের প্রক্রিয়া মাত্র মনে করা যায়,
তাহা হইলে দেহ নাশের সঙ্গে সঙ্গে আত্মারও বিনাশ সহজে
নিষ্পার হয়। এই আত্ম-তত্ত্ব বিষয়ে আমাদের ধর্মশাস্ত্রে ও
বৌদ্ধশাস্ত্রে আকাশ পাতাল প্রভেদ। দৃষ্টাস্ত স্বরূপ দেখুন,
উপনিষদে আত্মা বলিয়া যাহা নিরূপিত, তাহা শরীর হইতে
ভিন্ন ও স্বতন্ত্র। আত্মা যে আমি, আমি শরীর হইতে ভিন্ন—
আমি চক্ষু নহি, কর্ণ নহি, মনোবৃত্তি নহি—চক্ষু কর্ণ মনোবৃত্তি
আমার। ছান্দোগ্য উপনিষদে আত্মজ্ঞান বিষয়ে একটি আথ্যাদ্বিকা আছে, তাহাতে প্রজাপতির যে উপদেশ, তাহা শ্রবণ

"এই দেহ নখর—মৃত্যুর অধীন। আত্মা অজর অমর অশরীরী, এই দেহ তাহার বাসস্থান। অথ যেরপে রথে যুক্ত,

এই আত্মাও সেইরূপ শরীরের সহিত সংযুক্ত। যথন আলোক চক্ষের তারকে প্রবেশ করে, তথন আত্মাই দর্শক, চক্ষ্ দর্শনেন্দ্রির; যিনি আত্মাণ করেন তিনি আত্মা, নাসিকা ত্রাণেন্দ্রির। যিনি আব্মাণ করেন তিনি আত্মা, নাসিকা ত্রাণেন্দ্রির। যিনি ভাবেন আমি বাক্য উচ্চারণ করিতেছি, তিনি আত্মা, রসনা বাগিন্দ্রির! যিনি শ্রবণ করেন তিনি আত্মা, কর্ণ শ্রবণেন্দ্রির। যিনি মন দ্বারা মনন করেন, তিনি আত্মা, মন দিব্যচক্ষ্ররূপ; আত্মাই এই মনোরূপ দিব্যচক্ষে কাম্য বিষয় সকল দর্শন করত রমণ করেন। আত্মা যতদিন এই শরীরে অবস্থিতি করেন, ততদিন তিনি মোহপাশে বদ্ধ থাকিয়া বিষয় বাসনার বশবর্তী হইয়া স্থপত্যথে বিচলিত হয়েন; কিন্তু যথন তিনি দেহ বন্ধন হইতে মুক্ত হয়েন, তথন স্থ্য ত্যুথ তাঁহাকে স্পূর্ণ করিতে পারে না।

যেমন অশরীরী বায়ুমেঘ বিছাৎ আকাশ হইতে উথিত হইয়া পরম জ্যোতিতে গিয়া নিজ নিজ রূপ ধারণ করে সেইরূপ আআও এই শরীর হইতে বিচ্ছিন্ন হইয়া সেই পরম জ্যোতিকে পাইয়া নিজরূপে প্রকাশিত হয়েন – তথনই তিনি উত্তম পুরুষ – তথন স্থাও হয়েব করিতে পারেনা। দিব্য জ্ঞান দারা পরমাত্মার সহিত যোগযুক্ত হইয়া বিষয় বন্ধন হইতে মুক্ত হইয়া তথন তিনি পরম শান্তি পরমারোগ্য উপভোগ করেন।

উপনিষদের এই উপদেশ – বেদ্ধিংশের উপদেশ শ্বতম্ত্র। যে ধর্ম হিন্দুসমাজ হইতেই বিনিঃস্ট হইয়াছে, তাহার উপর বেদান্ত ও সাংখ্য দর্শনের প্রতিবিদ্ধ পড়িবে, তাহা বিচিত্র নহে। কিন্তু বুদ্ধদেব আত্মতত্ত্ব বিষয়ে যে উপদেশ দিয়াছেন তাহাতে হিন্দুধর্মের সহিত তাঁহার সম্পূর্ণ পার্থক্য ঘটিয়াছে। বৌদ্ধর্ম্ম দেহ মনের আড়ালে আত্মার স্বতন্ত অন্তিত্ব স্বীকার করেন না। কোন কোন বৌদ্ধগ্রেছ বলে দেহ আত্মা এক। পর-কালের অন্তিত্ব সমন্ত্রীয় প্রশ্ন কুট প্রশ্ন বলিয়া বৃদ্ধদেব তাহার উত্তর দানে বিরত ছিলেন। অপরাপর গ্রন্থে ইহা অপেক্ষাও স্পষ্টতর অবিশ্বাসের কথা আছে অর্থাৎ দেহ হইতে আত্মার স্বতন্ত্র অন্তিত্ব স্পষ্টই অধীকার করা হইয়াছে দৃষ্ট হয়।

মিলিন প্রশ্ন হইতে নিয়ে যে কয়েকটি প্রশ্নোতার উদ্ধৃত হইল তাহা হইতে আয়ুত্ত্ব বিষয়ে বৌদ্ধ মত স্পষ্ট প্রতিভাত হইবে।

রাজা মিলিন্দ বৌদ্ধাচার্য্য নাগদেনকে জিজ্ঞাসা করিলেন "মহাশয় আপনার নাম কি ?"

নাগদেন উত্তর দিলেন "মহারাজ! আমার নাম নাগদেন কিন্তু নাগদেন নাম মাত্র, ইহা শব্দ ভিন্ন আর কিছুই নহে। ইহার কোন বাস্তব্য নাই, কোন বিষয় নাই।"

রাজা—"কোন বিষয় নাই ? বলেন কি ? যদি কোন বিষয় না থাকে, কে তোমাকে অল বস্ত্র দিয়া তোমার অভাব পূরণ করে ? পীড়িত হইলে কে তোমাকে ঔষধ পথা দেয় ? কে এই সকল বস্তু ভোগ করিতেছে ? কে ধর্মা অনুষ্ঠান করে ? পুণা ফল ভোগ করে ? কে নির্বাণ লাভ করে ? চৌহ্য হত্যা পঞ্চ পাপাদি কে করে ? তোমার মতে ধর্মাধর্ম কিছুই নাই। পাপ পুণাের ফলাফল নাই। কর্মের কোন কর্ত্তা নাই। প্রভুজি, আপনাকে কেহ প্রাণে বধিলে তাহার হত্যা দােষ হয় না।"

তথন নাগদেন কহিলেন, "রাজন্, আমার কেশ গুচ্ছ কি নাগদেন ?

"তা নয়"

नथ पञ्ज अन्ति माश्म कि नागरमन ?

"তা নয়"

বেদনা কি নাগসেন ? নাম রূপ, সংস্কার, বিজ্ঞান—ইহার। কি নাগসেন ?

"না"

তবে নাগদেন কেথায় ? আমি যে দিকে দৃষ্টি করি নাগদেন নাই। নাগদেন একটি শক্ষযাত্র।"

পরে আরো বলিলেন

মহারাজ ! আপনি রোজের প্রথর উত্তাপে পবব্রজে চলিয়। যাইতে প্রান্তি বোধ করেন । এথানে আপনি পদব্রজে আসিয়াছেন কি রথে আসিয়াছেন" ?

রাজা— "আমি পারে চলিয়া বেড়াই না, রথে আসিয়াছি।"

"যদি রথে আসিয়া থাকেন ত রথ কি আমাকে বলুন।"

যুগকাঠ থানা কি রথ ? বুগকাঠ, চক্র, আসন, ইহার কোনটাই
রথ নহে। এই ভিন্ন ভিন্ন বস্তুর সংযোগও রথ নহে। আমি

যে দিকে দেখি রথ নাই, ইহা একটি শক্ষমাত্র। মহারাজ ! আপনি
বলিলেন রথে আসিয়াছি—একি অসত্যা নহে, যদি সত্যা হয় ত
রথ কি আমাকে বুঝাইয়া বলুন।

রাজ্ঞা— "আমি যাহ। বলিয়াছি দত্যই বলিয়াছি, যুগকাষ্ঠ, চক্র, চক্রনাভি, অর, আসন এই সব মিলিয়া রথের নাম রথ।"

নাগদেন—"যদি তাহাই ঠিক হয়, নাগদেন ও দেইরপ। রূপ বেদনা, সংস্কার, বিজ্ঞান, এই সকল মিলিয়া তাহার নাম নাগদেন। তাহার আভ্যন্তরিক বিষয় আর কিছুই নাই। জীবাল্লা এই পঞ্চ স্কন্ধের সমষ্টি।"

আত্মজ্ঞান বিষয়ে উপনিষদ আর বৌদ্ধেশ্মের কি প্রভেদ দেখুন। বৌদ্ধাতে জীবাত্মা বলিয়া দেহ হইতে কোন স্বতম্ত্র পদার্থ নাই। জন্ম সংস্কারে জীবন স্রোত বহিয়া যাইতেছে তাহার মধ্যে "আমি" "তুমি" কোন মূল সন্তা বিদ্যান নাই।

এক অবস্থা হইতে অন্ত অবস্থায় আমার আমিত্ব চলিয়া আদে অথবা বিনষ্ট হইয়া হইয়া যায় বৌদ্দর্শন ইহার উত্তর কি দেন ? এই বিষয়টি ব্থাইবার জন্ত দীপশিথার সহিত আত্মার উপমা দেওয়া হয়। জীব দীপশিথা, বহির্জগৎ হইতে তৈল কিয়া ইন্ধন আদে। দীপশিথা যেমন বায়ুভরে এক বস্তু হইতে অন্ত বস্তু আশ্রয় করিয়া জ্বলিয়া উঠে, জীব সেইরূপ এক যোনি হইতে অন্ত যোনিতে ভ্রমণ করে, এক দেহ ত্যাগ করিয়া অন্য দেহ আশ্রয় করে। বায়ুর ন্যায় বিষয় তৃষ্ণা জীবাত্মাকে যোনি হইতে যোনিতে লইয়া যায়। এই যে জীবাত্মা অবস্থা হইতে অবস্থান্তর প্রাপ্ত হইতেছে ইহা এক ও নহে—ভিন্নও নহে।

রাজা—"একটা দৃষ্টান্ত দিয়া বুঝাইয়া দিন।"

নাগদেন—"একটা দীপ জালাইয়া দিলে সমস্ত রাত্রি
তাহা জলিতে থাকে। প্রথম প্রহরে যে শিথা জ্বলিতেছে
তাহা কি মধ্য রাত্রির শিথার দক্ষে সমান ?

"না"

মধ্যরাত্রির শিথা ও শেষ প্রহরের শিথা—ইহারা এক কি ভিন্ন?

"এক নহে"

"তবে এই একই শিথার কি ভিন্ন রূপ বলিবেন ? তাহা ও নহে, সমস্ত রাত্রি সেই একই শিথা জলিতেছে। আমাদের জীবনের ও এই গতি, এক যায়, এক আসে। আদি নাই, অস্ত নাই, জীবন-চক্র ঘুরিতেছে। পূর্বাপর এক ও নহে, আবার ভিন্নও বলা যায় না।"

এই জীবন-শিথা কার্য্য কার্য্য গতিকে নৃত্ন নৃত্ন ক্ষেত্র অধিকার করিতেছে। জলিতেছে, জলিয়া নিবিয়া যাইতেছে—
নৃত্ন ইন্ধন পাইয়া পুনর্বার জলিয়া উঠিতেছে—মনে হয় এক অথচ ভিন্ন, ভিন্ন অথচ এক।

জীবাঝার যদি স্বতন্ত্র অন্তিত্ব না থাকে তাহা হইলে তাহার যোনিভ্রমণ কিরূপে সম্ভবে ?

আত্মা ছাড়িয়া অনাত্মবাদ অবলম্বন পূর্বক স্থগছ:থভোগী যে জীব তাহার জীবন সমস্যা পূরণ—বৌদ্ধর্মা এই অসাধ্য সাধনে ব্রতী হইয়াছেন।

এই সমস্যা পুরণের প্রণালী এই:—বৌদ্ধমতে যে সমস্ত উপকরণে জীবের জীবন সঙ্গঠিত, তাহাদের নাম "স্কর"। এই স্কন্ধ পঞ্চসংখ্যক, এই পঞ্চস্কন্ধ ন্যুনাধিক মাতার সর্বজীবে বর্তুমান। সেই পাঁচটি এই—

বিষয় প্রপঞ্চ—রূপ;
বিষয়জ্ঞান প্রপঞ্চ—বেদনা;
সংজ্ঞা প্রপঞ্চ—নাম;
সংস্কার প্রপঞ্চ—বাসনা;
বিজ্ঞান প্রপঞ্চ—( consciousness)

প্রত্যেক ক্ষরের আবার অন্ততর নানাপ্রকার বিভাগ।
এই পঞ্চ ক্ষরের সংযোগে জীবের জন্ম—তাহাদের বিয়োগে
জীবের মৃত্য়। এই সকল ক্ষর ছাড়িয়া জীবাত্মার স্বতন্ত্র
অক্তত্ব নাই।

এই পঞ্চ হল্ধ কথন কথন 'নামরূপ' এই ছই শ্রেণীতে বিভক্ত দেখা যায়, মোটামুট বলিতে গেলে জীব নামরূপের সমষ্টিমাত্র। মানসিক ও আধ্যাত্মিক ব্যাপার নামের অন্তর্গত— দৈহিক ও বাহ্য বিষয় রূপের অন্তর্ভূত।

मुक्राकारण (महनारमंत्र मरत्र मरत्र ऋत्रभूरक्षत्र विद्यांश स्टेवा-মাত্র অন্তত্ত তাহাদের পংযোজন ঘটে, হয় ইহলোক অথবা অন্ত लाटक এই क्राप्त नुजन नुजन की व रुष्टि इया এই करयक हि স্বন্ধের যোগাযোগেই মন্তুষোর মন্তুষাত্ব—মন্তুষোর চরিত্র —মন্তুষোর আত্মা। এই সমন্ত স্বন্ধের মূলে আত্মা যে আমি, আমি কতক গুলি গুণ ও সংস্কারের সমষ্টি মাত্র। এই যে আমানি, আমার নিয়তই পরিবর্ত্তন হইতেছে; আজ একরূপ কল্য অন্তর্মপ। শিশু যে সে বালক নছে, বালক যে সে যুবা নছে। এই পরিবর্ত্তন অফুসারে নামের ভিন্নতা, যেমন একই ছগ্নের পরি-বর্ত্তনে ক্ষীর, দধি, ঘোল প্রভৃতি নাম ঙেদ হয়। ইহাতে একটা প্রশ্ন উত্থাপিত হইতে পারে—যদি আত্মা বলিয়া স্বতন্ত্র পদার্থ না থাকে তাহা হইলে শুভাশুভ কর্মানুসারে জীবের ভাল মন যোনিভ্ৰমণ কিরূপে সম্ভবে ? আত্মা নাই ত যোনি ভ্ৰমণ कोहात ? (यमन कथात्र वर्तन, "माथा नारे छात्र माथा व्यथा।"-ইহার উত্তরে বৌদ্ধশাল্রে বলে, যদিও আত্মার অভ্য সমস্ত উপাদান (ক্বৰু) ধ্বংস প্ৰাপ্ত হয়, তথাপি কৰ্মফল—

কর্মবল—অক্ষত থাকে ! জীব নিজ নিজ কর্মবলে নৃতন জন্ম ধারণ করে। যে সকল সংস্কার এই ভিন্ন ভিন্ন যোনিতে কার্য্য করিতেছে, মৃত্যু তাহাদিগকে বিয়োজিত করে, কিন্তু কর্ম-বলের উপর মৃত্যুর কোন অধিকার নাই। মৃত্যু ঘটনার দঙ্গে সঙ্গে জীব দেহ হইতে বিশ্লেষিত আল্লার অবয়ৰ খণ্ডন্তন যোনিতে সংযোজিত হয়—নৃতন কর্মাঞ্জে প্রেরিত হয়; এইরপে জীবন স্রোত অব্যাহত থাকে। পূর্বজন্ম ও নবজনাের মধ্যে কর্মসূত্রই একমাত্র বন্ধন। মনে কর্মন ভাডিত শক্তির স্থায় কর্মাবল বলিয়া একটি শক্তি থাছে, তাহার গতিবিধিতেই জীবন গঠিত হুইতেছে—শংসার চলিতেছে। বেমন রুপচক্র उँठ नीठ नाना छान नाना मृत्श्वत यथा नित्रा शयन करत, অথবা দীপশিথা কিরংকাল জ্বলিয়া আবার নিবিয়া যায়-পুনর্কার জলিয়া উঠে—তাহাকে পূর্কাপর একই শিখা বলা यात्र न। अथह जिन्न । तर्ने तर्भ कर्यवरण जीवनहत्क নিয়তই ঘূর্ণমান-অথচ বৌদ্ধার মাত্রার অমুবর্তির, আমার আমিত্ব অঙ্গীকার করেন না। আমার কর্ম্মের স্রোত জীবনে প্রবাহিত হইতেছে, কিন্তু কন্ম-কর্ত্ত। কোন পুরুষ নাই। মোটামুট, বৌদ্ধর্শ্বের দার্শনিক তত্ত্বের দারাংশ এই — মাত্মার পুথক मेखा नाहे। तह এवः बाबा ९ बाबाव उपकर्ण সমস্ত মৃত্যু দারা ছিল্ল বিছিল হইয়া যায়; কর্মাবলে সেই সকল ছিল অবয়ব-থণ্ড সংসারের ক্রীড়াক্ষেত্রে নৃতন নৃতন জড়পিণ্ড ও জীবাকারে পরিণত হইতেছে—বিশ্বসংসার এই অথগুনীয় নিয়মে চলিয়া আদিতেছে। কোন্ত সম্প্রদায়ী লোকেরা (ইংরা-জীতে যাদের Positivist বলে ) তাদের মতও কতকটা এই-

রূপ। তাঁহারা ব্যক্তিকে—পুরুষকে সিংহাসনচ্যুত করিয়া তাহার স্থানে মনুষ্য জাতিকে সংস্থাপিত করেন। মনুষ্যের বিনাশ— মানব জাতির অমরতা। মৃত্যুকালে মনুষ্যের দেহ মন বিযুক্ত হইয়া আদি ভূতে মিশিয়া যায়; যাহা অবশিষ্ট থাকে তাহা তাহার স্থকতি এবং সাধু দৃষ্টান্ত;—অন্ত কথায় কর্ম্মবল এবং কর্মফল; তাহা তাঁহার, তাঁহার পরবর্ত্তী সন্তান সন্ততি ও অন্তান্ত লোকের মধ্যে প্রবাহিত হইয়া জনসমাজ সংরক্ষণ এবং তাহার উন্নতি সাধনে সহায়ভূত হয়।

সে যাহাই হউক, এই প্রশ্ন উৎপন্ন হইতেছে, এই কর্ম্মবল কাহার ? আমার, তোমার, কি অন্য কোন জীবের ? আত্মা বিনষ্ট হইলে কন্মবল কিসের উপর স্বীয় শক্তি চালনা করিবে ? কর্ত্ত। ব্যতিরেকেই বা কর্ম্মবল কিরূপে দেহের বাহিরে ও অভান্তরে কায়্য করিবে ? বৌদ্ধর্মের সহস্র ব্যাথাাতেও এই সকল প্রশ্নের সমর্পক উত্তর পাওরা যায় না। কর্ত্তা ছাড়িয়া দিলে কর্মের বল আপনাপনি বিনষ্ট হইয়া যায়; স্বাধীন পুরুষ ছাড়িয়া দিলে শুভাশুভ কর্ম্মের জন্য দায়িছ চলিয়া যায়। পরকালে বিশ্বাসও এই আত্ম জ্ঞানের উপর অনেকটা নির্ভর করে। আমি আছি, আমি পরে থাকিব, আমার আমিত্ব নিরন্তর বহমান থাকিবে, এই বিশ্বাস পরকাল-বিশ্বাসের মূল। আমার আমিত্ব গেলে কর্ম্মবলের মেরুদশুভাঙ্গিয়া যায়—পরকালে বিশ্বাসও হীনবল হয়।

তবে কি এই কর্ম নিবন্ধন জ্বমের পাকচক্র হইতে জীবের কিছুতেই পরিত্রাণ নাই ? আছে, এবং বৃদ্ধদেব সে উপায় বলিয়া দিয়াছেন ৷ তিনি সেই পথ প্রদর্শন করিয়াছেন "যশাৎ ভূয়ো ন জায়তে"। তাঁহার প্রদর্শিত পথ অবলম্বনের শেষফল নির্ন্ধাণ মুক্তি। এই নির্ন্ধাণ মুক্তি কি 
পূ ঘুরিয়া ফিরিয়া এই প্রশ্নে আদিয়া পড়িতে হয় 
থা বৌদ্ধশাস্ত্রে নির্ন্ধাণের অনেক কথা, অনেক উপদেশ আছে। বুদ্ধের নির্ন্ধাণ যে অবস্থা তাহা ভাবাভাব এতত্ত্তয়েরই অতীত এক অভাব নীচ অবস্থা—

"ন চাভাবোহপি নির্ন্ধাণং কৃত এবাস্থ ভাবতা। ভাবাভাব বিনিমুক্তিঃ পদার্থো নির্ন্ধাণ মুচ্যতে।" (রত্ন কৃট স্ত্র)

মিলিল প্রশ্নে নাগদেনের নির্বাণ ব্যাথ্যার কিয়দংশ নিয়ে উদ্ধৃত করিয়া দিতেছি—

"হঃথ শোক পাপতাপ হইতে মুক্তি লাভ—শাস্তি আনন্দ পবিত্রতা—এই নির্বাণের অবস্থা।'

"যিনি স্বীয় জীবনকে পুণ্য পথে নিয়োজিত করিয়।
চতুর্দ্দিক অবলোকন করেন তিনি কি দেখেন ? জন্ম রোগ
শোক জরা মৃত্যু, চতুর্দ্দিকে পরিবর্ত্তন—সকলই অস্থির—
সর্ব্বেই অশান্তি। এই দুশ্যে তাঁহার শরীর জরে অভিভূত হয়,
মন অশান্তিতে পূর্ণ হয়, কিছুতেই তাঁহার সন্তোষ নাই, তৃপ্তি
নাই, পুনঃপুনঃ জন্ম ভয়ে তিনি সদাই ভীত ও ত্রস্ত থাকেন ও
সেই ভীতি বশতঃ আরোগ্য লাভে অসমর্থ। এই অবক্রপয়
তিনি চিন্তা করেন, এই জালা যন্ত্রণা হইতে কি উপারে
নিস্কৃতি লাভ করা যায় ? এই অশান্তির মধ্যে শান্তি কোথায়
পাওয়া যায় ? যদি এমন অবস্থায় উপনীত হওয়া য়য়,
সেথানে জন্ম ভয় নাই, মৃত্যু ভয় নাই, বাসনার দংশন নাই,

#### বৌদ্ধধর্ম।

আসক্তি বিহীন হইয়া শান্তি, আরাম, নির্মাণ উপভোগ করা যায়, তাহা হইলেই আমার সকল কামনা পূর্ণ হয়। সাধনা ঘারা তাঁহার সেই অবস্থা উপলব্ধ হয়, যেথানে জন্ম-ভয় শোক তাপ অতিক্রম করিয়া তিনি শান্তি লাভ করেন। তথন তিনি পুলকে উৎফুল্ল হইয়া মনে করেন, এজক্ষণে আমি আশ্রমন্থান লাভ করিলাম। সেই মোক্ষধাম অর্জ্জন ও রক্ষণ করিতে তিনি কায়মনে সচেই হন; সংযমী জিতেজিয় ও অহিংসাপরায়ণ হয়েন, সর্মভ্তে দয়া ও প্রেমে তাঁহার হলয় অভিষিক্ত হয়। এইরূপ সাধনায় তিনি সিদ্ধিলাভ করিয়া এই পরিবর্ত্তনশীল সংসারের অতীত যাহা স্থায়ী, যাহা সত্যা, অহর্থ মণ্ডলীর চিরকাজ্জিত ফল, তাহা তাঁহার হস্তগত হয়। তথনই তিনি নির্মাণ মৃক্তি লাভ করেন।"

এই নির্বাণ মুক্তি স্থানবিশেষে বন্ধ নহে। ধর্মই তাহার আশ্রম স্থান। চীন, তাতার কাশীর, গানার, স্থর্গ মর্ত্তা যেথানেই থাকুন, প্রত্যেক সাধু পুরুষ বৃদ্ধনির্দিষ্ট ধর্ম পথে চলিয়া নির্বাণ মুক্তি লাভের অধিকারী। যাঁহার চরিত্র পবিত্র, যিনি ধ্যান ও বিবেক অর্জন করিয়াছেন, যিনি আসক্তি বিহীন মুক্তহাদয়, তিনি জন্মবন্ধন হইতে বিমুক্ত হইয়া নির্বাণরূপ অযুত্ত লাভ করেন।"

নাগদেন আবার কহিলেন, নির্বাণের যেমন স্থান নির্দেশ করা যায় না, তেমনি তাহার কারণও নির্দেশ করা যায় না। যে পথ নির্বাণে লইয়া যায় দে পথ প্রদর্শন করা যাইতে পারে; কিন্তু নির্বাণের উৎপত্তি কোথা হইতে তাহা বলা যায় না। আর জিনিস্টা যে কি তাও স্পষ্ট বলা যায় না। রাজ্ব।—তুমি যাহা বলিতেছ, তাহাতে দাঁড়ায় এই 'নির্বাণ' কি না 'নির্বাণ' অর্থাৎ তাহা কিছই নয়।

নাগদেন কহিলেন—"মহারাজ তা নয়—নির্বাণ আছে ইহা সতা।

ব্ৰহ্মজ্ঞান সম্বন্ধেও উপনিষ্দের এই উপদেশ "অস্তীতি ব্ৰুবতোহ্যুত্ৰ কথং তত্বপ্ৰভাতে", "আছেন'' এ বৰা ভিন্ন আরু কিসে তিনি উপ্ৰুক্ষ হন ?

নাগদেনের এই সমস্ত উপদেশেও নির্বাণের প্রকৃত স্বরূপ অবগত হওয়া গেল না। যে অবস্থায় আসক্তি নাই, জন্মভয় মৃভ্যুভয় নাই, রাগ দ্বেষ স্নেহ মমতা প্রভৃতি সকলই নষ্ট, মনোর্ত্তি সমুদায় তিরোহিত, সে যে কি অবস্থা কে বলিতে পারে? কাহার সাধ্য ভাবিয়া উঠে? ক থত আছে বৃদ্ধদেব স্বয়ং এই নির্বাণ প্রাপ্ত হইয়াছিলেন; তাঁহার শিষ্যেরা সে অবস্থা বর্ণন করিয়া গিয়াছেন; দেখা যাক্ এই বর্ণনা হইতে বেশী কিছু জ্ঞানলাভ হয় কি না?

বুদ্ধদেব তাঁহার আদন্ধ মৃত্যুকালে শিষ্যদিগকে ডাকিয়া উপদেশ করিলেন, পৃথিবীর তাবং বস্তুই অনিত্য, তোমরা যত্ন পূর্ব্বক আপনারা আপন মুক্তি-সাধন কর।" এই কয়েকটি কথা তথাগতের শেষ কথা।

পরে বুদ্দেব গভীর ধানে মগ্ন ইইয়া নির্বাণের প্রথম সোপানে পাদনিক্ষেপ করিলেন। প্রথম নোপান উত্তীর্গ ইইয়া দিতীয় সোপানে, দিতীয় সোপান হইতে তৃতীয় সোপানে, তৃতীয় ইইতে চতুর্থ সোপানে। তথনও তাঁহার সংজ্ঞা সম্পূর্ণ নষ্ট হয় নাই, কতক জ্ঞান, কতক আননদ অবশিষ্ট আছে)

আরও উচ্চে উঠিতে হইবে। চতুর্থ মহাধ্যান-সোপান অতিক্রম করিয়া তিনি সেই সোপানে পদক্ষেপ করিলেন, যেখানে েকেবল অনন্ত আকাশ বিরাজমান। অনন্ত আকাশের সোপান হইতে অনন্ত জ্ঞানের সোপান। অনন্ত-জ্ঞান-সোপান হইতে তথায় পদার্পণ করিলেন, যেখানে কোন চিন্তা, কোন ভাব, ্কোন মনোবৃত্তি বিদ্যাসন নাই—সুক্<u>লি শৃ</u>ক্ত। কিন্তু ইহা-তেও নিস্তার নাই। (শূন্যতার অনুভবেও আনন্দু,) তাহাও বিনষ্ট করা আবত্থক। পরে শূন্মতার সোপান হইতে এমন ম্বানে উপনীত হইলেন ঘাহা জ্ঞান ও অজ্ঞানের মধ্যবত্তী স্থান। এই সোপান উল্লঙ্ঘন করিয়া এমন স্থানে পৌছিলেন বাহা সম্পূর্ণ চেতনাশূনা, যেথানে সমুদয় মনোবৃত্তি তিরোহিত, <u>্যেথানে কোন ভাব-জ্ঞান্ও নাই অভাব-জ্ঞান্ও নাই। এই</u> শিথর দেশে পৌছিবার পর তিনি সোপানপরস্পরা দিয়া নিমদেশে প্রত্যাবর্ত্তন করিয়া পুনর্কার প্রথম ধ্যান-সোপানে আসিয়া পড়িলেন। দ্বিতীয়বার উঠিতে আরম্ভ করিয়া চতুর্থ ধাপের উচ্চে আর উঠিতে পারিলেন না, তাহার পূর্ব্বেই তাঁহার মৃত্যু হইল; তিনি নির্বাণ রাজ্যে প্রবেশ করিলেন।

বৃদ্ধদেব উল্লিখিত প্রকারে নির্বাণ প্রাপ্ত হইলেন। বৌদ্ধমতে আমরাও সাধনাবলে, পুণ্যবলে, বিষয় তৃষ্ণা পরিহার করিয়া, সভ্য সাধুতা স্বাধীনতা উপার্জন করিয়া, আমাদের জীবদ্দশার অথবা পরলোকে এই নির্বাণ মুক্তিলাভে জীবনের সাফল্য সম্পাদন করিতে পারি। বৌদ্ধেরা বলেন, অর্হ নির্বাণ প্রাপ্ত দিজ পুণ্যবলে এই অবস্থা প্রাপ্ত হন। (নির্বাণ প্রাপ্ত অর্হ চরিত্র বৌদ্ধদের আদর্শ চরিত্র) এই নির্বাণবস্থা

জ্ঞান কিম্বা অজ্ঞানাবস্থা, চেতন কিম্বা অচেতন ভাব, বৃদ্ধের উপদেশে তাহার ব্যথা নাই। তবে এই পর্যান্ত বলা হইয়াছে, এ অবস্থা কার্য্যকারণ শৃঙ্খালের অতীত। সেথানে কার্য্যকারণ শৃ**ঋ**ণ বিদ্যমান নাই। এরপ অবস্থা "নেতি "নেতি" ভিন্ন আর কোন্ শবে রাক্ত হইতে পারে ? এখানে বাসনা ছিল-মূল-তঃথ ক্লেশ জালা মন্ত্রণার পরিসমাপ্তি-এক কথায় আমার ুআমিত্<u>বো</u>প। বৌদ্ধর্মে মহুষ্য জীবনের এই চরম ফল—এই শেষ,গতি। এখন কথা এই বেদোপনিষদের ব্রহ্ম অথবা বুদ্ধের নির্বাণ-আমাদের যথার্থ লক্ষ্যান কি হইতে পারে? এই ছই আদর্শের মধ্যে কোন্টা ঠিক ? নির্বাণের অর্থ যদি শৃস্তা হয়, তাহা হইলে ইহা নিঃসন্দেহ বলা যাইতে পারে যে মানব প্রকৃতি এই শৃগুতা অবলম্বন করিয়া তিষ্টিতে পারে না। মর্ম্য শৃত্ততা চায়না, মহুষ্য পুরুষের আশ্রয় চায়। আমরা ধর্মরাজ্যে পুরুষের প্রাধান্তই দেখিতে পাই, তার সাক্ষী এই বৌদ্ধর্ম (मथून। त्कारनवह कि व धर्मात लाग नरहन ? आरता रमथून, क्रेमात शुक्रवकात शृष्टेशंत्यंत मर्क्य-क्रेमात्क हाफिया नित्न शृष्टे-धर्मात्र जात्र कि जविषष्ठे शास्त्र । महत्रानः विहतन मूमनमान धर्मा কোথার থাকে ? চৈততা প্রভুর প্রভুষ ছাঁড়িয়া দিলে বৈষ্ণব ধর্মহ বা কোথায় গ্রিষ্কা দাঁড়ায় ? এই সকল ধর্মবীরেরাই মহা-পুরুষ। এই সকল মহাপুরুষ পময়ে সময়ে অভ্যাদিত হইয়া মহুষ্যের অচেতন আত্মাকে সচেতন করিয়া তোলেন—হর্গতি প্রাপ্ত মহুষ্য সমাজকে উদ্ধার করেন। পুরুষ শব্দ পূর্ণতা ব্যঞ্জক। ভক্তের উপাশু দেবতা যে পরমাঝা তিনিও পুরুষ— ভিনি পূর্ণ প্রুষ।—"জ্ঞানে পরিপূর্ণ—প্রেমে পরিপূর্ণ, **আ**র

অটল প্রশান্ত মহরল এবং মহোদ্যমে পরিপূর্ণ,।" আমি যে কথাগুলি বলিলাম বৌদ্ধর্ম স্বয়ং তাহার সত্যতা সপ্রমাণ করিতেছে। আমরা দেখিতে পাই যে বৌদ্ধ নির্বাণ নানাস্থানে নানারূপ ধারণ করিয়াছে। বৃদ্ধ ব্রহ্মকে স্বীয় ধর্ম মন্দিরে স্থান দান করেন নাই; তথাপি তিনি স্বয়ং যেমন অনেকানেক ভক্ত কর্তৃক দেবতা রূপে পৃঞ্জিত হইয়াছেন, সেইরূপ নির্বাণের শ্সতাও স্বর্গম্থকল্পনায় ক্রমশঃ পূর্ণ হইয়া আসিতেছে। ইহাতে প্রমাণ হইতেছে, শ্সত। আশ্রয় করিয়া কোন ধর্মই টিকিতে পারে না।

আমার মনে অনেক সময় এই তর্ক উপস্থিত হয় বৈদাস্তিক मुक्ति आत्र देवोक निर्सांग हेशत मरश श्राटन कि? এই इहे ভনিতে ষত ভিন্ন, আদলে তত নয়। বেদাস্ত দর্শন বলেন, নদী ্যমন সুমুদ্রে পড়িয়া সীম্ব নামরূপ প্রতিত্যাগ করিয়া তাহার স্হিত মিলিত হইরা যায়, জীবাত্মাও সেইরূপ মোক্ষাবস্থায় নিজন্ব ছাড়িয়া পরত্রকো বিলীন হইয়া যায় 🖟 "বেদাস্ত দর্শনের চৌতালা দেবমন্দিরে বৈখানর, হিরণাগর্ত্ত এবং,ঈশান, এই তিন দেবতার তিন্টি বিভিন্ন বাসস্থান নির্দেশ করিয়া দেওয়া হই-য়াছে: চৌতালায় দেওয়া হইয়াছে তুরীয় অবস্থাকে; এস্থানটি জীবেশ্লরের ঐক্য স্থান বা প্রাধিস্থান্। এ অবস্থায় জীব 'সোহহম' জ্ঞানে ব্ৰহ্মত্ব লাভ করে— এথানে রোগ নাই শোক নাই, ''তরতি শোকং তরতি পাপ্যানং গুহা গ্রন্থিভা বৈমৃক্তোং-मृट्डा ভवि ।" दोक हो जाना मिन्दिक निर्दाण मुक्ति ९ हेराइ অবিকল প্রতিচ্ছবি।" আদল কথা এ অবস্থায় আমার ব্যক্তি-গত স্বাতন্ত্র—আমার আমিত বজার থাকিবে কিনা ? যি

মামার আমিত্ব বিলুপ্ত হইল, তবে আমি প্রপ্তরে পরিণত হই, কিয়া ত্রন্ধেতে বিলীন হই, অথবা নির্বাণ মহাসাগরে মিশিয়া বাই, আমার পক্ষে দে একই কথা। আমি জানিতে চাই, আমার বাক্তিগত জীবন—আমার আমিত বিকাশ প্রাপ্ত হইবে অথবা ক্রমোন্নতি সহকারে উচ্চ হইতে উচ্চতর শিথরে আরুঢ় হইয়া জ্ঞান ধর্ম স্বাধীনতায় উন্নত হইবে ৭ যদি জিজ্ঞাসা করেন 'আমি কি',—ইহা যুক্তি ও তর্কের কথা নহে, আমরা প্রত্যেকে অন্তরাত্মাতে জ্ঞানালোকে তাহা অনুভব করিতেছি। আমি জড় হইতে পৃথক — অন্ত জীব হইতে পৃথক্, এই পাৰ্থক্য হইতেই স্বামার আমিত্ব ফুটিয়া উঠে। আমার এই আত্মা কর্ম বাদনা— প্রেম মমতা ও অক্তরূপ সহস্র আকর্ষণের মধ্য দিয়া, এই ক্ষণ-স্থায়ী বাসগৃহে থাকিয়া তুঃখ ক্লেশের মধ্য দিয়া, উন্নতির পথে অগ্রসর হইতেছে। আমি যে অনন্ত জীবন প্রতীক্ষা করিতেছি. তাহাতে আমার আমিত্ব স্থুরক্ষিত থাকিবে: আমার নিজের শুভাশুভের জন্ম আমি নিজেই দায়ী; আমার নিজের কর্ম ফল যথন আমি নিজেই ভোগ করিব; আমার পুণ্যফল পাপের ভোগ আমারই। বৌদ্ধর্ম এবং বেদান্ত দর্শন এ উভয়ের উপ-**रमग अञ्गा**दत यनि आमात्र आमिष लार्भिर मूक्ति रुन्न, जत আমার পক্ষে এ ছুইই সমান। ব্রহ্মেতে আত্মার লয় কিয়া মহানির্বাণে আত্মার লয়, ইহার মধ্যে প্রভেদ কি ? বৌদ্ধধর্ম যদি এই অহুমিকার উচ্ছেদে, এই আত্মঘাতে মুক্তি অম্বেষণ করিতে প্রবৃত্ত হন তবে বুদ্ধের উপদিষ্ঠ সার্বভৌম মৈত্রের অাধার কোথায় মিলিবে ? অন্তোর প্রতি আসক্তি ছাড়িয়া দিলে কি প্রেমের মূল শুষ হয়না? আসক্তিবিহীন প্রীতি—এ ত আমাদের কল্পনাতীত। মহুষ্য যদি কথন ঈশ্বর লাভে সমর্থ হন তব্ও তাঁহার জীবিত স্রোত পৃথক্ ভাবে প্রবাহিত হওয়া প্রয়োজনীয়। মহুষ্য জন্ম হঃখমর বলিয়া তাহার উচ্ছেদ সাধন করা—কর্মবন্ধন ছেদন করিয়া স্পাদহীন অচল নিশ্চেষ্টতার মধ্যে প্রবেশ করা—সকল জীবনের মূল যে ব্যক্তিগত স্বাতস্ত্রা, তাহা সমূলে উৎপাটন করিয়া ব্রন্ধে কিলা শৃত্যে মিশিয়া যাওয়া, ইহার পরিণামে মহুষ্যত্বের আর কি অবশিষ্ট রহিল ? ভক্তিভাজন দিজেজনাথ ঠাকুর যেমন তাঁহার বৌদ্ধর্ম ও আর্য্যধর্মের পরস্পর সম্বন্ধবিষয়ক প্রবন্ধে বলিয়াছেন, "বৈদান্তিক চৌতালা মন্দিরের ত্রীয় অবস্থা এবং বৌদ্ধ চৌতালা মন্দিরের নির্বাণ্মুক্তি এ পিঠ ও পিঠ।" বেদান্ত মতে জীবান্মার পরব্রন্ধে বিলীন হওয়া—বৌদ্ধ মতে নির্বাণ প্রলয়্মাগরে ডুবিয়া যাওয়া—ইহার উর্দ্ধে আর কিছুই নাই = অন্ধকার, নিস্তব্ধতা, শৃন্যতা, বিনাশ।

## টিপ্পনী—বুদ্ধদেব বৈশালীর কূটাগার শালায় যে উপদেশ দেন তাহার ব্যাখ্যা।

চারিটী স্মৃতি-উপস্থান (ধ্যান)—		ত।	वौर्या।
١ د	কায় অপবিত্র	8	শ্বৃতি
	সংসার ছঃখনয়	e	প্ৰজ
91	हिन्द हक्ष्म	<b>সপ্ত বোধাঙ্গ</b> —	
8	পদাर्थ সমূহ অলীক		শ্বৃতি
চারিটা ধর্ম-চেষ্টা			বিবে <b>ক</b>
<b>5</b> I	অব্বিত পুণ্যের সংরক্ষণ	७।	ধীৰ্য্য
	অলক পুণ্যের উপার্জন	8	প্রীতি
۱ و	পূর্ব্ব সঞ্চিত পাপের পরিত্যাগ	<b>c</b>	শ্ৰদ্ধা
	নুতন পাপের অমুৎপত্তি	<b>७</b>	বৈরাগ্য
চারিটী ঋদ্ধিপাদ		۹ ۽	সমাধি
व्यत्नोकिक नििक नाट्डन—		অষ্ট	আৰ্য্যমাৰ্গ—
١ د	অভিলাষ	۱ د	नमाक् पृष्टि
२ ।	চিন্তা	२।	সম্যক্ সঙ্গল
١ و	উৎসাহ	०।	সম্যক্ বাক্
8 :	<b>अ</b> ट्यर्ग	8	সম্যক্ কৰ্মান্ত
-		. 61	সম্যক্ আজীব
পঞ্চবল—		ঙ৷	সম্যক্ ব্যায়াম
> 1	শ্ৰদ্ধা	9 †	সমাক্ শ্বৃতি
२।	সমাধি	١٧	সম্যুক্ সমাধি

# চতুর্থ পরিচ্ছেদ।

#### तोक मध्य।

উপক্রমণিকা।—

বৌদ্ধধর্ম ত্রিরত্নে থচিত—বৃদ্ধ, ধর্ম এবং সজ্য। হিলুখর্মের ত্রিমৃত্তির ন্যায় বৌদ্ধধর্ম ক্ষেত্রে এই তিনের ত্রিমৃত্তি কলিত দেখা যায়। মুমূকু বাক্তি বৌদ্ধধর্মে দীক্ষিত হইবার সময় এই ত্রিবর্গের শরণাপর 
ইয়া দীক্ষা লাভ করেন।

> वृक्तः **मंत्र**नाः शष्ट्रांगि धर्माः मंत्रनाः शष्ट्रांगि मञ्ज्यः मंत्रनः शष्ट्रांगि

वोक्तानत्र এই मौका मञ्ज।

সঙ্ঘ।--

এ পর্যান্ত 'বৃদ্ধ' ও 'ধর্মা' এই ছই অঙ্গ লইয়াই অন্ধ-বিস্তর
চর্চা করা গিয়াছে। বৃদ্ধের জীবন বৃত্তান্ত সংক্ষেপে বর্ণিত এবং
তাঁহার উপদিষ্ট ধর্মাতন্ত্ব যথাসাধ্য সমালোচিত হইয়াছে। বৌদ্ধধর্মের তৃতীয় অঙ্গ যে সজ্য এই প্রবন্ধে তাহার অবতারণা করাই
সঙ্গত বোধ হয়।

আমরা দেখিরাছি যে, বৌদ্ধর্মের মূলস্ত্র এই যে মনুষ্য জীবন নিরবচ্ছিন্ন তঃখনম; বিষয় তৃষ্ণাই সেই তঃখের মূল এবং বৃদ্ধ নির্দিষ্ট আর্যামার্গ অবলম্বন পূর্ব্বক তৃষ্ণা পরিহারই সেই মৃলোচ্ছেদের উপায়। এইরূপ বিশ্বাস ও উপদেশের সঙ্গে সঙ্গেই বৌদ্ধ সঙ্গের উৎপত্তি। গৃহস্থাশ্রমে বাস করিয়া বৌদ্ধ-ধর্মের উচ্চ অব্লের উপদেশ সম্যক্রপে পালন করা গৃহীর পক্ষে সম্ভব নহে। সংসারের মায়া মমতা পরিত্যাগ করিয়া গৃহের বাহির হওয়া নির্বাণ লাভের উৎকৃষ্ট সাধন; সহজ্ব কথায়, নির্বাণ পথের পথিক হইতে গেলে গৃহত্বের সন্ন্যাসী হওয়া আবিশ্রক। বৃদ্ধদেব স্বয়ং মৃত্তিত কেশে, গৈরিক বেশে, ভিক্ষাপাত্র হত্তে সেই জীবন ব্রত অবলম্বন করিলেন এবং স্বকীয় দৃষ্টাস্ত ও উপদেশ ঘারা অন্তকে সেই পথে নিয়োজিত করিলেন। কাজেই তাঁর শিষ্যবর্গ মিলিয়া এক উদাসীন সম্প্রদায় স্বত্রই সংগঠিত হইল। বৃদ্ধ সম্প্রদায়ী উদাসীনের নাম ভিক্ষ্ এবং সমাজ বদ্ধ ভিক্ষ্ণপরে নাম সজ্ব।

त्रोक्षधर्य यथन हिन्दू ममाख रहेट विनिः एक जथन महर्ट्व मान कर्या याहेट भारत त्य এहे जनामीन मच्छानाय तृकएन त्यत्र स्वरुपान-किन्न न्यान स्थिन या हेरात नियमावनीत मर्पा हिन्दू ममारख्य त्रीकिनीकि विर्पृ क खिनत व्याभात किन्न नाहे। हिन्दू एन आप जीवन विकर्ण, भार्रहा, वानथ्राह्म, मम्राम, এहे हजूता खार विकरण। हेरात त्यत्र आध्यम-वामी
विनि किनि मम्रामी। वृद्धत ममर्म व्यक्ति त्यामी, देवतानी, यजी,
त्योनी, निर्धाह्म, ब्याहनक, मिनस्य श्राह्मक व्यक्ति नाना ध्रत्यत मम्रामी
विनामान हिन, काहात्र श्राह्मक खिन्ह खेनामीन-मच्छानाम छ खेहाराव महिक थक हाँ एहरे गठिक। कर्व हेरात वित्यक्ष कान्यान , भरत भरत विवृक्ष हरेटव।

#### মধ্যপথ।---

অত্যাত্ত উদাদীন দুপ্রাদায়ের দহিত বৌদ্ধ দজ্বের এক বিষয়ে পার্থকা প্রতীয়মান হয়। শরীর-শোষণ, উপোষণ, ই ক্রিয় নিগ্রহ প্রভৃতি কই সাধন বৃদ্ধ দেবের অহুমোদিত ছিল না। তাঁহার মহাভিনিক্ষমণের পর ৭ বংসর ধরিয়া তিনি গোরতর তপশ্চর্যায় নিযুক্ত থাকেন। প্রথমে তিনি আলার ও উদ্রক এই তুই গুরুর নিকট যোগ শিক্ষা করেন, তাহাতে কোন ফল না পাইয়া রাজগৃহ হইতে উরুবেলার বনে গিয়া আর পাঁচ জন সরাাদী দহ নিঃখাদ-রোধ, দীর্ঘ উপবাদ, শ্রীর শোষণকারী অশেষ প্রকার কঠোর তপস্থা আরম্ভ করি-লেন। তাঁহার আহার কমিয়া কমিয়া ক্রমে এক মুঠা চাউল, তাহা ও त्रिंग ना। भारत এक मिन अमन इटेन रव हिनाटक हिनाटक মূচ্ছা গিয়াভূতলে মৃতপ্রায় হইয়াপড়িলেন। মূচ্ছা ভক্রে পর এই সমস্ত কঠোর দাধনা নিতান্ত নিক্ষল বিবেচনায় তাহা হইতে বিনিবৃত্ত হইলেন। অনশন ব্রত পরিত্যাগ পূর্বক পূর্ববৎ আহারাদি দারা শরীরে বল পাইলেন—তথন ধর্ম সাধনের অন্ত পছা চিন্তা করিতে লাগিলেন। বৃদ্ধত্ব পাইবার পর তাঁহার বারাণসী বক্তৃতায় বলেন যে একদিকে কঠোর তপস্থায় শরীরক্ষয়, অন্ত দিকে আমোদ প্রমোদ বিলাসিতা, তিনি এই উভয়ের মধ্য-পথ আবিষ্ত করিয়াছেন। উপবাস বা শরীর শোষ্ণ প্রকৃত ধর্ম্মাধন নহে কিন্তু আত্ম-সংযম ও সত্যাহশীলনই আধ্যাত্মিক উন্নতির উপান্ন; শরীরে বল না থাকিলে আত্মার ও বলহানি হয় বুদ্ধদেব তাহা পরীক্ষায় জ্ঞানিয়াছিলেন। বৌদ্ধ শাস্ত্রে আধ্যাত্মিক জীবনের বীণাতন্ত্রীর সহিত সাদৃশ্র দেওয়া

इब- थ्व (काद्र वाधित जात हिं फ़िबा याब, तनी विना थाकितन ও সুস্বর হয় না। অতএব শারীরিক কণ্ঠ কল্পনা ছাড়িয়া অন্তরের দিকে দৃষ্টি করা-ধ্যাণ ধারণা আত্ম-সংযম দ্বারা মনো-বুত্তি সমুদায়ের সামঞ্জস্ত সাধন করা বুদ্ধ এই রূপ উপদেশ তাঁহার ভিক্ষুদল সেই উপদেশানুসারে চলিত। আহার বিহার বাদ বদনে অভাভ সন্ন্যাদী সম্প্রদায় হইতে তাহাদের চাল চলন স্বতম্ব ছিল। বৌদ্ধ ভিক্ষ ভিক্ষায়গীবি ছিলেন সত্য কিন্তু তাঁহার কোন অন্ন কষ্ট ছিল না। স্বহন্ত-স্থাত চীরপুঞ্জ তাঁহার পরিধেয় বস্ত্র কিন্তু বৌদ্ধ সন্ন্যাসী দিগদরের ভার বিবস্ত্র থাকিতেন না-ত্রিবদন মণ্ডিত স্কুক্চি সঙ্গত ভদ্র সাজে সজ্জিত হইয়া সর্বত্র বিচরণ করিতেন। কথিত आहि य এकिन अनाथिनि धिरकत वाड़ी धकनन किंगाती, ভত্ম-বিভৃতি মাথা, বীভংস নগ্ন সন্নাদী ত সিয়া উপস্থিত হয়। তাঁহার স্ত্রী আপন পুত্রবধূ স্থমাগধাকে ডাকিয়া বলিলেন "আদিয়া দেখ কেমন সন্নাদী আদিয়াছে।" স্থমাগধা ভাবিলেন मातीश्रव कि आंत कान त्रीक मन्नामी प्रिथिट शाहरवन। এই মনে করিয়া মহোল্লাসে তাডাতাড়ি নামিয়া আসিয়া দেখেন, একি অত্ত দৃশ্য। এই দকল বীভংদ মূর্ত্তি দেখিয়া তাঁর চক্ষু স্থির! অমনি বিমর্থ ভাবে ফিরিয়া গেলেন। তাঁহাকে বিমর্থ দেখিয়া শ্বাশুডী ঠাকরণ জিজ্ঞানা করিলেন "বাছা, তোমায় বিষয় एन थिए छिन १° जिनि विनातन "हे हात्रा यनि छिक् माधु हम তবে না জানি চর্জন কাহাকে বলে ?"

সভেষর গঠন—দলাদলি।— এই উদাদীন সম্প্রদায় যে কঠোর সামাজিক শাদনতয়ে

বদ্ধ ছিল হাহা নহে। রাজার স্থায় কোন শাসনকর্তার উপর সজ্বের শাসন ভার গুত ছিল না; স্থশাসন উদ্দেশে এ সম্প্র-দায়ের কোন প্রতিনিধি সভাও সংস্থাপিত হয় নাই। বুদ্ধদেব মঠপতি দদশ আপনার কোন উত্তরাধিকারী নির্দেশ করিয়া যান নাই, তাঁহার মরণানন্তর তাঁহার শিষ্য আনন্দ তাহা স্পষ্টই বলিয়াছিলেন। আনন্দ তথন রাজগৃহে অবস্থিতি করিতে-ছিলেন। মহারাজ অজাতশক্র দেখানে এক ছর্গ নিশ্মাণের আদেশ করেন ও তাঁহার প্রধান অমাত্য এই কার্য্যের তত্ত্বাব-ধানে নিযুক্ত ছিলেন। তিনি আনলকে জিজ্ঞাসা করেন, "বুদ্ধদেব কি তাঁহার কোন শিষ্যকে আপন উত্তরাধিকারীরূপে निर्फ्न कतियाद्यन ?" जानन जारात উত্তর करिलन-ना। মন্ত্রী জিজ্ঞাসা করিলেন, "সজ্ব হইতে কি কোন একজন ভিক্ষ মঠাধিকারী রূপে নিযুক্ত হইয়াছেন ?" তাহার উত্তরেও বলিলেন "এরূপ কোন ভিক্ষু নিযুক্ত হন নাই।" "যদি তোমাদের কোন পথ প্রদর্শক আশ্রয় না থাকেন তবে তোমাদের মধ্যে ঐক্য বন্ধনের উপায় কি ?" উত্তর—"আমাদের সে আশ্রয়ের অভাব নাই—আমাদের শরণ—ধর্ম।" ভিক্ষুদল যে সমস্ত আদেশ পাসন করা কর্ত্তব্য বিবেচনা করিতেন তাহা ভগবান বুদ্ধের আদেশ বুলিয়া প্রচারিত হইত। বুদ্ধই ভিকুদলের দলপতি-তাঁহার আদেশ, তাঁহার উপদেশ ও অনুশাসন ভিকুদের সকলেরই মাননীয় ও পালনীয়। তিনি হতদিন জীবিত ছিলেন ততদিন তাঁহার শাসন অনতিক্রমণীয় ছিল কিন্তু তাঁর ়মৃত্যুক্স পর আহার সে শাসনের বল রহিল না। তথ্ন তাঁহার শির্ম ভঙ্গ নিবারণের একমাত্র উপায় ছিল ভিক্ষুসভা আহ্বান

করিয়া তাহাদের মন্ত্রণা গ্রহণ: এই উদ্দেশেই রাজগৃহ ও বৈশালীতে বৌদ্ধসভা হয় কিন্তু এই সকল সভার স্থানীয় অধিকার ভিন্ন অধিক কিছু কল্পনা করা যায় না। সে সভার শাসন-বল কতটা ৷ সে সভার মতামত সাধারণ বৌদ্ধসমাজে প্রচলিত করিবার উপায় কি ছিল গতাহার কোন নিয়ম জারী হইলে তাহা যদি কেহ স্বেচ্ছাপূর্বক পালন করে সে अञ्चलकथा किन्छ ना कत्रिला रे वा कि १ वृक्षान त्वर मृजारक সাধারণ ভক্তমগুলীর মধ্যে যেমন শোকগ্রনি উঠিয়াছিল তাহার সঙ্গে সঙ্গেই আবার এই কথাও গুনা গেল—"আঃ গৌতম গেল বাঁচা গেল। এখন আমরা মনের সাধে চলিয়া ফিরিয়া বেড়াইতে পারিব, আমাদের শাসন করিবার জন্ম কোন গুরু মহাশয় নাই।" এই কথা শুনিয়া কাশ্রপের মনে অত্যন্ত ব্যথা লাগিল ও তাঁহারই মন্ত্রণায় ভিক্ষু সভা বসিল। কিন্তু তাহার বিধান মানে কে ? এইরূপ কথিত আছে যে রাজগুহের সভা-স্থলে স্থবির ভিক্ষু পুরাণ উপস্থিত ছিলেন না। সভাভঙ্গের পর তিনি আসিয়া উপস্থিত হইলে তাঁহাকে বলা হইল—"হে পুরাণ, স্থবিরদের মতে এই যে শাস্ত্র নির্দ্ধারিত হইয়াছে তাহা অনুমোদন করিতে আজ্ঞা হউক।'' পুরাণ কহিলেন "তাঁহারা শাস্ত্র वाँ विद्योद्दिन ভानरे किन्छ यदः वृक्ष ভগৰানरे আমার अकः; তাহার মুখে আমি যে উপদেশ শ্রবণ করিয়াছি আমি তাহাতেই অমুরক্ত থাকিব।" বৈশালীর সভাও এই দলাদলি হইতে উৎপন্ন, কতকগুলি ভিক্ষু সজ্ব-নিয়মের কঠোরতা নিবারণ জন্ম কোন কোন নিয়মের পরিবর্ত্তন হয় এইরূপ অভিপ্রায় প্রকাশ করেন। তাঁহারা এইরূপ দুশ্টি নিয়ম নির্দেশ করেন—অশক

বদন সম্বন্ধে কতকগুলি ছোটখাট নিয়ম, তাছাড়া সোনারপা গ্রহণের যে নিষেধ ছিল তাহা দুরীকরণ। এই সকল বিষয়ে অনেক তর্কবিতর্কের পর নবীন মত অগ্রাহ্য হইয়া সজ্যের প্রাচীন পন্থীদের মর্য্যাদাই রাখিতে হইল। তথাপি প্রতিপক্ষীয়েরা সম্ভষ্ট হইলেন না। তাহারাও স্বপক্ষ হইতে এক সভা করিলেন, এই সভা 'মহাদঙ্গীতি' বলিয়া অভিহিত। এই বিপক্ষ দলের প্রতি কটাক্ষ করিয়া দীপবংশ বলেন—''ইহারা ধর্মনষ্ঠ ও শাস্ত্র উণ্টাইতে চায়--বুদ্ধের উপদেশের নূতন অর্থ ক্রিয়া স্বমত সমর্থন করে—স্ত্র বিনয় ও পরিবার পাঠ, অভিধর্ম, নিদেশ, জাতক প্রভৃতি একদিকে ফেলিয়া দিয়া নিজেদের মনগড়া শাস্ত্র পর্যান্ত প্রস্তুত করিতে উন্নত।'' বেদ্ধিধর্ম প্রচারের সঙ্গে দক্ষে এই মতভেদ দলাদলি আরো বাড়িয়া উঠিল-ক্রমে বৌদ্ধেরা অপ্তাদশ সম্প্রদায়ে বিভক্ত হইয়া পড়িল—তাহাদের গুরুও ভিন্ন ভিন্ন। এই কেন্দ্রাতিগ শক্তির প্রতিকূলে বুদ্ধের উপর ভক্তি শ্রদ্ধা, বৌদ্ধশান্তে আহা, ধর্ম-বন্ধনে সাধারণ অনুরাগ ও উৎসাহ এ ভিন্ন আর কোন শক্তি ছিল না। ভারতে বৌদ্ধ-সজ্ম নির্মাণ হইবার এক কারণ মনে হয় সজ্বের এই প্রকৃতিগত হর্কলতা। বুদ্ধদেবের জীবদশা হইতেই এইরূপ মতভেদের স্ত্রপাত দেখা যায়, তাহার একটি দৃষ্টান্ত দিলে আলোচ্য বিষয়ের স্পষ্টীকরণ হইবে; আমরা ও আমাদের এথনকার সমাজের বিচ্ছেদ দলাদলি দূর করিবার সহপায় স্থির করিতে পারিব।

যথন ভগবান্ বৃদ্ধ কৌশখীতে বাস করিতেছিলেন সেই সময় জনৈক ভিক্ষর প্রতি অকারণে দোষারোপ করা হয় কিন্তু তিনি

নিজ দোষ কিছুতেই স্বীকার করেন না; ভিক্ষু মণ্ডলী ভাঁহার প্রতি বিরক্ত হইয়া বহিন্ধার দণ্ড বিধান করে।

সেই ভিক্ষু বিদ্বান্ বুদ্ধিমান ধর্মশাস্ত্র বিশারদ এবং বিনীত স্বভাব ছিলেন। তিনি নিজ্প বন্ধুগণের নিকট গিয়া বলিলেন "আমি ত্কোন দোষ করি নাই আমাকে অনর্থক দণ্ড বিধান করা হইরাছে। আমি আপনাকে সভ্য হইতে বহিন্ধৃত মনে করিতে পারি না। আপনারা আমাকে এই অন্যায় দণ্ড হইতে মুক্তি করুন।"

তাঁহার বন্ধুগণ বিচারকদের নিকট গিয়া আপনাদের অভি-প্রায় ব্যক্ত করিলে পর ছই দলের মধ্যে ঘোর কলহ বিবা-দের উপক্রম হইল।

বুদ্ধের নিকট ইহার মীমাংসার জন্ম উভয় দলই উপস্থিত হইল। বুদ্ধদেব তুপক্ষকে অনেক করিয়া বুঝাইলেন ও যাহাতে সম্ভাব রক্ষিত হয় তাহার উপদেশ দিলেন।

তব্ও দলাদলি ভালে না। উভয় পক্ষ শ্বতন্ত্রভাবে উপবাস প্রভৃতি নিজ নিজ ধর্মার্ম্চানে তৎপর হইল। বৃদ্ধদেব তাহা দেখিয়া বলিলেন ছই দলের মধ্যে যথন ঐক্য নাই তথন তাহাদের শ্বতন্ত্র ভাবে নিজ নিজ্ঞ ধর্মাক্বত্য অম্চান করাই বিধেয়। এবং তিনি বিবাদের স্ত্রধার-দিগকে তির্দার করিয়া কহিলেন "হিংসা প্রতিহিংসা দারা পরাহত হয় না কিন্তু প্রেমগুণে বিজিত হয়। অজ্ঞানবশতঃ যে ব্যক্তি বিবাদ কলহে প্রবৃত্ত হয় তাহাকে কিছু বলিবার নাই কিন্তু জানিয়া গুনিয়া এইরূপ অসন্তাবহার দ্যণীয়। তোমরা সকলে শান্তি সন্তাবে বাস করিতে শিক্ষা কর, এই আমার উপদেশ। আর তা না পার ত বনে গিয়া নির্জ্জনে বাদ কর। ছষ্টের সহবাদ অপেক্ষা অরণ্যের নির্জ্জনতা শতগুণে শ্রেষম্বর।"

এইরপ উপদেশে ও ভিক্ষুদলের বিবাদ ভঞ্জন না হওয়াতে ভগবান্ বৃদ্ধ কোশখী পরিত্যাগ করিয়া শ্রাবস্তীতে গিয়া বাস করিতে লাগিলেন। তাঁহার অবর্ত্তমানে এই কলহ বিবাদ আরো অধিক প্রজ্ঞালিত হইয়া উঠিল। পরে কৌশঘীর গৃহস্থেরা স্থির করিল এই সকল ভিক্ষু মহা গগুগোল বাধাইয়াছে, ইহাদের দৌরাত্ম্যে বৃদ্ধদেশও চলিয়া দ্রে গমন করিলেন। এই সকল ভিক্ষুদিগকে আমরা আর ভিক্ষা দান করিব না। ইছারা গৈরিক বসন ধারণের 'উপযুক্ত নহে—ইহারা সংসারে ফিরিয়া গেলেই ঠিক হয়।" গৃহীদের এইরপ আচরণে ভিক্ষুদলের চৈতন্ত হইল ও তাহারা তথন পরস্পরের মধ্যে শান্তি স্থাপনে কৃতনিশ্চয় হইল।

উভয় পক্ষের লোকেরা প্রাবস্তী গিয়া উপস্থিত হইল।

শারীপুত্র বুদ্ধদেবের নিকট নিবেদন করিলেন, ভগবন্ এই

শকল কলহপ্রিয় ভিক্ষুদল সমাগত হইয়াছে, ইহাদের সহিত

কিরূপ ব্যবহার করিব ?

### বুদ্ধদেব কহিলেন।—

ইহাদিগকে ভং সনা করিও না—কর্কশবাক্য কাহারো ভাল লাগে না। উভয়পক্ষের কথা শুনিয়া বিচার কর। এক পক্ষের কথা শুনিয়া ইতি কর্ত্তবা স্থির করা অসম্ভব। উভয় পক্ষের দোষগুণ প্রণিধান পুরঃসর বিচার করা মুনির লক্ষণ।

কুলন্ত্রী প্রজাপতি আসিয়া জিজ্ঞাসা করিলেন এইক্ষণে কি করা কর্ত্তব্য ? বৃদ্ধদেব উপদেশ দিলেন "উভয় দলকেই গ্রাসাচ্ছাদন দিয়া পরিতৃষ্ট কর—কোন এক দলের প্রতি পক্ষপাতী হইও না।"

উপালী জিজ্ঞাসা করিলেন, ইহাদের কলহের ব্যাপার তদন্ত না করিয়া কি ইহাদের মধ্যে সদ্ধি স্থাপন বিধেয় ? বৃদ্ধ কহিলেন—"না এরপ হইতে পারে না। অনুসন্ধান দারা ইহাদের দোষ গুণ বিচার না করিয়া এর শেষ পর্যান্ত তলাইয়া না দেখিলে সদ্ধি স্থাপনের উপায় নির্ণয় করা অসাধা। মৌধিক সদ্ধি, কোন কার্য্যের নহে—অন্তরের সহিত পরস্পরের দোষ মার্জ্জানা না করিলে স্থায়ী ফল প্রত্যাশা করা রুথা। এক মৌধিক সদ্ধি—অনা যে আন্তরিক স্থা-বন্ধন তাহাই প্রকৃত সদ্ধি।" এই বলিয়া তিনি দীর্ঘায়ুর গল্প বলিলেন।

পুরাকালে কাশীতে ব্রহ্ম দত্ত নামক এক প্রবলপ্রতাপ নরপতি ছিলেন। তিনি দীর্ঘেতি নামক কোশল রাজের সহিত যুদ্ধ করিতে কতসঙ্কল্ল হইলেন। কারণ তিনি মনে ভাবিলেন কোশল এক ক্ষুদ্র রাজ্য—দীর্ঘেতি আমার সৈন্যের সহিত যুদ্ধে পারিয়া উঠিবে না। দীর্ঘেতি নিজের হর্মলতা অমুভব করিয়া রাজ্য ছাড়িয়া পলায়ন করিলেন ও নানাস্থানে ভ্রমণ করিতে করিতে অবশেষে কাশী আসিয়া উপনীত হইলেন। তথায় তিনি সন্ন্যাসী বেশে এক কুস্ককার গৃহে রাণীকে লইয়া বাস করিতে লাগিলেন। রাণীর এক সন্তান জন্মিল, তাহার নাম দীর্ঘায়ু। দীর্ঘায়ু বয়ংপ্রাপ্ত হইলে রাজা তাহার অমলল আশক্ষা করিয়া তাহাকে দ্বে পাঠাইয়া দিলেন।

যথন ব্রহ্মদন্ত স্থানিতে পারিলেন যে কোশল রাজ ছন্মবেশে রাণীর সহিত কুন্তকার গৃহে বাস করিতেছেন তথন তিনি তাহাদের উভয়কে ধৃত করিয়া প্রাণদণ্ড আদেশ করিলেন।

তাঁহাদের পুত্র দীর্ঘায় কাশীর বাহিরে বাদ করিতেছিল, তাঁহার পিতা মৃত্যুর পূর্বে তাঁহাকে আনাইরা উপদেশ দিলেন— "হে পুত্র দীর্ঘায়, অধিক দেখিও না—অল্ল দেখিও না। হিংসা প্রতিহিংসা দারা পরাজিত হয় না—মৈত্রীগুণে হিংসাকে পরাজয় করিবেক।"

দীর্ঘায়ু বনে গমনু করিয়া কাতর স্বরে ক্রন্দন করিতে লাগিলেন। পরে তিনি নগরে ফিরিয়া আদিয়া নৃপতির হস্তী-রক্ষকের অধীনে কর্মগ্রহণ করিলেন।

পরদিন প্রত্যুষে উঠিয়া তিনি বীণা বাজাইয়া মধুর স্বরে গান আরম্ভ করিলেন। রাজা শুনিয়া জিজ্ঞাসা করাতে পরিজনেরা বালকটীকে রাজার নিকট লইয়া গেল ; রাজা সম্ভষ্ট হইয়া তাঁহাকে পার্শ্বের অনুচর করিয়া রাখিলেন।

একদিন রাজা মৃগয়ায় বাহির হইয়া তাঁহার অস্তুচর বর্গ হইতে দূরে গিয়া পড়িলেন—সঙ্গে কেবল দীর্ঘায়ু রহিল। দীর্ঘায়ুর ক্রোড়ে মাথা রাখিয়া রাজা নিদ্রা গেলেন।

দীর্ঘায়ু মনে মনে ভাবিলেন, রাজা আমাদের প্রতি অত্যস্ত নিষ্ঠুর ব্যবহার করিয়াছেন—আমার পিতা মাতাকে হনন করিয়া আমাদের রাজ্য কাড়িয়া লইয়াছেন। এখন তাহার প্রতি-শোধের সময় আসিয়াছে। এই ভাবিয়া তিনি কোষ হইতে তরবারি উন্মোচন করিলেন। তথন পিতার শেষ কথাগুলি দীর্ঘায়ুর স্মরণ হইল—স্মরণ করিয়া আবার থজা কোষমধ্যে রাথিয়া দিলেন।

রাজ্বা এক ভয়ন্ধর হৃঃস্বপ্ন দেখিয়া জাগিয়া উঠিলেন। কারণ জিজ্ঞাসা করাতে রাজা কহিলেন "আমার কখনই স্থানিদ্রা হয় না, আমি সর্বাদাই এই হৃঃস্বপ্ন দেখি যে দীর্ঘায়ু তরবারি হস্তে আমাকে মারিতে আসিতেছে—দেখিয়া আমার নিদ্রাভঙ্গ হয়। আমি তোমার কোলে মাথা রাখিয়া নিদ্রা যাইতেছি এই স্বপ্ন দেখিয়া ভয়ে জাগিয়া উঠিলাম।"

তথন যুবক বাম হস্ত রাজার মস্তকে রাথিয়া দক্ষিণ করে খজা ধারণ পূর্বক বলিলেন "মহারাজ'! আমিই দীর্ঘায়ু দীর্ঘেতি রাজার পূত্র—আমার পিতাকে হনন করিয়া আপনি তাঁহার রাজ্য লুঠন করিয়াছেন। দেখুন এখন প্রতিশোধের সময় আসিয়াছে।"

রাজা আপনাকে অরক্ষিত দেখিয়া কহিলেন "হে দীর্ঘায়ু আমার প্রাণ ভিক্ষা দাও—আমাকে বাঁচাও—প্রাণে মারিও না।"

দীর্ঘায়ু বলিল—"কেমন করিয়া আপনার প্রাণদান করিব যথন আমার নিজের প্রাণ সঙ্কট উপস্থিত। যদি আপনি আমাকে অভয় বচন দেন তাহা হইলে আমিও আপনার প্রাণ রক্ষা করিব।"

রাজা সন্মত হইয়া কহিলেন "তুমি আমার প্রাণদান কর, আমিওতোমাকে অভয়বচন দিতেছি।"

পরে তাঁহারা পরস্পর হাতে হাত দিয়া বন্ধুত্ব শপথ করিলেন। ব্রহ্ম দত্তকে দীর্ঘায় ু তাঁহার পিতার শেষ উপদেশগুলি ভাঙ্গিয়া বলিলেন। ব্রহ্মদত্ত জিজ্ঞাস। করিলেন, তোমার পিতা মৃত্যু কালে যে কথাগুলি বলিরাছেন তাহার অর্থ কি ? "অধিক দেখিও না—অল্ল দেখিও না—হিংসা প্রতিহিংসা হারা জিত হয় না।"

দীর্ঘায়ু কহিলেন—"অধিক দেখিও না অর্থাৎ হিংদা অধিক কাল মনে স্থান দিও না। অল্প দেখিও না অর্থাৎ বন্ধ্বিচ্ছেদ অলে হইতে দিও না। হিংদা প্রতিহিংদা দ্বারা নিবারিত হয় না—তাহার অর্থ এই তুমি আমার পিতা মাতাকে বধ করিয়াছ—আমি যদি তাহার প্রতিশোধ লইবার মানদে তোমাকে হত্যাকরি তাহা হইলে তোমার পক্ষের লোকেরা তাহার প্রতিশোধ তুলিয়া আমাকে বধ করিবেও আমার পক্ষের লোকেরা আবার তাহার শোধ তুলিবার চেষ্টায় ফিরিবে—প্রতিহিংদা দ্বারা হিংদা জিত হয় না। মহারাজা এথন তুমি আমার জীবন রক্ষাকরিয়াছ—আমিও তোমাকে প্রাণদান করিলাম—অহিংদা দ্বারা হিংদার পরাজয় হইল।"

ব্রহ্মদত্ত দীর্ঘায়ুর কথায় সন্তুষ্ট হইয়া তাঁহার রাজ্য **অশ্ব রথ** সেনা সম্পত্তি তাঁহাকে প্রত্যর্পন করিলেন। এবং স্থীয় ক্যার সহিত তাহার বিবাহ দিয়া দিলেন।

হে ভিক্সুগণ! বড় লোকদের এই দাধু দৃষ্টাস্তে তোমরাও ক্ষমা দরা অভ্যাদ কর; গুরুজনকে ভক্তি কর—দকলকে প্রেম দৃষ্টিতে দেখ। তোমরা পরস্পর হইতে বিচ্ছিন্ন থাকিও না—শাস্তি ও সভাবে মিলিত হইন্না বাদ কর এই আমার উপদেশ। আশীর্কাদ করি যে গৃহস্থেরা তোমাদের দাধু দৃষ্টাস্ত অনুসর্ব করিনা স্রখী হউক।

ভগবান বৃদ্ধ গলচ্ছলে এই উপদেশ প্রদান করিয়া ভিক্সু-দিগকে বিদায় করিলেন।

ভিক্ষদল মিলিত হইয়া তাহাদের বিবাদ কলহ মিটাইয়া ফেলিল ও সেই অবধি তাহারা স্থাথ সন্তাবে কাল্যাপন করিতে লাগিল। সভ্যের মধ্যে শান্তি স্থাপন হইল।

বৈদিক ক্রিয়া কাগু।

পৌরোহিত্য।—

বৌদ্ধর্মের আবির্ভাব কালে আর্ঘ্য সমাজে বলি, হোম, যাগ, যজ্ঞ ক্রিয়া কলাপ প্রবহমান ছিল এবং এই সকল কর্ম কাণ্ডের অধিনায়ক হোতা ঋত্বিক্ অধ্বয়া প্রভৃতি নানা শ্রেণীর পুরোহিত বিদ্যমান ছিলেন। এই আড়ম্বর পূর্ণ ক্রিয়া কর্ম ও পৌরোহিত্য পরিবর্জন পূর্বাক বিশুদ্ধ ধর্মানীতি ভিত্তির উপর বৃদ্ধদেব তাঁহার সজ্জ্ব স্থাপন করিলেন। তিনি বৈদিক ক্রিয়া কাণ্ড, বিশেষত পশু বলির প্রতি কিরূপ বীভ্রাগ ছিলেন তাহার নিদর্শন বৌদ্ধ শাস্ত্রের অনেক স্থানে প্রাপ্ত হওয়া যায়। এই বিষয় লইয়া এক ব্রাহ্মণের সহিত তাঁহার বাদান্ত্রাদ হয় তাহাতে বৃদ্ধদেব এইরূপে উপদেশ দেন:—

পুরাকালে এক মহা প্রতাপশালী নরপতি ছিলেন, তিনি এক মহা যজ্ঞের আয়োজন করিলেন। কুল পুরহিতকে ডাকিয়া তাঁহার মতামত জিজ্ঞানা করাতে পুরোহিত কহিলেন, মহারাজ! এই কার্যো প্রন্ত হইবার পূর্বে প্রজাদের স্থ শান্তি ও কল্যাণ সাধনে মনোনিবেশ করুন। এই পরামর্শ ক্রমে রাজ্যের সমস্ত অকল্যাণ দূর করিয়া পরে তিনি যজ্ঞারস্থ করিলেন। সে যজ্ঞেকোন প্ত হত্যার ব্যবস্থা নাই। কোন বৃক্ষ চ্ছেদন, একটা

ভূণের ও উচ্ছেদ সাধনের প্রয়োজন হইল না। ভূতোরা বেচ্ছা পূর্বক নিজ নিজ কর্ত্তবা পালন করিয়া গেল। ক্ষীর হন্ধ মধু-পর্ক এই সমস্ত বলিতে যজ্ঞের কার্যা সমাধা হইল। কিন্তু বৃদ্ধ কহিলেন ইহা অপেক্ষাও মহত্তর বলি আছে অথচ তাহা অপেক্ষা ক্রত সহজ্বসাধা—দে কি, না ভিক্লুদিগকে অন্ধ দান, বৃদ্ধ ও সজ্ঞের জন্ম আশ্রম নির্মান! ইহা অপেক্ষাও উৎক্রপ্ত বলি যথন ভক্ত আসিয়া বৃদ্ধর্ম ও সজ্ঞের শরণাপন্ন হয়—যথন তিনি কোন প্রাণী হিংসার প্রশ্রম দেন না, তাহার প্রতাপে সর্ব্ব প্রার মিথা। প্রবঞ্চনা স্লুদ্র প্রাহত হয়; যথন তিনি ভিক্লুর স্থায় স্থ্য হৃংথ হইতে নিবৃত্ত হইয়া শান্তি সলিলে নিমগ্র হয়েন। কিন্তু সেই সর্ব্বোৎকৃত্ত বলি যথন তিনি হৃংথ শোক হইতে উত্তীর্ণ হইয়া জন্ম মৃত্যু অতিক্রম করিয়া জ্ঞান নেত্রে এই নির্বাণাবস্থা অন্তব্ব করেন ও জানিতে পারেন "আর আমাকে এই মর্ত্র্য লোকে ফ্রিয়া আসিতে হইবে না।"

বুদ্ধের এই উপদেশ শ্রবণ করিয়া ব্রাহ্মণ তথনি বিনীত ভাবে বৃদ্ধ, ধর্ম ও সভ্যের শরণাপন্ন হইলেন। তিনি এক বৃহৎ যজ্ঞ করিবার মানসে অনেক পশু সংগ্রহ করিয়াছিলেন সে সকলকে ছাড়িয়া দিয়া বৃদ্ধকে কহিলেন টেউমনি

"দেখন আমি এই সকল জীবকে মুক্ত করি ধ্রানান্ত্রসারে গৃহমনের স্থে চরিয়া বেড়াক্—মুক্ত বায়ু ইহার দিন তাহারা পূর্ব বংশ
এইরূপ কথিত আছে বে বুদ্ধের উপ্পূর্তীয় ভিক্তু নামেই
তাহার রাজ্যে যজ্ঞে পশু হত্যা উঠাই স্র্যাসধ্যের উপদেশ
দিলেন "এখন হইতে যজ্ঞে আর পশু কোন রাজভ্ত্য বা অম্বপ্রতি মন্ত্র্যা সদয় হইলে দেবতারা ই কায়মনোবাক্যে শুদ্ধাচারী

পুরোহিতের কর্ম কাণ্ড ছাড়িয়া দিলে পৌরোহিত্য কাজেই চলিয়া যায়—বৌদ্ধ দজ্বে ও তাহাই দেখা যায়। গুণ ও বয়দে বৌদ্ধ ভিক্ষদের প্রাধান্ত ছিল—বৌদ্ধ সজ্মের প্রথম বয়সে তাহার মধ্যে পৌরোহিত্যের প্রভাব উপলক্ষিত হয় না। সে প্রভাব কেনই বা থাকিবে? যে ধর্মে দেবতার আসন নির্দিষ্ট নাই— भांत्रि चरायदात विधान नाइ—त्य धर्मा यात्र यक्त क्रिया कर्म ভজন পূজনের কোন বিধি ব্যবস্থা নাই সে ধর্ম্মে পুরোহিত কিসের জন্ম ? যাগ যজ্ঞের অধীশ্বর, দেব মানবের মধ্যস্থ এরূপ কোন কাৰ্য্যকৰ্ত্তাৰ কিছুই প্ৰয়োজন নাই।—বৌদ্ধ মতে প্ৰভ্যেক মহুষ্য নিজ পুণা প্রভাবে নির্মাণ লাভের অধিকারী, প্রত্যেক বৌদ্ধ আপনি আপনার প্রদীপ, আপনি আপন নির্ভর যষ্টি। প্রত্যেক বৌদ্ধ ভিক্ষু আপনই আপনার পুরোহিত, আপনই আপনার যজমান। বুদ্ধদেব মুসুক্ষু মাত্রকেই সংসার ও গৃহ সম্পত্তি বিদৰ্জন দিয়া তাঁহার প্রদর্শিত পুণ্য পথে আহ্বান করিতেছেন কিন্তু সাধকের মোক্ষ লাভ নিক্সের যত্ন চেষ্টা ও সাধনার উপরেই নির্ভর।

এই নিয়ম যাহা বলা হইল তাহা আদি বৌদ্ধ সমাজে খাটে,

ক্ষানের ও স্থান বিশেষে ইহার বিপর্যায় দৃষ্ট হয়। বৌদ্ধ
ক্ষানির প্রকার নিয়ম বিভিন্ন হইন্না গিরাছে।
ক্ষানির প্রকার নিয়ম বিভিন্ন হইন্না গিরাছে।
ক্ষানির প্রকার নিয়ম বিভিন্ন হইন্না গিরাছে।
ক্ষানির অক্যোদিত কে বলিবে ? আচার্য্য
শ্রীর মণ্ডিত পণ্ডিত-পুরোহিত, সমন্বরে
ক্ষার ঘটা, বৃহৎ মঠ মন্দিরে পট

পুত্তলী প্রতিষ্ঠা, শান্তি জল সিঞ্চন, উপোষণ ও গুরু সরিধানে আত্মদোষ স্থীকার, পার্গেটরি সদৃশ নরকে পাপের প্রারশিচত্ত ভোগ, দেও প্রতিম বোধিদত্ব করনা, পোপের স্থানীয় ধর্ম বাজক লামার অধিকার ইত্যাদি অনেক বিষয়ে তিক্ততী বৌদ্ধর্ম মূলধর্ম ইইতে বহুদ্বে গিয়া পড়িয়াছে, বরং আনুষ্ঠানিক ব্যাপারে ক্যাথলিক খৃষ্টধর্মের সহিত উহার সাতিশয় সাদৃগু দৃষ্ট হয়।

জাতি বিচার।—

বর্ণাশ্রমের সহিত বৌদ্ধ সজ্বের সম্পর্ক কি ? এই প্রশ্নের উত্তরে গুটি কতক কথা বলা আবশ্যক।

যদি ও জাতিভেদ প্রথা উন্মূলিত করিয়া হিন্দু-সমাজ ভাঙ্গিয়া ফেলা বৃদ্ধদেবের মুখ্য উদেশু ছিল না, তথাপি ইহা বলা বাইতে পারে যে বর্ণ বিচার তাঁহার সমাজের পত্তন ভূমি নহে— রাহ্মণ ক্ষত্রিয়াদি শ্রেষ্ঠ বর্গের প্রায় নীচ বর্ণের লোকে ও ভিক্ষু সজ্যে প্রবেশর অধিকারী। বৃদ্ধদেব একস্থানে বলিয়া গিয়াছেন 'হে ভিক্ষুগণ—যেমন গঙ্গা যমুনা—মহী অচিরাবতী প্রভৃতি নদনদী যেমনই হউক না কেন সাগরে প্রবেশ করিয়া নিজ্ঞ নিজ্ঞ পুরাতন নাম ধাম হারাইয়া একই সাগর নাম ধারণ করে তেমনি যথন বাহ্মণ ক্ষত্রিয় বৈশু শুদ্র চতুর্বর্ণ আমার বিধানামুসারে গৃহত্যাগী হইয়া সন্ন্যাস ধর্ম গ্রহণ করে তথন তাহারা পূর্ব্ব বংশ মর্যাদা পূর্ব্ব নাম পরিত্যাগ করিয়া শাক্য পুত্রীয় ভিক্ষু নামেই অভিহিত হয়।'' রাজা অজাতশক্রকে সন্ন্যাসধর্মের উপদেশ প্রদান কালে বৃদ্ধ বলিতেছেন—"যদি কোন রাজভৃত্য বা অফু-চর গৈরিক বসন পরিধান পূর্ব্বক কায়মনোবাক্যে গুদ্ধাচারী

হইয়া ভিক্ষু বৃত্তি অবলধন করে, হে রাজন্ তথন কি তুমি বলিবে এ আমার ভৃত্য—আমার সমুথে দাঁড়াইয়া কথা কহিবে — আমার নিকট প্রণতভাবে আমার আজ্ঞাধীন থাকিবে — সকল সময় আমার কথা মত চলিবে — আমার সেবা তৎপর থাকিবে ?" রাজা উত্তর করিলেন "প্রভো তাহা নহে — আমিই তাঁহার নিকট প্রণত হইব — তাঁহাকে বসিবার আসন দিব — তাঁহাকে অন্ন বন্ধ প্রথম থথন যাহা আবশ্রক তাহা দান করিব — তাঁহার সকল অভাব মোচন করিয়া যাহাতে তিনি সর্বতোভাবে স্থরক্ষিত থাকেন তাহার উপায় বিধান করিব।''

বৃদ্ধ শিষ্যের গৈরিক বদনে রাজ। প্রজা ব্রাহ্মণ শূদ্র দকলেই একীভূত। একমাত্র উচ্চবর্ণের লোকে নির্দ্ধাণ লাভের অধিকারী তাহা নহে—স্থ্রনর উচ্চ নীচ দকলেরই কল্যাণ উদ্দেশে এই ধর্ম প্রচারিত।

বুদ্ধের প্রথম শিষ্যদলের মধ্যে আমরা রাজনাপিত উপালীর নাম দেখিতে পাই। থেরাগাথায় স্থনীত নিজ কাহিনী যাহা বলিতেছেন তাহা প্রবণ করুন —

"নীচকুলে আমার জন্ম আমি দীন দরিদ্র অজ্ঞান ছিলাম, মিলিরের শুক্ষ ফুল বাঁট দিয়া মিলির পরিচ্ছন্ন রাথা এই আমার কাজ। লোকে আমায় হেয়জ্ঞান করিত, আমি বড়লোকের নিকট ভূমিষ্ঠ হইয়া প্রণত হইতাম। ভগবান বৃদ্ধ যথন তাঁহার শিষ্যগণ সহ মগধের মধ্য দিয়া চলিয়া যাইতেছেন তথন তাঁহার দর্শন লাভ মানসে আমার মাথার বোঝা ফেলিয়া দিয়া ধাবিত হইলাম। আমায় দেখিয়া তিনি কুপালু ইইয়া ক্ষণেকের তরে দাঁড়াইলেন। রাজাধিরাজ তুল্য কোথায় সেই ভগবান্ বৃদ্ধ আমার

কোথায় আমার মত এই দীনহীন অকিঞ্গ—আমার আবেদন গুনিবার জন্ম থামিলেন। আমি প্রভুচরণে দণ্ডবৎ প্রণাম করিয়া নিবেদন করিলাম— প্রভো এই অধীনকে আপনার ভিক্ষদলে গ্রহণ করুন, তথন পরম কুপালু ভগবান বুদ্ধ কহিলেন—"হে ভিকু এস—আমার সঙ্গে চল।'' এই আমার একমাত্র দীক্ষা।" পরে স্থনীত কহিতেছেন "আমি অরণ্যে গিয়া ধ্যানধারণায় নিযুক্ত রহিলাম এবং মুক্তির উপায় অবেষণ করিতে লাগিলাম। তথন দেবতারাও আমার প্রতি প্রদার হইয়া আমাকে ঘিরিয়া দৃাঁড়াইলেন। বুদ্ধদেব আমাকে দেখিয়া হাস্ত করিয়া কহিলেন ''সদাচার শুদ্ধাচার পুণাবলে হীনবর্ণও বান্ধণ হয়—বান্ধণত্বের প্রকৃত লক্ষণ তাহাই।'' জনিমুমাই ব্ৰাহ্মণ হয় না, কৰ্মগুণেই প্ৰকৃত ব্ৰাহ্মণ হওয়া যায়—বৌদ্ধশক্ষে এইরূপ ভূরি ভূরি বচন প্রাপ্ত হওয়া যায়। বুদ্ধদেব মাতক্ষের গলে বলিয়াছেন- "মাতঙ্গ চণ্ডাল নিজ কর্মগুণে বন্ধলোক প্রাপ্ত হইয়াছেন। জন্মিয়াই কেহ চণ্ডাল হয় না—জন্মিয়াই ব্ৰাহ্মণ হয় না—নিজ কর্মগুণেই ব্রাহ্মণ—নিজ কর্মদোষেই চণ্ডাল ।" ( হত্ত নিপাত) "তিনিই ব্ৰাহ্মণ যিনি সতা প্ৰেম ক্ষমা দয়া অভ্যাস করেন-যিনি সংযমী ও জিতেন্দ্রিয় অজ্ঞান ও পাপ-কলঙ্গ হইতে বিনিশ্মৃক্ত।" (ধর্মপদ) কিন্তু ইহা হইতে মনে করিবেন না যে বুদ্ধদেব জাতিভেদ প্রথা উন্মূলন করিয়া সমাজ শংস্বারে সচেষ্ট ছিলেন। সমাজের মধ্যে ঘাঁহার। পিছিয়া পড়িয়াছে ाशास्त्र উদ্ধারের চেষ্টা, शैনবর্ণকে উন্নত করিবার চেষ্টা, অথবা সামাজিক কুরীতি কুদংস্কার সংশোধন চেষ্টা, ইহার কোন লক্ষণ দেখা যায় না। সমাজ সংস্কার তাঁহার ধর্মপ্রচারের অঙ্গীভূত ছিল না। রাজ্য ও সমাজ যে অবস্থায় থাকুক না কেন, ভিক্ষু যিনি সমাজের বাহির হইয়া পড়িয়াছেন তাঁহার তাহাতে কোন ক্ষতি বৃদ্ধি নাই। তিনি আপনার সজ্য নিয়ম রক্ষা করিয়া চলিলেই হইল। ত্রাহ্মণের প্রতি সম্মান প্রদর্শন, ও চাতুর্বণ্যের অন্তান্ত নিয়ম রক্ষার ভিক্ষুরা হস্তক্ষেপ করিতেন না—তবে এই মাত্র বলা যাইতে পারে যে বৈদিক আচার ক্রিয়া কাণ্ড বৃদ্ধদেব ভিক্ষু সজ্যে প্রবিষ্ট হইতে দেন নাই। 'বিভার আকর' বলিয়া তাঁহার নিকট বেদের কোন মাহাত্মা ছিল না; তিনি নিজে প্রবৃদ্ধ হইয়া যে মহাসত্য উপার্জ্জন করিয়াছিলেন তাহা বেদের ও অনধিগম্য, বেদবাক্য হইতেও উচ্চতর। সে সত্য বিশ্বজ্ঞনীন, দেশ বিশেষে অথবা জাতিবিশেষে বদ্ধ নহে। জিনি সেই সত্য ব্রাহ্মণ শূদ্র, উচ্চ নাচ সকলেরই মধ্যে প্রচার করিতে ব্রতী হইলেন, তাঁহার সজ্যের ঘারও সকলেরই জন্ম উন্মুক্ত হইল।

# পঞ্চম পরিচ্ছেদ।

# मर्ज्यत नियमावनी।

প্রবেশ।---

বৌদ্ধ সভ্যের অবারিত দার, যাহার ইচ্ছা প্রবেশ করিতে পারে; প্রথম প্রথম প্রবেশ নিয়মের কঠোরতা ছিল না। বৃদ্ধ দেবের জীবদশায় যে সকল শিষা ধর্ম ও সজ্বের শরণাপন্ন হইত তাহার প্রীক্ষার কাল দামান্ততঃ ৪ মাদ নিরূপিত ছিল কিন্ত যোগ্য পাত্র হইলে সে নিয়মের ওবাতিক্রম ঘটিত। দৃষ্টাস্ত স্বরূপ বলি, বুদ্ধ যথন সল্লেরে শালবনে মৃত্যু শ্ব্যায় শ্যান সেই সময় স্কুত্র নামক একটা ব্রাহ্মণ স্থাসিয়া উপস্থিত হইলেন এবং আনন্দকে ডাকিয়। কহিলেন "আমি অনেকানেক বয়োবুদ্ধ সাধু পুরুষের নিকট শুনিয়াছি তথাগত বুদ্ধের আবি**র্ভাব জগতে** হুর্লভ, তিনিই এইক্ষণে আবিভূতি হইয়াছেন। আজ রাতে না কি শ্রমণ গৌতম হইলোক পরিত্যাগ করিয়া ঘাইবেন। আমার মনে নানা সংশন্ন আসিয়া সত্যকে আচ্ছন্ন করিয়া রাথিয়াছে, আমার গ্রুব বিশ্বাস এই যে একমাত্র শ্রমণ গৌতম সেই সকল ন 🛪 🚎 দুর করিতে সক্ষম। আমি তাঁহার দর্শন লাভের তাহাদে 🖪 আদিয়াছি —তাঁহার কি দর্শন পাইব ? অথবা সা**ছ্রনন্দ কহিলেন—"এথন থাক্—আর না—তথাগত**কে লক্ষণ দেঃ 🗷 কে করিও না। তিনি এখন পীড়িত।"

এই কথোপকথন ভগবান বৃদ্ধ তাঁহার রোগশ্যায় শুনিতে পাইয়া আনন্দকে ডাকিয়া কহিলেন — আনন্দ! স্থভদকে আসিতে দেও। তিনি জ্ঞানলাভ মানসে আসিয়াছেন, আমাকে বিরক্ত করিবার জন্য নয়। তিনি যাহা শুনিতে চান আমি সাধ্যমত উত্তর দিয়া তাঁহাকে বুঝাইয়া দিব, তাঁহাকে আসিতে বারণ করিও না।"

তাঁহার অনুমতি ক্রমে স্থভদ্র তাঁহার সহিত সাক্ষাং করিলেন। বৃদ্ধদেব স্থভদকে ধর্মোপদেশ প্রদান করত তাঁহার
সকল সংশয় ভঞ্জন করিলেন। স্থভদ্র কহিল "ভগবন্, আপনার জ্ঞানগর্ত্ত উপদেশ শ্রবণে আমি ধর্ম্ম হইলাম। যাহা গুল্
ভাহা মুক্ত হইল, যাহা ভাঙ্গিয়া পড়িয়াছে তাহা গড়িয়া তৃলিলেন। বিপথগানীকে আপনি সরল পথ প্রদর্শন করিলেন —
আমার সমক্ষে সত্য ধর্ম প্রকাশিত করিলেন। অত হইতে
আমি বৃদ্ধ, ধর্ম ও সজ্জের শরণাপন্ন হইতেছি। এখন হইতে
প্রভ্রুআমাকে শিষ্যরূপে গ্রহণ কর্জন।"

বৃদ্ধ কহিলেন 'যে কোন ব্যক্তি আমার এই ধর্ম ও সংজ্য দীক্ষিত হইবার প্রার্থনা করে সাধারণ নিয়মালুসারে তাহার পরীক্ষার কাল চার মাস কিন্তু তোমাকে অব্যাহতি দিলাম তুমি এখন হইতেই সজ্বভুক্ত হইলে।" এই বলিয়া আনন্দকে ঐরপ আদেশ করিলেন। আনন্দ স্কুভদ্রের মস্তকমুগুন ও তাঁহাকে বসন্ত্রন্ন পরিধান করাইয়া এবং ত্রিশরণ মন্ত্র দিয়া শিষ্যদলে গ্রহণ করিলেন, পরে তিনি আসিয়া ভগবান বৃদ্ধের পার্ম্বে উপবিষ্ট হইলেন। স্কুভ্রু বৌদ্ধ ভিক্ষুরূপে প্রব্রম্ঞা গ্রহণ করিলেন এবং সাধনার গুণে কালক্রমে তিনি অর্হৎ পদে উন্নীত হইলেন।

ইনিই বুদ্ধের স্বহস্ত-দীক্ষিত শেষ শিষ্য। (মহা পরিনির্কাণ স্ত্র) ু ইহা হইতেই প্রমাণ হইতেছে যে বুদ্ধের সময় দীক্ষা বিধির কোন আড়ম্বরময় অফুষ্ঠান ছিল না। কালক্রমে প্রবে-শিকার কতকগুলি বিশেষ নিয়ম প্রবর্ত্তিত হইল। যাহার। কোন গুরুতর অপরাধে অপরাধী, কুষ্ঠ প্রভৃতি মহাব্যাধিগ্রস্ত, রাজ ভত্য বা দৈনিক পদধারী, তাহাদের প্রবেশ নিষেধ। ঋণগ্রস্ত ব্যক্তি এবং অপ্রাপ্ত বয়স্ক বালক পিতা মাতার সম্মতি ব্যতীত সংজ্য প্রবেশের অনধিকারী, বার বৎসরের নীচে কেহ প্রথম দোপানে পদার্পণ করিতে পারিবে না---২০ বৎসরের **কঁ**মে ভিক্ষুর পূর্ণাধিকার প্রাপ্ত হইবে না। সজ্যের ছই সোপান— প্রথম প্রব্রুটা-- দ্বিতীয়, উপসম্পদ। কোন গৃহস্থ ভিক্সু-সজ্যভূক হইবার প্রার্থী হইলে নিয়মিত দিবদে দশ অথবা দশাধিক ভিক্ একত্রিত হন।) প্রার্থীকে একজন ভিকু সভাস্থলে আনয়ন করিলে পর তিনি গুবিরদিগকে প্রণাম করিয়া যথাসাধ্য গুরু দক্ষিণা দিয়া উপবিষ্ট হয়েন। তৎপরে তিনবার সজ্যে নিবেদন করেন "আমাকে অনুগ্রহ করিয়া দীক্ষাদান করুন যাহাতে আমি তুঃথ শোক অতিক্রম করিয়া নিরুতি লাভের অধিকারী হইতে পারি।" সজ্পতি তাহার ক্বন্ধে ভিক্ষুর বসন্ত্রের গাঁঠরী ঝুলাইয়া দেন। প্রার্থী বসনত্রয় পরিধান পূর্বক সল্লাসী বেশে সমাগত হইয়া তিনবার মন্ত্রদ্ধ পাঠ করেন:—

প্রথম—ত্রিশরণ মন্ত্র (বৃদ্ধং শরণং গচ্ছামি ইত্যাদি)—বিতীয়;
দশশীল মন্ত্র যথা—

১। জীবহত্যা, ২। অপহরণ, ৩। ব্যভিচার, ৪। মিথ্যাকথন, ৫। স্থরাপান এই পঞ্চপাপ হইতে নিবৃত্তি—সাধারণ নিষেধ। ৬। অকাল ভোজন, ৭। নৃত্যগীতাদিতে অনুরক্তি, ৮। গন্ধমাল্য প্রভৃতি সেবন, ৯। আরাম শয্যায় শয়ন, ১০। সোণারূপা গ্রহণ এই পঞ্চব্যদন হইতে নিবৃত্তি—ভিক্ষুদিগের প্রতি বিশেষ বিধান।

পরিবাদোত্তীর্ণ যুবকের দক্ষে পূর্ণ প্রবেশ কালে স্বতন্ত্র দীক্ষা বিধি অনুষ্ঠিত হয়; তাহার নাম উপসম্পদ। ভিক্ষু যুবক সঙ্ঘ সমীপে উপনীত হইয়া স্থবিরদের মধ্য হইতে একজন উপাধ্যয় বাছিয়া লন। পরে ভিক্ষা পাত্র তাহার ক্ষমে সংলগ্ন হয়। তৎপরে উপাধ্যায় ও অপর একজন ভিক্তু এই হুইজনের মধ্যে দত্তায়মান হইলে যুবককে প্রশ্ন করা হয়, তাঁহার নাম কি ? তাঁহার উপাধ্যায়ের নাম কি ? তিনি ভিক্ষাপাত ও বসনত্র পাইয়াছেন কি না ? তিনি কুঠ প্রভৃতি মহাব্যাধিগ্রস্ত কি না ? তাঁহার বয়দ কত ? তিনি স্বাধীন কি না ? দীক্ষায় তাঁহার অভিভাবকের দম্বতি আছে কি নাণ এই দকল প্রশ্নের সম্ভোষজনক উত্তর পাইলে পরীক্ষার ফলাফল সভ্যে জানান हम। পরে যুবক দীক্ষার জন্ম তিনবার প্রার্থনা করেন, কাহারও কোন আপত্তি না থাকিলে সজ্যভুক্ত হন। সজ্যের নিয়মাবলী পঠিত হইবার পর তিনি বৈধর্মপে গৃহীত হন। দীক্ষার পর আচার্য্যের নিকট ৫ বৎসর অধ্যয়নের নিয়ম আছে। দীক্ষিত বৌদ্ধ সন্ন্যাসীর নাম ভিক্ষু অথবা শ্রমণ। ইহাদের ব্রত সংযম এবং দারিদ্রা।

দীক্ষা বিধি সমাপ্ত হইলে দীক্ষিতের কর্ত্তব্যগুলি আচার্য্য উপদেশ করেন—

ন্সাহার, ভিন্দা করিয়া যাহা সংগ্রহ করা যায়। পরিচ্ছদ, স্বহস্ত-স্যুত চীরপুঞ্জ। বাসস্থান, অরণ্যের বৃক্ষতল। ঔষধ, গোমৃত্র।

চতুরত্বশাসন---

জীব হত্যা করিবেক না। ব্যভিচার করিবেক না। চুরি করিবেক না।

আপনাতে দৈবশক্তি আরোপ করিবেক না।

এই শেষ অমুশাসনটা জারী হইবার বোধ হয় বিশেষ কারণ ছিল, কেন না বিনয় পিটকে দেখা যায়, এক সময়ে ৽য়জী প্রদেশে ভয়য়র ছভিক্ষ হইয়াছিল। তাহাতে একদল ভিক্ষ মহাক্তি পড়ে। কেহ কেহ গৃহস্থ ঘরে চাকুরি করিয়া জীবিকা উপার্জ্জন করিবার প্রস্তাব করিলেন; এক জন ধৃর্ত্ত ভিক্ষ্ এক ফলী বাহির করিল, এস আমর। সিদ্ধ যোগী বলিয়া আপনাদের পরিচয় দিয়া পরস্পরকে থ্ব বাড়াইয়া তুলি, 'এই ভিক্ষ্ মহা সাধু,'—'ইনি ত্রিবিদ্যা কণ্ঠস্থ করিয়াছেন', 'ইনি সিদ্ধ যোগী'। তাঁহার মতলব সিদ্ধ হইল। গৃহস্থেরা বলিল, এই সকল মহা প্রস্কেষরা আমাদের মধ্যে বর্বা যাপন করিতে আসিয়াছেন, আমাদের পরম ভাগ্য বলিতে হইবে। তাহাদের দান ও সেই পরিমাণে ফাঁপিয়া উঠিল, ভিক্ষুরা থাইয়া পরিয়া ছইপুই হইয়া পরম স্থ্যে কালহরণ করিতে লাগিল। এইরপ ভণ্ডামি নিবারণের জন্ম চতুর্থ অমুশাসনটা উপদেশের মধ্যে নিবিষ্ট হইয়া থাকিবে।

সজ্জনলে যেমন প্রবেশ সহজ সজ্জ হইতে নির্গমনও তেমনি সহজ। চৌর্য খুণ প্রভৃতি গুরুতর অপরাধ সাব্যস্ত হইলে ভিক্ষু বহিন্ধার দণ্ড যোগ্য—ভাহা ছাড়া স্বেচ্ছাপূর্বক সজ্য ছাড়িয়া যাইবার কোন বাধা নাই। যিনি বলিবেন পিতা মাতার জন্ত আমার ভাবনা হইতেছে, স্ত্রী পুত্রের জন্ত আমার ভাবনা হইতেছে, আমার পূর্বকার জীবনের জন্ত ভাবনা হইতেছে, তিনি সজ্য ছাড়িয়া সংসারে ফিরিয়া যাইতে পারেন। হয় একাকী কাহাকেও কিছু না বলিয়া কহিয়া চলিয়া যাইতে পারেন কিম্বা একজন ভিক্ষুকে সাক্ষী মানিয়া বুদ্ধ, ধর্ম ও সজ্য পরিত্যাগ করিয়া যাইতে পারেন, কেহ ভাঁহাকে বারণ করিবে না। সজ্যের প্রবেশ দার যেমন মৃক্ত, নির্গমনের পথও তেমনি সোজা—কোন দিকে কোন কণ্টক নাই।

ভিক্ষদের আহার পরিচছন ইত্যাদি বিষয়ে অনেক খুঁটিনাটি নিয়ম আছে সে সমস্ত দেখিতে যত কঠোর কার্যাতঃ তত নয়, অনেক বিষয়ে শৈথিলা দৃষ্ট হয়, বাঁধাবাঁধির মধ্যেও কতকটা স্বাধীনতা আছে।

## আহার।

ভিক্ষুরা একাহারী; দ্বারে দ্বারে ভিক্ষা প্র্যুটন পূ্রুক আহার
দ্রব্য সংগ্রহ করিয়া পূর্বাহ্নে এক স্থানে একত্রে ভোজন করা
ইহাদের নিয়ম। ভিক্ষার সময় কোন কথা কহিবেক না। যদি
কেহ ভিক্ষা দান করে তাহাকে আশীর্মাদ করিয়া অন্ত দ্বারে
গমন করিবে; কিছু না পাইলেও মৌনভাবে পরদ্বারে চলিয়া
যাইবে। অনেক সময়, বিশেষতঃ পূর্ণিমার দিনে গৃহস্থ ব্যক্তি
ভিক্ষুকদিগকে মধ্যাহু ভোজনে নিমন্ত্রণ করিত, ভিক্ষুমঠে আহার
পাঠাইয়া দিবার ও রীতি ছিল।

#### পরিচ্ছদ।---

সহস্ত-স্থাত চীরপুঞ্জ পরিধান করা নিয়ম কিন্তু কেহ বস্ত্র দান করিলে তাহা গ্রহণ করা নিষেধ নহে। গৈরিক বসনত্রম ভিক্ষুকের পরিধেয়, অন্তর-বাসক, মধ্য-বসন, আর উত্তরীয়। 'কসায়' (পাপ) হইতে বিমুক্ত না হইলে 'কাষায়' অর্থাৎ গেরুয়া বসনের যোগ্য হয় না। এতন্তির কোন বেশভ্যা ব্যবহারের বিধান নাই। মন্তক ও শাশ মুণ্ডন ভিক্ষ্দলের সন্ন্যাস ব্রতের বাহ্য লক্ষণ।

#### বাসস্থান।--

বুদ্ধ মনে করিতেন যে নির্জ্জন বনবাস আত্ম-সংযম শিক্ষার প্রকৃষ্ট সাধন কিন্তু বিজ্ঞন বাস করিতেই হইবে এরপ কোন নিয়ম প্রচারিত হয় নাই। ভিক্ষুদের দলবদ্ধ হইয়া থাকিবারই রীতি ছিল। তাহারা উদ্যানে, বনে, গ্রাম ও নগরের প্রাত্তে यथान मन यात्र मान मान वान कविक, कारम काशामत জন্ম মঠ বিহার প্রভৃতি বাদগৃহ প্রস্তুত হট্ল। গ্রীম্ম ও শীতের সময় দেশ ভ্রমণ—বর্ষার ৩ মাদ একস্থানে স্থির হইয়া বদা. এই 🕶 তাহাদের নিয়ম। কিন্তু অরণ্যই যাহাদের প্রশন্ত বাসন্থান তাহারাই ভারতে গৃহনির্মাণ কৌশলের স্ত্রপাত করিয়া যায়। ভারতবর্ষের নানা স্থানে যে স্তৃপ চৈত্য বিহারের ভগাবশেষ **पृष्ठे रय जारा जारात्मबर्धे रख-बह्मा। शिवि थूमिया खराज्यम** নির্মাণ করায় যে কি বিপুল পরিশ্রমের ব্যয় তাহা যিনি দেখিয়াছেন তিনিই বুঝিতে পারেন। এই সকল গিরিমন্দির কোন কোনটা দিতীয় বা তৃতীয় খৃষ্টাব্দে বিরচিত; এইরূপ নিশ্বাণের উৎকৃষ্ট নমুনা পুণা সমীপত্ত কার্লীগুছ। খৃষ্টাব্দের প্রথম

শতাব্দে রচিত হয়। হিন্দের দেবদেবী মন্দির সে দিনকার রচনা—যেন বৌদ্ধ মন্দিরের দেখাদেখি তাহাদের স্কুত্রপাত মনে হয় আর যে বৌদ্ধ ধর্ম কঠোর জ্ঞান ও নীতির ধর্ম, যাহাতে ভজন পূজনের বিধি বাবস্থা কিছুই নাই, ক্রিয়া কাণ্ডের কোন বাহাড়ম্বর নাই, আশ্চর্য্য যে তাহারই সেবকেরা প্রকাণ্ড শিলাক্তন্ত স্প চৈত্য বিহার প্রভৃতি নির্মাণ করিয়া তাঁহাদের হস্ত-চিহু সকল নানা স্থানে বিক্ষিপ্ত করিয়া গিয়াছেন। বিহার ও চৈত্য ব্যতীত বৌদ্ধেরা তাহাদের তীর্থক্ষেত্রে বুদ্ধের স্মৃতি-চিহু ধরপ ঘন্টাকৃতি স্তৃপ সমূহ নির্মাণ করিত, কোন কোন ন্তৃপ আশ্চর্য্য কারুকার্যাময় রেলিং বেষ্টিত, এই সকল স্তৃপের মধ্যে ভূপালের অন্তর্গত ভিল্সা স্তুপ স্থাসিদ। কাশীযাত্রীগণ সারনাথ কেতের ভস্মাবশেষ দর্শন করিয়াছেন তাঁহারা সেথান-কার স্তৃপও দেখিয়া থাকিবেন, তাহা সেই ক্ষেত্র স্মরণ করাইয়া দেয় যেথানে গৌতম তাঁহার ধর্মচক্র প্রথম প্রবর্ত্তিত করেন। এতম্ভিন্ন গিরিগুহা-নিহিত চৈত্য বিহার প্রভৃতি কোথায় না প্রক্রিপ্ত ? শতপর্নী যেথানে প্রথম বৌদ্ধ সভার व्यक्षिरवर्गन इम्र, नामिरकत्र लिना, काली, अबस्रा, मानमि ্রীপস্থিত কাম্বেরীর গু**হামন্দির, ভূবনেশ্বরের থণ্ডগিরি উদ**য়-গিরির গুহাশ্রম, এই সমস্ত চিরম্মরণীয় বৌদ্ধকীর্ত্তি ভারতে প্রকীর্ণ দেখা যায়।

## দারিদ্র্য ত্রত।—

দারিদ্রা ও সংযম বৌদ্ধমগুলীর এই ছই মহাত্রত ৷ দোনা রূপা গ্রহণ করা তাহাদের একেবারেই বারণ, যদি কোন গৃহস্থ দান করেন ভিক্ন তাহা নিচ্ছের জন্ম রাথিতে পারিরেন না। হয় তাহা দাতাকে প্রত্যর্পণ করিতে হইবে কিম্বা অন্ত কোন গৃহস্থের হত্তে অর্পণ করিতে হইবে যিনি তাহার বিনিময়ে ঘত লবণ তৈল তণ্ডুল প্রভৃতি আবশুকীয় দ্রব্য সকল দান করিলে, তাহা অপর ভিক্ষুদের জ্বন্থ গ্রহণ করিতে পারিবে, নিজের জন্ম নয়। সোনা রূপার ব্যবহার লইয়া অতি প্রাচীন কাল হইতে ভিক্ষদলে মহা গওগোল উপস্থিত হয় এবং বৈশালী সভায় এই বিষয় লইয়া বিষম আন্দোলন হয়। যে সকল ভিক্ষু এই নিয়ম পরিবর্ত্তনের পক্ষ-পাতী ছিলেন অবশেষে তাহাদেরই পরাভব হইল ও অনেক শতাকী পর্যান্ত এই নিবৃত্তি ব্যবস্থা ভিক্ষু মণ্ডলীর মধ্যে স্কর্মিকত থাকে। ইহা ছাড়া ভূমি দাস দাসী রাথা অথবা অশ্ব গো মেঘাদি পগু পালন করা ভিক্ষুদের নিষেধ। চাদ বাদ রুষি-কার্যাও নিষিদ্ধ ও দণ্ডনীয়। এক কথায়, ভিক্ষুর পক্ষে দারিদ্র্য ব্রত প্রাণপণে পালন করা বিধেয়। তাঁহাদের বিষয়-সম্পত্তি দব মিলিয়া অষ্টবিধ-বদনত্ত্রয়, কটিবন্ধ, ভিক্ষাপাত্ত, ক্ষুর, স্থচি, জীবহত্যা নিবারণোপযোগী জল ছাঁকিবার বাসন। যদিও-প্রত্যেক ভিক্ষর জন্ম এই ব্যবস্থা, তথা পৈ ভিক্ষুসভ্যের কথা স্বতন্ত্র। গ্রন্থ প্রভৃতি অস্থাবর বস্তু ছাড়িয়া দেও, ভূমি বিহার প্রভৃতি স্থাবর সম্পত্তি, সজ্ব তাহারও অধিকারী ছিল। বুদ্ধদেব স্বয়ং সজ্মের জন্য এই সমস্ত উপহার গ্রহণ করিতেন ভাহার অনেক দৃষ্টান্ত দেখা গিয়াছে। বৌদ্ধ ভিক্ষু প্রত্যেকে যতই নির্ধন হউন না কেন. অনেকানেক বৌদ্ধক্ষেত্ৰ রাজা ও শ্রীমন্ত গৃহস্থদের अनारत विश्रव अर्थामानी छिन मत्त्र नाहे; हे छेरतारभत मधा-यूर्गत थृष्टीय त्नवानय व्यर्भका जाशास्त्र धनमण्याख व्यत्न हिन ना ।

পূজা ৷—

আমরা দেখিয়াছি বৌদ্ধধর্ম নীতি প্রধান ধর্ম, তাহাতে বৈদিক হোম যাগ ক্রিয়াকলাপ নাই—যজ্ঞে পশু বলি তাহার অহিংসাধর্ম্মের অহুমোদিত নহে। ত্রাহ্মণ্যের ভজন পূজনের বিধিব্যবস্থাও তাহাতে নাই। বেদ্ধিদের দেবপূজার পাত্র ও প্রণালী স্বতম্ত্র এবং দেবালয় প্রভৃতি পূজার উপকরণও নাই। ধর্ম সাধনের জন্ম আশ্রম চাই তাই দেবমন্দিরের বদলে বৌদ্ধ ক্ষেত্র সাধকমগুলীর বাসোপযোগী চৈত্য বিহারে সমাকীর্ণ। তবে কি বৌদ্ধ শাস্ত্রে পূজার নিয়ম আদতেই নাই ? এই প্রশের উত্তরে বলা যাইতে পারে যে আমরা যাহাকে সহজ ভাষায় পূজা বলি—কোন দেবতাকে লক্ষ্য করিয়া ন্তব স্তুতি প্রার্থনা এরূপ সাধনা আদি বৌদ্ধধর্ম্মের অঙ্গ নহে। বুদ্ধের धर्त्यां शरान (क्वां वाधनां विधान नारे, अमन कि, वृक्तानव म्लिष्टेरे विनिष्ठा निष्ठाट्मित एवं एक् रेख्त, एक एमाम, एक वक्रण, **এইরূপ প্রার্থনা**র কোন ফল নাই। বৌদ্ধ জগতে স্বয়ং বৃদ্ধদেব বিতার আপনে আসীন ছিলেন। তিনি যতকাল জীবিত ছিলেন ততকাল তাঁহার মুখ পানে চাহিয়া ভক্তেরা তাঁহার আদিষ্ট ধর্ম গ্রহণ করিত এবং তাঁহার পরিনির্কাণের পর কাল ক্রমে বুদ্ধই দেবাসনে প্রতিষ্ঠিত হইলেন। বুদ্ধ ছাড়া বোধি-नय-कन्नना त्वोक्तरत मत्था किक्रत्भ उनम रहेन जाहात विवतन পরে দেওয়া যাইবে। এইক্ষণে এইটুকু বলিলেই যথেষ্ট হইবে य हिन्दू (मवरमवी आत्र तोक तनवजा, हेशामत्र मरशा अक -বিষয়ের পার্থক্য আছে। হিন্দু শাস্ত্রের মতে রামক্লঞাদি দেবগণ মহ্ব্য জন্ম ধারণ করিয়া ভূমগুলে অবতীর্ণ হন; বৌদ্ধ মতে

মহ্য্যগণ সাধনাগুণে অর্হৎ, বোধিদত্ব, বুদ্ধ এইরূপে উত্তরোত্তর দেবত্ব পদ প্রাপ্ত হইয়া থাকেন। সে যাহা হউক মোটাম্টি বলা যাইতে পারে যে বৌদ্ধদের মধ্যে আমাদের মত দেবপূজার ব্যবস্থা নাই—প্রাহ্মণ্যের দেবতার স্থানে বৃদ্ধ ও বোধিসত্ব প্রতিষ্ঠিত—তাহাদের লইয়াই বৌদ্ধদের পূজার্চনা।—এই সকল দেবতার মধ্যে বৃদ্ধ দেবের সর্কোচ্চ আসন—ভক্তি প্রদ্ধা সহকারে বৃদ্ধের অর্চনা—তাহার স্থতিচিত্র রক্ষণ—তীর্থ দর্শন—তাহা ছাড়া তাঁহার উপদিষ্ট ধর্ম পালন—এই সমস্তই পূজার সাধন।

ভাবনা ধ্যান, সমাধি।-

অন্যান্ত ধর্মে যেমন দেবারাধনা, স্ততি প্রার্থনা ভজন পূজনের ব্যবস্থা আছে, বৌদ্ধদের দেইরূপ ভাবনা, ধ্যান ও সমাধি। বিষয় বাসনা হইতে বিরত হইয়া ভিক্লুদিগকে বিরলে পঞ্চ ভাবনা সাধন করিতে হয়।—মৈত্রী, করুণা, মুদিত, অগুভ ও উপেক্ষা, ভাবনা এই পাঁচ প্রকার।

মৈত্রী—কি দেবতা কি মনুষ্য সকল জীবই স্থ**ী হউক,** শক্তর ও কল্যাণ হউক, সকলেই রোগ শোক পাপ তাপ হইতে মুক্ত হউক এইরূপ শুভ চিস্তাকে মৈত্রী ভাবনা বলে।

করণা—হঃখীর হুংথে সমবেদনা অন্থভব করা, জীবের কিসে হুঃখ মোচন ও সুথ বর্জন হয় অহরহ এইরূপ চিন্তা করা করুণ। ভাবনা।

মুদিত—ভাগ্যবান্ ব্যক্তির স্থথে স্থী হওয়া, তাহাদের স্থ সোভাগ্য হারী হউক এই চিন্তা মুদিত ভাবনা।

অশুভ-শরীর ব্যাধিমন্দির, তড়িৎসম ক্ষণস্থায়ী, মরীচিকার
ন্থায় অসত্যা, এবং মৃত্র প্রিষে পরিপূর্ণ দ্বণিত বস্তু, মানব জীবন

জন্ম মৃত্যুর অধীন, হঃখময় ও কণ্ডস্পুর, এইরপ ভাবনাকে। অভ্যভ ভাবনাবলে।

উপেক্ষা—সকল জীবই সমান, কোন প্রাণী অপর প্রাণী অপেক্ষা অধিকতর প্রীতি বা অধিকতর হ্বণার আম্পদ নয়; বল হুর্বলতা, হেষ মমতা, ধন দারিদ্রা, যশ অপ্যশ, জরা যৌবন, সুন্দর অস্থুন্দর, সকল গুণ, সকল অবস্থাই সমান—এই সাম্য ভাবনা উপেক্ষা ভাবনা বলিয়া অভিহিত হয়।

ভিক্ষুগণ প্রাতঃসন্ধ্যা বিরলে বসিন্না এই পঞ্চ ভাবনা স্বভ্যাস করিতেন ।

#### ধ্যান।-

বৌদ্ধনতে ধ্যান পরম পদার্থ। জীবনের মহান্ উদ্দেশ্ত দিদ্ধ করিতে হইলে ধ্যান ও সমাধি বারা চিত্তের একাগ্রতা সাধন একাস্ত আবশুক। যে নকল বিষয় চিত্তকে দেই মহান্ লক্ষ্য হইতে বিচ্যুত করে দে সমস্ত দুর্ব করিতে হইবে—"তত্রত্রাভিনন্দিনী" চিত্তবৃত্তি অর্থাং প্রজাগতির স্থার ফুল হইতে ফুলে রমণ করিতে চায় এমন যে চপলা প্রবৃত্তি, তাহা বশীকৃত করিয়া বিষয়াদক্তি হইতে বিরত হইতে হইবে, এইরূপ নির্ণিপ্ত ভাবে নির্দ্ধনের এইরূপ উত্তরোত্তর চারিটী সোপান আছে। উচ্চ হইতে উচ্চতর ধাপে উঠিতে হইলে চিত্তকে অধিকতর সংযত করিয়া যে বিষয়টী ভাবিতেছ তাহার সহিত একাস্ত তন্ময় হইয়া যাওয়া আবশুক। ধর অরূপলোকের ধ্যান করিতেছ— রূপ-লোকের সম্লায় ভাব, সমুশায় করনা মন হইতে দূর করিতে হইবে, এই সমস্ত ইন্দ্রিকরের বিষয় হইতে নির্ত হইরা ইন্দ্রিকরের

অংগাচর অংলাকিক ভাব ও অবস্থার চিত্তের তন্ময়তা সাধন করিতে হইবে, যেন তুমি এ পৃথিবীর জীব নও, অরূপলোকে বাদ করিতেছ। বৌদ্ধমতে কদিন যোগ সাধনা দ্বারা কোন কোন যোগী এই প্রকার অলোকিক শক্তি-বাহিনী দিদ্ধি লাভ করিয়াছেন। ধ্যানবলে ধ্যানের বিষয়ের সহিত যে পরিমাণে তন্ময়ীভাব হইবে দেই পরিমাণে দিদ্ধিলাভ। ধ্যানের দর্বেলিচ অবস্থা সেই যাহাতে জীব স্থুখ তুংখ হইতে উত্তীর্ণ হইয়া শাখত শান্তিরদে নিময় হয়েন—বে অবস্থায় ভাব জ্ঞান ও নাই, অভাব জ্ঞানও নাই, কেবল স্মরণমাত্র অবশিষ্ট থাকে। চিত্ত শান্তি-দলিলে ময়ণ্ডয়। এই মহা ধ্যানে নিময় হইয়া বদ্ধদেব নির্ম্বাণ প্রাপ্ত হন।

## সমাধি।-

বহিবিষয় হইতে নিবৃত হইয়া আত্মার একাগ্রতা সাধনের নাম সমাধি। পঞ্চুত অনিত্য ও পরিবর্ত্তনশীল একাগ্রচিত হইয়া এই সমস্ত অনিত্য ভাবাদি পুনঃপুনঃ চিস্তা করিবে। করিতে করিতে সেই ভাব মনোমধ্যে নিতান্ত পরিক্টুই ইইয়া উঠিবে। সমাধি ইহার উত্তরীয় অবস্থা। গৌতমবৃদ্ধ যে সমগ্র চারি প্রকার ধ্যানের অফুর্চান করেন তাহার দ্বিভীয় ধ্যান্টী সমাধিজাত বলিয়া লিখিত আছে। সমাধি দ্বারা ছয় প্রকার অভিজ্ঞা উপার্জন করা যায়; দিব্য দর্শন, দিব্য প্রবণ, অন্তের মনোভাব পরিজ্ঞাত, পূর্ব্ব জন্ম শ্বৃতি রিপুদমন ক্ষমতা, অনৌকিক শক্তি (শ্বিদ্ধ) অর্জন।

তীর্থদর্শন।—

পূজার অপর অঙ্গ তীর্থ দর্শন, অতি প্রাচীন কাল হইভেই

বৌদ্ধ সমাজে প্রচলিত দেখা যায়। বৌদ্ধ শাস্ত্রে চারিটী তীর্থ স্থান নির্দ্ধি আছে—

- ১। যেখানে বুদ্ধের জন্ম
- ২। যেখানে তাঁহার বুদ্ধত্ব প্রাপ্তি
- ৩। যেখানে তিনি ধর্মচক্র প্রবর্ত্তি করেন
- ৪। যেখানে তাঁহার নির্বাণ

এই সকল স্থান পরিদর্শন মানদে ভিক্ষু ভিক্ষুণী উপাসক উপাসিকা তীর্থ ভ্রমণে বাহির হন। বুদ্ধদেব বলিয়া গিয়াছেন বিনি'এই চতুন্তীর্থ দর্শন করিয়া দেহত্যাগ করেন তিনি মৃত্যুর পুর স্থাপাভ করেন

এই সমস্ত বৌদ্ধ তীর্থক্ষেত্র এখন কতক ভগ্ন, কতক ভগ্ন-প্রায়, কতক রূপাস্তরিত, কতক বা একেবারেই বিলুপ্ত হইয়া গিয়াছে।

## কপিলবাস্ত ।—

বুদ্ধদেবের জন্মভূমি যে কপিলবাস্ত সে এখন কোথায়?
তাঁহার জীবদ্দশাতেই তাহার ধ্বংস হয়। তিনি নিজে ত
রাজ্যতাাগ করিয়া ধর্মপ্রচারে জীবন উৎদর্গ করিলেন, পরে
তাঁহার পুত্র রাহল ও আত্মীয় স্বজনকে স্বপক্ষে আনিয়া রাজ্যের
তাত্তার যে ভন্মানক কট হয় তাহার উল্লেখ করা হইয়াছে;
কটের কারণ যথার্থই ছিল। ছিদ্র পাইয়া বাহির হইতে শক্রণল
রাজ্য আক্রমণ করিল। বুদ্ধের নির্বাণের তিন বৎদর পূর্বে
কোশলাধিপতি প্রদেনজিতের পুত্র ও উত্তরাধিকারী কপিলবাস্ত
ধ্বংদ এবং শাক্যবংশ নিপাত করেন। চীন পরিব্রাজকেরা এই

বিখ্যাত নগরীর ভগাবশেষ মাত্র দেখিয়াছিলেন। কালক্রমে তাহার চিহু মাত্রও রহিল না। সম্প্রতি বিস্তর অনুসন্ধানের পর প্রত্নতত্ত্বিৎ পণ্ডিতেরা অশোকের একটি খোদিত স্তম্ভ হইতে কপিলবাস্তর বাস্তভূমি নেপাল সমীপে নির্ণয় করিয়াছেন। ত্রেন সাঙ্রের বর্ণনার আধারে ঐ স্তম্ভ আবিষ্কৃত হয়।

#### বুদ্ধ গয়া।---

এই স্থানে বুদ্ধ বুদ্ধত্ব পাইয়াছিলেন বলিয়া ইহা বৌদ্ধদের মহাতীর্থ; Jerusalem যেমন খুষ্টানদের, বৌদ্ধদের পক্ষে ইহাও সেইরূপ। ইহার সঙ্গে বৃদ্ধদেবের অশেষ স্মৃতিচিত্র জড়িত আছে। অশোক রাজা এইস্থানে এক বৌদ্ধ মন্দির নির্মাণ करत्रन- এই मिनत मर्सा मर्सा ज्या । नवीकृत हा, এইकार আবার পুন-ন্বীক্তত হইয়া ভ্রেন্ দাঙের বর্ণনাত্র্যায়ী তাহার পূর্বাকার ধারণ করিয়াছে। এইক্ষণে আর সেই বোধিবৃক্ষ নাই যাহার তলে বুদ্ধের বোধনেত্র খুলিয়াছিল। পিছনে তাহার প্রতিনিধি স্বরূপ এক অশ্বথ বৃক্ষ তৃতীয় খুষ্টাব্দে রোপিত হয় এখন তাহাই আছে। প্রবাদ এই যে মূল বৃক্ষের এक भाषा मरहरत्कत छितनी मञ्चमिता मिःहरल लहेगा यान, দেখানে তাহা প্রকাণ্ড অশ্বথে পরিণত হইরাছে। হার, বৌদ্ধ ধর্ম্মেরও দশা এইরূপ। জনাভূমি হইতে বিতাড়িত হইয়া পর দেশে তাহার শাথা প্রশাথা বিস্তৃত হইয়া পড়িল। বুদ্ধ গয়ায় বোধিবৃক্ষ কোথায় কি অবস্থায় ছিল তাহা হুয়েন সাঙের ভ্রমণ বৃত্তান্ত হইতে জানা যায়। বুক্ষের পূর্বভাগে স্বর্ণামলক-চুড় এক বিহার ছিল, তাহার প্রবেশ ঘারের খোপে একদিকে অবলোকি-তেশ্বর, অন্যদিকে মৈত্রেয়ী মূর্ত্তি প্রতিষ্ঠিত। বুক্ষের উত্তরে বুদ্ধ

বুদ্ধ পাইবার পর পদরক্ষে চলাচল করিতেন। তিনি সাত্দিন ধ্যানময় থাকেন পরে উঠিয়া বেথানে তিনি সাত দিন পায়ে চালি করিয়া বেড়ান; আবার বেথানে তিনি ছই বণিক পুত্র ত্রপুষ ও ভল্লিকের হস্ত হইতে উপোষণান্তে ছগ্ধ পান করিয়াছিলেন, এই সকল স্থান ও অন্যান্য অনেক বিষয় হুয়েন সাং তাঁহার গ্রন্থে বর্ণন করিয়াছেন। এই প্রসঙ্গে বলা ঘাইতে পারে যে এপুষ এবং ভল্লিক বুদ্ধের ছই প্রথম গৃহস্থ শিম্মরূপে তাঁহার 'ধর্ম্মে' দীক্ষিত হন—'সভ্য' তথনও প্রতিষ্ঠিত হয় নাই। বুদ্ধ গ্যায় বুদ্ধের এইরূপ কত কত কীর্তি-চিত্র বহিয়াছে তাহার অন্ত নাই।

### সারনাথ।--

কাশী সমীপন্থ বৌদ্ধতীর্থ; এই স্থান হইতে বুদ্ধদেব তাঁহার ধর্মচক্র প্রথম প্রবর্ত্তিত করেন। সরনাথ বৌদ্ধ সম্প্রদারের একটা প্রধান স্থান ছিল। বৃদ্ধ বর্ত্তমান থাকিতেই সারনাথ বিহার প্রস্তুত হয়। তথার বৌদ্ধদের অনেক দেবালয় ও দেব-মৃর্ত্তি এবং একটা উৎকৃষ্ট বিভালয় ছিল। এই সারনাথ একে-বারে নষ্ট হইয়া গিয়াছে। তাহার চারিদিকে এরপ প্রভূত ভন্মরাশি বিদ্যমান আছে যে, দেখিয়া বোধ হয় বৌদ্ধদেবী শক্রপক্ষীয়েরা সমুদায় ভন্মভূত করিয়াছে। এই ক্ষেত্রে আশোকের সময়ে একটা স্তৃপ নির্দ্ধিত হয়। এখন যে স্তৃপ রহিয়াছে তাহা হয়েন সাং দেখিয়াছিলেন। এই স্তৃপের আনতিদ্রের কনিজ্যাম সাহেব একটা প্রস্তর থণ্ড আবিদ্ধার করিয়াছেন তাহাতে বুদ্ধের জন্ম, বুদ্ধ প্রাপ্তি, কাশীতে উপদেশ ও নির্ব্ধাণ, এই চারি ঘটনাসম্বন্ধীয় প্রতিমৃর্ত্তি সকল খোদিত আছে।

#### রাজগৃহ।—

` ধে

विश्विमाद्वत ताक्रधानी। वृक्ष किनवाख इहेट निक्कमन করিয়া এথানে হুইজন ব্রাহ্মণ আলাড় কালাম এবং উদ্রকের নিকট প্রথমে ধর্মোপদেশ গ্রহণ করেন। অদিও তাহাদের প্রদর্শিত পথ তাঁহার মনোনীত হয় নাই তথাপি তাহাদের मिका ও উপদেশ একেবারেই নির্থক হইয়াছিল বলা যায় না. দে শিক্ষার ফল ভবিষাতে তাঁহার নিজের উপদেশে ফলিত দেখা যায়। রাজগৃহের বেণুবন ও গৃধকৃট পর্কত বুদ্ধদেবের প্রিয় আবাদস্থান ছিল। বৃদ্ধের জীবনী দংক্রান্ত আরও অনৈক ঘটনা এই স্থানে সংঘটিত হয়। সারীপুত্র ও মুলালায়ন গৌতমের চুই প্রধান শিষ্যের অশ্বজিতের সঙ্গে এথানেই প্রথম আলাপ পরিচয়। গুরুর বিরুদ্ধে দেবদত্তের ষড়চক্রের ও এই স্থান। ইহার নিকটেই সপ্তপর্ণী গুহা, যেখানে বৌদ্ধ সভার প্রথম অধিবেশন হয়। বুদ্ধের শেষ বয়সে যথন তিনি জেতবনের বিহার হইতে রাজগৃহের গৃধকুটে ফিরিয়া যান তথন রাজা অজাতশক্র বুজি জাতীয় লোকদিগকে আক্র-মণের পন্থা দেখিতেছিলেন। ঐ জাতি গঙ্গার উত্তর পাড় মগধের সামনে বাস করিত। অনায়াসে বুজি জাতির সমুচ্ছেদ দাধন করিতে পারিবেন কি না, তাহা জানিবার জন্ম অজাত-শক্র স্বীয় অমাত্য বর্ষকারকে বৃদ্ধদেবের নিকট প্রেরণ করেন। গৌতম বলিয়াছিলেন যতদিন বুজিগণ পরস্পর ঐক্য বন্ধনে বন্ধ शांकिरत, श्रञ्जान উहाता भिनिञ हहेगा कार्या कतिरत, अधर्य शानरन রত থাকিবে, ষতদিন উহাদের মধ্যে কুলন্ত্রী ও কুলকুমারীগণ পৃঞ্জিত হইবেন, যতদিন উহারা অহৎগণের রক্ষা ও পালন

বৃদ্ধে, ততদিন বুজি জাতির স্বাধীনতা বিনষ্ট হইবে না।
এ প্রসঙ্গে তাঁহার ভিক্ষু সজ্ব বাহাতে ধর্মের আশ্রয়ে ঐক্যুস্ত্রে
মিলিত হয়, তাহাদের পরস্পারের মধ্যে বিচ্ছেদ সংঘটন না হয়
ভিষিয়ক উপদেশ প্রদান করেন।

# পাটলী পুত্ৰ ৷—

শুরুজী গঙ্গাপার হইবার সময় দেখিলেন—অজাতশক্র পাটলীপুত্রের ঠিকানায় বৃজিদের আক্রমণ নিরোধ উদ্দেশে এক হর্গ নির্দ্মাণ করিতেছেন। সেই সময়ে তিনি পাটলী-পুত্রের ভাবি গৌরব ও শ্রীবৃদ্ধির কথায় সকলকে আখাসিত করিয়া তাহার ভাবি হুর্গতির কারণ ও নির্দ্দেশ করিলেন। "নগরের তিন শক্র, অগ্নি, জল ও গৃহ-বিচ্ছেদ।" এই ভবিষ্য-দ্বাণীতে প্রীত হইয়া যে ন্বার দিয়া গৌতম গঙ্গাবতরণ করেন নগরাধ্যক্ষ তাহার নাম 'গৌতম-ন্বার' রাথিবার আদেশ করি-লেন। রাজগৃহের পর পাটলীপুত্রই মগধের রাজধানী হইল— আশোকের রাজধানী তাহাই। এই নগরীর আধুনিক নাম শাটনা।

## শ্রাবস্তী।---

রাজগৃহে দ্বিতীয় বর্ধা যাপন করিয়া বণিক অনাথপিণ্ডিকের আমন্ত্রণে বৃদ্ধদেব শ্রাবন্তী গমন করেন। ইহা কাশীর
উত্তর পশ্চিম রাপ্তী নদীতীরন্থিত। গৌতমের সময় ইহা
কোশল-রাজ প্রদেনজিতের রাজধানী ছিল। শ্রাবন্তীর জেতবন উদ্যান অনাথপিণ্ডিকের বহুমূল্য দান; যত স্বর্ণ-মূল্রা দেই
ভূমি থণ্ডের উপর বিছাইয়া ঢাকিয়া দেওয়া যায় বণিক তাহা
তত মুলায় ক্রেয় করিয়া বৌদ্ধ সভ্জে উপহার দেন। জেতবন

বুদ্দদেবের সাধের আশ্রম ছিল; সেথান হইতে তিনি যে সকল উপদেশ দেন তাহা বৌদ্ধ শাস্ত্রে প্রথ্যাত। জেতবনে যে বিহার নির্দ্মিত হয় হয়েন সাং তাহার ভগ্নাবশেষ দেখিয়া যান। ফাহিয়ান বলেন শ্রাবস্তীতে প্রসেনজিৎ বুদ্দের চন্দন কাষ্ঠের এক বৃহৎ প্রতিমূর্ত্তি নির্দ্মাণ করেন। ওথানকার এক মন্দির থনন করিতে করিতে বুদ্দের এক বড় প্রস্তর মূর্ত্তি পাওয়া যায় কিন্তু কাষ্ঠ মূর্ত্তির কোন চিহ্ন দেখা যায় নাই।

## বৈশালী ।—

বৈশালীতে ও বুদ্ধদেব অনেক উপদেশ দেন। কুর্শীনগর বাত্রাকালে এথানে অধপালীর উদ্যানে তিনি শেষবারের মত বিশ্রাম করেন। বুদ্ধের মৃত্যুর পর তাঁহার দেহের ভস্মাবশেষের উপর লিচ্ছবীরা এই স্থানে একটী স্তৃপ নির্মাণ করে।

# কৌশাস্বী।--

আলাহাবাদ হইতে ১৫ ক্রোশ দূর। ইহা এক প্রাচীন নগরী, রামায়ণেও ইহার উল্লেখ আছে। ইহা সেই রাজা উদয়নের স্থান যাহার নাম মেঘদ্তের এক শ্লোকে কীর্ত্তিত আছে।

# 'উদয়ন কথা কোবিদ গ্রাম বৃদ্ধান্'

রত্নাবলী নাটকের রঙ্গভূমি ও এই। বুদ্ধ এখানে অনেক সময় আসিয়া উপদেশ দিতেন। কথিত আছে বুদ্ধের এক চন্দন কাষ্ঠের প্রতিমূর্ত্তি শ্রাবস্তীতে যেমন, এখানে তেমনি গঠিত হয়। এট বুদ্ধের জীবদ্দশাতেই নির্মিত হইয়াছিল। যে স্থপতি ইহা নির্মাণ করে তাহাকে এয়প্রিংশ স্বর্গে পাঠান' হয়, সেথানে গিয়া সে বুদ্ধদেবের দর্শন পায়, তথায় তিনি তাঁহার মাতা মায়া-দেবীকে ধর্মোপদেশ দিবার জন্তা গমন করিয়াছিলেন।

#### नालक।-

নালন বিহার বৌদ্ধদের একটী অত্যংকৃষ্ট বিশ্ব-বিদ্যালয়। ইহার আধুনিক স্থান বারাগাঁও, বুদ্ধগয়৷ হইতে ৪০ মাইল দুর। হুয়েন সাং বলেন বুদ্ধ এখানে ৩ মাস অবস্থিতি করিয়া ধর্ম্মোপদেশ করেন। হুয়েন সাং নিজে এই বিহারে ৫ বৎসর কাল থাকিয়া শাস্ত্র অধায়ন করেন। শিলাদিতোর রাজত কালে নাল-ল-বিহার পূর্ণ মহিমায় বিরাঞ্জিত ছিল। রাজকোষ হইতে ইহার বায় নির্কাহ হইত। হুয়েন সাঙ্কের বর্ণনা এই "ছয়টা ভিন্ন ভিন্ন বিহারে প্রায় ১০.০০০ ভিক্র অধ্যয়নে নিযক্ত— বৌদ্ধ সম্প্রদায়ের অষ্টাদশ শাখা এখানে একত্রিত। এখানকার ছাত্রেরা সকলেই প্রথর-বৃদ্ধি, স্ক্রপণ্ডিত ও পবিত্র চরিত। मकाल ब्हेटल मन्ता পर्यास ट्रिवन धर्माठाकी ও धर्मालाश. দুর দুর হইতে মহা মহা পণ্ডিত তাঁহাদের ধর্মবিষয়ক সন্দেহ ভঞ্জন কবিতে আদিয়া থাকেন। ত্রিপিটক যাহাদের কণ্ঠত্ত নাই তাহার। লজ্জায় মুথ হেঁট করিয়া থাকে। নালন্দ ছাত্রদের িপাণ্ডিতোর এমনি খাতি যে অনেকানেক ভণ্ড তপস্বী তাহাদের উপাধি ধারণ করিয়া পাণ্ডিত্য ভান করিয়া বেড়ান।"

## কুশীনগর।---

এই স্থানে বুদ্ধদেব নির্বাণ প্রাপ্ত হম। চীন পরিব্রাজকের।
এথানকার ভগ্নাবস্থা দেখিয়া যান। এই প্রসঙ্গে হুয়েন সাং
বলেন বুদ্ধের মৃত্যু সংবাদ শ্রবণ করিয়া কাশুপ কুশীনগর যাত্রা
করিতেছেন এমন সময় কতকগুলি ভিক্ষু আনন্দ প্রকাশ করিয়া
বিলয়া উঠিল "তথাগত গেলেন বাঁচা গেল। আমরা কেহ
কোন দোষ করিলে এখন কে আমাদের শাসন করিবেন ?"

এই কথা শুনিয়া কাশ্যপ ধর্ম প্রতিষ্ঠার উপায় চিন্তা করিতে লাগিলেন। উপস্থিত সকলকে ডাকিয়া বলিলেন "আমাদের ধর্মশাস্ত্র বাধিয়া দেওয়া আবশুক। যে সকল ভিক্নু বুদ্ধের বিধান সমূদ্য ভালরূপ জানেন—যাঁরা নিজে সেই ধর্মে অহুরক্ত—
যাঁহারা অধীত ও স্থবিচারী তাঁহারা সভা করুন, অপ্রবীন নৃত্ন শিষ্যেরা চলিয়া যান"

ইহা শুনিয়া অনেকে চলিয়া গেল—১০০০ লোক অবশিষ্ট রহিলেন — তাঁহাদের মধ্যে আনন্দ একজন। কাশুপ আনন্দকে ও গ্রহণে সন্মত হইলেন না। তাঁহাকে সম্বোধন করিয়া কহিলেন "তোমাকে সম্পূর্ণ দোষশূন্য বলিতে পারি না। তুমিও এ সভার যোগ্য নও। তুমি বুদ্ধের পার্ম-সহচর প্রিয় শিষ্য ছিলে—তাঁহাকে পিতার ন্যায় ভক্তি করিতে ও ভাল বাসিতে, তুমি এখনো সম্পূর্ণ আসক্তি বিহীন হইতে পার নাই এই আমার ধারণা।"

আনন্দ নির্জ্জন অরণ্যে গিয়া যোগ সাধন দারা অর্হৎ-সিদ্ধি
লাভ করিলেন। পরে যথন তিনি সভাস্থলে ফিরিয়া দারে 
আসিয়া দাঁড়াইলেন, কাশুপ তাঁহাকে বলিলেন "তুমি আসজি
শৃত্ত হইয়াছ তাহার প্রমাণ দেখাও। তুমি স্ক্র্ম শরীরে এই
ক্রদ্ধ দার দিয়া সভায় প্রবেশ করিতে পারিলে বুঝা যাইবে।"
আনন্দ তথনি দারের ছিদ্র হইতে স্ক্র্ম শরীরে প্রবেশ করিলেন
ও উপস্থিত স্থবিরদিগকে প্রণাম করত সভা মধ্যে উপবিষ্ট
হইলেন।

এই ত ভারতের প্রধান প্রধান বৌদ্ধ তীর্থের কথা বলা ইইল। ইহা ছাড়া সিংহল, ব্রহ্মদেশ, শ্রাম, চীন, তিকাত প্রভৃতি দেশে বুদ্ধের শ্বরণ চিহ্ন সকল বিক্ষিপ্ত—এই স্থলে তাহাদের বিবরণ দিবার প্রয়োজন নাই।

প্রায়শ্চিত্ত বিধান।

খুষ্টার ক্যাথলিকদের মধ্যে গুরু সন্নিধানে আত্মপাপ স্বীকার করিবার বে একটা রীতি আছে, বেদ্ধি সমাজে তাহার অন্তর্ম একটা প্রথা প্রচলিত ছিল। প্রত্যেক ভিক্ষুকে প্রতিমাসে ঘূইবার অর্থাৎ পূলিমা ও অমাবশ্যার দিবসে উপবাস পর্বে প্রতিমোক্ষের বিধানান্মারে সজ্য সন্নিধানে আত্মপাপ অঙ্গীকার করিয়া প্রায়শ্চিত গ্রহণ করিতে হইত। দশ পূর্ণমাসী বৈদিক বিধির অন্তক্রণে সম্ভবতঃ বৌদ্ধদের মধ্যে এই পাক্ষিক পর্ব্ব প্রবর্ত্তিত হয়। যেথানে এই পাক্ষিক সভার অধিবেশন হইত সেথানে সেই ভাগের যত ভিক্ষুদল সকলকেই উপস্থিত হইতে হইত। ভিক্ষু সজ্য সমবেত হইলে পাপ ও প্রায়শ্চিত বিধানের মন্ত্র পাঠ হইতে সভার কার্য্য আরম্ভ হইত।

"ভিক্ষদের মধ্যে যিনি যে কোন পাপ করিয়াছেন তাহা মুক্ত কণ্ঠে স্বীকার ক্রন। যদি কোন দোষ না করিয়া থাকেন চুপ করিয়া থাকুন; যিনি মৌন থাকিবেন ধরা যাইবে তিনি নিরপরাধা। যিনি পাপ করিয়া জানিয়া শুনিয়া অস্বীকার করেন তিনি মিথ্যাবাদী। ভগবান বুদ্ধ বলিয়া গিয়াছেন মিথ্যাই বিনাশের মূল। অতএব যদি কোন ভিক্ম কোন বিষয়ে অপরাধ করিয়া থাকেন ও তাহা হইতে মুক্তি লাভের ইচ্ছা করেন তিনি তাহা প্রকাশ্তে অস্বীকার করুন; অতুতাপে পাপভার লঘু হইয়া যায়।"

প্রতিমোক্ষ নামক গ্রন্থে প্রায়শ্চিত বিধান গুলি সন্নিবেশিত হইয়াছে। কাথত আছে যে বুদ্ধদেব প্রথম কাশী হইতে রাজ্ব- গৃহে প্রবাস কালে এই সমন্ত প্রায়শ্চিত্ত বিধান বিধিবদ্ধ করেন। ভিকু সভেত্র পাক্ষিক অধিবেশনে এই প্রতিমোক্ষের নিয়ম সকলের আবৃত্তি ও ব্যাখ্যান হইত। (কোন্ অপরাধের কি দও, প্রায়শ্চিত্তই বা কিরূপ, তাহা বুঝাইয়া দেওয়া হইত। নানা শ্রেণীতে বিভক্ত। \* নরহত্যা ব্যভিচার প্রভৃতি কতকগুলি গুরুপাপের দণ্ড সজ্ম হইতে বহিষার। অপেক্ষাকৃত শঘুতর পাপ যথা, দ্যিতভাবে রমণীর অঙ্গ স্পর্শ, কোন ভিক্ষুর প্রতি অস্তায় ব্যবহার তাহার বিশেষ বিশে: প্রায়শ্চিত্ত**িনর্দিষ্ট আছে**। পরে আহার বিহার পরিচ্ছন সম্বন্ধে অনিয়ম, মিথ্যা কথা, অতি-লোভ,পরনিন্দা, ভিক্ষুণীর সঙ্গে একাকী ভ্রমণ/এই সমস্ত ছোটপাট দোষ 'হ্ৰুড' ( হুষ্কুত ) বলিয়া গণ্য, অমুতপ্ত হৃদয়ে অঙ্গীকারেই ইহাদের খণ্ডন। এই সকল ছোটখাট হুষ্কুতের স্বরূপ ও বিধান দেখিলে জানা যায় ভিক্ষু সভ্য কি কঠোর ধর্ম শাসনে নিয়ন্ত্রিত ছিল ৷ কোন কুটীর নির্মাণ করিতে হইলে তাহার কি মাপ **হইবে, ছাতা দর্পণ ব্যবহার্য্য কি না, দাস্তনের মাপ কি, ভিক্ষা** পাত্র কিরূপ, বসিবার আসন কতবৎসর চালাইতে হইবে— शैहित्म 'मीर्घकोति रुउ' विनिष्ठा आभीर्खाम कत्रा विरक्षत्र किना-কি উপায়ে 'আরাম' বিহার পরিকার পরিচ্ছন্ন রাখিবে, কিন্নপে স্থান আহার করিবে—ওঠা বদা ভোজন শয়ন নিদ্রা, জীবনের প্রত্যেক কার্য্যের জন্ম বৃদ্ধদেব নিয়ম বাঁধিয়া দিয়াছেন i) বুদ্ধের

<sup>\*</sup> অপরাধের শ্রেণী বিভাগ।

পারাজিক, সজ্বাদিশেষ, থুলচ্চয়, পাচিন্তীয়, শেখীয়, প্রতিদেশনীয়,
ছক্ত, ুহুর্ভাষিত ইত্যাদি।

উপদেশ কোন্ ভাষায় প্রচারিত হওয়া উচিত এই লইয়া অনেক সময় কথা উঠিত। একবার ছই জন ব্রাহ্মণ বুদ্দাবের নিকট প্রস্তাব করিলেন, "প্রভু আপনার উপদেশ চলিত ভাষায় লোকের মুথে মুথে অশুদ্ধ ও নপ্ত হইয়া যায়, আমাদের ইচ্ছা বুদ্ধের উপদেশগুলি সংস্কৃত ছলে রচিত হইয়া প্রচারিত হয়।" বুদ্ধ তাহাতে সম্মত হইলেন না। তিনি কহিলেন, "এরপ হইলে ধর্মপ্রচারের সাহায্য হইবে না বরং তাহার উল্টা হইবে। লোকেদের অবোধ্য ছ্রহ ভাষায় ধর্ম-প্রচারের ব্যাঘাত জন্মিবে। ভিন্মুগণ! ভোমরা প্রভ্যেকে নিজ নিজ মাতৃ-ভাষায় বুদ্ধ-বচন গ্রহণ কর এই আমার উপদেশ।" (চুল্নবিগ্ণ)

এই সমস্ত নিয়মাবলীর পাঠ ও আবৃত্তি সমাপ্ত হইলে পাঠক নিবেদন করেন "ভগবান বুদ্ধের বিধানামুদারে পাঠাবৃত্তি সমাপ্ত হইল, তোমরা সকলে শাস্ত সমাহিত চিত্তে, সম্ভাবে নির্কিবাদে ইহার মুর্ম গ্রহণ কর।"

#### পঞ্চায়ৎ।—

কিন্তু এই সহুপদেশ সত্ত্বে ও সজ্যে অনেক সময় বাদানুবাদ ও মতভেদ উপস্থিত হইত; চুল্লবগ্গে এই সমস্ত বিবাদভন্ধনের অনেক প্রকার নিয়ম পরিকল্পিত দেখা বায়। তাহার মধ্যে বিবাদ মীমাংসার জন্ম পঞ্চায়তের ব্যবস্থা উল্লেথ যোগ্য। প্রায়শ্চিত্ত সম্বন্ধে কোন প্রশ্ন উত্থাপিত হইরা পঞ্চায়তে সমর্পিত হইলে অধিকাংশ লোকের মতে তাহাব নিষ্পত্তি হইত। যে সকল ভিন্দু পঞ্চায়তে নিযুক্ত হইবেন তাঁহাদের কতকগুলি গুণ থাকা আবশ্যক। অপক্ষপাতী, রাগ দ্যে ভয় শৃন্ত, বিদ্যাবৃদ্ধি সম্পন্ন ব্রোজ্যেষ্ঠ ভিন্দুরাই এই পঞ্চায়তে বিচার করিতেন। মত গ্রহণের তিন প্রকার রীতি ছিল—গুপু, অপ্রকাশ, প্রকাশ। যথন নিদংশয়ে জানা যায় যে কোন একটা বিষয় সাধারণ মতে ধর্ম নিয়নের অনুবভী তথন আর গুপ্তমত গ্রহণের আবশ্যক नारे, প্रकामा ভাবে গ্রহণ করিলেই হইল। তর্ক বা সন্দেহ ন্ত্রে মত-গ্রাহক ভিক্ষ চুই রঙ্গের টিকিট প্রস্তুত করিবেন ও বিনি মত দিতে আদিবেন তাঁহাকে বলিবেন 'এই মতের লোকের জন্ম এই টিকিট: অন্মতের লোকের জন্ম এই অন্ম টিকিট: যেটা ইচ্ছা গ্রহণ কর। অন্ত কাহাকেও দেখাইও না।" বিজ্ঞাপক যদি বিবেচনা পূর্ব্বক স্থির করেন থে ধর্ম বিক্রদ্ধ পক্ষের মত বলক্তর তাহা হইলে সেমত অগ্রাহ্য করি-বেন। আর ধর্মের অনুযায়ী স্থির হইলে সে মত গ্রাছ করি-বেন। মত গ্রহণের এই গুপুরীতি (ব্যালট)। অপ্রকাশ্য রীতি হচ্ছে ভিক্ষুর কানে কানে বলা, "এই টিকিট এই মতের পোষক, এই অন্ত টিকিট অন্ত মতের পোষক - যেটা ইচ্ছা গ্রহণ কর। তুমি কোন মতে মত দিবে আর কাহাকেও বলিও না।" বিজ্ঞাপক যদি বিবেচনা পূর্বক স্থির করেন যে ধর্ম। বিরোধী মত বলবত্তর তাহা হইলে সে মত অংগ্রাহ্য করিবেন; অধিকাংশের মত ধর্মের অনুযায়ী স্থির জানিলে সে মত গ্রাহ্ করিবেন। অপ্রকাশ্য ভাবে মত গ্রহণের এই নিয়ম। (চুল্লবগ্গ)

বর্ষার ৩ মাস ভিক্ষ্দের সন্মিলন ও উৎসবের সময় বিহার ও অত্যাত্ত আশ্রমে তাঁহারা এই উৎসবের মাসত্তর থাপন করি-তেন; তথন ধর্মালাপ, শাস্ত্রালোচনা, আবৃত্তি প্রভৃতির ধ্ম লাগিয়া যাইত। শ্রাবকেরা দেশ দেশাস্তর হইতে আসিয়া বৃদ্দের জাতক উপাধ্যান শ্রবণের পুণ্যার্জন করিতেন এবং সকলে সম্ভাবে মিলিত হইর। উৎসবে যোগদান করিতেন। আমার 
শরণ আছে যথন বোষায়ে আমার সর্ভিদের প্রথম ভাগে আহমদাবাদে কর্ম করিতাম তথন অনেক সময় কৌত্হলাক্রাস্ত
ইয়া ঐরপ বর্ষার উৎসবে উপস্থিত হইতাম। উহা জৈনোৎসব,
বৌদ্ধের উৎসব নহে কিন্তু অনেক বিষয়ে এই উভয়ের সাদৃশ্য
আছে। আহমদাবাদ ও অঞ্লের জৈন সম্প্রদারের প্রধান
স্থান। চাতুর্মাস্ত যাপন, ধর্মশাস্ত্র পাঠ ও প্রবণ, উপবাস ব্রত
ধারণ প্রভৃতি বৌদ্ধ রীতি অনুসারে জৈনদের মধ্যেও বর্ষার
উৎসব ক্রিয়া সুম্পন্ন হইত।

বর্ষোৎসবের শেষে এবং প্রব্রজনের আরস্তে বৌদ্ধদের এক বার্ষিক সভা হইত, তাহার নাম 'প্রবারণ' অর্থাৎ আমন্ত্রণ। এই আমন্ত্রণে ভিক্ষুদল মিলিত হইলে উল্লিখিত প্রকার পাপ ও প্রায়শ্চিত্ত বিষয়ক কথাবার্ত্ত। চিলিত। যিনি প্রায়শ্চিত্ত প্রার্থী তিনি ভিক্ষু-সভ্যকে সংধাধন করিয়া বলিতেন—

"হে ভিক্ষুগণ! আমার বিরুদ্ধে যদি আপনার। কেই কিছু
• দেখিয়া থাকেন, গুনিয়া থাকেন, আমার চরিত্র বিষয়ে কাহারে।
কোন সন্দেহ থাকে, অনুগ্রহ ক্রিয়া বলুন। যদি সত্য হয়
আমি তাহার জন্ত প্রায়ন্চিত গ্রহণ ক্রিতে প্রস্তুত।"

"ক্রমশঃ গৃহী লোকের মধ্যে ও এই প্রথা প্রচলিত হয় কিন্তু তাহার অস্ক্রিধা সংঘটন প্রযুক্ত অশোক রাজা পাপের প্রায়-শ্চিত্ত সাধনার্থ একটা মহোৎসব প্রতিষ্ঠিত করেন, তাহাতে প্রথম আত্মদোষ স্বীকার ও সঙ্গে সঙ্গে দান ধর্মের অস্ক্রান উভয়ই প্রচলিত ছিল। ঐ দানোৎসবটি ৫ বৎসর অন্তর সম্পন্ন ইইত। খুষ্টাব্দের সপ্তম শতালীতে প্রয়াগক্ষেত্রে একবার ঐ উৎসবের অফুষ্ঠান হয়; চীন দেশীয় তীর্থবাত্রী হিউএন সাং তাহা দর্শন করিয়া যান। তাহার বর্ণনা এইরূপ আছে:—

"ঐ স্থবিস্থত উৎসব ক্ষেত্র একটী আনন্দক্ষেত্র ছিল, চারি-দিকে সহস্র সহস্র গোলাপ গাছের স্থরম্য বৃত্তি, তাহাতে অপর্য্যাপ্ত মনোহর পুষ্পশ্রেণী অহরহ প্রস্ফৃটিত এবং মধ্যস্থলে স্বর্ণ রজত পট্রস্ত্র ও অপরাপর বহুমূল্য দান দ্রব্যে পরিপূর্ণ স্থদজ্জ গৃহশ্রেণী। তাহার সমীপে দারী দারী একশত এরপ ভোজন-গৃহ ছিল যে তাহার প্রত্যেক গৃহে শত ব্যক্তি ভোজন করিতে পারিত। শিলাদিত্য (হর্ষবর্দ্ধন) তথ্ন ঐ সঞ্চল রাজ্য প্রতিষ্ঠিত করেন। বৌদ্ধর্মে, তাঁহার প্রদা ছিল অথচ তাঁহার রাজ্যে ব্রাহ্মণ্যের প্রতিপত্তি ও দামান্ত নহে। শিলাদিতোর আহ্বান ক্রমে বিংশতি রাজ্যের রাজারা ব্রাহ্মণ শ্রমণ দৈত্য সামন্ত সহ পঞ্চাশ সহস্র লোক সমভিব্যাহারে তথায় আগমন করেন। দার্দ্ধ ছুই মাস ব্যাপিয়া দান ভোজনাদি সহকারে ঐ উৎসব ব্যাপার সম্পন্ন হয়। এই ধর্ম্ম-মহামগুলীর পশ্চিমে এক বৃহৎ দজ্যারাম ও পূর্ব্বে ৬০ হস্ত উচ্চ এক স্তম্ভ নির্শ্বিত হয়। মধ্য ভাগে বৃদ্ধের স্বর্ণ মূর্ত্তি মহুষ্যাকৃতি প্রমাণ স্থাপিত। বুদ্ধ, দবিতাও শিব এই তিনেরই প্রতিমূর্ত্তি একে একে প্রতিষ্ঠিত হয় এবং হিন্দু ও বৌদ্ধ সমস্ত সমাগত ব্যক্তিদিগকে বহুমূল্য দামগ্রী দান করা এবং চর্ব্য চোষ্য লেছা পেয় নানাবিধ স্থাদ দামগ্রী ভোজন করান' হয়। বুদ্ধের এক ক্ষুদ্র প্রতিমূর্ত্তি এক স্থুসজ্জিত গ্ৰুপ্ৰ্টে স্থাপিত, শিলাদিত্য ইক্ৰবেশে বামপাৰ্শ্বে এবং কামরূপের রাজা দক্ষিণে. ৫০০ রণহন্তী প্রত্যেকের সঙ্গে দক্ষে চলিয়াছে। শিলাদিত্য চতু:পার্শ্বে মুক্তা রক্ত কাঞ্চন

ও অন্তান্ত বহুম্ন্য জিনিদ ছড়াইতে ছড়াইতে চলিয়াছেন।
বৃদ্ধ মূর্স্তি ধেতি ইইলে শিলাদিতা তাহা নিজ ক্ষন্ধে উঠাইয়া
পশ্চিম স্তন্তে লইয়া যান ও তহুপরি বহুম্ল্য বেশভ্ষা স্থাপন
করেন। ভোজনের পর ব্রহ্মণ শ্রমণ মিলিয়া একতে ধর্ম চর্চা
ও বাদামুবাদ হয়! এদিকে রাহ্মণ শ্রমণে বাক্ষ্দ্ধ, অন্তদিকে
মহাযানী হীন্যানীদের মধ্যে ও ঘোর তর্ক বিতর্ক বাধিয়া যায়।
এই উৎসবে রাজা স্থীয় রাজকোষ নিঃশেষিত করিয়া প্রায়
সমস্ত ধনই বিতরণ করিতেন। এমন কি, তাঁহার নিজের
পরিচ্ছদ, কর্ণক্তান, রত্নমালা প্রভৃতি বেশভ্ষা সম্দ্য ও দেহ
হুইতে উল্মোচন করিয়া দিতেন।" \* ম্বশেষে প্রাতন জীর্ণ
বস্ত্র পরিধান পূর্ব্বিক দীন বেশে বৃদ্ধদেবের মহাভি নিজ্মণ
অভিনয় করিতেন।

হিউদ্বেন সাং বলেন যে উৎসবের শেষে স্তস্তে আগুণ লাগিয়া যায়; তাঁহার বিশ্বাস এই যে রাজা শিলাদিত্যের বৌদ্ধর্মে শ্রদ্ধা দেখিয়া ব্রাহ্মণেরা ঈর্ষাবশে এই অংঘার ক্বত্য ঘটাইয়া দেন এবং রাজহত্যার ও চেষ্টায় ফেরেন—ভাগ্যক্রমে সে চেষ্টা সফল হয় নাই।

# ভিক্ষুণী সঞ্চা (বৌদ্ধ সন্ন্যাসিনী)

বৌদ্ধ সজ্বের প্রথম পত্তন কালে তাহা কেবল ভিক্ষণলে পরিপুষ্ট হয়। প্রথমে স্ত্রীলোকের সজ্যে প্রবেশাধিকার ছিল না। বৃদ্ধদেব যিনি মানব প্রকৃতির ছর্ম্বলতা সম্যক্ অবগত ছিলেন, বিনি সংযম দারা কাম ক্রোধ লোভ প্রভৃতি ষড়রিপুর

<sup>\*</sup> ভারতব্যীয় উপাসক সম্প্রদীয়, দিতীয় ভাগ। অক্ষয় কুমার দত্ত।

উপর জয়লাভের উপদেশ প্রদান করিতেন তিনি যে সজ্ব-গণ্ডীর ভিতর রমণীর প্রবেশে বীতরাগ হইবেন তাহাতে বিচিত্র কি ? স্ত্রী জাতিকে সন্ন্যাদী দলে মিশিতে দিলে তাহার অশুভ পরিণাম হইবে ইহা তাঁহার বিলক্ষণ আশঙ্কা ছিল। যথন বৃদ্ধদেবের নিকট আনন্দ প্রথমে এই প্রদক্ষ উত্থাপন করেন তথন বৃদ্ধ বলিলেন, "স্ত্রীলোকেরা যদি গৃহত্যাগিনী হইয়া সন্ন্যাদিনী না হয় তাহা হইলে এই ধর্ম সহস্র বৎসর অব্যাহত থাকিবে আর তাহাদের বৌদ্ধ সজ্বে প্রবেশাধিকার দিলে এ ধর্মের পবিত্রতা শীঘ্রই নপ্ত হইবে, অল্পকালের মধ্যে সত্য ধর্ম লোপ হইবে"। বৌদ্ধ সজ্বে প্রার প্রবেশাধিকার সহজে অর্জিত হয় নাই; অনেক সাধ্য সাধনার পর বৃদ্ধদেব রমণীগণকে ভিক্ষ্দলে গ্রহণ কবিতে স্বীকৃত হন এবং স্থীয় ধাত্রী মহাপ্রজাপতিকে তাঁহার প্রথম স্ত্রী-শিষ্য রূপে বরণ করেন।

ন্ত্রী সংসর্গ হইতে দূরে থাকিবার জন্ম আট ঘাট যতই বাঁধিয়া রাথা বায়, ফলে তাহাদের সংঘর্ষ এড়াইবার উপায় নাই। ভিক্ষায় বাহির হইয়া ছারে ছারে পর্য্যটন কর অথবা গৃহস্থেরী গৃহে ভোজনের নিমন্ত্রণে বাও, হে ভিক্ষু! রমণী সমাগম হইতে তোমার কিছুতেই নিস্তার নাই। তুমি চাও আর না চাও, তাহাদের দয়া মায়া তোমাকে বেষ্টন করিয়া থাকিবে। বিশেষতঃ প্রাচীন ভারতে যথন অবরোধ প্রথা তেমন কঠোর ভাবে প্রচলিত ছিল না, লোক সমাজে স্ত্রীলোকের ও মেলা মেশা ছিল, যথন জাতীয় উদ্যমে স্ত্রীলোকের ও যোগ দিতে কুষ্টিত হইতেন না তথনকার ত কথাই নাই। রমণীর স্থেশর ছবি আমরা প্রথম হইতেই বৌদ্ধ সমাজে চিত্রিত দেখিতে পাই।

বুদ্ধের বৃদ্ধত্ব লাভের পূর্বেই স্ক্লাভার বৃত্তান্ত দেখ। বৃদ্ধদেব যথন ৬ বংশর ধরিয়া কঠোর তপশুর্চাায় মিয়মান হইয়া পড়িলেন তথন কে তাঁহাকে ময়দানে দলীব করিল ? স্ক্লাভা প্রতিজ্ঞা করিয়াছিলেন, আমার একটা শিশু দন্তান হইলে বন দেবভার নিকট পূজা দিব। বৃদ্ধ তথন উক্লবেলার বনে তপশু করিতেছিলেন, স্ক্লাভা তাঁহার সম্মুথে ভেট লইয়া আদিলেন। বৃদ্ধদেব জিজ্ঞাসা করিলেন "বাছা, কি আনিয়াছ ?"

স্কাতা কহিল "ভগবন্ সদ্যঃ প্রস্ত শত গাভী হুগ্নে ৫০টী গাভী পোষণ করিয়াছি, তাহাদের হুগ্নে ২৫, তাহাদের হুগ্নে আবার বারটী গাভী পুষ্ট; এই দ্বাদশ গাভীর হুগ্ন পান করাইয়া আমার পালের মধ্যে ভাল ভাল ৬টা গক্ষ বাছিয়া তাহাদের হুধ্ব হুহিয়া লই—সেই হুগ্ন স্থান্ধি মদলায় উৎক্রপ্ত তভুলে পাক করিয়া আনিয়াছি। আমার এত এই যে দেবতার অনুগ্রহে আমার একটা সন্তান জ্বিলে এই অন্নদানে দেবার্চনা করিব—প্রত্যো! এখন সেই প্রমান্ন লইয়া তোমার নিকটে আসিয়াছি, শ্রেদ্র হুইয়া গ্রহণ করন''

বৃদ্ধ স্থঞ্জাতাকে আশীর্মাদ করিয়া কহিলেন "তৃমি থেমন তোমার এত পালন করিয়া স্থা হইয়াছ আমি ও থেন সেইরূপ আমার জীবন-এত দাধন করিতে দমর্থ হই।" এই ছগ্ধ পানে তিনি শরীরে বল পাইয়া দেই স্থান-হইতে বোধি বৃক্ষতলে গিয়া ধ্যান মগ্গ হইলেন; সেই ধ্যানে তিনি সত্যালোক দর্শন করিয়া বৃদ্ধ প্রাপ্ত হলৈন।

Light of Asia

EDWIN ARNOLD.

## অম্বপালা গণিকা।--

বৃদ্ধদেব যথন বৈশালীতে অন্বপালী গণিকার আত্রবনে বিশ্রাম করিতেছিলেন এমন সময় অন্বপালী তাঁর দর্শনার্থ আগমন করিল। তাহার বেশভ্ষা সামান্ত অথচ স্কর মোহন মৃর্তি! তাহাকে দেখিয়া বৃদ্ধের ও ক্ষণভর তাক লাগিয়া গেল। তিনি মনে মনে ভাবিলেন "স্ত্রীলোকটা কি পরমাস্থলরী! রাজ্য পুরুষেরা ও ইহার রূপ লাবণো মোহিত ও বশীক্ষত অথচ একেমন স্থার শাস্ত, সচরাচার স্ত্রীলোকের তায় যৌবন-মদ-মত্ত চপল স্থভাব নহে। জগতে এরূপ নারী-রত্ম তুর্লভ।" অস্বপালী বৃদ্ধের পার্মে আসিয়া বিদিল। বৃদ্ধদেব তাহাকে ধর্মোপদেশ দিয়া তাহার চিত্তচাঞ্চল্য দ্র ও বাদনার ম্লোচ্ছেদ করিলেন। তাহার মন বিগলিত হইল, ধর্মে তাহার মতি স্থির হইল। গণিকা বৃদ্ধের শরণার্থী হইয়া তাহাকে কহিল—"প্রভু কল্য ভাত্মগুলী সহ আমার গৃহে পদার্পন করিয়া আহারাদি করিলে আমি অনুগৃহীত হইব।" বৃদ্ধদেব মৌনভাবে সন্মতি প্রকাশ করিলেন।

এই সময় লিচ্ছবি নাগরিক যুবকেরা রথারোছণ পূর্বক
সেই আমবনে উপনীত হইল। তাহারা কেহ শুল্র, কেহ রঙ্গীন
বেশে, নানাবিধ অলঙ্কারে ভূষিত। বুদ্দেব ভিকুদিগকে
তাহাদের দেখাইয়া কহিলেন, দেখ ইহাদের কেমন সাজ সজ্জা,
ঠিক যেন দেবতারা ভূতলে ক্রীড়া কাননে অরতীর্ণ হইয়াছেন।
তাঁহারা আসিয়া বৃদ্ধকে পুনর্বার ভোজনে নিমন্ত্রণ করিলেন
কিন্তু তিনি পূর্বেই গণিকার নিকট প্রতিশ্রুত বলিয়া তাহাদের
নিমন্ত্রণ অগ্রাহ্ করিতে বাধ্য হইলেন। তাঁহারা চান অহপালী

A State of the

তার আমন্ত্রণ বাক। প্রত্যাহার করে — তাহাকে হাত করিবার জন্ম কত সাধা সাধনা, কাকুতি নিনতি করিলেন, কত ধন-লোভ দেখাইলেন কিন্তু কিছুতেই সে সম্মত হইলানা। বলিল — তোমরা সমস্ত বৈশালী — নগর উপনগর সর্ব্ধ শুদ্ধ — আমাকে দান কর, তাহা হইলেও আমি এই নিমন্ত্রণ বারণ করিয়া পাঠাইতে পারিব না।" লিজ্বিগণ অস্বপালীকে ধিকার দিতে দিতে অধোবদনে ফিরিয়া গেলেন।

প্রদিন প্রাতে বৃদ্ধদেব গ'ত্রোখান করত বসন্ত্র পরিধান পূর্বক অন্তপালীর ভবনে সশিষ্য সমাগত হইলেন।

অন্বপালী নানাবিধ অনব্যঞ্জনাদি দারা তাহাদের পরিতোষ
সাধন করিল। আহারাত্তে ভগবান্ বুক্ককে করজোড়ে নিবেদন
করিল—"আমার এই উদ্যান গৃহ ভগবান্ বুক্ক ও তাঁহার সজ্যে
সমর্পণ করিতেছি এই সামান্ত উপহার গ্রহণ করিয়। আমার
অভিলাষ পুর্ণ কর্জন।" বুদ্দদেব গণিকার দেই প্রীতির উপহার
গ্রহণ করিলেন ও তাহাকে বহুতর ধর্মোপদেশ-দানে শিষ্যমে
রুরণ করিয়া তথা হইতে প্রস্থান করিলেন।

#### বিশাখা ।---

বৌদ্ধ শাস্ত্রে যে সকল সাধনী কুলস্ত্রীর উল্লেখ আছে বিশাখা তাহাদের শীর্বজানীয়। তিনি ধনে পুত্রে সৌভাগ্যবভীলানশীলতার জন্ম বিখ্যাত ছিলেন। গৃহ কর্ম্মেও অনুষ্ঠানে সর্ক্রে তাঁহার প্রধান আসন ছিল—তাঁহার মত অতিথির আতিথা সংকারে বহু পুণ্য উপার্জিত হয় লোকের এই ধারণা। বৃদ্ধ যথন তাঁহার শিষ্যগণ সমভিব্যাহারে কোশল রাজধানী শ্রাবস্তি আদিয়া পৌছিলেন তথন বিশাখা ভিক্ষুদের অভ্যর্থনা জন্ম

প্রচ্র আয়েজন করেন। একদিন বিশাখার গৃহে বুদ্ধদেব শিষামণ্ডলী সহ ভোজন করেন। ভোজনাত্তে বিশাখা কুতাঞ্জলিপুটে নিবেদন কারলেন—"ভগবন্ আমার কয়েকটা নিবেদন
আছে শ্রবণ করুন।" বৃদ্ধ কহিলেন, বল কিন্তু সকল গুলি
গ্রাহ্য হইবে কি না বলিতে পারি না।

# বিশাখা কহিলেন,—

"আমার ইচ্ছা আমি যতদিন জীবিত থাকি ভিক্স্দিগকে বর্ষার বস্ত্রদান করিব, নবাগত লাতৃগণকে অন্নদান করিব— পীড়িত ব্যক্তিদিগকে ঔষধ পথ্য প্রদান, তাহাদের অনুচর বর্গকে অন্নদান—ভিক্স্দিগকে ভিক্ষান বিতরণ, ভিক্স্ণী-দিগকে বস্ত্রদান, এই সকল সংপাত্রে দান করি আমার একাস্ত ইচ্ছা।"

বৃদ্ধ কহিলেন "তোমার কি অভিপ্রায় স্পষ্ট করিয়া বল।" তথন বিশাথা তাঁহার অভিপ্রায় ব্যক্ত করিয়া কহিলেন।

"ভগবন্ বিদেশ হইতে এথানে অনেক ভিক্ষু আসেন তাহারা এথানকার পথ ঘাট কিছুই জানেন না। তাহাদের ভিক্ষা সংগ্রহ বহু আরাস সাধ্য। এই সমস্ত আগস্তুক ভিক্ষ্-দিগকে আমি যে অরদান করিব তাঁহারা তাহা আহার করিয়া ইচ্ছামত নগর পরিদর্শন করিতে পারিবেন। আমি ইহার-দিগকে অরদান করিতে ইচ্ছা করি। কোন পরিবাজক শ্রমণ শ্রমণের সময় যদি অরসংস্থানে ব্যন্ত থাকেন তাহা হইলে তিনি হয়ত তাঁহার দলের পিছনে পড়িয়া থাকিবেন, না হয়ত তাঁহার গম্য স্থানে সময় মত পৌছিতে পারিবেন না। তিনি যদি আমার অরছত হইতে প্রস্তুত অন্ধ ভোজন করিতে পান তাহা হইলে এইরপ কষ্টভোগ হয় না, তিনি ইচ্ছামত শ্রমণ ও বিশ্রাম করিতে পারেন। পরিব্রাজকদিগকে অয়দান, এই আমার দিতীয় ইচ্ছা। প্রতা! আবার দেখুন, অনেক সময় এইরপ ঘটে যে অচিরাবতী নদীতে ভিক্ষুণীরা স্নান করিতে নামে আর তাহাদের সঙ্গে অনেক বারাঙ্গনা ও একই সময়ে স্নান করিতে আসে। এই নির্লক্ত স্ত্রীরা উপহাস করিয়া বলে, "এই বয়সে তোমরা ধর্ম্মাধনে কেন এত কন্ত করিতেছ? এই বেলা মনের সাধে হেসে থেলে নেও—শেষ বয়সে যা ধর্ম করিবার করিও—ইহকাল পরকাল ছদিক রক্ষা হইবে।" এইরপ উপহাসে বেচারী ভিক্ষ্ণীধা বড়ই লজ্জিত ও বিরক্ত হয়। লজ্জাই স্ত্রীলোকের ভূষণ, বিষস্ত্রা হইয়া নির্লজ্জ ভাবে নদীতে স্নান করিতে নামা তাহাদের পক্ষে শোভন নহে। ভাহাদের স্থান-বস্ত্র যোগাইতে পারি, এই আমার তৃত্রীয় ভিক্ষা।"

বৃদ্ধ কহিলেন "আচ্ছা, তোমার এই সকল সাধু ইচ্ছা পূর্ণ ক্টক আর আশীর্কাদ করি ক্ষ্ণার্ত্তকে অন্নদান, তৃষ্ণাতৃরে পানীয় দান, পরিপ্রাপ্ত জনে আসন, রোগীকে ঔষধ পথ্য প্রদান—অশন বসন ঔষধ পথ্য যাহার যা চাই তাহা যথেচ্ছা দান করিবার ক্ষমতা তোমার অক্ষয় থাকুক। পরের ছঃখ হরণ ও কুশল বর্দ্ধন—এই সকল পূণ্য কার্য্যে নিরস্তর রত থাকিয়া স্থকে তোমার স্কৃত্তির কল ভোগ করিতে থাক।"

বিশাথার নিকট বৌদ্ধ সজ্ব অনেক বিষয়ে ঋণী; তিনি নগরের পূর্বাদিকস্থিত একটী স্থরম্য উদ্যান সজ্বে উৎসর্গ করেন তাহার নাম "পূর্বারাম।"

# স্থজাতা ।—

উপরে এক সতী সাধ্বী স্কন্ধাতার কথা বলিয়াছি, এবার আর এক ধরণের স্ত্রী "ঘরের কর্ত্রী রুক্ষ মৃর্ত্তি" রঙ্গ-ভূমিতে অবতীর্ণা দেখিবেন। ইনি একজন বড মামুষের ঘরের আহুরে মেয়ে, ইহার নামও স্কুজাতা। বৃদ্ধদেব ইহার প্রতি কিরূপ বশীকরণ মন্ত্র প্রয়োগ করিলেন তাহার বৃত্তান্ত এই। তিনি একদিন ভিক্ষা-পর্যাটনে বণিক অনাথপিগুকের বাড়ী আদিয়া শুনিতে পাইলেন দেই গৃহে মহা কলরব উপস্থিত। বুদ্ধ জিজ্ঞাসা করিলেন "এ কিসের গোল, মনে হয় যেন মেছুনীদের মৎসা চরী গিয়াছে।" 'অনাথপিণ্ডিক তাঁহার ছঃথের কাহিনী ব্দ্ধের নিকট খুলিয়া কহিলেন; "আমার একটি পুত্রবধু বড় ঘরের মেয়ে —দে আজ আমার বাড়ী আসিয়াছে। মেয়েট বড় অবাধ্য, কাহারো কথা গুনে না, স্বামীর কথা মানে না, খণ্ডর খাণ্ডডীর অবমাননা করে—বৃদ্ধের পরেও তার কোন অনুবাগ নাই।" বৃদ্ধ স্থঞ্জাতাকে ডাকিয়া কহিলেন"এস হে স্ক্লাতা, কাছে এস।" স্ক্লাতা নিকটে আসিলে বৃদ্ধদেব কহি-• লেন "স্বন্ধাতা, স্ত্রী দাত প্রকার, কেহ ভীমা উগ্রচণ্ডা, কেহ কুটিলা কলহপ্রিয়া, কেহ প্রিয়ম্বদা, কেহ স্থশীলা, কেহ স্থগৃহিণী, কেহ প্রিয়দথী, কেহ দেবিকা। তুমি কোন ধরণের স্ত্রী? স্ক্রজাতা তথন তার মান অভিমান ভূলিয়া গিয়া উত্তর করিলেন "প্রভু যে প্রশ্ন করিতেছেন আমি তার অর্থ বুঝিতে পারিলাম না আমাকে বুঝাইয়া বলুন।" বুদ্ধ—"আমি তোমাকে বুঝাইয়া। বলিতেছি, প্রণিধান পূর্ব্বক শ্রবণ কর।" পরে তিনি সাত প্রকার স্ত্রীর বর্ণনা করিলেন, "অসতী স্ত্রী চপল স্বভাবা, কুল

ক্লিছিনী, স্বামীকে যিনি ভাল বাদেন না, এই অধমা হইতে আরম্ভ করিয়া উত্তমা সতীলক্ষী পবিত্রতা—পতি বার একমাত্র ধন, যিনি দাসীর ন্যায় পতিসেবা তৎপর ও পতির একান্ত বাধ্য ও আজ্ঞাবহ। জিজ্ঞাসা করিলেন, এই সাত প্রকার স্ত্রীর মধ্যে তুমি কার মতন ?" তথন স্কুজাতার চৈত্ত ইইল, তিনি কহিলেন, "ভগবন্ আমাকে পতিব্রতা সতী স্ত্রীর মত মনে করুন, আমি অন্ত কোন রূপ স্ত্রী হইতে ইচ্ছা করিনা।"

'এই সকল গল্পের স্রোতে অনেক দূর আসিয়া পড়িয়াছি, এখন ফিরিয়া গিয়া আসল কথা পাড়া কর্ত্তব্য।

পূর্ব্বে বলা হইরাছে যে বৌদ্ধ সজ্যে স্ত্রীজ্ঞাতির প্রবেশাধিকার অনেক সাধ্য সাধনার ফল। প্রথমে গৌতমী মহাপ্রজাপতি স্ত্রীলোকদিগের জন্য এই অধিকার প্রার্থনা করেন কিন্তু তাঁহার সেই আবেদন অগ্রাহ্থ হয়। পরে আনন্দ আবার এই প্রসঙ্গ উত্থাপন করিয়া বৃদ্ধদেবের নিকট নিবেদন করিলেন "স্ত্রীলোক সন্ম্যাসধর্ম অবলম্বন করিলে কি তাহার ফললাভে সক্ষম হয় না ? তাহারা কি আর্য্য মার্গ অনুসরণ করিয়া অর্হৎ হইবার অধিকারিণী নহে ?" বৃদ্ধদেব উত্তর করিলেন "তাহারা অধিকারিণী, সত্য।" "তবে কেন মহা প্রজ্ঞাপতিকে সজ্যভুক্ত করা না হয় ? ভগবন্, তিনি আপনার মাত্রিয়োগে স্বীয় স্তন্য হগ্ধ দিয়া আপনাকে লালন পালন করিয়াছেন, তিনি প্রভুর পরম ভক্ত, পরম উপকারিণী সেবিকা, তাঁহাকে এ অধিকার হইতে বঞ্চিত রাথা কি উচিত হয় ?" পরে বৃদ্ধদেব বৌদ্ধ তপস্থিনীদের জন্য ক্তকগুণ্টি নিয়্ম বাঁধিয়া দিলেন তাহার সারাংশ এই যে

ভিক্ষণীরা স্বাতন্ত্র্য অবলম্বন না করিয়া সর্পতোভাবে ভিক্
মণ্ডলীর আজ্ঞাবহ থাকিবেন। মহুর যে বিধান" শৈশবে পিতার
অধীন, যৌবনে পতির অধীন, বৃদ্ধ বয়সে সন্তানের অধীন,
স্ত্রীলোক কোন কালেই স্বাতন্ত্র্য অবলম্বন করিবেন না"
ভিক্ষণীর প্রতি বৃদ্ধান্ত্রশাসন ইহারই অনুযায়ী। সন্ত্র্যাসিনী
হইয়াও স্ত্রীলোকের কোন বিষয়ে স্বাতন্ত্র্য নাই। তাঁহাদের
প্রতি যে অপ্টান্ত্রশাসন আছে, তাহা এই:—

- ১। ভিক্ষদিগকে সম্ভ্রম ও ভক্তি শ্রদা করিবে।
- ২। <u>যে প্রদেশে ভিকু নাই ভিকুণী সেথানে বর্ষাযাঁপ</u>ন করিবেন না।
- ত। প্রত্যেক পক্ষে ভিক্ষ্ণী ভিক্ষ্-সজ্যের অনুমতি লইয়া উপবাদাদি ধর্মানুষ্ঠান করিবেন ও সজ্যের নিকট হইতে উপ-দেশ গ্রহণ করিবেন। \*
- ৪। বর্ষার উৎসব উদ্যাপিত হইলে ভিক্স্-সঙ্ঘ ও ভিক্ষ্ণী-সঙ্ঘ উভয়ের সমক্ষে পাপের প্রায়িশ্চিত্তের জন্ম (প্রবারণ) ব্রত পালন করিবেন।
  - ে। উভয় সজ্য হইতে 'মানত' শাসন গ্রহণ করিবেন।
- ৬। গৃই বংসর অধ্যয়নের পর উভয় সভ্য হইতে উপসম্পদ দীক্ষা লাভ করিবেন।
- ৭। শ্রমণদের নিন্দা ও তাহাদের প্রতি পরুষবাক্য প্রয়োগ করিবেন না।
- ৮। ভিক্সুরা তাঁহাদের দোষ বলিয়া দিয়া তাঁহাদিগকে সং পথেরক্ষা করিবেন কিন্তু ভিক্সুদের প্রকাঞ্চে দোষ ধরা ভিক্সুণী-দের সর্বতোভাবে নিষিদ্ধ।

মহাপ্রজাপতি এই ধর্মামুশাদন গ্রহণ করিয়া বৃদ্ধের প্রথমা শিষাা রূপে দীক্ষিত হইলেন। পরে তিনি এক দময়ে ভিক্
ভিক্ষণী যাহাতে গুণ ও কর্মামুদারে দমান মানমর্য্যাদার অধিকারী হয় এই রূপ প্রস্তাব করেন কিন্তু বৃদ্ধদেব তাহাতে দত্মত হইলেন না। কাল্জমে ভিক্ষাদের উপযোগী সতন্ত্র নিম্নমাবলী প্রস্তুত হইল। ভিক্ষণী ভিক্ষমগুলীর সহচরী হইয়া ফিরিবেন, স্বেচ্ছাচারিণী হইয়া কুরাপি গমনাগমন করিবেন না। বুদ্ধের আদর্শ সন্ন্যাদিনী কিরপে জীবন যাত্রা নির্বাহ করিবেন তাহা মহাপ্রজাপতির প্রতি তাঁহার যে উপদেশ তাহাতেই ব্যক্ত হইয়াছে। তৃষ্ণা পরিহার, মল্লেতে সম্ভষ্ট থাকা, রুণা আমোদ প্রমোদ হইতে দ্রে থাকিয়া নির্জ্জনে ধ্যান ধারণা ধর্মপাধন করা, আলস্য ত্যাগ করিয়া শ্রমশীলা হওয়া, অভিমান পরিত্যাগ করিয়া স্থশীলা, বিনরী ও নত্র হওয়া, সকলের সহিত সদ্ভাবে সম্ভোবের সহিত জীবন যাপন করা, বৌদ্ধ তপস্থিনী এইরূপ শুদ্ধান্য অবলম্বন পূর্বক স্বকীয় ব্রত পালন করিবেন।

বৌদ্ধ সন্ন্যাসিনীর সংখ্যা ভিক্ষণের তুলনায় অনেক কম, তাহাদের উপদেশ ও দৃষ্টান্তের বল বৌদ্ধ সজ্যে সেই পরিমাণে অল্ল হইবারই কথা। অথচ এদিকে দেখা যায় বৌদ্ধতাপদীগণ জনসমাজে বহু মানের পাত্র ছিলেন। তাঁহাদের বিদ্যা, বুদ্ধি, নয়কোশন, সম্লান্ত পরিবারে গতিবিধি, তাহাদের সামাজিক প্রতিষ্ঠার পরিচয়, মালতা মাধব প্রভৃতি সংস্কৃত নাটকের স্থানে স্থাপ্ত হওয়া যায়। বৌদ্ধ পরিব্রাজ্ঞিকা নিজ্ঞ বিদ্যা বুদ্ধি পুণ্যবলে শ্রমণাপদে আরু ছইতে পারিতেন; এমন কি, তিনি অর্হৎ হইবারও অধিকারিণী ছিলেন। ক্ষেমা প্রভৃতি

অনেকানেক বৌদ্ধতপস্থিনীদের প্রথর বৃদ্ধি ও পাণ্ডিত্যগুণে বৌদ্ধসমাজে বিলক্ষুণ খ্যাতি প্রতিপত্তি দৃষ্ট হয়।

স্ত্র পিটকে থেরাগাথা ও থেরীগাথা নামক তুইখানি গাথা সংগ্রহ পুস্তক আছে তাহাদের ভাষো রচয়িতা রচয়ত্রীদের নাম ও জীবন কাহিনী বর্ণিত হইয়াছে। তাহা হইতে দেখা যায় যে অনেকানেক স্থবিরা তপস্থিনী গৌতমের জীবদশার থেরীগাথা গুলি রচনা করেন। অনেকগুলি গাথা অতি স্থলর ও লেখিকার স্থবৃদ্ধি ও ধর্মণীলভার পরিচয় প্রদান করে। এই সকল তপস্থিনী বৌদ্ধ ধর্মের উচ্চ অঙ্গের শিক্ষা ও উপদেশ দিতেন, ভিক্ষ্ ভিক্ষ্নীগণ সেই উপদেশ শ্রবণ করিতে আসিও ও শুনিয়া মোহিত হইত। থেরীভাষো সোমা নামক একটী তাপদীর কথা আছে, তিনি রাজা বিশ্বিদারের সভাপগুতের কল্যা, দীক্ষালাভের পর ধ্যান ধারণা সাধনা দ্বারা অর্হতপনা লাভ করেন। তিনি শ্রাবস্তীর নিকটস্থ এক উপবনে বৃক্ষতলে ধ্যান মগ্রা আছেন এমন সময় মার' আসিয়া তাঁহার ধ্যান ভঙ্গ করিবার মানসে ভয় দেখাইতে লাগিল—

বহু তপস্থার কলে যোগী ঋষি শভরে যে পদ
তুমি নারী, কেমনে পাইবে তাহা, ছক্রহ, ছর্গম।
চিরকাল রাঁধ বাড় তবুও ত পাকিলনা হাত,
টিপিয়া দেখিতে হয় বার বার ফুটেছে কি ভাত।

তখন স্থবিরা উত্তর করিলেন—

নারীজন্ম লভেছি যদিও ভবে ক্ষতি কিবা তাহে ! অচল যাহার চিত্ত, সত্যের শিখর লভিবারে না মানে কোনই বাধা, আপনায় করিয়া নির্ভর
অর্হৎ যে পথে চলে দেই পথে হয় আঞ্জাল।
বিষয় বাদনা তার পুণ্যবলে হয় ছিন্ন-মূল,
অবিদ্যার অন্ধকার ঘুচে যায় সত্যের আলোকে।
জান্ ধুরে ভাল ক'রে, আপনারে দেথ্ ছরাশয়,
আমিত চিনেছি তোরে, নাহি আর নাহি কোন ভয়।

বৌদ্ধ গৃহস্থ।—

বৌদ্ধর্ম্ম গৃহস্থাশ্রমের উপর প্রতিষ্ঠিত নহে এ তাহার এক প্রধান দোষ, কেন না ইহা কে না স্বীকার করিবে যে উদাসীন সম্প্রদায় বিস্তৃত হইলে সমাজ রক্ষা স্থকটিন। সকলেই সন্ন্যাসী হইয়া বাহির হইলে মনুষ্যকুল ধ্বংস হয়, তাহার সঙ্গে সঙ্গে স্বয়ং मन्नामी नगु विनष्टे श्रेश यात्र। त्नथून जिक्क्रत्नत्र धरना-পার্জনের পথ বন্ধ-তাহাদের গ্রাসাচ্ছাদন, বক্ষণাবেক্ষণ সকলি গৃহত্তের বলাগুতার উপর নির্ভর। ভিকু গৃহীর অন্নেই প্রতিপালিত, গৃহীর প্রসাদেই তাহার বাস পরিচ্ছদের সংস্থান। 'গৃহস্থেরা যদি গৃহত্যাগ করিয়া ভিক্ষু হইয়া বাহির হয় তাহা হইলে সংসার যন্ত্রের কল বন্ধ হইয়া যায়, অলাভাবে সন্তানাভাবে মুমুষ্যসমাজ--বৌদ্ধ সভ্য--সকলি উচ্ছন্ন হইয়া যায়। বৃদ্ধদেব স্বয়ং ইহা সম্যকরূপে অবগত ছিলেন, এই হেতু ভিক্ষু ছাড়া গৃহস্থ শিষাও বৌদ্ধ সমাজের অঙ্গীভূত ছিল। কিন্তু বৌদ্ধ সজ্বের সহিত বৌদ্ধ গৃহস্থের তেমন ঘনিষ্ট সম্বন্ধ ছিল না। গৃহস্তকে বৌদ্ধধর্মে দীক্ষিত করিবার এক ত্রিশরণ মন্ত্র ভিন্ন আর কোন বিশেষ অমুষ্ঠান ছিল না। আচার বিচারে বৌদ গৃহত্ত্বধর্ম রক্ষা করিয়া চলুন তাহাতে কাহারো কোন আপত্তি নাই—বৌদ্ধ ভিক্ষ্দিগকে অন্নাচ্ছাদনে পোষণ করাই তাহাদের কার্যা। বৌদ্ধ গৃহস্থের নাম উপাদক উপাদিকা, তাঁহারা এক প্রকার কনিষ্ট অধিকারী। বুদ্দের খাদ শিষ্যমগুলীতে প্রবেশ করিতে গেলে সজ্জভুক্ত হওয়া আবশ্রক—তাঁহারা অনেকে ততদ্র যাইতে প্রস্তুত ছিলেন না; ভিক্ষ্দিগকে সংরক্ষণ করাই তাহাদের বুদ্ধরের লক্ষণ।

ভিক্দের জন্ম বৃদ্ধদেব ষে দকল নিয়ম বাঁধিয়া দেন তাহার কতকগুলি নিয়ম গৃহস্থদেরও পালনীয়। ধার্মিক • স্ত্রে গৃহস্থদের কুলধর্ম বলিয়া যে দকল বিধান দেওয়া হইয়াছে তাহার মধ্যে জীবহত্যা, চুরি, মিথ্যা ভাষণ, ব্যভিচার ও স্থরাপান এই পঞ্চ নিষেধ দর্ম্ব দাধারণ—ইহা ছাড়া আরো কতক গুলি অনুশাদন আছে যথা—

অকাল ভোজন করিবে না

মাল্য গদ্ধত্ব প্রত্তি ব্যবহার করিবে না

মাহ্র বিছাইয়া ভূমিতে শয়ন করিবে

এই তিনটি বিধান গৃহস্থের প্রতি ততটা বন্ধনকারী নয়,

তথাপি শুদ্ধাচারী গৃহস্থের পালনীয়।

### উপবাস—

অমাবদ্যা, পূর্ণিমা ও আর ছ দিন—মাদের মধ্যে এই চার দিন উপবাদ। তা ছাড়া প্রতিহার পক্ষও রক্ষণীয়।

প্রতিহার পক্ষ কি না বর্ষার ৩ মাস এবং বর্ষার পর-মাস যাহাকে চীবর মাস বলে অর্থাৎ নৃতন চীবর ধারণের সময়। চীবর ধারণের অর্দ্ধমাস উপবাস প্রভৃতি ব্রন্ত পালনের প্রশস্ত কাল। এই সমস্ত নিয়ম ও ব্রত পালন ভিক্ষু ও গৃহত্তের পক্ষে সমান, প্রভেদ এই যে কতকগুলি বিধান বাহা ভিক্ষুদের অবশ্য পালনীয় গৃহত্তের উপর তাহার ততটা বন্ধন নাই আর হইটি নিষেধ ভিক্ষুদের জন্মই করা হইয়াছে—অর্থাৎ নৃত্য গীত নাট্যাদি দর্শন না করা এবং সোনা রূপা গ্রহণ না করা—এ ছই গৃহস্থ সমাজে থাটে না। তেমনি আবার গৃহীদের প্রতি কতকগুলি বিশেষ বিধান আছে যথা, সাধুজীবিকা অবলম্বন করা, পিতা মাতাকে ভক্তি করা, গুরুজনকে মান্য করা, ভিক্ষুদিগকে অয় বস্ত্র দান হারা পোষণ করা ইত্যাদি। শৃগালবাদ স্বত্রে গৃহীধর্ম আরো বিস্তারিতরূপে ব্যাধাত হইয়াছে, তাহার সারাংশ এই স্থলে উন্ধৃত করিয়া দিলাম।

বুদ্দেবে রাজগৃহের নিকটবর্তী বেমুবনে অবস্থিতি করিতেছিলেন। ভিক্ষায় বাহির হইবার সময় দেখিলেন শৃগাল নামক
জনৈক গৃহস্থ আর্দ্রকেশ আর্দ্রবেশে ক্রতাঞ্জলিপুটে উপরে
আকাশ নীচে পাতাল, চারিদিক্ নিরীক্ষণ করত নমস্কার
করিতেছেন। কারণ জিজ্ঞাসা করাতে শৃগাল বলিলেন—
"ভগবন্, পিতৃকুলের তর্পণ উদ্দেশে এইরূপ করিতেছি।" পরে
এই আট দিক্ কি উপায়ে স্থরক্ষিত হইতে পারে বুদ্দেবে সেই
বিষয়ের উপদেশ প্রদান করিলেন।

জল দিঞ্চনে নয় কিন্ত শুভ চিন্তা ও কর্ত্তব্য পালনে দর্মদিক্
স্থাকিত হয়। পূর্ব্ব দিকে আলোক দঞ্চার হয়, পূর্ব্বম্থী
হইয়া পিতা মাতার প্রতি কর্ত্তব্যে মনোনিবেশ করিবে। দক্ষিণে
ধনাগম, দক্ষিণ মুথে শুকুর প্রতি কর্ত্তব্য চিন্তন করিবে। পশ্চিমে
দিবদাবদানের স্থরাগ ও শান্তি—পশ্চিম মুথী হইয়া স্ত্রীপুত্রের

মঙ্গল চিস্তা করিবে। উত্তরে বন্ধু বান্ধব আত্মীয় স্থজন — উর্দ্ধেরাহ্মণ শ্রমণ সাধু সজন, অধোতে দাস পরিজনের প্রতি কর্ত্তব্য স্মরণ ও মনন করিলে ছয় দিক্ স্থরক্ষিত থাকিবে — সর্ব্ধ অমঙ্গল দূর হইবে।"

মন্তুষ্যের পরস্পরের প্রতি কর্ত্তব্য সাধনের নিয়ম এই—

পিতা পুত্র--

পুত্রের প্রতি পিতার কর্ত্তব্য

- ১। পুত্রকে পাপ হইতে নিবৃত্ত করা
- ২। ধর্ম শিকাদান
- ৩। বিদ্যাদান '
- ৪। পুত্রের বিবাহ-সৎপাত্রে কন্যাদান
- c। বিষয়াধিকার প্রদান

## পুত্রের কর্ত্তব্য

- ১। পিতা মাতার ভরণ পোষণ করা
- ২। কুলধর্ম রক্ষণ
- ৩। বিষয় রক্ষা
- ৪। পিতার যোগ্য পুত্র হইবার চেষ্টা
- ে। পিতা মাতার স্মৃতি রক্ষা

### গুরু শিষা

গুরুর প্রতি শিষ্যের কর্ত্তব্য

- ১। গুরুভক্তি
- ২। গুরুর সেবা শুশ্রাষা
- ৩। আজ্ঞাপালন

- ৪। গুরুদক্ষিণাদান
- ৫। বিদ্যাভ্যাস

### শিষ্যের প্রতি গুরুর কর্ত্তব্য

- ১। ক্ষেহ ও শিষ্টাচার
- ২। ধর্মশিকা ও উপদেশ প্রদান
- ৩। আপদ বিপদ হইতে সংরক্ষণ

## স্বামী স্ত্রী

## ন্ত্রীর প্রতি স্বামীর কর্ত্তব্য

- ১। সন্মান প্রদর্শন
- ২। ভালবাসা
- ৩। একনিষ্ঠতা
- ৪। ভরণ পোষণ বেশ ভূষায় তুষ্টি সাধন

# স্বামীর প্রতি স্ত্রীর কর্ত্তব্য

- ১। গৃহ কার্য্যে দক্ষতা
- ২। অতিথি সেবা
- ৩। সতীত্ব রক্ষা
- ৪। মিতব্যয়ী হওয়া
- ে। শ্রমশীলতা

## বন্ধু বন্ধুর প্রতি

- ১। উপহার দান
- ২। মধুরালাপ
- ৩। কল্যাণ কামনা

- ৪। আত্মবৎ ব্যবহার
- ৫। প্রথ সম্পত্তি বাঁটিয়া ভোগ করা

#### স্থ্য লক্ষণ

- ১। বিপদে রক্ষাকরা
- ২। বিষয় রক্ষা
- ৩। আশ্রয়দান
- ৪। বিপদ কালেও বন্ধুকে পরিত্যাগ না করা
- ে। পরিবার পোষণ

### প্রভু ভূত্য

# ভৃত্যের প্রতি প্রভুর কর্ত্তব্য

- ১। যথাশক্তি তাহার কর্ম বিভাগ করিয়া দেওয়া
- ২। অল্ল, বেতন, পারিতোষিক দান
- ৩। ঔষধ পথ্য প্রদান
- ৪। ভাল জিনিদ পাইলে বাঁটিয়া দেওয়া
- ৫। কর্ম হইতে মধ্যে মধ্যে অবকাশ দান

# প্রভুর প্রতি ভূত্যের কর্ত্তব্য .

- ১। উঠিয়া দাঁডাইয়া সন্মান প্রদর্শন
- ২। সকলের শেষে বিশ্রাম করা
- ৩। সম্ভোষ অবলম্বন
- ৪। কায়মনে প্রভূ সেবা করা
- ৫। সবিনয় সম্ভাষণ

## ব্রাহ্মণ শ্রমণের প্রতি গৃহীর কর্ত্তব্য

১। কাম্বমনোবাক্যে প্রিম্বকার্য্য সাধন

- ২। আন্তিথ্য
- ৩। অন্বস্তুদান

গৃহীর প্রতি ভিক্ষুর কর্ত্তব্য

- ১। পাপ হইতে নিবৃত্ত করা
- ২। ধর্মোপদেশ প্রদান
- ৩। শিষ্টাচার
- ৪। ধর্ম বিষয়ে সন্দেহ ভঞ্জন
- ে। মুক্তি পথ প্রদর্শন

এইরূপে পরস্পর কর্ত্তব্য পালন করিলে ছয় দিক্ স্থুরক্ষিত ও গৃহস্থের সর্বপ্রকার কল্যাণ হয়।

দান সৌজন্য দয়া দাক্ষিণ্য নিঃস্বার্থতা গৃহত্ত জীবনের প্রম সম্বল।

শুগাল বৌদ্ধর্মে উপাদকরূপে গৃহীত হইলেন।

এই সমন্ত ধর্মান্তান অষ্টাঙ্গিক আর্য্যার্গের প্রথম সোপান।
এই পথে চলিতে চলিতে মুমৃক্ষু ব্যক্তি কালক্রমে অর্হংমগুলীর
সহবাসের যোগ্য হইয়া সেই শান্তিধামে উপনীত হয়েন যেথানে
রোগ নাই, শোক নাই, মৃত্যু নাই, সকল পাপের ক্ষয়, সর্ব ছঃথের অবসান হয়। সেই নির্বাণ—সে অবস্থা দেবতাদিগের
ও স্পৃহনীয়।

# ষষ্ঠ পরিচ্ছেদ।

#### বৌদ্ধ ধর্মশাস্ত্র।

শাক্য সিংহ কোন লিখিত গ্রন্থ রাখিয়া যান নাই: বৌদ্ধ-শাস্ত্রজ্ঞ পণ্ডিতেরা বলেন যে তাঁহার কথা বার্ত্তা উপদেশ নিয়ুমাদি শ্রুতি পরস্পরায় শিষ্য মুথে দীর্ঘকাল জীবিত থাকে. পরে কোন সময়ে গ্রন্থাকারে লিপিবদ্ধ হয়। বুদ্ধের মরণোত্তর বৌদ্ধদের চারিটি মহাসভার উল্লেখ করা গিয়াছে এই স্থলে তাহার পুনরা-বুত্তি করা যাইতে পারে। বুদ্ধদেবের মৃত্যুর কিছু পরেই মহাকাশ্যপের মন্ত্রণায় রাজা অজাতশক্রর আশ্রয়ে রাজগৃহে দপ্রপূর্ণী গুহার প্রথম সভার অধিবেশন হয়। উহার এক শতাব্দী পরে কালাশোক, তংপরে অশোক রাজা, এবং খুষ্ট পূর্ব ১৪৩ শতাব্দে কাশীরের শকজাতীয় রাজা কণিষ্ক যথাক্রমেণ বৈশালী, পাটলিপুত্র ও জালন্ধরে এক একটা সভা করেন। ইহার প্রথম ও দিতীয় সভায় বুদ্ধের উপদেশ ও কথাবার্তা সঙ্কলিত হইয়া বৌদ্ধশাস্ত্র প্রস্তুত ও অশোকের সভায় সেই শাস্ত্র পুনর্বার সমালোচিত ও স্থিরীকৃত হয়। ঐ শাস্ত্র তিন প্রকার বিনয় পিটক, হত্র পিটক ও অভিধর্ম পিটক। এই তিনের সম-বেত নাম ত্রিপিটক। ইহাতে বৌদ্ধ সম্প্রদায়ের মত ও বিশ্বাস. অফুষ্ঠান প্রণালী, প্রায়শ্চিত্ত বিধান, নীতি, উপাখ্যান, দর্শন শাস্ত্র প্রভৃতি বিনিবেশিত আছে।

পালিভাষায় লিখিত বৌদ্ধ শাস্তগুলি সমধিক প্রাচীন বলিয়া অনুমিত হয়। তথাপি ত্রিপিটক শাস্ত্র ঠিক কোন্ সময়ে পঁ,থি ও গ্রন্থাকারে লিপিবদ্ধ হয় তাহা নির্ণয় করা স্থকঠিন। প্রবাদ এই যে পাটলিপুত্রে যে ত্রিপিটক শাস্ত্র প্রণীত হয় অশোক পুত্র মহেল্র তাহা লইয়া সিংহলে গমন করেন এবং তিনি ঐ সময়ে ত্রিপিটকের পালি ভাষ্যও মগধ হইতে আনাইয়া সিংহলী ভাষায় অমুবাদ করেন। কেহ কেহ বলেন ত্রিপিটকের অঙ্গ প্রত্যঙ্গ কণ্ঠস্থ করিয়া তিনি সিংহল যাত্রা করেন। সে যাহা হউক, এ কথা নিঃসংশয়ে বলা ঘাইতে পারে যে রাজা বত্ত-গামনীর রাজত্ব কালে অর্থাৎ খুষ্টাব্দের প্রারম্ভে পালি শাস্ত্র निः हरत । প্রথম লিপিবদ্ধ হয় এবং বৃদ্ধ ঘোষের সময় অর্থাৎ খৃষ্টাব্দের পঞ্চম শতাব্দে যে ঐ শাব্দ্রের পালি পাগুলিপি বিদ্যমান ছিল ইহাও এক প্রকার স্থির দিদ্ধান্ত। খুব সন্তব ঐ পাণ্ডু-लिপि মহে खुत \* भगरत विमामान हिल। এখন विरवहा এই তাহার কত পূর্বে উহা প্রস্তুত হয়। এই বিষয়ের **°আভাস্তরীন প্রমাণ এক এই পাওয়া বায় বে প্রচলিত ত্রিপিটকের** ভিতরে রাজগৃহ ও বৈশালী সভার উল্লেথ আছে অভএব তাহার উত্তর কালে ত্রিপিটক রচনা হওয়াই যুক্তি সঙ্গত। আর এক কথা এই যে ত্রিপিটকের মধ্যে পাটলিপুত্র সভার কোন উল্লেখ नारे अड এব তৎপূর্বে ইহার রচনা কাল নির্দারিত হইতে भारत । ইहा शहेरा निमान এই টুকু श्वित रामा या प्र रियानी এবং পাটলিপুত্র সভার মাঝামাঝি কোন সময়ে ত্রিপিটক

<sup>\*</sup> Introduction to Sacred Books of the East Vol. X

শাস্ত্র প্রথম প্রস্তুত হয়। আবার ঐ শাস্ত্র আলোচনা করিয়া দেখিলে বুঝা যায় যে তাহার কিয়দংশ অপেকাকত প্রাচীন, যেমন বিনয়ের প্রতিমোক্ষ ভাগ এবং বৃদ্ধ উপদেশের কিয়দংশ। এই সমস্ত কারণে ত্রিপিটকের কিয়দংশ ধর খৃষ্টপূর্ব্ধ চতুর্থ শতাব্দে, কতক বা তাহার ও পূর্ব্বে বির্চিত। দক্ষিণ মঞ্চলের বৌদ্ধেরা ঐ শাস্ত্র সিংহলী ভাষায় অমুবাদ করেন ও পরে তাহা ব্রহ্মদেশাদির ভাষায় অমুবাদিত হয়। এ ভিন্ন উহা ভোট, চীন, মোগল, কালমুথ প্রভৃতি উত্তর দেশীয় অন্তান্ত ভাষায় অমুবাদিত হইয়া প্রচারিত হইয়াছে।

বৌদ্ধ শাস্ত্রান্তর্গত গ্রহাবলীর তালিকা নিম্নে প্রদর্শিত হইল—

# বিনয় পিটক ( সজ্ব নিয়মাবলী )

৩। পরিবার পাঠ, পরিশিষ্ট।

# সূত্ত পিটক (বুদ্ধের উপদেশ)

- )। দীঘ নিকায়, ৩৪ দীর্ঘ হত্ত সংগ্রহ (মহাপরিনির্কাণ হত্ত প্রভৃতি)
  - ২। মধাম নিকায়, ১৫২ মধ্যম স্ত্ত-সংগ্ৰহ।
  - ৩। সংযুক্ত নিকায়, সংযুক্ত স্থত্ত-সংগ্ৰহ।
  - ৪। অঙ্গুত্তর নিকান্ন, বিবিধ স্থত্ত-সংগ্রহ।

- ৫। কুদুক নিকায়, কুদু স্ত্র-সংগ্রহ, ইহার মধ্যে
   নিয়োদ্ভ ১৫ থানি গ্রন্থ সয়িবেশিত।
  - ১। কুদ্রক পাঠ
  - ২। ধশ্মপদ
  - ৩। উদান, স্তুতি (৮২ সূত্র)
  - ৪। ইতিবৃত্তক, বুদ্ধ কথাবলী
  - ে। সূত্ত নিপাত, ৭০ সূত্র
  - ৬। বিমান বত্তু, স্বৰ্গ কথা
  - গ। পেত বন্তু, প্ৰেত কথা
  - ৮। থেরাগাথা, স্থবির-গাথা
  - ৯। থেরীগাথা, স্বিরা-গাথা
  - ১০। জাতক, পূর্বজন্ম কাহিনী
  - ১১। নিদ্দেস, সারীপুত্রের ব্যাখ্যান
  - ১২। পতিসম্বিধামাগ্গ, প্রতিসম্বোধমার্গ
  - ১৩। অপদান, অর্হৎ চরিত্র
  - ূ১৪। বৃদ্ধবংশ, গৌতম ও পূর্ব্ববর্তী ২৪ জন বৃদ্ধের জীবন বৃত্ত।
    - ১৫। চরিয়া পিটক, বুদ্ধ-চরিত

## অভিধন্ম পিটক (দর্শন)

- ১। ধশ্ম সঙ্গ
- ২। বিভঙ্গ
- ৩। কথা বন্তুপকরণ
- ৪। পুগ্গল পগ্নতি, সত্বোধ
- ৫। ধাতৃকথা, নর নারী চরিত্র

- ৬। ষমক, পরস্পর বিরোধী যুগল কথা সংগ্রহ
- ৭। পথানপকরণ, কার্য্যকারণ নির্ণয়।

চুল্লবর্গের শেষ ছই থণ্ডে রাজগৃহ ও বৈশালী সভার বিবরণ বর্ণিত আছে এবং কথিত হইয়াছে যে প্রথম সভায় উপালী 'বিনয়' আবৃত্তি করেন, আনন্দ 'ধর্ম' পাঠ করেন। ইহা হইতে প্রতিপন্ন হইতেছে যে ঐ সময়ে শাস্ত্রের ছই অঙ্গই ছিল, তৎপরে 'ধর্ম' ছই ভাগে বিভক্ত হয়, স্ত্র এবং অভিধর্ম। এই অভিধর্ম ধণ্ড ক্রমে অপর ছই পিটকের সমকক্ষ হইয়া দাঁড়ায়।

## সূত্র বিভঙ্গ। —

বৌদ্ধ সভ্যে অমাবস্থা পূর্ণিমায় যে দোষ ও প্রায়শ্চিত্ত-বিধান পঠিত হয়, সেই ব্যবস্থাগুলি ইহার মূল সূত্রে গ্রথিত। ক্রমে ভাষ্যের উপর ভাষ্য ও টীকা সংযুক্ত হইয়া গ্রন্থানি বাজিয়া গিয়াছে। এই সমস্ত নিয়মাবলী সূত্র বিভক্ষের অস্পীভূত।

### প্রতিমোক্ষ।—

প্রায়শ্চিত্ত-বিধানগুলি স্বতন্ত্র আকারে প্রতিমোক্ষ গ্রন্থে প্রকাশিত হয়। ইহা বৌদ্ধধর্ম শান্ত্রের প্রাচীনতম গ্রন্থ, সজ্বের নিয়মাবলী বৃদ্ধ স্বরং যাহা প্রবর্ত্তিত করেন তাহা ইহার মধ্যে থাকাই সম্ভব। তথাপি আশ্চর্য্য এই যে বৌদ্ধেরা ইহার শান্ত্রীয় মর্য্যানা স্ক্র বিভঙ্গের সমান জ্ঞান করেন না।

মহাবণ্গ ) কালক্রমে নানা প্রক্ষিপ্ত অংশে পুষ্টিলাভ চুল্লবগ্গ ঠ করিয়া বন্ধিত আকার ধারণ করিয়াছে। পরিবার পাঠ পরবর্ত্তী কালে সঙ্কলিত।

মহা পরিনির্বাণ স্থত্র স্ত্র-পিটকের দীর্ঘনিকায়ের অন্তর্গত।

ইহাতে বৃদ্ধ জীবনীর শেষ ৩ মাসের ঘটনাবলী ও মরণ বৃত্তান্ত বর্ণিত আছে। ইহাতে বৃদ্ধের মুখে পাটলিপুত্রের ভাবি উন্নতি বিষয়ের যে কথাগুলি দেওয়া হইয়াছে তাহা হইতে ইহার রচনাকাল পাটলিপুত্র মগধ রাজধানী রূপে প্রতিষ্ঠিত হইবার উত্তরকাল বলিয়া অনুমান হয় , খৃষ্টপূর্ব্ব চতুর্থ বা পঞ্চম শতান্দী ধরা যাইতে পারে।

#### ধন্মপদ।---

স্ত-পিটকের অন্তর্ভ ক্ষুদ্রক নিকায়ের পঞ্চদশ গ্রন্থের একটা গ্রন্থ। ইহার নাম হইতেই বিষয়ের পরিচয় পাওয়া যাইতেছে, ধর্ম-নীতি বিষয়ক পদাবলী। ইহাতে যে সকল ধর্ম-প্রবচন ও হিতোপদেশ আছে আমাদের মহাভারত, গীতা, এবং অভাভা নীতিশাস্ত্রে তাহার অনুরূপ কথার অপ্রত্ন নাই, কতক বিষয়ে অবিকল সাদৃশু ও উপলক্ষিত হয়—তথাপি ইহার কোন কোন ভাগে বৌদ্ধর্মের বিশেষত্ব উপলক্ষি করা যায় অবশুই স্বীকার করিতে হইবে। ইহার কতিপয় শ্লোক নিয়ে অমুবাদ করিয়া দিতেছি তাহা হইতেই ইহার স্বরূপ ও মতামত কতকটা ব্রিতে পারিবেন।

এই থানে প্রথমে ছুইটী শ্লোক বলিব তাহা বৃদ্ধদেব প্রবৃদ্ধ হুইবা মাত্র উচ্চারণ করেন বলিয়া লোকের বিখাদ।

> অনেক জাতি সংসারং সৃদ্ধাবিস্সং অনিবিসং গহকারকং গবেসস্তো তুঃথাজাতি পুণপ্পুণং। গহকারক ! দিট্ঠোহসি, পুণ গেহং নকাহসি সব্বাতে ফাস্থকা ভগ্গা গহকুটং বিসংথিতং। বিস্থারগতং চিত্তং তণ্হানং ধয়মঞ্জা।

শর্থ—জন্ম জনাস্তর পথে ফিরিয়াছি পাইনি সন্ধান
সে কোথা গোপনে আছে এ গৃহ যে করেছে নির্মান।
পুনঃ পুন তুঃথ পেরে দেখা তব পেরেছি এবার—
হে গৃহকারক! গৃহ না পারিবি রচিবারে আর।
ভেঙেছে তোমার স্তম্ভ, চুরমার গৃহভিত্তিচয়,
সংস্কার বিগত চিত্ত, তৃষ্ণা আজি পাইয়াছে ক্ষয়।
মনেতেই ধর্ম ১. ২

মনেতেই ধর্ম; ধর্ম মনোগামী। যে ব্যক্তি মন্ধ্রভাবে আলাপ ও কার্য্য করে, টানা গাড়ী যেমন বলদের পিছনে পিছনে যায় তুঃথ দেইরূপ তার অনুগামী হয়।

মনেতেই ধর্ম্ম; ধর্ম মনোগামী। বিনি ভাল ভাবে আবালাপও কার্য্য করেন, ছায়ার স্থায় সুথ তাঁর অনুগামী হয়।

যে যা করে, সে তা হয়; উপ্টেনা কদাপি,
সাধুকারী সাধু হয়, পাপকারী পাপী।
(পদ্যে ব্রাহ্মধর্ষ)

भाभ भूगा ১१,১৮

পাপকারী ইহলোক পরলোক উভয়ত্র ছঃখ ভোগ করে। ইহলোকে পাপাচরণ করিয়া সন্তাপ, পরলোকে ছর্গতি প্রাপ্ত হইয়া আরো যন্ত্রণা।

পুণ্যবান্ ইহলোক পরলোক উভয়ত্র স্থ ভোগ করেন। ইহলোকে পুণ্য কর্ম্ম করিয়া আনন্দিত, পরলোকে সক্ষতি প্রাপ্ত ইয়া অধিকত্তর আনন্দ উপভোগ করেন।

> পাপ করি পাপ কীর্ত্তি দহে পাপানলে পুণ্য করি পুণ্য কীর্ত্তি বাড়ে পুণ্য ফলে।

ď.

পুণ্য আচরণে আত্মা হয় পুণ্যময়, পাপ আচরণে হয় পাপের আলয়॥ ঐ

২২১। পাপ আসিবে না মনে করিয়া পাপ বর্জনে অবজ্ঞা করিবেক না; জল বিন্দুপাতে অল্লে অল্লে জল কৃষ্ঠ পূর্ণ হয়, আল্লে অল্লে সঞ্চয় করিয়া মূর্থ পাপে পূর্ণ হয়।

> ক্ষরিলে ইন্দ্রিয় কোনো বুদ্ধি ও ক্ষরিতে স্কুরু করে, কলসের ছিদ্র দিয়া জল যথা ক্রমশঃ নিঃসরে।

> ২২ । পুণা আসিবে নামনে করিয়া পুণার্জনে অবজ্ঞা করিবেক না। জল বিন্দুপাতে অল্লে অল্লে জল কৃন্ত পূর্ণ হয়, ধীর বাক্তি অল্লে অল্লে পুণা সঞ্চয় করিয়া পূণ্যে পূর্ণ হয়েন।

> কুদ্রকীট পুত্তিকা বিরচে যথা প্রকাণ্ড আলয় অলে অলে তেমনি ধরম ধন করিবে সঞ্চয়। ঐ

১৬৫। মহুষ্য আপনিই পাপ করে, আপনিই তার ফল ভোগ করে। আপনি পাপ কর্ম হইতে বিরত হয়, আপনিই ভূদ্ধি লাভ করে। পাপ পুণ্য আমার নিজেরই জিনিস, আপনি ভিন্ন আর কেহ আমাকে পরিত্রাণ করিতে সক্ষম নহে।

একাই জনমে নর, একা হয় মৃত ; একাই স্কৃত ভূঞ্জে, একাই চ্ছ্নত। ২১৯-২২•

চির-প্রবাসী দ্র হইতে নির্কিয়ে প্রত্যাগত হইলে আত্মীর স্থান বন্ধ তাহাকে স্বাগত বলিয়া অভ্যর্থনা করে, সেইরূপ পুণ্যবান্ ব্যক্তি পুণ্য কর্ম করিয়া ইহলোক হইতে অপস্ত হুইলে পর তাঁহার পুণ্য তাঁহাকে বন্ধর স্থায় প্রতিগ্রহণ করেন। চিরপ্লবাসিং পুরিসং দ্রতে। সো<sup>ন্</sup>থমাগতং জ্ঞাতি মিতা স্কৃহজ্ঞা চ অভিনন্দন্তি আগতং তথেব কৃত পুঞ্চিপ অস্মা লোক। পরং গতং পুঞ্চানি পর্তিগণ্হন্তি পিয়ং জ্ঞাতীব আগতং।
(পালি)

অহিংসা ১৩০,১৩১

সকলেই দণ্ডকে ভয় করে, জীবিত সকলেরই প্রিয়। তুমি ও আপনাকে তাহাদের উপমান্তলে আনিয়া কাহাকে ও বধ বা হিংসা করিবে না।

যিনি আত্ম সুথ কামনায় অন্ত সুথকামী জীবের হিংদা করেন তিনি ইহলোক হইতে অবস্থত হইয়া সুথ প্রাপ্ত হন না।

> সক্ষে তদন্তি দণ্ডদ্দ সক্ষেদং জীবিতং পিয়ং অতানং উপমং কত্বা ন হনেয় ন ঘাত্য়ে স্থুখ কামানি ভূতানি যো দণ্ডেন বিহিংসতি অন্তনো স্থুখ মেদানো পেচ্চ সো ন লভতে স্থুখং।

> > ( পালি )

প্রাণা যথাত্মনোহভীষ্টা ভূতানাং অপি তে তথা আত্মৌপম্যেন ভূতেযু দয়াং কুর্বস্তি সাধবঃ

(হিতোপদেশ)

तिश्रुषमन ७,८,৫, २२२. २२७

"ও আমাকে মারিয়াছে, ও আমার গালি দিয়াছে, আমার চুরী করিয়াছে" এই সকল চিন্তা মনে স্থান না দিলে বৈন্নী আপনাপনি প্রশমিত হয়; কেননা হিংদা প্রতিহিংদা দারা দ্বিত হয়।

জ্যোধকে অক্রোধ দার। জয় করিবে, অসাধুকে সাধুতা দারা জয় করিবে, রূপণকে দান দারা, অসংকে স্ত্য দারা জয় করিবে।

> चारकारधन जित्न कार्यः चार्यः त्राधुना जित्न ' जित्न कनतित्रः नातन, मराजन चालकवानिनः ( भानि )

> > অকোধে জিনিবে ক্রোধ
> > অসাধুতা সাধু আচরণে
> > অসত্য জিনিবে সত্যে
> > কদর্য্যে করিবে বশ—ধনে।

সেই সারথী যে ক্রোধকে আপনার বশে রাখিতে পারে, অপর ব্যক্তি কেবল রাশ-রজ্জু-ধারী।

বৃদ্ধিহীন যেই জন, মন যার সতত অন্তর,
তাহার ইন্দ্রিরণণ ছট্ট অর্থ যেন সার্থীর।
যেই জন সূবৃদ্ধি, কর্ত্তব্যে যার নাহিক আলস্য।
তাহার ইন্দ্রিয়ণণ সার্থীর বশীভূত অর্থ।

আত্ম সংযম ৮০, ১০৩

কৃপথস্তা জলের গতি নিয়ন্ত্রিত করে, ইযুকুার মনের মত বাণ গড়িয়া লয়, স্থতার কাঠ বাকা সোজা ইচ্ছামত গড়ে, জ্ঞানী ব্যক্তি আপনাকে আপনি নিয়মিত করেন।

উদকং হি নয়ন্তি নেত্তিকা, উন্থকারা নময়ন্তি তেজনং,
দারুং নমযন্তি তচ্ছকা, অত্তানং দমযন্তি পণ্ডিতা।

যিনি যুদ্ধে সহস্র লোকের উপর জয়লাভ করেন তিনি জয়ী

নহেন, যিনি আপনাকে ব্নাপনি জয় করেন তিনিই ষথার্থ বিজয়ী।

मःमात्र ১৭०, ১१5 ⊢

সংসার জলবিম্ব প্রায় দেখি বে, মরীচিকা সমান জ্ঞান করিবে; যিনি সংসারকে এইরূপে ' দেখেন মৃত্যুরাজ তাঁহার কাছে ঘেঁসিতে পারে না।

> যথা ব্বব্লকং পদ্দে যথা পদ্দে মর কিং এবং লোকং অবেক্থন্তং মচ্চুরাজা ন পদ্দি

এই চাকচিক্যময় সংসার যেন রাজার রথ, বাহির হুইড়ে দেখিবার জিনিস। মৃঢ় ইহার প্রতি আসক্ত, জ্ঞানী ব্যক্তি ইহাকে স্পর্শ করেন না।

মৃত্যু ২৮৬, ২৮৭ ২৮৮ ২৮৯ ৷—

"এই খানে শীত গ্রীষ্ম কাটাইব, এখানে বর্ষা যাপন করিব"
মৃচ্ ব্যক্তি এই ভাবনায় অন্থির——মৃত্যুর অস্তরায় স্মরণ করে না।
স্থপ্ত গ্রামের উপর বঞ্চার ভাষা মৃত্যু আসিয়া পুত্র কলত্র শুদ্ধ
ভাহাকে ভাসাইয়া লইয়া যায়—ভাহার মন বিপর্যাস্ত করিয়া
ফেলে। পিতা পুত্র জ্ঞাতি বন্ধু কেহই ভাহাকে রক্ষা করিতে
পারে না, ইহা জ্ঞানিয়া জ্ঞানী ও সাধুপুরুষ শীঘ্রই নির্বাণ পথের
কণ্টক মোচন করিবেন।

পরলোকে সহায় হইয়া কেহ নাহি দিবে দেখা, পিতামাতা পুত্রদার, জ্ঞাতি বন্ধু; ধর্ম রবে একা। কাষ্ট লোষ্ট্র সমান ভূতলে ত্যাজি মৃত কলেবর বন্ধুগণ যায় চলি, ধর্ম হয় পথের দোসর। জরা মৃত্যু ১৪৩, ১৪৮ ৷—

এত হাসি এত আমোদ প্রমোদি কিসের জন্ত ? সংসারের জ্বালা যন্ত্রণা অবিশ্রাস্ত রহিয়া, ছে। তোমরা অন্ধকারে বাস করিয়া কেন না আলো অন্থেশ্ণ কর ?

এই দেহ ব্যাধিতে শীর্ণি, জরাজীণ হইয়া ভগ হইয়া বায়, মৃত্যু আসিয়া জীবনকে: গ্রাস করিয়া ফেলে।

আত্মদোষ ৫ গ্ৰন্থছন্ত ২৫২

পুরের কি এ সহজেই দৃষ্টি পড়ে, আপনার দোষ দেখিয়াও দেশি না। প্রতিবেশীর দোষগুলি ভূসির আয় বাহিরে ফেলিয়া দি –নিজের দোষ যত্নে ঢাকিয়া রাখি বেমন জুয়া থেলায় জুয়ারী পাশার অঠিক দান ঢাকিয়া রাথে।

কথা ও কাজ ৫১, ৫২ ।---

কথা মধুর কাজ বিপরীত, নির্গন্ধ ফুলের স্থায় দেখিতে রংচঙে অথচ গন্ধ নাই।

ভাল কথা ভাল কাজ স্থগন্ধ স্বৰণ পুষ্পের তায় সৰ্বাঙ্গ স্ফলর।

সুখ ১৯৭, ১৯৮, ১৯৯।---

আমরা স্থথে থাকিব, আমাদের যে ঘুণা করে আমরা তাহাকে ঘুণা করিব না। আমাদের যারা দেষ্টা আমরা তাহাদের মধ্যে দ্বেশ্সূত হইয়া বাস করিব। আতুরের মধ্যে আনাতুর হইয়া থাকিব, লোভীর মধ্যে নির্লোভী হইয়া বাস করিব। আমাদের আপনার কিছুই নাই অথচ প্রীতিভোজী দেবতাদের স্থায় আমরা স্থানন্দ।

স্থবির কে ? ২৬০, ২৬১।

বাঁহার শুক্লকেশ তিনি বৃদ্ধ নহেন; বয়সে বিজ্ঞ হয় না বিজ্ঞ হয় জ্ঞানে। সভ্য প্রেম ক্ষমা দয়া বাঁর, বিনি জ্ঞানবান ও শুদ্ধচিত্ত, তিনিই স্থবির।

শুক্লকেশ যাহার সে নহে বৃদ্ধ ;
দেবতা সকলে
তাহারেই জানে বৃদ্ধ
যৌবনেই বিভা যার ফলে।

মূনি কে ? ২৬৮, ২৬৯।—

মূর্থ যে সে মৌন হইলেই মুনি হয় না। জ্ঞানী ব্যক্তি নিজ্জির ওজনে দদদং বিবেচনা করিয়া যাহা শ্রেয় তাহা গ্রহণ করেন, যাহা অসং তাহা পরিত্যাগ করেন।—তিনিই মুনি। যিনি সংসারের ভাল মন্দ হই দিক্ বিচার পূর্বক দেখেন তিনিই মুনী।

মোনে মুনী না হয়

না হয় মুনি জটাজুট ভারে

আপনাকে পছানে যে বিলক্ষণ

মুনি বলি তারে।

শ্রের আমার প্রের ফিরে ম ুষ্য মাঝারে ধীর ব্যক্তি উভয়ের প্রভেদ বিচারে। শ্রের যে গ্রহণ করে বিপত্তি এড়ার প্রের যে বরণ করে সর্ক্তর হারার। তৃষ্ণা ২৭১, ২৭% ।—

বৃত অনুষ্ঠালে, শান্ত অধ্যানে, ধ্যান বা বিবিক্ত শয়নে, সংসারীর অপ্রাপ্য মোক লাভ হয় না। হে ভিক্ষু! তৃষ্ণা নিবৃত্তি না হইলে এই সমস্ত সাধনায় আধাসযুক্ত হইও না।

> কামনা যে তাজে তার সব ধন মিলে, স্থথের প্রবাহ বহে লোভ তেয়াগিলে। ব্রাহ্মধর্ম

ভিক্ষু কে ? ৯, ১০, ৩৬৮, ৩৬৯, ৩৭০ —

যে ব্যক্তি কশায় (পাপ) হইতে বিমুক্ত না হইয়া কাষায় (গেক্ষা বসন) পরিধান করিতে চান, যিনি মিতাচারী ও সত্য-বান্নহেন তিনি কাষায়ের যোগ্য নহেন। যিনি 'কশায়' হইতে মুক্ত হইয়াছেন, যিনি ধর্মনিষ্ঠ, মিতাচারী ও সত্যপরায়ণ তিনিই কাষায় বসনের উপযুক্ত।

থিনি হস্ত পদ বাক্য বশে রাথেন, খিনি সংযত ও জিতেক্রিয় থিনি আপনাতে আপনি আনন্দময়, খিনি সন্তুষ্টচিত্তে বিজনে বাস করেন তিনিই ভিফু।

হে ভিক্ষু! নৌকার বোঝাই ফেলিয়া দিয়া ইহাকে হালক। কর, হালকা হইলে ক্রন্ত চলিবে। রাগ দ্বেষ দূরে ফেলিয়া নির্বাণ পথের যাত্রী হও।

পঞ্জেরের বন্ধন ছেদন কর; যিনি এই পঞ্চ শিকল ভালিয়াছেন তিনিই 'ওবোভীর্ণ' ভিফু।

৩০ মুর্থের সহবাস অপেক্ষা একাকী বিজ্ञনে বাস ভাল।
পাপাচরণ করিও না, অরণ্যে যেমন হন্তী চরিয়া বেড়ার তুমিও
সেইরূপ একা একা মনের স্থাথে ফিরিয়া বেড়াও।

২৭৬ মুক্তি দাধনে তোনার আপনার চেষ্টা চাই তথাগত উপদেষ্টা মাত্র। নির্দ্ধাণ পথে সংক্ষান কুইরা চল নহিলে মারের হস্ত হইতে পরিত্রাণ নাই।

৩০৭-০০৮ বৃক্ষ কাট্যা কেনিলেই নই হয় না, তাহার মূল যতক্ষণ অক্ষত থাকে ততক্ষণ দে নৰে না, আবার বাড়িয়া ওঠে, তৃষ্ণার বিষয় বিনষ্ট হটলেও জঃধ প্নঃ প্নঃ ফিরিয়া আসে। মারের হস্ত হইতে বদি পরিত্রাণ ভাও, তৃষ্ণা সমূলে উৎপাটন কর।

একটা গাছ কাটিলে কি হইল ? মন্দ্র বন কাটিয়া ফৈলা চাই। হে ভিকু ! সমস্ত বন জলল প্রিকার করিয়া নিভীক ও নিকুজি হও।

যে বাক্তি সদালারী শাস্ত সমাহিত হট্যা বুদ্ধের আদেশ ।
পালন করেন তিনি বাসনা চইতে নির্ভ হইয়া শান্তি ও নির্বাগান্দ উপভোগ করেন।

উলঙ্গ হইয়া ভ্রমণ, জটা ধারণ, ভ্রম লেপন, ভূমি-শয়ন, এ সকলি নিক্ষণ যতক্ষণ অন্তরে বাসনামল প্রদীপ্ত রহিয়াছে।

ব্রাহ্মণ কে ৭ ৩৯১, ৩৯৬, ৩৯৯, ৪০১, ৪২২

জটাজুট ধারণ করিলে রাজাণ হয় না, রাজাণকুলে জনিয়া ও রাজাণ হয় না, থাহাতে ভায়ে সত্য অধিগান করে তিনিই রাজাণ।

রে মূর্থ! জটাধারণে কি ফল ? অজীন বদন পরিয়া কি লাভ ? ভিতরে লোভ ভরপূর, বাহিরের চাকচিক্যে কি হইবে ?

ধিনি লোভী ও অহঙ্কারী ব্রাহ্মণ জন্মিরাই তিনি ব্রাহ্মণ নহেন। যিনি নির্ধন অথচ বিষয় সুথে নির্লিপ্ত তিনিই ব্রাহ্মণ। ভিনিই ব্রাহ্মণ যিনি সকল শৃত্যল ভালিয়া নির্ভন্ন হইয়াছেন— যিনি মুক্ত ও বাধীন।

যিনি বিনাদোষেও দণ্ড তিরস্কার অবমাননা অকাতরে সহু করেন, ক্ষমা বাঁর বল, তিতিক্ষা বাঁর সেনা, তিনিই ব্রাহ্মণ। যিনি পদ্মপত্রে জ্লবিন্দ্র স্থায়, স্চি অগ্রে সরিশার বীজের স্থায় সংসারের স্থা গৃংথে নির্লিপ্ত থাকেন তিনিই ব্রাহ্মণ। ৩৯১। মনোবাক্ কর্ম্মে বিনি হঙ্কৃত শৃস্তা, এই তিনেতেই বিনি সংবত ও শুদ্ধাচারী তিনিই ব্রাহ্মণ

মনোবাক্যে ক্রে থার।
না করেন পাপ-আচরণ
তাঁহারাই তপস্বী, তপস্থা নহে
দেহের শোষণ——বাক্ষধর্ম

্জনিয়া যিনি ব্ৰাক্ষণ তাঁহাকে আমি ব্ৰাক্ষণ বলি না—সে ত ধনবান্, নিমন্ত্ৰণ আমন্ত্ৰণে ভো ভো বলিয়া বেড়ায় (ভো-বাদী); কিন্তু যিনি আসক্তি হীন অকিঞ্চন তিনিই ব্ৰাক্ষণ।

রাগ দ্বেষ মদমাৎসর্য্য স্থাচি অত্যে সরিশার বীজের ভায়ে বাঁহা হইতে পাতিত হইয়াছে তিনিই বাক্ষণ।

> ষদ্দ রাগো চ দোসো চ মানো মক্থো চ পাতিতো দাদপো রিব আরগ্গে তমহ ক্রমি রাহ্মণং

বিনি সংসারের মোহময় তুর্গম পথ অতিক্রম করিয়া পরপারে উত্তীর্ণ হইয়াছেন, বিনি ধ্যাননীল অকপট শুদ্ধ-ভাষী অনাসক্ত সম্ভষ্ট চিত্ত তিনিই ব্রাহ্মণ।

चानिका निवत्म मीश्रि भान, हक्तमा ताद्व अकाम भान,

ক্ষত্রিয়ের তপস্থা কবচ ধারণ, ব্রাহ্মণের তপদ্যা ধ্যান, বৃদ্ধ আহো-রাত্রি স্বকীয় তেজে প্রকাশিত।

ব্ৰাহ্মণ কি না বাহিত পাপ, শমচৰ্য্যা হইতে শ্ৰমণ, যিনি মালিস্ত পরিবর্জন করেন তিনি পরিব্রাঙ্কক।

বিনি আপনার পূর্ব নিবাস জানেন, স্বর্গ নরক দিব্য চকু দারা দেখিতে পান, বার জন্মবন্ধন ছিন্ন হইয়াছে, সম্বস্ত পোর আধার যে মুনী তিনিই ব্রাহ্মণ।

### নিৰ্ববাণ-

নখি রাগসমো অপিগ নখি দোস সমো কৰি
নখি কথলাদিসা তৃক্থা নখি সন্তিপরং কুথং
জিঘছা পরমা রোগা সন্থার পরমা তৃথা
এতং জ্বতা যথা ভূতং নির্বাণং পরমং কুথং
আরোগ্য পরমা লাভা সম্ভট্ট পরমং ধনং
বিস্পাস পরমা জাতী নির্বাণং পরমং কুথং
রাগ সমান অগ্নি নাই, হিংসার ভায় পাপ নাই,
শরীরের ভায় তৃংথ নাই, শান্তির ভায় ক্রথ নাই।
হিংসা পরম ব্যাধি, সংস্কার পরম তৃংথ, নির্বাণ
পরম কুথ, যিনি এই জানেন তিনি সত্য জানেন।

আরোগ্য পরম লাভ, সম্ভোষ পরম ধন, বিশ্বাদ পরমাত্মীয়, নির্বাণই পরম স্থা। সম্ভোষ অথের মূল ইথে নাহি ভূল অসম্ভোষই যত কিছু অস্থথের মূল। অন্ত কভু নাহি জানে ছরন্ত পিয়ান, সন্তোষ কেবলি এক স্থথের নিবাস। ক্ষমাই পরম শান্তি, ধর্ম্মই কল্যাণ মূর্ত্তিমান, বিভাই পরম তৃপ্তি, অহিংসাই স্থথের নিদান।

শরৎ কুমুদের ন্থায় আপন হাতে স্নেহ মমতা ছিঁড়িয়া ফেল, শান্তি মার্গ অনুসরণ কর; স্থগত (বুদ্ধ) নির্বাণ অপ স্থগতি প্রদর্শন করিয়াছেন।

যিনি হংখ, হংথের কারণ, হংখনাশ, হংখান্তকারী অষ্টাঙ্গ মার্গ, এই চতুরাহ্য সত্য সমাক্ জ্ঞান দারা উপলব্ধি করিয়া বৃদ্ধ, ধর্ম ও সজ্জের শরণাপল হন, তিনি ক্ষেম পদ, পরম শরণ লাভ করেন। এই শরণ লাভ করিয়া জীব সর্কহংথ হইতে মুক্ত হয়েন।

এই দকল শান্ত্র ভিন্ন অনেকানেক ভাষ্য, টীকা, গাথা, ইতিবৃত্ত ব্যাকরণাদি পালি ও সিংহলী ভাষায় বিরচিত হইয়াছে। ভাষ্যকারের মধ্যে বৃদ্ধ ঘোষের নাম সর্কাগ্রগণ্য। ইনি বৌদ্ধ-দের সায়নাচার্য্য। বৃদ্ধগন্নায় ব্রাহ্মণকুলে ইহার জন্ম—রেবত নামক এক মহাস্থবিরের উপদেশে ইনি বৌদ্ধর্ম্মে দীক্ষিত হন। ইহার ঘন ঘোর কণ্ঠরব বৃদ্ধের অনুরূপ কলনায় 'বৃদ্ধঘোষ ইহার নামকরণ হয়। এই বৌদ্ধাচার্য্য চূড়ামণি পঞ্চম খৃষ্টাব্দে সিংহলে গমন করত রাজা মহানামের রাজত্ব কালে অনুরাধাপুরে বাদ করেন (খৃ: ৪১০—৪৩২) ও তথায় ত্রিপিটকের মহাভাষ্য (অর্থকথা) রচনা করেন । তাঁহার প্রণীত 'বিশুদ্ধি মার্গ', ধর্মান ভাষ্য, ও বৌদ্ধর্ম্ম বিষয়ক অন্যান্য অনেক গ্রন্থ বিশ্বমান আছে।

### মিলিন্দ প্রশ্ন।---

যবনরাজ মিলিক এবং বৌদ্ধ সন্ন্যাসী নাগসেন, ধর্ম বিষয়ে ইংলার পরস্পর কথোপকথন। খৃষ্টাব্দের বিশতাকী পূর্বের এই গ্রীক রাজের রাজত্বকাল। বৃদ্ধবোষের গ্রন্থে মিলিক প্রশ্নের উল্লেখ আছে অত এব ইং। অপেক্ষাকৃত প্রাচীন গ্রন্থের মধ্যে গণনীয়। খৃষ্টাব্দের প্রথম করেক বৎসরের মধ্যে এই গ্রন্থ কাল নির্দ্ধিষ্ট হইতে পারে।

### দ্বীপবংশ এবং মহাবংশ।--

সিংহলের তৃই প্রথাতি পালি গ্রন্থ। এই গ্রন্থয়র খৃষ্টাব্দের পঞ্চম শতাব্দে বিরচিত ও ইহাদের মধ্যে সিংহলের ধারাবাহিক ইতিহাস এবং বৌদ্ধর্মের ইতিবৃত্ত আত্যোপাস্ত লিখিত আছে।

দাক্ষিণাত্যের হীনধান বৌদ্ধ শাস্ত্র উত্তর দেশীয় মহাধানীদের সর্ব্বাংশে গ্রাহ্ম নহে। তাঁহারা ত্রিপিটক মান্য করেন বটে কিন্তু তাহার উপরে নিজস্ব অনেক ধর্ম ও দর্শনতত্ত্ব যোগ করিয়া দেন, সে সমস্ত অধিকাংশ সংস্কৃতে রচিত। চীন ও জ্বাপান দেশীয় বৌদ্ধদের মধ্যে যে গ্রন্থত্ত্ব সমধিক আদরণীয় তাহা

স্থাৰতী বৃাহ—হইভাগ অমিতায়ু ধ্যান স্ব্ৰ

ছই ব্যুহের একটা 'স্থাবতী' স্বর্গবর্ণনা, অন্যটি অমিতাভের স্বর্গ বর্ণনা, স্বয়ং বৃদ্ধ তাঁহার শেষ বয়সে এই গ্রন্থগুলি রচনা করিয়াছেন বলিয়া প্রসিদ্ধি আছে। অমিতাযুর্গান স্ত্রে রাজা অকাতশক্রের জীবনবৃত্তান্ত ও তাঁহার প্রতি উপদেশ আছে। বজ্রছেদিকা নামক মায়াবাদ গ্রন্থানি জাপানে বহু আদেবর বস্তু, বুদ্দের মুথ হইতে ইহার ধর্মোপদেশ উদ্গীরিত।
"সদ্ধর্ম পুগুরীক" প্রভৃতি অপরাপর সংস্কৃত গ্রন্থ উত্তর শাধার
অন্তর্গত।

### ললিত বিস্তর। --

ইতিপূর্ব্বে যে সমস্ত গ্রন্থের উল্লেখ করা গিয়াছে, তাহা ছাড়া বৃদ্ধ-জ্যাঁবনী সংক্রান্ত এই গ্রন্থানি উল্লেখ যোগ্য। ইহা সংস্কৃত গল্প পল্প বিরচিত, পল্প ভাগ প্রাচীনভর বোধ হয়; আর ইহার মধ্যে কতকগুলি অধিকতর প্রাচীন পালি গাথা সন্নিবেশিত। এই গ্রন্থ তিব্বতী ও চীন ভাষায় অনুবাদিত হইয়াছে। ফরাসী পণ্ডিত কুকো (Foucaux) এই তিব্বতী অনুবাদের ফরাসী অনুবাদ করেন। তাঁহার মতে তিব্বতী অনুবাদের কাল ষষ্ঠ শতাব্দী। চীনদেশীয় বৌদ্ধ গ্রন্থ লিখিত আছে যে এই গ্রন্থ শৃতাব্দী। চীনদেশীয় বৌদ্ধ গ্রন্থ লিখিত আছে যে এই গ্রন্থ প্রবিদের পূর্বেই ঐ গ্রন্থ প্রচারিত ছিল বালতে হয়। ললিত বিস্তরে বৃদ্ধের জন্ম হইতে ধর্মপ্রচার আরম্ভ পর্যান্ত জীবন বৃত্তান্ত বিশ্বিত আছে। গ্রন্থখনি পণ্ডিত প্রবর রাজেক্রলাল মিত্র কর্তৃক কলিকাতায় প্রথম প্রকাশিত হয়।

এতদ্বির তিব্বতী শাস্ত্র, সংখ্যা ভার ও বিস্তৃতি হিসাবে, এমনি প্রকাণ্ড ব্যাপার যে অন্তান্ত দেশের সমুদায় ধর্মশাস্ত্র অতিক্রম করিয়া উঠে। কিন্তু উহাদের কোনটা মৌলিক গ্রন্থ নহে, পালি ও চান ভাষা হইতে অমুবাদিত।

### পালি ভাষা।—

ভারতব্যীয় ভাষাবলী সামাগ্যতঃ তিন ভাগে বিভক্ত করা যাইতে পারে—(১) আগ্যভাষা: (২) দ্রাবিড়, (৩) অপর ভাষা। ্য প্রকার ভাষায় প্রগেদ সংহিতার মন্ত্র সমুদায় বিরচিত হয়, দেই যে বৈদিক সংস্কৃত ও বাহা কিছু কিছু রূপান্তর হইয়া উত্তর কালে সাহিত্য কাব্যের ভাষা, রামায়ণ মহাভারত মহ-দংহিতা কালিলাদের ভাষা—লৌকিক সংস্ত হইয়া দাঁড়ায়, সেই স্প্রাচীন আর্ঘাভাষা ক্রমণঃ পরিবর্ত্তিত হইয়া পালি ও প্রাক্ত ভাষা সমুদায় উৎপন্ন হয়; সেই সমস্ত পুনরায় °ক্রমে ক্রমে রূপান্তরিত হইয়া অধুনাতন হিন্দী বাঙ্গলা মারাটী, গুজরাতী প্রভৃতি বিভিন্ন দেশ ভাষায় পরিণত হইয়াছে, একথা প্রধান প্রধান ইউরোপীয় সংস্কৃতজ্ঞ পণ্ডিতেরা এবং এতদ্দেশীয় আচার্যোরাও প্রায় সকলেই একবাক্যে স্বীকার করিয়া থাকেন। এই সমস্ত চলিত দেশভাষার প্রস্তি প্রাচীন প্রাকৃত, ইহার ব্যাকরণ কাব্য সাহিত্য বিষয়ক গ্রন্থ সকল আমাদের হস্তগত হইরাছে; এই প্রাচীন প্রাক্বত এথন আমাদের নিকটে সংস্কৃতের স্থায় পণ্ডিতদের পাঠ্য ভাষা, মৃতভাষা হইয়া পড়িয়াছে। পালি এই প্রাচীন প্রাক্তরে শাখা বিশেষ। গৌতমের অভ্যুদর কালে পালি এবং মাগধী সম্ভবতঃ একই ভাষা ছিল। কাত্যায়নী যিনি পালি ভাষার প্রথম ব্যাকরণ প্রণয়ন করেন তিনি প্রকারান্তরে তাহাই বলিয়াছেন। এই মাগধী পরিবর্ত্তিত হইয়া रिन्मि, राक्रना, त्वहाती ও अन्याना উপভাষার রূপ ধারণ করিয়াছে কিন্তু পালির কোন পরিবর্ত্তন হয় নাই। গৌতমের সময় আঁহার ভ্রমণক্ষেত্রে সম্ভবতঃ এই ভাষা অথবা ইহার অত্বরপ কোন ভাষা প্রচলিত ছিল। বৌদ্ধ শাস্ত্রের মূল গ্রন্থাবলী এই ভাষায় বিরচিত। অশোকের অনুশাদন গুলি যে ভাষায় প্রচারিত তাহার মধ্যে পরস্পর কিছু কিছু বিভিন্নতা সত্ত্বেও মোটা মুট সে ভাষা পালি বলা যাইতে পারে। এই পালিভাষা त्यांकत्र नियर 3 श्विशीर्ग तोक भारत् वक हहेग्रा हन शिक्त রহিত হইয়া পড়িল ও মৃতভাষার মধ্যে প্রবিষ্ঠ হইয়া গেল। একদিকে সংস্কৃত, অপর দিকে আধুনিক প্রাকৃত, পালি এই উভয়ের মধ্যবর্ত্তী। বৈদিক সংস্কৃত ছাড়িয়া দিলে ইহা ভারতের প্রাচীম ভাষার মধ্যে পরিগণিত হইতে পারে। সম্প্রতি এই মহানগরীতে পালি শিক্ষার উপযোগী একটা বিদ্যালয় স্থাপন করিবার মহাবোধি দমাজ হইতে প্রস্তাব হইতেছে, সেই প্রস্তাব সমর্থন করিয়া শ্রীযুক্ত সতীশচক্র বিদ্যাভূষণ মহাশয় ষাহা বলিয়াছেন তাহা ক্লতবিদ্য ব্যক্তি মাত্রেরই প্রণিধান যোগ্য। কি ভাষা-তত্ত্ব, কি তত্ত্ব-বিদ্যা, কি আদি বৌদ্ধধর্মের মত ও বিশ্বাস, কি বুদ্ধের জীবনবৃত্ত ও উপদেশ, কি তৎকাল-दर्जी ভারতের ইতিবৃত্ত ও দামাজিক অবত। ইহাদের যে কোন বিষয় বলুন তার সমাক্ জ্ঞান লাভ করিতে হইলে পালি ভাষা শিক্ষা ও আয়ত্ত করা অতীব প্রয়োজনীয় সন্দেহ নাই। বাঙ্গলার মূল প্রস্রবন যথন মাগধী তথন পালি আয়ত্ত করা যে আমাদের পক্ষে সহজ সাধ্য তাহা বলা বাহুল্য।


সংস্কতের অপভাংশে যে সকল প্রাকৃত উৎপন্ন হয় তাহা
আবা্যাবর্ত্তের ভিন্ন ভিন্ন প্রদেশে বিভিন্ন আকার ধারণ করিয়াছে।
প্রচলিত আর্যা দেশ-ভাষা গুলি নিম্নলিখিত রূপে শ্রেণীবদ্ধ
করা হইয়াছে।

## ১। পশ্চিম শাখা

## (ক) উত্তর পশ্চিম শ্রেণী

			লোক সংখ্যা
সিশ্ধী			२৫,৯०,०००
কাশীরী			80,20,000
	(খ)ম	ধ্য-পশ্চিম শ্রে	ণী
পঞ্জাবী			১,ঀঀ,ঽ৽,৽৽৽
গুজরাটী			٥٠٥,٥٥,٥٥,٥
রাজপুতানী			٠,٥٥,৫٥,٥٥٠
<b>হি</b> न्দि	•		৩, ৫৮,২০০০০
	(গ) উত্তর শ্রেণী		
পাহাড়ী			>>,৫०,०००
নেপালী			७०,२०,०००
	প্রা	চ্য শাখা	
(চ) মধ্য প্রাচ্য শ্রেণী			
বৈশ্বারী			२,००,००,०००
বিহারী	,,	"	<i>್ರಾಂಕ್ಕಾಂಕ್ಕಾಂಕ</i>
	(ছ)দ	কিণ শ্ৰেণী	
<b>শারা</b> ঠী	,,	<b>39</b>	०००,०००,६५,८
		প্রাচ্য শ্রেণী	à
বাঙ্গলা	,,	•	8,50,80,000
আসামী	,,	v	\$8,80,000
উড়িয়া	" "	v	ລຸ, > ໑, ໑ ໑ ໑
• • • • • • • • • • • • • • • • • • • •	n	D.	-
			ঽ৽ৢঌঽ৽ৢ৽৽৽

এই সকল উপভাষার মূল যে প্রাক্কত তাহাও দেশ ভেদে বছরূপী হইয়া ছড়াইয়া পড়ে। আর্যাবর্তের পূর্ব থণ্ডে (দক্ষিণ বেহারে) পালি ও মাগধী; পশ্চিমে অর্থাৎ গঙ্গা যমুনার মধ্যস্থানে সৌরসেনী। এই ছই.প্রদেশের মধ্যভাগে যে ভাষা ব্যবহৃত হইত তাহা ঐ উভয় ভাষার সন্মিশ্রণে 'অর্দ্ধ মাগধী' নামে অভিহিত। এই আর্য্য ভাষা গুলির বহিভূতি উত্তর পশ্চিমাঞ্চলে প্রচলিত যে ভাষা তাহা 'অপভ্রংশ' বলিয়া পরিচিত। প্রাক্কতের এই চতুরঙ্গ হইতে আধুনিক গ্রাম্য ভাষা সমুদায় বিনিঃস্তর্ণ অভাত্য প্রাকৃতের সঙ্গে পালি ভাষার কিরূপ সম্বন্ধ তাহা নিম্নলিখিত লাতিকা দৃষ্টে অনায়ামে বোধ গম্য হইবে। ১



\* এই লডিকা Calcutta Review পজের Oct. 1895 সংখ্যায় প্রকাশিত Grierson's Indian Vernaculars প্রবন্ধে দৃষ্ট হইবে।

# সগুম পরিচ্ছেদ।

## বৌদ্ধর্যের রূপান্তর ও বিক্লাত।

## গহাযান ও হীন্যান।—

বৌদ্ধ সম্প্রদায়ের প্রধান ছই শাথা হীন্যান ও মহাযান, ইতিপূর্ব্বে উল্লিখিত হইয়াছে। গ্রীষ্টপূর্ব্ব প্রথম শতান্দী পর্য্যন্ত এই ছই শাথার স্বাষ্ট হয় নাই। রাজা কণিক্ষের সময় হইতে এই প্রভেদের স্থলগাত হয়। তিনি সংস্কৃত ভাষার পক্ষপাতী ছিলেন। দাক্ষিণাতো পালি যেমন শাস্ত্রীয় চাষার্রপে গৃহীত হইল তিনি সেরপানা করিয়া সংস্কৃত ভাষায় বৌদ্ধশাস্ত্র রচনার আদেশ করিলেন এবং সেই আদেশাস্ত্রসারে তাহার জালন্ধর সভায় বৌদ্ধশাস্ত্রের ভাষাত্রয়, ১। স্থল পিটকের উপদেশ, ২। বিনয়-বিভাষা-শাস্ত্র, ৩। অভিধর্ম-বিভাষা-শাস্ত্র, সংস্কৃতেই বিরচিত হয়। কাণক্ষের প্রবর্তিত শাস্ত্র মহাযান নামে আভিহিত এবং তাঁহার প্রতিপক্ষ মত হীন্যান বলিয়া পরিগণিত। দক্ষিণের বৌদ্ধরা এই নামে আপনাদের পরিচয় দিতে প্রস্তুত্ব কি না বলিতে পারি না—বৌদ্ধাচার্য্য ধর্ম্মপাল এ বিষয়ের খাঁটী থবর বলিতে পারেন। সে যাহা হউক, 'মহাযান' 'হীন্যান'

এই নাম-করণ হইতে বুঝা যাইতেছে যে মহাযানীরা হীন্যানকে নিরুষ্ট পন্থা বিবেচনা করেন ও তাঁহাদের বিশ্বাস এই যে মন্ত্রযোর স্পাতি-সাধন পক্ষে মহাবানই উত্তম সাধন। মহাবান সত যে সমগ্র আর্য্যাবর্তে প্রচারিত হয় তাহা বলা যায় না, ঐ প্রদেশেও হীন্যান মতাবলম্বী লোক দেখিতে পাওয়া যায়; আবার দাক্ষিণাতোর বৌদ্ধেরাও অনেকে কণিক্ষের প্রভাবে মহাধান মত গ্রহণ করেন। তবে এই কয়েকটী ব্যতিক্রম ছাডিয়া দিলে সামান্ততঃ বলা যাইতে পারে যে সিংহল শ্রাম ও ব্রন্ধদেশে হীন্যান মত প্রচলিত; চীন, জাপান, নেপাল. তিব্যতীয় উত্তর-বাসীগুণ মহাযান মতাবলম্বী। অশ্বঘোষ, বস্থমিত্র, নাগার্জ্জন প্রভৃতি বড় বড় পণ্ডিতেরা মহাবান মতের প্রধান পোষক ছিলেন। কিন্তু আমার কুদ্র বৃদ্ধিতে যত দূর বুঝিতে পারিয়াছি, আমার মতে নামকরণ উল্টা হইয়াছে। বুদ্ধোপদিষ্ট মূল ধর্ম্মের আভাস যদি কোথাও থাকে তাহা পালি ধর্ম্মণান্তে পাকাই সম্ভব, আর হীন্যান মত যদি দেই শাস্ত্র-দন্মত হয় তাহা হইলে ঐ মতটীই আদিম ধর্মের⊾ অনুযায়ী হওয়া দন্তব। উহারই নাম "মহাযান" হওয়া সঙ্গত বেধি হয়।

## ত্রাহ্মণ্য ও বৌদ্ধর্ম।—

বৌদ্ধধর্মের ইতিহাসে ব্রাহ্মণ্য ধর্মের সহিত তাহার ঘনিষ্ট সম্বন্ধ পদে পদে প্রতিভাত হয়; বিশেষতঃ সংস্কৃত ভাষায় মহাযান শাস্ত্র রচনা ও প্রচারের সঙ্গে সঙ্গে ঐ উভয় ধর্মের সন্মিশ্রণ ও একীকরণ আরো ঘনীভূত হইয়া আসে। বৈদিক

দেবতা অগ্নি ইন্দ্রাদি বৌদ্ধ দেব-রাজ্যে স্থান লাভ করিয়াছেন। ইক্র অনেক সময় মর্ত্তালোকে নামিয়া আসিয়া সাধু পুরুষদের ধর্মকার্য্যে সহায়ত। করেন। পৌরাণিক ত্রিমূর্ত্তি, ব্রহ্মা বিষ্ণু মহেশ্বর, এই তিন দেবতা ও বৌদ্ধদের মধ্যে পরিগৃহীত হইয়াছে। মহাব্রহ্মার জন্ম বৌদ্ধ দেবমণ্ডলীর মধ্যে প্রথম হইতেই আসন নির্দিষ্ট ছিল। ব্রহ্মা সহাম্পতি বৃদ্ধদেবের জীবদ্দশায় তাঁহার পরম হিতকারী বন্ধরূপে সময়ে সময়ে আবিভৃতি হয়েন। বুদ্ধের মৃত্যুকালে প্রথমেই যে বিলাপধ্বনি সমুখিত হয় সে ব্রহ্মার্ম্ট আকাশবাণী। উত্তরকালে বিষ্ণুও বৌদ্ধ দেবাসন গ্রহণ করেন। পদ্পানি অবলোকিতেশ্ব এক প্রকার বিষ্ণু-অবতার। অধ্যাপক মোনিয়র উইলিয়ম্স বলেন তিনি সিংহলের বিখ্যাত নগরী ক্যাণ্ডিতে মহাবিষ্ণুর মন্দির দর্শন করিয়াছেন. তাহাতে বিষ্ণুদেবের এক রূপার প্রতিমা আছে। ঐ সকল স্থানে কিন্তু বিষ্ণুর অন্ত অবতার ক্লফের কোন নাম গন্ধ নাই। শিব তাঁহার পত্নীমহ বৌদ্ধরাজ্যে অবাধে প্রবেশ লাভ করিয়াছেন। শিবু মহাযোগী, মহাকাল, ভৈরব ভীমরূপে এবং তাঁহার পত্নী পার্ব্বতী, হুর্গারূপে উত্তর দেশীয় বৌদ্ধদের মধ্যে অর্চিত হইয়া থাকেন। নেপালে শিবের মন্দির এবং বুদ্ধের মন্দির পাশাপাশি অবস্থান করিতেছে—এক দেবতার প্রীত্যর্থ রীতিমত পশুবলি চলে, অন্ত দেবতা না জানি তাহা কি ভাবে দৃষ্টি করেন। দেবীগণের মধ্যে তারাদেবী প্রধানা, ছয়েন সাং মগধে তাঁহার মন্দির ও প্রতিমূর্ত্তি দর্শন করেন। নেপালে পঞ্চশক্তির উপাসনা প্রচলিত-বদ্ধাত্রী, লোচনা, মামকী, পাগুরা, তারাদেবী এই প্র<u>ঞ্চদেবী।</u> দেব-

দেবীর সঙ্গে সঙ্গে ভূত, প্রেত, রাক্ষস, পিশাচ, নাগ, যক্ষ, কিন্নর গন্ধর্ব, গরুড়, কুস্তাও প্রভৃতি জীবেরাও বৌদ্ধর্মে মিশিয়া গিয়াছে।

#### মার। --

বৌদ্ধদের যদি কোন নিজম্ব দেবতা থাকে তাহা 'মার'। যদিও 'মার' শব্দের ব্যুৎপত্তি ধরিতে গেলে মৃত্যুর সঙ্গে তাহার বিশেষ যোগ, কিন্তু মৃত্যুরাজ যমের সহিত তাহার তেমন সাদৃশ্য নাই। মারকে বৌদ্ধ সয়তান অথবা পারসীদের অমঙ্গল দেবতা অহ্রিমান বলা• যাইতে পারে। ক্তক্টা শনি বা ক্লির প্রতিরূপ। ইঁহার এক নাম কামদেব। ইনি ইন্দ্রিয়ার দিয়া মনুষ্য শরীরে প্রবেশ করিয়া কামাদি রিপু সকল উত্তেজিত করেন। বৃদ্ধত্ব পাইবার পূর্বের গৌতম যথন বোধিবৃক্ষতলে যোগাসনে আদীন ছিলেন তথন 'মার' স্বীয় পুত্রকন্তা দলবল লইয়া কত ভয়, কতপ্রকার প্রলোভন দেথাইয়া তাঁহার ধ্যান-ভঙ্গে প্রবৃত্ত হয়, কিন্তু কিছুতেই ক্নতকার্য্য হইতে পারে নাই। वकरनव त्यांशांत्रात घडेल तहित्लन, अव्भतांशांवत महस्य भाषा পরাহত হইল। আবার বুদ্ধ প্রাপ্তির পরেও 'মার' বুদ্ধকে অশেষ কুমন্ত্রণা দিয়া ধর্ম প্রচারের শুভ সংক্ষন্ন হইতে ফিরাইবার কত চেষ্ঠা পায়, ধীরে ধীরে অগ্রসর হইয়া মধুর স্বরে ফুদ্লাইতে থাকে "ভগবন, আপনি অনেক সাধ্য সাধনায় এই দিব্যজ্ঞান উপার্জ্জন করিয়াছেন, তাহা লোকের মধ্যে প্রচারের কি ফল 🛉 সাংসারী যারা তাহারা সকলেই বিষয় মোহে মুগ্ন, কেহ**ই** আপনার কথায় কর্ণাত করিবে না, তাহার মর্ম্ম কিছুই বুঝিতে

পারিবে না। আপনি বিজনে আপন মনে এক। একা নির্বাণানন্দ উপভোগ করুন।" বুদ্ধদেবের চিত্ত বিচলিত দেখিয়া ব্রহ্মা সহাম্পতি স্বর্গ হইতে নামিয়া আদিলেন ও বুদ্ধের সম্মুখে আবিভূতি হইয়া নিবেদন করিলেনঃ—

দেখগো মগধ রাজ্য হ'ল ছার খার 
ছরাচার, অনাচার, অধর্মের স্রোতে।
প্রভু হে তারহ ভবে, থোল স্বর্গ-দার,
শুনাও তোমার ধর্মা, বিনাশি সংশয়,
দেখাও হে প্রা পথ, পবিত্র, সরল।
অম্বর-চুম্বিত গিরি লজ্যিয়া যে জন
দাঁড়ায় শিথরে, দৃষ্টি প্রসারে স্বদ্র—
সত্যের শিথর দেশে উঠিয়াছ তুমি,
কপাদৃষ্টি কর প্রভু, মানবের পরে।
রোগ শোক জরা মৃত্যু গ্রাসে চরাচর।
চল তবে ধর্মাবীর! জয়-হস্ত তুলি
বিচর মরত মাঝে, জাগায়ে ভারতে
প্রচারো ছন্দুভি-নাদে সত্যের মহিমা,
স্বর নর সবাকার পরিত্রাণ তরে।

বুদ্ধদেব ব্রহ্মার বাক্যে উৎসহিত হইয়া পর্যা প্রচারে বাহির হইলেন। 'মার' আত্তে আত্তে সরিয়া পড়িল।

'মারে'র প্রলোভন মন্ত্রন্থ এড়াইতে হইলে কচ্ছপের স্থায় সর্বানা সতর্ক থাকা আবশ্রক। বুদ্ধদেব গল্লচ্ছলে এই বিষয়ের উপদেশ দিতেন। "একটা কচ্ছপ সন্ধ্যার সময় পানার্থে নদীতীরে গমন করে। সেই একই সময়ে একটা শুগাল তাহার আহার অবেষণে যায়। শৃগালকে দেখিয়া কচ্ছপ আপন থোলার ভিতরে লুকায়িত থাকিয়া নিউয়ে জলে সন্তরণ করিতে লাগিল। কথন্ সে তাথার কোবের মধ্য হইতে গ্রীবা বাহির করিবে, শৃগাল তাথা প্রতীক্ষা করিয়া রহিল। কিন্তু কচ্ছপ কিছুতেই তাথার কোটেরের বাহিরে মুখ বাড়ায় না, শৃগাল অনেকক্ষণ বিসমা অবশেষে শীকার ছাড়িয়া চলিয়া গেল। হে ভিক্ষুগণ! 'মার' এইরপ তোমাদের ছিলায়য়ল গেল। হে ভিক্ষুগণ! 'মার' এইরপ তোমাদের ছিলায়য়ল কিবলেছ—তোমাদের চকুয়ার, কর্ণয়ার, নাসিকা জিহ্বা দেহ-মনোয়ার কথন্ কোন্দরজা খোলা পায় সেই অবসর খুঁজিতেছে, সন্ধি পাইলেই প্রবেশ করিবে। অতএব সাবসান! ইন্দ্রিয়য়ারের উপর নিয়ত প্রেরী নিয়্ক রাখ, তাথা হইলে পাপায়া 'মার' বিফল-প্রযত্ন হইয়া তোমাদের ছাড়িয়া দ্রে যাইবে, শৃগাল যেমন কচ্ছপ হইতে দ্রে যাইতে বাধ্য হইয়াছিল।''

#### বুদ্ধতত্ত্ব।

আদিম বৌদ্ধধর্মের নিরীধর কঠোর ধর্মনীতি বৌদ্ধ সমাজে অধিক কাল স্থায়ী হইতে পারে নাই। সে ধর্ম যে বে দেশে প্রবেশ করিয়াছে তাহা সেই সেই দেশের প্রচলিত ধর্ম ও রীতি নীতি আচার ব্যবহারের সহিত সম্মিশ্রণে নব নব রূপ ধারণ করিয়াছে। সেই আদি ধর্ম কাল সহকারে পরিবর্ত্তিত হইয়া কোথায় কোন্মূর্ত্তি ধারণ করিয়াছে, নেপালে শৈব শাক্ত তান্তিক ধর্মে মিশিয়া একরূপ, তিকাতে যাছ ভূত প্রেতে বিশ্বাস মিশ্রিত অন্তর্ন্ধপ, এক ঐতিহাসিক বুদ্ধ হইতে অগণ্য কাল্লনিক বুদ্ধের সৃষ্টি প্রণালীই বা কিরূপ—সে এক

অপূর্ব্ব কথা। তাহার বিস্তৃত ,বিবরণ লিখিতে গেলে এক স্বতন্ত্ব গ্রন্থ রচনার প্রয়োজন হয় আর ঐ গ্রন্থের বিষয় সংগ্রহ ও সামান্ত পরিশ্রম ও গবেষণার কার্যা নহে। মহামহোপাধ্যায় শ্রীযুক্ত হরপ্রসাদ শাস্ত্রী মহাশয় যেমন স্বয়ং নেপালে অবস্থিতি করিয়া তথাকার পুরাতন পুঁথি অন্বেষণ ও বৌদ্ধর্মের রহস্ত অনুসদ্ধানে প্রবৃত্ত হইয়াছিলেন তাঁহার মত শ্রম. অধ্যবসায় ও স্থানীয় গবেষণা ভিন্ন ওরূপ কার্য্যে ফললাভ করা অসম্ভব। সে যাহা হউক, এই স্থলে বৃদ্ধতত্ত্ব সম্বন্ধীয় স্থল স্থল গুটিকতক কথা বিলেলই যথেষ্ঠ হইবে। কিন্তু প্রকৃত প্রস্তাবে প্রবৃত্ত ইইবার পূর্ব্বে বৃদ্ধ-কাহিনী সম্বন্ধে একটি কোতুকজনক বিষয় বলিবার আছে তাহা বলিয়া রাথি। সে এই যে খ্রীষ্ঠীয় সেন্ট মগুলীর মধ্যেও বৃদ্ধনেবের আসন নির্দিষ্ঠ হইয়াছে।

## সেন্ট জোসাফৎ।

বৃত্তাস্তটা এই যে জোয়য়য় নামে একজন গ্রীক গ্রন্থকার বিলাম ও জোয়ায়্বং' বলিয়া গ্রীক ভাষায় একটি গ্রন্থ রচনাকরেন। সে উপাথ্যানটা বৃদ্ধ চরিতের অবিকল চিত্র। রোমানক্যাথলিক খ্রিষ্টানেরা ঐ জোয়ায়্বংকে আপনাদের সেন্টর্মপে আত্মসাৎ করিয়া লন; এমন কি, ২৭ এ নবেম্বর তাঁহার মৃত্যুর দিন বলিয়া পালিভ হইয়া থাকে। তাঁহার এই উপাথ্যান নানাভাষায় অন্থ্রাদিত হইয়া এক সময়ে ইউরোপ, এসিয়া, আফ্রিকামধ্যেও মহাসমাদরে পরিগৃহীত হয়। পরে জানা গেল এই জোয়াফৎ বেধিসন্থের নামান্তর, ইনি আর কেহ নন স্বয়ং বৃদ্ধদেব। উল্লিখিত গ্রীক গ্রন্থকারের পিতা কালিক আলমানস্থরের

একজন প্রধান মমাত্য ছিলেন, স্কৃতরাং তিনি অপ্তম খুষ্টান্দের লোক। গ্রন্থকার নিজেই স্বীকার করিয়াছেন, আমি ভারতবর্ষ হইতে প্রত্যাগত লোকদিগের মুখে এই উপাধ্যান শ্রবণ করিয়াছি। পণ্ডিতেরা বিবেচনা করেন যে জাতক-ভাষ্য বা ললিত বিস্তর হইতে উহার অনেক স্থল রচিত হওয়া সম্ভব। "মতএব অবনিমণ্ডলে বুদ্ধের মহিমা যেমন ব্যক্তভাবে, সেইরূপ অব্যক্ত ভাবেও পরিব্যাপ্ত হইয়া যায়।"

## বুদ্ধতত্ত্ব—হীনযান গত।—

হীনযান ও মহাবান এই ছই শাথার মধ্যে বুদ্ধতত্ত্ব বিষয়ে বিত্তর মতভেদ দৃষ্ট হর। বিষয়টীর স্পাধীকরণ জন্ম বৌদ্ধধর্মের গোড়ার কথা হইতে আরম্ভ করা আবশ্যক।

বৌদ্ধর্মের মত ও বিশ্বাস আলোচনা করিবার সময় বলা হইয়াছে যে ঐ ধর্ম্মে ভঙ্গন পুজনের কোন ব্যবস্থা নাই। বৌদ্ধর্ম্ম চা'ন সাবন। বৌদ্ধর্মের উপদেশ এই যে আত্ম,-প্রভাব দ্বারা ইন্দ্রিয়গণকে জয় করিয়া অন্তঃকরণকে কাম, ক্রোধ, দ্বেষহিংসা মদমাৎসর্য্য হইতে বিনিমুক্তি কর তাহা হইলেই স্বর্গাৎ স্বর্দে আরোহন করত যাত্রার চরম সীমা যে নির্ব্বাণ সেথানে গিয়া পৌছিতে পারিবে। নির্ব্বাণে উঠিবার চারি ধাপ ও পথের বিম্নকারী দশ 'সংযোজন', বন্ধন বা শৃষ্কাল \* আছে। এক এক ধাপে

<sup>\*।</sup> দশ সংযোজন ( শৃঙ্খল )

১। সকায় দৃষ্টি, অহমিকা

২। বিচিকিৎসা, সংশয়

৩। শীলব্রত, কর্ম্ম কাণ্ডে আস্থা

উঠিতে উঠিতে এই শৃঙ্খলগুলি কিয়ৎ পরিমাণে থসিয়া যায়।

যিনি প্রথম ধাপে উঠিয়াছেন তিনি 'সোতাপরাে' (স্রোত-আপর ),
মন্থব্যের নীচে পর্যাদি যােনিতে তাঁহার জন্ম হয় না। দিতীয়
ধাপে কতকগুলি শৃঙ্খল ভাঙ্গিয়া যায়, যিনি সেই ধাপে চড়িয়াছেন
তিনি আরাে উন্নত তথাপি সংসার বন্ধন হইতে সম্পূর্ণ মুক্তিলাভ
করিতে পারেন নাই; তাঁহাকে আর্ একবার ফিরিতে হইবে,
তিনি সক্রৎ আগামী। তাহার উর্দ্ধে উঠিতে পারিলে কাম
ক্রোধ বিচিকিৎসা প্রভৃতি পঞ্চ বন্ধন হইতে সম্পূর্ণ মুক্তিলাভ হয়
তথন সাধক 'অনাগামী' পদ লাভ করেন, তাঁহার এই মর্ন্তালাকে
আর ফিরিয়া আসিতে হয় না। এই হ'ছের তৃতীয় ধাপ। যিনি
চতুর্থ সোপানে আরােহণ করেন তাঁহার সমুদায় বন্ধন ছিয় হয়,
জন্মান্তর-স্বৃতি, অভিজ্ঞতা ও সিন্ধিলাভ হয়, তথন হিন্দি জীবন্ম ক্র

প্রত্যেক বুদ্ধ। -

অর্হতেরা হাজার হোক্ অপূর্ণ জীব। আধ্যায়িক জগতে ইঁহাদের নৃতন পাথা উঠিয়াছে, ইঁহারা সবে মাত্র উড়িতে

- ে। প্রতিঘ, ক্রোধ
- ৬। রূপরাগ, বিষয় কামনা
- ৭। অরপরাগ, স্বর্গ-কামনা
- ৮। মান, অভিমান মদ মাৎসর্য্য
- ১। ঔদ্বতা
- ১০। অবিদ্যা

৪। কাম

শিথিয়াছেন। ইঁহাদের লক্ষ্যস্থান, গম্যস্থান এখনো বছ দুর।
বৃদ্ধ ও ইঁহাদের মধ্যে ব্যবধান বিস্তর। যে মহাত্মারা ইঁহাদের
অপেক্ষাও জ্ঞানধর্মে উচ্চতর পদবীতে আরু ইইয়াছেন,
তাঁহাদের নাম প্রত্যেক বৃদ্ধ, অর্থাৎ তাঁহারা নিজ নিজ সাধনা
ও পুণাগুণে দিব্যক্তান লাভ করিয়া বৃদ্ধ ইইয়াছেন, অথচ
লোকমাঝে সেই জ্ঞান বিতরণে অক্ষম। তাঁহারা প্রত্যেকে
আপনার মহিমাতেই আপনি বিরাজ করেন। মহাবুদ্ধের
সহিত প্রত্যেক বৃদ্ধের তুলনা হয় না। মহাবুদ্ধের আবির্ভাব
কালে পৃথিবীতে তাঁহাদের আবির্ভাব হয় না আর উহারা
তথাগত, সিদ্ধার্থ, চক্রবর্ত্তী প্রভৃতি বৃদ্ধ-উপাধি ধারণের
যোগ্য নহে

বোধিসত্ত্বী—

প্রত্যেক বুদ্ধের উপরের শ্রেণীতে <u>বোধিসম্ব</u>কে স্থাপন করা যাইতে পারে। তিনি অব্যক্ত বুদ্ধ। বোধিসম্বের ভিতরে ভিতরে বুদ্ধম্বের বীজ নিহিত আছে কালক্রমে সে, বীজ অঙ্কুরিত হইয়া বুদ্ধমে পরিণত হয়। বুদ্ধেরা পূর্বজন্মে বোধিসম্ব ছিলেন ও ভবিষ্যতে যে বুদ্ধ সত্যধর্ম পুনঃ স্থাপন করিতে উদয় হইবেন তিনি এইক্ষণে বোধিসম্ব রূপে বিরাজমান।

#### বুদ্ধদেব ।---

এই সপ্ততল গৃহের সর্ব্বোচ্চ চূড়ায় স্বয়ং বৃদ্ধদেব আসীন। ইনিই সজ্य-স্থাপয়িতা সম্যক্ সম্বৃদ্ধ সাক্ষাৎ ভগবান। ইনি এবং ইহার সমতুল্য আর আর বদ্ধই নষ্টধর্ম উদ্ধারের নিমিত্ত, লোক পরিত্রাণের নিমিত্ত, স্থরনরের কল্যান উদ্দেশে যুগে যুগে আবিভূতি হয়েন।

হীনবান মতে গৌতম বৃদ্ধের পূর্বের সর্ব্ব শুদ্ধ চতুর্বিংশতি বুদ্ধ উদয় হইয়াছেন। বর্ত্তমান কল্লে তার মধ্যে চার জন— গোতম শেষবৃদ্ধ, ক্রকুছেন্দ, কনকমুনি, কাশ্রুপ এই তিন বৃদ্ধ তাঁহার অগ্রবর্ত্তী। করুণা ও মৈত্রীগুণের আধার যে মৈত্রেয় তিনি ভবিষ্যতে বুদ্ধরূপে উদ্য় হইবেন, এখনো তার কাল বিলম্ব আছে। ৫০০০ বৎসর পরে যথন লোকেরা নীতিন্রষ্ট হইবে, গৌতমের ধর্ম নষ্ট হইয়া যাইবে, তথন সেই বিশ্ববিজয়ী মহাবীর জগৎ উদ্ধারের নিমিত্ত অভ্যাদিত হইবেন,। তাঁহার সে দিখিজয় সৈতা সামন্ত অন্তবলে নয়, ধর্ম ও প্রেম বলে। মৈত্রেয়ী এইক্ষণে বোধিসন্ত্বরূপে তুষিত স্বর্গে বাদ করিতেছেন। স্ত্র পিটকের অন্তর্গত 'বুদ্ধ-বংশে' গৌতম ও তাঁহার পূর্ব্ববর্ত্তী ২৪ বুদ্ধের জীবন বৃত্ত বর্ণিত আছে এবং জাতক-ভাষ্যে তাঁহারদের প্রত্যেকের আরও বিস্তৃত বিবরণ দেওয়া হইয়াছে। হীন্যান শাস্ত্র এই খানেই থামিয়া গিয়াছে। পূর্ব্ব পূর্ব্ব কল্লের একবিংশতি বুদ্ধ, বর্ত্তমান ভদ্র কল্পের চারি বুদ্ধ, এবং বোধিসম্ব মৈত্রেয়ী ভাবিবৃদ্ধ, এই কয়েকটা বৃদ্ধ ও একটা মাত্র বোধিসত্ত্ব লইয়াই হীনযানীরা সম্ভষ্ট। অর্হৎ তাঁহাদের আদর্শ-সাধু, সাধুত্বের আরো উচ্চতর স্তরে উঠিতে তাঁহাদের আকাজ্জা নাই।

## বুদ্ধতত্ত্ব। মহাযান মত---

মহাধানগ্রন্থে বৌদ্ধদের বৃদ্ধ-কল্পনার আরো বিস্তৃত বিচিত্র গতি। হীন্যানের সহিত ইঁহাদের বীজমন্ত্রে অনৈক্য নাই। ইঁহারাও

বলেন মনুষ্য জ্ঞানধর্মে উত্তরোত্তর উন্নতি লাভ করিয়া, ভিক্ হইতে অৰ্হৎ, অৰ্হৎ হইতে বোধিসত্ব হইতে পারেন কিন্তু যদি তাহাই হয়, তাহা হইলে জল গাডায় কোথায় ? ত একটা বোধিসত্ব গড়িয়া কেনই ব' ্রির থাকিবে 
প্র অনেকানেক ভক্ত সিদ্ধি লাভ করিয়া অর্হৎ হইয়াছেন—অনেকানেক অর্হৎ বোধিদত্ত পদে উন্নত হইয়া-ছেন তাঁহারা কি আমাদের শ্রন্ধা ভক্তির পাত্র নহেন ? এই মতের অব্যর্থ পরিণাম নর-দেবতা পূজা এবং এই পূজায় মহাযানীরা সিদ্ধ হন্ত। এই রূপে অসংখ্য অসংখ্য বে।।বসত্ত মহাযানীদের আরাধ্য দেবতা হইয়া দাঁড়াইয়াছেন। বুদ্ধের প্রথম ছই শিষ্য সীরীপুত্র মুদ্রালায়ন; কাশ্রপ আনন্দ উপাণী প্রভৃতি সজ্যের পিতামহণণ; গোতম ও রাহল; মহাযানীদের প্রধান আচার্য্য নাগার্জ্জন, আঠার্য্য অশ্বঘোষ-এইরূপ কত কত সাধু সজ্জনকে তাঁহারা বোধিসম্ব পদে তুলিয়া পূজা করিতেছেন তাহার ইয়তা নাই। শুধু তা নয়, এ দিকে যেমন মানুষী বোধিসত্ত তেমনি আবার গুণাত্মক, ধ্যানাত্মক নানা ধরণের কালনিক বোধিসত্ত নির্ম্মিত হইয়াছে। গৌতম বুদ্ধের পরিনির্ব্বাণ আবার মৈত্রেয়ী বুদ্ধের আবির্ভাব, এই হুরের মধ্যকালে মনুষ্যের ত আরাধ্য দেবতা চাই— বৌদ্ধ-সভ্যের রক্ষাকর্তা আবশুক—বোধিসত্ত্বেরা এই অভাব পূর্ণ করিতেছেন। আর এক লাভ এই যে বোধিসম্ভ পদলাভের আকা-জ্জার মন্তব্যের মনে ধর্মান্ত্র্ঠানে অধিকতর উৎসাহ সঞ্চার হইতেছে। বোধিসত্ত্বের অবস্থা নিতান্ত মন্দ নহে। ইহাঁরা তুষিত স্বর্গে দিব্য আরামে কাল-হরণ করিতেছেন। পরিনির্কাণে নিবিয়া যাওয়া অপেকা ইহাঁদের বর্গকামনা বোধ হয় যেন বলবত্তর, স্থতরাং ইহারা নির্বাণ পথ খুঁজিয়া বেড়াইবার কষ্ট ভোগ অপেক্ষা যেমন

স্বথে আছেন তেমনি থাকিতেই ভাল বাদেন।

বোধিসত্ত্বের বেলায় মহাবানীরা বেমন কল্পনার লাগাম ছাড়িয়া দিয়াছেন, বুদ্ধ বিষয়েও সেইরপ। হীনবানীরা বুদ্ধ সংখ্যা সর্বাঞ্জ ২৫ জন নির্দিষ্ট করিয়াছেন কিন্তু তাহা কেন? তোমরা শ্বীকার করিতেছ লোক পরিত্রাণার্থ যুগে যুগে বুদ্ধোদয় হইয়া থাকে। তবে ২৫ কেন, কত কত লোকে, কত যুগে, কত শত্রুদ্ধের অভ্যাদয় হইয়াছে কে বলিতে পারে? কেন না,

"কালোহ্যাং নিরবধি বিপুলা চ পৃথ্নী" কালের নাহিক সীমা, বিপুলা ধরণী।

মহাযান মতানুসারে সমুদারে কত দুদ্ধ, স্থির করা কঠিন।
হজসন সাহেব ললিত বিস্তর ও অপরাপর গ্রন্থ ইইতে ১৪৩ জন
তথাগতের নাম সংগ্রহ করিয়াছেন।

শুধু বুদ্ধ-সংখ্যা নয় ক্রমে বুদ্ধ স্বদ্ধপের ও অশেষ পরিবর্ত্তণ ঘটিয়াছে। পরিবর্ত্তণের প্রণালী আমার যাহা সঙ্গত মনে হয়, তাহা এই—

ে বুদ্দদেব আপনাতে কখনই ঐশীশক্তি আরোপ করেন নাই;
এমন কি, শিষ্যদিগের মধ্যে তাঁহাকে ঈশ্বরিষয়ক কোন প্রশ্ন
জিজ্ঞাসা করিলে তিনি নিক্তর থাকাই শ্রেয় বোধে মৌনাবলম্বন করিয়া নিস্তব্ধ থাকিতেন। তিনি তাঁহার পর্যা এবং তাঁহার
সভ্য মৃত্যুর সন্ম এই ছইকে তাঁহার প্রতিনিধি স্বরূপ রাথিয়া
গোলেন। কিন্তু পৃথিবী হইতে যেননি তিনি অপস্তত ইইলেন,
তাহার কিয়ৎ পরে বৌদ্ধেরা তাঁহাকেই ঈশ্বরের স্থলাভিষিক্ত
করিল—মহুষ্য-বুদ্ধকে দেবতা-বুদ্ধ গড়িয়া তুলিল। তাঁহার জীবনের
প্রত্যেক ঘটনা, পূর্বজন্মকাহিনী, স্বর্গ হইতে অবতরণ, গর্ত্তে বাস,

জন্ম, শৈশবে বিদ্যাভ্যাদ, যৌবনের লীলা থেলা, মহাভি-নিক্রমণ, তপশ্চর্য্যা, মারের সহিত সংগ্রাম, ব্দ্ধত্ব প্রাপ্তি, ধর্ম প্রচার, নির্বাণ, ইহার প্রত্যেক ঘটনা ইন্দ্রজালে সংগঠিত হইল। এই গেল প্রথমাবস্থা। পরে ভাবি বৃদ্ধ যে মৈত্রেয় তাঁহার পূজাও প্রবর্ত্তি হইল। ব্দ্ধদেব ত পরিনির্বাণ গত হইয়াছেন, যাইবার সময় তিনি মৈত্রেরকেই আপন উত্তরাধিকারী নির্দেশ করিয়া যান। মৈত্রেয় এখন জাগ্রত জীবন্ত দেবতা, তাঁহার প্রসাদ-লাভ ভক্তের পক্ষে অতীব প্রয়োজনীয়। তিনি করুণার সাগর, শোলব্যের সার, প্রিয়দর্শী, মধুরভাষা, তাঁহার ত্বিত কর্শে গিয়া ভক্তেরা তাঁহার স্থরপ্প দর্শন, মধুর বাণী শ্রবণ, তাঁহার সহবাস-জনিত আনন্দ সম্ভোগ, এই জন্ম লালান্নিত: উার দক্ষিণ উভয় সম্প্রকারী বৌদ্ধেরাই তাঁহাকে মানিয়া চলিতেছে। অনেকানেক সিংহল বৌদ্ধ মন্দিরে বুদ্ধ ও মৈত্রেয়ের মূর্ত্তি পাশাপাশি অবস্থাপিত। হুয়েন সাং ও তাঁহার পূর্ব্বাপত্র অন্তান্ত ভক্তেরা মৃত্যুশব্যায় মৈত্রেয়ের তৃষিত স্বৰ্গলাভের জন্ম প্রার্থনা করিতেন।

অতঃপর আমরা আর এক চিত্র দেখিতে পাই, — এক হইতে তিনে গিয়া পড়ি, মৈত্রেয় ছাড়া তিন বোধিদত্ত্বের আবির্ভাব দেখি। তাঁহাদের নাম

- ্ । মঞ্জুশ্রী অথবা বাণীশ্বর
  - ২। পদ্মপাণি অবলোকিতেশ্বর
  - ৩। বজ্রপাণি কিনা শক্তিরূপী মহেশ্বর

এই জ্ঞান শক্তি মঙ্গলের আধার বৌদ্ধ ত্রিমূর্ত্তি কালেতে কলিত হইল। বৌদ্ধার্শের আদি যুগে ইহাঁদের নাম গুনা যায় না, ললিত বিস্তর প্রভৃতি উত্তরণাথায় প্রাচীন গ্রন্থেও ইহাঁদের নাম

নাই, যদিও সম্বৰ্ম পুগুৱীক ও আর কতকগুলি গ্রন্থে ইহাঁদের কথা পাওয়া যায়, আর ফাহিয়ানের তীর্থযাত্রার সময় এই ত্রিদেবতার অর্চনা কোন কোন বৌদ্ধক্ষেত্রে প্রচলিত ছিল, তাহাও দেখা যায়। তিনের আঙ্কে কি এক মোহিনীশক্তি আছে তাহার আদর সর্ববিট: বিশেষতঃ আমাদের দেশে ত্রমীবিদাা, ত্রিগুণ, ত্রিবর্গ, ত্রিলোক ত্রিকাল ত্রিমূর্ত্তি অনেক ঞ্সিনিসেই ত্রিত্ব আসিয়া পড়ে: এমন কি, পরব্রন্ধ যিনি তিনি ও সং-চিং-মানন্দ ত্রিগুণাত্মক। বৌদ্ধদের মণ্যেও এই তিনের গৌরব রক্ষিত প্রথম, বৃদ্ধ ধর্ম সংজ্য ত্রিরত্ন—পরে মঞ্জুঞী, অবলোকিতেশ্বর, বজ্রপাণি ত্রিদেব। একটু ভাবিয়া দেখিলেই ব্ঝা যায় যে এই তিন দেবতা ব্রহ্মা বিষ্ণু শিবেরই রূপান্তর। মঞ্জী হিরণাগর্ভ ব্রহ্ম; বাগীশ্বর বিদ্যার অধিষ্ঠাত্রী দেবতা, এই ত গেল ব্রহ্মা-সরস্বতী। অবলোকিতেশ্বর পদ্মপাণি বিষ্ণু, তাঁহাতে বিষ্ণুর পালনীশক্তি আরোপিত। বজ্রপাণি বজ্রধর ইন্দ্র অথবা শূলপাণি মহেশ্বর, সর্বশক্তির মূলাধার। বোধিসত্ত্ব-শ্রেণীর মধ্যে অবলোকিতে-খারের বিশেষ মাহাত্ম। তিনি করুণার্ণব, লোকপাল, সকলের শরণা সম্ভলনীয় দেবতা রূপে বর্ণিত। ফাহিয়ান, হয়েন সাং-দের ভ্রমণ বৃত্তান্তে বৌদ্ধক্ষেত্রে তাঁহার পূজার বহুল প্রচার লক্ষিত হয়। তাঁহারা নিজেও যে ঐ দেবতার প্রমভক্ত ছিলেন তাহারও অনেক নিদর্শন পাওয়া যায়। ফাহিয়ান বলেন সমুদ্রে একবার ঝড় উঠিয়া তাঁহার জাহাজ ডুবিবার উপক্রম হইয়াছিল তথন তিনি অবলোকিতেশ্বরের নিকট প্রার্থনা করিয়া রক্ষা পাইলেন। চীন ও कां भारत व्यवस्था किर्ज्यस्त्र क्रम्भामश्री नाती श्रक्ति कान्-हेन् এবং কান্নন্ নামে অর্চিত হয়।

## বৌদ্ধধর্ম।

ইহার উত্তর কালে এক প্রকার ধ্যানীবৃদ্ধের সৃষ্টি হইল ।
ধ্যানীবৃদ্ধ মন্ত্র্যা বৃদ্ধের অশরীরি প্রতিক্রতি, তাঁহারা অরূপ-লোকে
বাস করেন। পঞ্চ অরূপ-লোকের অধিষ্ঠাতা পঞ্চ ধ্যানী বৃদ্ধ।
তাঁহারা প্রত্যেকে ধ্যানপ্রভাবে আত্ম-স্বরূপ হইতে এক একটী
বোধিসন্থ উৎস্প্র করেন আবার প্রত্যেক বোধিসন্থ পর্যায়ক্রমে
রূপলোক স্কৃষ্টি করিয়া থাকেন। এইক্ষণে চতুর্থ বোধিসন্থ
অবলোকিতেশ্বরের অধিকার বাইতেছে। আমাদের এই পৃথিবীর
স্কৃষ্টিকন্তা তিনিই।

এই বহুদেবতার পূজায় পরিতৃপ্ত না হইয়া বৌদ্ধেরা ক্রমে এক
আদিদেবে গিয়া পৌছিলেন, ইনি নিতা, নিরাকার, ভায় ও করুণার
আধার, জ্ঞাননয় আদিবৃদ্ধ—ইনিই পরব্রহ্ম। নেপালী বৌদ্ধদের
মধ্যে দশম শতাব্দে এই আদি বৃদ্ধের প্রতিষ্ঠা হয়। আদি বৃদ্ধ
ইচ্ছারুসারে আয়য়য়প হইতে অভ্য পাঁচটী ধ্যানীবৃদ্ধ উৎপন্ন
করেন। তাঁহারা আবার পাঁচটী বোধিসত্ত্বর জন্মনাতা। এই
পঞ্চ ধ্যানী বৃদ্ধ, পঞ্চ বোধিসত্ত্ব এবং গৌতম, মৈত্রেয় প্রভৃতি পঞ্চ
মান্থবী বৃদ্ধ সম্বলিত এক অপূর্ব্ব ত্রি-পঞ্চক হইয়া দাঁড়াইয়াছে
তাহা নিয়ে প্রদর্শিত হইল।

ধ্যানীবুদ্ধ	বৌধিসন্ত্ৰ	মা <b>ন্ত্</b> যী <b>বৃদ্ধ</b>
১ বিরোচন	১ দামস্তভদ্ৰ	> ক্রকুচ্ছন্দ
২ অক্ষোভ	২ বজ্রপাণি	२ कनक्यूनि
৩ রত্নসম্ভব	় ও রত্নপাণি	৩ কাশ্যপ
৪ অমিতাভ	৪ অবলোকিতেশ্বর	৪ গৌতম
৫ অমোঘ সিদ্ধি	<ul> <li>বিশ্বপাণি</li> </ul>	ে মৈত্রেয়

#### বৌদ্ধধর্ম।

দেখিবেন ইঁহাদের মধ্যে প্রকৃত ঐতিহাদিক বৃদ্ধ একমাত্র গৌতম আর সকলেই মন-গড়া কাল্লনিক বৃদ্ধ। এই প্রত্যেক পঞ্চকের চতুর্য দেবতাই বাছিয়া লইবার যোগ্য। বাছিয়া বাছিয়া যে তিন দেবতা বৌদ্ধদের বিশেষ পূজার্হ হইয়াছেন উন্রোগ্র হচ্চেন্ত। আমিতাভ, ২। অবলোকিতেধর, ৩। গৌতম। গোড়ায় অপরিমিত জ্যোতিঃ অমিতাভ, মধ্যে তাঁহার অধ্যাত্ম স্থত, শেষে তাঁহার ছারামরী প্রকৃতি। ব্যানী ব্রের মধ্যে কি জানি কি নিমিত্ত মঞ্শী স্থান পান নাই। আপাততঃ ধরিয়া নেওয়া যাইতে পারে ু বৌদ্ধং গতের কোন কোন ভাগে অমিতাভই সর্ব্বশ্রেষ্ঠ দেবতা। মহাযান শাস্ত্র তাঁহার 'স্থাবতী' স্বর্গ বর্ণনায় পরিপূর্ণ। সে স্বর্গ মহমানী স্বর্গের জ্ঞায় ইন্দ্রিয়-স্থুথ ভোগের স্থান নয়, তাহা ধ্যানস্থ মুনি ঋষির আশ্রম তুলা। সেখানে 'হুরী' অপ্ররা 🦠 তাহাদের মায়াজাল বিস্তার করে না, দেই অরপ-লোকে জ্যোতির্ময় ধ্যানী বুদ্ধ বোধিসন্ত্র-মণ্ডলে পরিবৃত হইয়া ধ্যানানন্দ উপভোগ করিতেছেন।

সহজ সত্য ছাড়িয়া কল্পনায় ঈশ্বর গড়িতে গেলে মন্ত্র্যা-কল্পনা যে কোথায় গিয়া দাঁড়ায় বৌদ্ধর্ম্মের ইতিহাসে তাহা বিলক্ষণ উপলব্ধি করা যায়।

## তান্ত্রিক মত প্রচার।—

মহাবান মতের উৎপত্তি ও প্রচারের সঙ্গে সঙ্গে উত্তর খণ্ডে ব্রাহ্মণ্য বৌদ্ধধর্মের সন্মিশ্রণ আরম্ভ হয় এই যে বলা হইল, নেপাল তাহার মুখ্য দৃষ্ঠান্ত স্থল। বৌদ্ধ ও হিন্দুদের পরস্পর ঘাত প্রতিঘাতে সে দেশে বৌদ্ধধর্মের গণ্ডীর ভিতরে তান্ত্রিক ক্রিয়া কাণ্ড প্রবেশ

লাভ করিয়াছে। হিন্দুদিগের যে ধর্ম প্রণালী সর্ব্বাপেক্ষা আধুনিক নেপালী বৌদ্ধেরা দেই তান্ত্রিক পদ্ধতি নিজ ধর্ম্ম মধ্যে নিবিষ্ট করিয়াছেন। ইঁহারা শিব শক্তি গনেশ, কুমার ভৈরব হন্তমান, রুদ্র মহারুদ্র, মহাকাল মহাকালী, অজিতা অপরিজিতা, উমা জয়া চণ্ডী, থজাহন্তা, ত্রিদশেররী, ইন্দ্রী কপালিনী কম্বোজিনী, যোরী ঘোর-রূপ মহারূপা, মালিনী কপালমালা, খট্টাঙ্গা পরগুহস্তা, বন্ধ্রহস্তা, মাতৃকা যোগিনী পঞ্চ-ডাকিনী, যজ্ঞ গন্ধর্ব গৃহদেবতা, ভুত পিশাচ দৈত্য প্রভৃতি তন্ত্রোক্ত দেবদেবীগণকে স্ব-সম্প্রদায়ে স্থান-দান করিয়া-ছেন। কেবল তম্ব্রোক্ত দেবাদি গ্রহণ করিয়া নিরস্ত হ্বন নাই, তন্ত্র শাস্ত্রের মন্ত্রাদি এবং সাঙ্কেতিক আঁক জোঁক ও এহণ করিয়া-ছেন। ক্রিয়া স্থলে তল্পোক্ত যন্ত্রমণ্ডল অন্ধিত করিবার রীতি আছে। হিন্দু ক্রিয়াতে হিন্দুদেবতারই মণ্ডল করা হয়। বৌদ্ধ ক্রিয়াতে বৃদ্ধ মণ্ডলও অঙ্কিত হইয়া থাকে। নেপালী ব্লেদ্ধেরা শুক্ল কৃষ্ণ উভয় পক্ষীয় স্থয়ী তিথিতে স্থয়ী ব্ৰত নামে একটি उट्टा अञ्कोन करतन। প্রথমে বৃদ্ধ বোধিসম্ব, দিকপাল প্রভৃতির পূজার পর উল্লিখিত দেবদেবীর আহ্বান ও অর্চনা হইয়া থাকে। (ভারতবধীয় সম্প্রদায়—অক্ষয়কুমার দত্ত।)

নেপালে এই তান্ত্রিকমতের আদিগুরু পেশওয়ার নিবাসী অসঙ্গ নামক একজন সন্নাসী। ইনি ষষ্ঠ শতাব্দীতে প্রাহ্নভূত হইয়া "যোগাচার ভূমি শাস্ত্র" ও যোগ-দর্শন সংক্রান্ত বহু গ্রন্থ লিথিয়া উক্ত দর্শনের বহুল প্রচার করেন। হুয়েন সাং তাঁহার মঠের ভগ্নাবশেষ দেথিয়া যান। তিনি শৈব দেবদেবী, ভূত, পিশাচ, বৌদ্ধ ধর্মে মিলাইয়া সেই পার্ব্ধতা অধিবাসীদের উপাদেয় এক অপূর্ব্ধ থিঁচুড়ী প্রস্তুত করেন। তাঁহার শিক্ষাপ্রভাবে নেপালীদের মধ্যে বুদ্ধদেবের সঙ্গে সঙ্গে উল্লিখিত শৈব ও শাক্ত দেবদেবীর অর্চ্চনা আরম্ভ হয় এবং তাঁহারা বৃদ্ধদেবের সরল নীতি মার্গ ছাড়িয়া
. অলোকিক সিদ্ধি লাভ মানসে, ধারণী মণ্ডল প্রভৃতি তান্ত্রিক অর্ফ্চান অবলম্বন করেন। তাঁহাদের মঠ মন্দিরে এই সকল তান্ত্রিক দেব-দেবীর প্রতিমূর্ত্তি দেখা যায়।

## তিকতে বৌদ্ধর্য ৷—

নেপাল ভোট সিকিম ঐ সকল প্রাদেশের বৌদ্ধর্ম্ম যেমন পৌরাণিক তান্ত্রিক সংস্পর্শে রূপান্তরিত হইয়াছে, তিব্বতের ধর্মপ্ত অন্তান্ত কারণে অশেষ কুসংস্কার জালে আচ্ছর হইয়াছে। জপনালায় মন্ত্র উচ্চারণ তাঁহারা ধর্ম্মসাধনের এক প্রধান অঙ্গ বিবেচনা করেন; শব্দ সংখ্যার উপর পূণ্যের ফলাফল নির্ভর করে, যত বার আবৃত্তি ততই বেশী পূণ্য। আরাধনার সময় যেমন সমস্বরে শ্লোকার্ত্তির নিয়ম আছে, তেমনি আবার ভিন্ন ভিন্ন বচন অনেকে মিলিয়া একত্রে পাঠ করিয়া থাকেন—অল্ল সময়ের মধ্যে যত অধিক শব্দ উচ্চারিত হয় ততই ভাল। এই সকল বৌদ্ধের প্রার্থনা মন্ত্র হচ্ছে—

## \* ওঁমণি পদ্মে হাঁ।

এ প্রার্থনা অঙ্কিত চক্রধ্বজাদি যেথানে যাও চারিদিকে ছড়াছড়ি। "পল্লে মণি" এই হই শব্দের যে কি নিগৃঢ় অর্থ

<sup>\*</sup> হৃৎপত্মে ধর্মের মণি ! কেহ বলেন, পদ্মপাণি অবলোকিতেখরকে লক্ষ্য করিয়া এই প্রার্থনা মন্ত্র রচিত।

এই মলের প্রকৃত অর্ধর্মপাল মহাশ্র ভাল করিয়া বৃঝাইয়া বলিতে পারিবেন।

তাঁহারাই জানেন এবং তাঁহাদের বিশ্বাস যে এই প্রার্থনায় দেবতার প্রসন্নতা লাভ ও মহাপুণা উপার্জন হয়। এই উদ্দেশে তাঁহারা অগণ্য অগণ্য প্রার্থনা-চক্র নগরে নগরে গ্রামে পথে ঘাটে যেখানে সেখানে স্থাপন করেন, পথ্যাত্রীরা তাহা এক একবার ঘুরাইয়া প্রার্থনার ফললাভ করেন। কল ফিরাইয়া প্রার্থনা করা. তিব্বতীরা এই এক নৃতন পন্থা আবিষ্কার করিয়াছেন। এই চক্র ঘোরানো লইয়া অনেক সময়ে তুই প্রতিযোগী ভক্তদলের মধ্যে দাঙ্গা হাঙ্গামা বাধিয়া যায়। জনকতক ফরাসী খুষ্ট মিসনরি এই বিষয়ের এক মজার গল্প করেন। একদিন তাঁহারা<sup>‡</sup> এক মঠের নিকটস্থ একটী •প্রার্থনা চক্রের কাছ দিয়া চলিয়া যাইতে-ছেন. এমন সময় দেখিলেন হুই জন লামার মধ্যে মহাগগুগোল উপস্থিত। ব্যাপার্থানা এই যে তাঁহাদের একজন চাকা ঘ্রাইয়া নিশ্চিন্ত মনে ঘরে ফিরিয়া যাইতেছেন, মুথ ফিরাইয়া দেখেন আর একজন লামা দে চাকা থামাইয়া নিজের খাতায় পুণ্যের আঁকে পাড়িবার অভিপ্রায়ে চাকা ঘুরাইয়া দিতেছে. দেথিয়া তৎক্ষণাৎ পিছু ফিরিয়া তার চাকা বন্ধ করিয়া পুনর্ব্বাক আপনি ফিরাইয়া দেয়। এ বলে আমি ঘুরাইব, আমার চাকায় তুমি কেন হাত দেও? ও বলে আমি ঘুরাইব তুমি কেন হাত দেও? ক্রমে উভয়ত: গালাগালি, গালাগালি হইতে মারামারি। অবশেষে একজন বুদ্ধ লামা বিবাদ স্থলে আসিয়া উভয় পুণ্যেচ্ছ্র কল্যাণার্থ স্বহস্তে চাকা ঘূরাইয়া উহাদের কলহ মিটাইয়া দেয়। Buddhism—Monier Williams.

প্রার্থনা-চক্র ভিন্ন ঐ সকল প্রদেশে প্রার্থনার নিশান উড়িতে দেখা যান্ন—বোধ করি দার্জিলিং পাহাড়ে ঐ দৃশু অনেকে দেখিয়া পাকিবেন; নিশান বাতাদে উড়িয়া যেমন আকাশাভিমুথে যার ভক্তজন অমনি মন্ত্রোচ্চারণের পুণ্য উপার্জ্জন করেন। লামাধর্ম।—

তিব্বতী বৌদ্ধদের আচার অনুষ্ঠান মতও বিশ্বাস, মূল ধর্ম্বের সহিত ইহার কোন বিষয়েই মিল নাই; উহাদের পৌরোহিত্য-প্রধান জনসমাজও স্বতন্ত্রভাবে গঠিত। তিক্ষতী ভিক্ষুর নাম লামা, জনপদের প্রায় পঞ্চমাংশ এই লামা শ্রেণীভুক্ত। লামাদের गर्सा इरे जन असीन लागा, नालारे लागा এवः शक्षन लागा; একটীর রাজধানী লহাসা, অন্ম লামার মঠ ভারতের প্রাস্তপীমার অদূরবর্ত্তী তাসি-লুনপো নামক নগরে প্রতিষ্ঠিত। প্রধান লামারা বুদাবতার বলিয়া পূজিত। লোকের বিশ্বাদ এই যে ইহাঁদের কাহারও মৃত্যু হইলে, তাঁহার প্রেতাত্মা কোন একটা শিশু অথবা ছোট বালকে প্রবেশ করে, এই বালকটীকে চিনিয়া বাহির করাই এক সমস্রা। কথন কখন মৃতলামা মৃত্যুর পূর্বের বলিয়া যান কোন কুলে তিনি পুনর্কার জন্মগ্রহণ করিবেন; কখন বা ছুই শামার মধ্যে যিনি জীবিত তিনি মৃত লামার উত্তরাধিকারী নির্দ্দেশ করিয়া দেন, কথন বা দৈবজ্ঞের পরামর্শ, শাস্ত্রের বিধান ও অক্সান্ত লক্ষণ দারা মঠাধিকারী লামা নিরূপিত হয়। এই নির্বাচনে চীনরাজেরও মতামত গৃহীত হইয়া থাকে। নবাবতার আবিষ্কৃত হইলে লামামগুলীর কাছে আনিয়া তাঁহার প্রীক্ষা হয়; তিনি মৃত লামার গ্রন্থ বস্ত্রাদি চিনিয়া বলেন, ও তাঁহার পূর্বজীবন ঘটনা সম্বনীয় প্রশ্লাবলীর উত্তর দেন। পরীক্ষোতীর্ণ মহালামা মহাধুমধামে নিজ মঠে প্রতিষ্ঠিত হয়েন।

দালাই লামা আদি বুদ্ধের প্রতিনিধি; তাঁহাকে বৌদ্ধ

'পোপ' বলা অসঞ্বত হয় না। অনেক যুদ্ধ বিগ্রহের পর পঞ্চনশ খুষ্টাব্দে (১৪১৯ এ) তিব্বতে দালাই লামার আধিপত্য স্থাপিত হয়। এই লামা বিদেশীদের চক্ষে আকাশ কুস্থমের স্থায় তুর্লভ দর্শন। আপনারা শুনিয়া থাকিবেন যে কয়েক বৎসর হইল (১৮৮২) আমাদের খ্যাতনামা পরিব্রাজক শ্রীযুক্ত শরৎচক্র দাস এই লামার সাক্ষাৎকার লাভ করেন: এ ঘটনাটি আমাদের সামান্ত গৌরবের বিষয় নহে। ইহার বিস্তৃত বিবরণ শরৎ বাবুর ভ্রমণ বুক্তান্তে বর্ণিত আছে। মোনিয়র উইলিয়মসের 'বৌদ্ধধর্ম' গ্রন্থে ৩৩১ পৃষ্ঠার তাহার দারভাগ দারিবেশিত হইরাছে। শামার প্রাদাদ-মঠ লহাসার উত্তরপশ্চিম পোতালায় অবস্থাপিত। ইহা এক প্রকাণ্ড উচ্চ চৌতালা গৃহ, দশ সহস্র ভিক্রর বাসোপযোগী কক্ষরাজিতে স্থসজ্জিত; ইহার শিখরদেশ স্বর্ণ চূড়ায় বিভূষিত। দিঁড়ির পর দিঁড়ি উঠিয়া পরিব্রাজক মহাশায় লামা মঞ্চে আরোহণ করিলেন, মেই নে:হিত প্রামাদের উচ্চ শিথর হইতে লহাসা নগরী ও তাহার আশপাশের শোভা গৌন্দর্য্য দর্শনে তাঁহার নয়ন মন মুগ্ধ হইল। মহালামা ৮ বংসারের বালক, বক্ত চকু ছাড়া মুখত্রী আর্য্যাকৃতি, উজ্জ্বল গৌরবর্ণ, রঙ্গীণ রেশম মণ্ডিত সিংহাসনে তুই সিংহমূর্ত্তি মাঝে উপবিষ্ঠ। দেহোপরি গৈরিক বসন, মাথায় পঞ্চ্যানীবুদ্ধের নিদর্শন স্থরূপ পঞ্চকোণ পীতবর্ণ টোপর। প্রাচীরের গায়ে বুদ্ধ বোধিসত্ত্বের চিত্রাবলী, জাফ্রাণ রঞ্জিত আরক্ত শাস্তিজল দিঞ্চন, ধুপধুনা দীপালোক আতুষ্ঠানিক ঘটার সীমা নাই। দর্শকমণ্ডলীর জন্ম নীচে নর পংক্তিতে সারিসারি পশমের আসন বিছানো, সকলে শান্ত সংযত ভাবে নিজ নিজ নির্দিষ্ট স্থানে গিয়া বসিলেন। শরৎ বাবুর আসন তৃতীয় পংক্তিতে।

পরে আশীর্কাদের সময় আসিলে দর্শকর্ন মাথা হেঁট করিয়া সিংহাসনের কাছে ঝুঁকিয়া পড়িল। শরৎ বাবু বলিতেছেন "য়ংশ আমার পালা আদিল মহাপ্রভু ামাকেও আশীর্কাদ করিলেন, তথন আমি তাঁহার দেবমূর্ত্তি দর্শন করিবার স্কুযোগ পাইলাম।" এই বিবরণে পোপের পদাঙ্গুলি চুম্বনের ভার কোন অন্বর্গানের আভাস নাই। এই অনুষ্ঠানের এক প্রধান অঙ্গ—চা-পান। লামারা সকলেই এক এক চায়ের পেয়ালা আপন বস্ত্র মধ্যে গচ্ছিত রাথেন। প্রথমে একজন পরিচারক মহালামার স্বর্ণ পাত্তে চা ঢালিয়া পাত্র পূর্ণ করিয়া দিল, পরে দর্শকগণের পাত্র পূর্ণ হইলে তাঁহারা তিনবার পাত্র নিঃশেষ করিয়া নিঃশব্দে পান করিলেন, পরে শৃভ্য পেয়ালা বক্ষের পাকটজাত করিলেন। তৎপরে একটা তণ্ডুলপূর্ণ স্বর্ণথাল মহালামার সম্মুথে আনীত হইল, তিনি তাহা স্পর্শ করিয়া দিলে, সেই মহাপ্রসাদ দর্শক মণ্ডলীর মধ্যে বিভরিভ ছইল। পরিশেষে বুদ্ধ ধর্ম সূজ্য, এই ত্রিরত্বের নামে আশিক্ষাদ এউচ্চারণের পর দরবার ভঙ্গ হইল। সভাস্থলে একজন লামা যিনি শরৎ বাবর পাশে বসিয়াছিলেন তিনি তাঁহার কানে কানে কহিলেন, 'তুমি পূর্বজন্মে না জানি কি পাপ করিয়া এমন দেশে জিমায়াছ যেথানে জীবস্ত বদ্ধনাই।

তিকতের দালাই লামার অধিকার ধর্মরাজ্যেই আবদ্ধ অথবা এই সঙ্গে তাঁহার কোন রাজকীয় ক্ষমতা সম্মিশ্রিত, এই বিষয়, লইয়া এইক্ষণে অনেকস্থানে অনেক কথা শুনা যাইতেছে। সম্প্রতি রূষ সমাটের নিকট তাঁহার যে দৌত্য গিয়াছে তাহাই এই সমস্ত তর্ক বিতর্কের মূল এবং ভাহা হইতে আমাদের রাজপুরুষদের মনে নানা প্রকার সন্দেহ উপস্থিত হওয়া বিচিত্র নহে। মেষ ভল্লুকে মিত্রতা-বন্ধনের চেষ্টা দেখিলে লোকের মনে সন্দেহ হওয়াই স্বাভাবিক। "উনবিংশ শতাকী" সংবাদ পত্রে একজন ইংরাজ লেথক দালাই লামাকে বশ করিবার এক নৃতন উপায় উদ্ভাবন করিয়াছেন। তিনি বলেন, মাক্রাজ প্রেসিডেন্সির রুষণ জিলায় যে বৃদ্ধ দস্তাতি আবিস্কৃত হইয়াছে তাহা উপহার দেওয়া বেস একটা লামা বশীকরণ মন্ত্র। আমাদের বিবেচনায় আর কোন উপায় চিন্তা করা আবশ্রুক, যাহা বলা হইয়াছে তাহাতে কোন ফলৈদায় হইবার সন্তাবনা নাই।

চতুর্দশ শতাকীর শেষভাগে সং খাপা নামক একজন ধর্ম্ম সংস্কারক উঠিয়া গাল্ডানে এক প্রকাণ্ড মঠ নির্মান করেন। এই লামার মৃত্যুর পর ইঁহার স্বর্গারোহণ উপলক্ষে এক দীপাবলির উৎসব প্রবর্তিত হয়। ইনিও বুরাবতার বলিয়া পূজিত এবং বৌর মন্দিরে ইঁহার প্রতিমূর্ত্তি দালাই ও পঞ্চন লামা-প্রতিমূর্ত্তির মধ্যস্থলে প্রতিষ্ঠিত। এ ভিন্ন আরো কয়েক জন লামা-গ্রগণ্য মহালামা আছেন, যথা মোঙ্গোলিয়ার কুরুণ, তাতারের কুকু, পেকিনের মহালামা, ভোটের ধর্ম্মরাজ, বাঁহার উপাধিচ্ছটা আর্ত্তি করিতে কণ্ঠ-রোধ হয়—"বুরুক্রেষ্ঠ, দেবাবতার, শাস্ত্রজ্ঞানে অমুপম, বিদ্যায় সরস্বতী সম, পাপ-হরণ, দানব-মর্দ্দন, নীতি-নিপুণ, সর্বধর্মশিরোমণি রাজাধিরাজ ধর্ম্মরাজ!" নামাব-লির গৌরবে গৌতম বুদ্ধকেও ছাড়াইয়া উঠিয়াছেন।

স্বর্গ নরক।

বৌদ্ধশান্তে স্বর্গ নরক কল্লনা এইরূপ।—

এই বিশ্বক্রমাণ্ড প্রকাণ্ড চক্রবালে পরিপ্রিত। প্রত্যেক
চক্রবালে ছয় প্রকার জীবের বাসযোগা ৩০ টী সন্থলোক স্তরে স্তরে
বিনির্দ্ধিত, তাহাদের মধ্যভাগে স্থমেরু পর্বত। পাতালে
১০৬ নরক বিভিন্ন জাতীয় পাতকী কুলের জন্ত নির্দ্ধিত, তাহাদের
মধ্যে বৃদ্ধ দেষ্টাদের জন্ত 'অবীচি' নরক সর্ব্বাপেক্ষা ভয়ানক।
নরকবাস স্থণীর্ঘ কাল হইলেও মনন্ত নরক ভোগের বিধান
নাই। নরকের উপরিভাগে কামলোক চার প্রকার ১। পশুলাক; ২। প্রেত-লোক, ৩। অগুর-লোক, ৪। নর-লোক।
তত্তপরি ছয় দেব লোক। প্রথম, চার মহারাজা (দিক্পালের)
স্বর্গ—

পূর্ব্বদিকে, গন্ধর্বরাজ ধৃতরাষ্ট্র।
দক্ষিণে, কুন্তাগুরাজ বিরুধক ।
পশ্চিমে, নাগাধিরাজ বিরূপাক্ষ।
উত্তরে ধনপতি কুবের।

দ্বিতীয়, ত্রয়ক্তিংশ স্বর্গ, ইল্রের অমরাপুরী, যেথানে ইক্র গ্রম্বন্তিংশ দেবতাদের সনে রাজত্ব করেন। বৃদ্ধ জননী মায়া-দেবীর মৃত্যুর পর বৃদ্ধ তাঁহাকে ধর্মোপদেশ দিতে এই স্বর্গে , আরোহণ করেন। তাহা ছাড়া, পূর্ব পূর্ব জয়ে বৃদ্ধ নিজেই ইক্র ছিলেন।

ভূতীয়, যমলোক
চতুর্থ, তুষিত স্বর্গ, বোধিসন্থ-ধাম, মৈত্রেয় যার অধিপতি।
পঞ্চম, নির্মাণ রতি স্বর্গ, স্পষ্ট কুশল দেবতাদের বাসগৃহ।
ষষ্ঠ, পর নির্মিত বাসবর্তী স্বর্গ, এখানে থাঁহারা বাস করেন
সঞ্চন কার্য্যে তাঁহাদের নিজেদের ক্ষমতা নাই, তাঁহারা অপর

দেবগণের স্থাষ্ট-ভণ্ডুলে বিলক্ষণ পটু—বৌদ্ধ সম্বতান "মার" এই লোকে বাস করেন। এই ছয় দেব লোকের তালিকা।—

4

- ১। চতুম<sup>্</sup>হারাজ স্বর্গ
- ২। ত্রয়স্তিংশ স্বর্গ
- ৩। যম স্বৰ্গ
- ৪। তৃষিত স্বৰ্গ
- ে। নির্মাণ রতি দেবগণের স্বর্গ
- ৬। পর নির্শ্বিত বাসবর্ত্তী স্বর্গ

এই ছয় দেবলোকের উপরিভাগে ১৬টী রূপলোক ধ্যানসির পুরুষদের জন্ম নির্দিষ্ঠ; যথা—

থ

#### প্রথম ধ্যান-ব্রন্মলোক

- ৭। ব্রহ্ম পরিসজ্জা
- ৮। ব্রন্ধ-পুরোহিত
- ৯। মহাব্রহ্মা

দ্বিতীয় ধ্যান—আভাময় লোক

- ১০। পরিতাভা
- ১১। অপ্রমাণাভা
- ১২। আভাস্বরা তৃতীয় ধ্যান—শুভলোক
- ১৩। পরিত গুভ
- ১৪। অপ্রমাণ শুভ
- ১৫। শুভ কুৎস

#### **ह** हुर्थ शान—( महारागी अर्ग )

১৬। বুহৎ ফল

১৭। অসংজ্ঞাসত্ব

১৮। অবৃহ

১৯। অতপা

२०। ऋषंभी

२)। स्नुनर्भन

২২। অকনিষ্ঠ

এটু ১৬ রূপ লোকের শিথরদেশে চারিটি অরূপ-লোক, অশরীরি ধ্যানী বৃদ্ধদের আবাস-স্থান

#### অরপ লোক

২৬। আকাশ আয়তন

২৪। বিজ্ঞান আয়তন

২৫। আকিঞ্চল আয়তন

২৬। নৈব সংজ্ঞা অসংজ্ঞায়তন

অভিধর্ম মতে অরপ লোকের সংখ্যা পাঁচ। পঞ্চধ্যানীবুদ্ধ এক এক জন করিয়া পঞ্চ অরূপ লোকের অধীধর। অতএব বৌদ্ধ স্বর্গ নরক সংক্ষেপে এই। বৌদ্ধ মতে জীব ছয় প্রকার--

> (দবতা, ২ মানব, ৩ অশুর, ৪ পশু, ৫ প্রেত, ৬ নারকী।
এই সমস্ত জীবের জন্ম ৪ কামলোক, ৬ দেবলোক, ১৬ রূপলোক
চ অরূপ লোক, এবং ১৩৬ নরক অনস্ত আকাশে স্থমের পর্বতের
উপর নীচে অবস্থাপিত।

# বৌদ্ধ সম্প্রদায় ভেদ। দার্শনিক শাখা।— যেমন আচার অন্নহানে সেইরপ দার্শনিক তর-বিচারে ও

## বৌদ্ধধর্ম।

বৌদ্ধ জগতে বিস্তর মতভেদ দৃষ্ট হয়। অল্ল কাল মধ্যেই বৌদ্ধের। অষ্টাদশ সম্প্রদায়ে বিভক্ত হইয়া পড়ে, যথা মহাসাজ্যিক, স্থবির, এক ব্যবহারিক, চৈত্যবাদ; সর্ব্বান্তিবাদ, বাৎশুপুত্রীয়, কাশুপীয়, এইরপ নানা মুনির নানা মত প্রচারিত হয়। ভয়েন সাং এর ভ্রমণ বুত্তান্তে এবং সিংহল গ্রন্থাবলীতে এই অষ্টাদশ সম্প্রদায়ের উল্লেখ আছে। ইহাদের কোনটা মহাযান, কোনটা হীন্যান শাথাশ্রিত। গ্রন্থে এই যে সম্প্রদায়সমূহের নাম দেথা যায় ইহাদের কোন শাখা আধুনিক বৌদ্ধসমাজে বিশেষ পরিচিত বলিয়া বোধ হয় না। বৌদ্ধদের মধ্যে এইরূপ মতান্তর । ঘটিয়া ক্রমে চারিটি দর্শন উৎপন্ন হইয়াছে। সর্বাদর্শন সংগ্রহে এই চারি মতের নামোলেথ আছে, যথা, মাধ্যমিক, যোগাচার, বৈভাষিক ও সৌত্রান্তিক। মাধ্যমিক দর্শন একপ্রকার বৌদ্ধ गाशावान विलटलई इय । इंहात मटल मकल भनार्थ हे भाया, निर्वाण ও মায়া ভিন্ন আর কিছই নহে। যোগাচার দর্শনের মতে বিজ্ঞানই একমাত্র সত্য পদার্থ আর সকলি মিথ্যা, এই মতের অপর নাম বিজ্ঞানবাদ। বিজ্ঞান হুই প্রকার, প্রকৃতি বিজ্ঞান এবং আলম্ব বিজ্ঞান। প্রত্যেক জ্ঞান-ক্রিয়ার নাম প্রকৃতি বিজ্ঞান। ঐ জ্ঞানধারা বা জ্ঞানসমষ্টির নাম আলয় বিজ্ঞান। জ্ঞান-সমূহ নানা প্রকার। কালিক জ্ঞান, দৈশিক জ্ঞান, বস্তু প্রতি-বিকল্প জ্ঞান, এই সমস্ত জ্ঞানের যোগাযোগে নিথিক পদার্থের উৎপত্তি হইয়া থাকে। ঐ ধারাবাহিক জ্ঞানই 'অহং' বা আস্মা। যেমন অসংখ্য জলকণার সমষ্টি ভিন্ন নদী নামক কোন স্বতন্ত্র প্রার্থ নাই, সেইরূপ জ্ঞান সমষ্টিই আত্মা, 'অহং' প্রবাচ্য কোন শ্বতন্ত্র পদার্থ নাই; তেমনি আবার জ্ঞানাতিরিক্ত বাহ্থ পদার্থও

## বৌদ্ধধৰ্ম।

নাই। একমাত্র জানই সতা, ঘটপট প্রভৃতি জেয় প্রার্থনাত্রেই জ্ঞানের আকার বিশেষ। মাধ্যমিক ও যোগাচার এই হুই মত, একটী বেদান্ত, অন্তটী যোগশান্তের কতকটা অনুরূপ! অপর হই সম্প্রবায়ী অন্তিবাদী অর্থাৎ তাঁহারা আত্মা ও বহির্জগৎ উভয়েরই অস্তিত্ব অঙ্গীকার করেন। কিন্তু কোন কোন বিষয়ে ইহাদের পরম্পার কিছু মতভেদ দৃষ্ঠ হয়। বৈভাষিকেরা কছেন, বাহ্যবস্তু সমুদায় কেবল প্রভ্যক্ষ-সিদ্ধ। সৌত্রাস্তিক মতে বাহ্যবস্তু প্রত্যক্ষ সিদ্ধ নহে, অনুমান সিদ্ধ। আমাদের মনে বহির্জগতের প্রতিরূপ উৎপর হয়। দেই প্রতিরূপ হইতেই বিষয় জ্ঞান জন্মে। জগতের ভিন্ন প্রিভিন্নপ যাহা ভিন্ন ভিন্ন ব্যক্তির মনোদর্পণে প্রতিফলিত হইতেছে, সেই মানসচিত্র হইতে আমরা বহির্বিধয়ের অস্তিত্ব অনুমান করিয়া লই। উভয় মতেই, যে সময়ে বস্তু প্রত্যক্ষ হয় দেই সময়েই তাহার অন্তিত্ব থাকে, প্রত্যক্ষ না হইলেই বিহালতার স্থায় ধ্বংস হইয়। যায়। অর্থাৎ দৃশুমান জগৎ আমার একটা মনের ভাব মাত্র, তাহা আমি ভাবিলেই সাছে —না ভাবিলে নাই। ভাব জগতের মূলে সত্য জগৎ নাই। এই নিমিত্ত হিন্দু পণ্ডিতেরা এই মতের নাম 'সর্ববৈনাশিক' বিরাছেন। বৈভাষিকের আবার চতুঃশাথা—সর্ব্বান্তিবাদ, মহা-সাজ্মিক, সম্মতীয়, স্থবির। ফাহিয়ান বলেন, প্রথমোক্ত তুই শাখার নিয়মাবলী তিনি পাটনার মঠ হইতে সংগ্রহ করিয়া চীনভাষায় অমুবাদ করেন।

ইং সিং যিনি সর্বশেষে এদেশে তীর্থ ভ্রমণে আদেন, তিনি 'সর্বান্তিবাদী' ছিলেন; তাঁহার সময়ে উত্তরে এই মত এবং দক্ষিণে 'স্থবির' মতের প্রচার ছিল। হীন্যান ও মহাযান সম্বন্ধে ইৎ সিং বলিয়াছেন—"এ ছইই বিশুদ্ধ মত, উভয়ই সত্যা, ইহারা উভয়েই ভিন্ন মার্গ দিয়া সেই একই নির্বাণে পৌছাইয়া দেয়।"

মাববাচার্ণ্য দর্বানর্শন সংগ্রহে বৌদ্ধ দর্শন প্রস্তাবে তাহার চারি তত্ত্ব নির্দ্দেশ করিয়া লিখিয়াছেন—

১ম। জগতের প্রত্যেক পদার্থই ক্ষণিক

২য়। সকলই ছঃখনয়

৩য়। সমুদয়ই স্বলক্ষণ---নিজ নিজ লক্ষণাক্রাস্ত

8र्थ। मकल हे मृश्र

বেমন পূর্ব্বে বলা হইয়াছে ফলে দাঁড়ায় এই যে বৌদ্ধ দর্শন শৃত্যবাদে পর্য্যবসিত। তাহার মতেঁ দকলই শৃত্য, মূলে দত্য বস্তু কিছুই নাই।

এই সংক্ষিপ্ত বিবরণ হইতে বৌদ্ধর্ম্ম কালক্রমে ভিন্ন ভিন্ন ক্ষেত্রে কিরপ পরিবর্তিত ও বিক্বত হইরাছে তাহার কতক আভাস পাইরা থাকিবেন। যাহা বলা হইল তাহা ছাড়া কত দেশের কত উৎসব, পাগোড়া বিহার ধর্ম্মন্দিরে বিচিত্র পূজার্চনা, বৃদ্ধদেবের মূর্ত্তি ও প্রতিমা পূজা, কত কত বৃদ্ধাবতার, বোধি সন্ধু—বুদ্ধের অস্থি দন্তের সমাধি ক্ষেত্র কতদিকে কত স্তৃপ চৈত্য, কত 'মার' ভূত প্রেত দেব দেবীর কল্লনা, কত প্রকার স্বর্গ নরক কল্লনা, কত প্রকার মত ও সম্প্রদায়—সে সমস্ত আর কত বলিব ? ইহার স্বিশেষ বৃত্তান্ত লিখিতে গেলে পঁঝি বাড়িয়া যায়, আশাস্থ্রপ ফল লাভ ও হয় না। সার কথা এই যে আদিম বৌদ্ধর্ম্ম যাহা পালি বৌদ্ধ শাস্ত্র মন্থন করিয়া প্রাপ্ত হওয়া যায় আর প্রচলিত ধর্ম্ম, বিশেষত তাহার উত্তর শাখা—ইহাদের মধ্যে যে আকাশ পাতাল প্রভেদ ঘটিরাছে তাহা এরপ গুরুতর যে একটী চিত্র দেখিয়া অপরটাকে চিনিয়া লওয়া হছর।

# অফ্টম পরিচ্ছেদ।

# (वोक्षधर्भात विखात ७ धरम।

পূর্ব্বে বলা হইরাছে শাক্য সিংহ বুদ্ধত্ব পাইবার পর বারাণসীতে গিয়া তাঁহার পূর্ব্ব পরিচিত পঞ্চ ভিক্ষুকে উপদেশ প্রদান পূর্ব্বক শিষ্য করিয়া লইলেন; তথন হইতে তাঁহার মৃত্যুকাল পর্যান্ত তিনি যে যে উপায়ে শিষ্য মগুলী সংগ্রহ করিলেন, তাঁহার শিষ্য সংখ্যা কিরুপে ক্রমান্বয়ে পরিবর্দ্ধিত হইল তাহার বিবরণ মহাবগ্গে প্রকাশিত। পঞ্চ ভিক্ষুর দীক্ষার পর যশ নামক কাশীর জনৈক ধনী শেঠিয়া তাঁহার পিতা মাতা পত্নীসহ বৌদ্ধর্ম্মে দীক্ষিত হয়েন। পাঁচ মাসের মধ্যে ষাট জন শিষ্য হইল; বুদ্ধ তাহার দিগকে প্রচার কার্য্যে ভিন্ন ভিন্ন স্থানে প্রেরণ করিয়া নিজে উরুবেলার বনে গিয়া রহিলেন; তথায় কাশ্রুপ অগ্নিহোত্রী ব্রাহ্মণ ও তাঁহার ছই ভ্রাতা, এই তিন শিষ্য পাইলেন। ঐ অঞ্চলে কাশ্রুপের বিশেষ প্রতিপত্তি ছিল, অনেকগুলি যুবক তাঁহার নিকটে বেদাধ্যয়নে নিযুক্ত ছিলেন। বুদ্ধদেব কাশ্রুপের আশ্রমের নিকট থাকিয়া উপদেশ দিতেন ও ভিক্ষার সংগ্রহে তাঁহার

দ্বারে গমন করিতেন। একদিন গিয়া দেখেন, এক অজ্ঞাগর সর্প কাশ্যপের হোম-কক্ষে ফণা ধরিয়া বদিয়া আছে। বৃদ্ধ সাপকে মন্ত্রে বশ করিয়া আপনার ভিক্ষার ঝুলিতে পূরিয়া রাখিলেন। এইরূপ আরো কতকগুলি অলৌকিক শক্তির পরিচয় পাইয়া কাশ্যপ দল বলে গৌতমের শিষ্যরূপে দীক্ষিত হইলেন। উরুবেলায় শিষ্য সংখ্যা সর্ব্বস্থেত ১০০০ হুইল।

এই শিষ্যমগুলী দক্ষে বৃদ্ধ একদিন গ্রার নিকট গ্রাণীর্ষ পর্বতে উপবিষ্ট আছেন, রাজগৃহের অধিত্যকা তাঁহার সমূথে বিস্তৃত—এমন সময় সামনের এক পাহাড়ে ঘোর দাবানল ঃতাঁহার দৃষ্টি গোচর হইল। এই অনলের প্রতি লক্ষ্য করিয়া বৃদ্ধদেব এইরূপে উপদেশ দিলেন—তাহা "অগ্নি শর্মার উপদেশ" বলিয়া নির্দেশ করিতে চাই।

"হে ভিক্কগণ, সমস্ত ব্রন্ধাণ্ডে কি হুতাশন জনিয়া উঠিয়াছে!
দেখ, আদিত্য আদীপ্ত; চক্ষু জনিতেছে, সম্পায় দৃশুমান জগতে
অগ্নির্টি হুইতেছে। শব্দ, স্পর্ন, রপ, রস, গন্ধ এই সকল ইন্ধন
পাইয়া পঞ্চেক্রিয় জনিয়া উঠিতেছে। বাসনাগ্নি, রাগাগ্নি, লোভাগ্নি,
মোহাগ্নি জনিতেছে—জন্ম মৃত্যু রোগ শোক নৈরাশ্র হর্মনশু সেই অনলে প্রস্তুও। ইন্দ্রিয় রিবয়, দেহ মন
চিন্তা সকলই এক বৃহৎ অগ্নিকুও। ইন্দ্রিয় সকল কাম্য বন্ধর উপভোগে উত্তেজিত—বাসনানল নিরন্তর প্রজনিত রহিয়াছে। হে ভিক্ষ্পণ। এই অনিবার্য্য জালা প্রত্যক্ষ করিয়া জ্ঞানী ব্যক্তি সংযত হন; পঞ্চেক্রিয় দেহ মন সকলেরই প্রতি তাঁর বৈরাগ্য জন্মে। এই বিষম জালা কিসে প্রশমিত হয় এই সমস্ত হঃথ যন্ত্রণা হুইতে কি উপায়ে উন্ধার পাওয়া যায় তিনি তাহার উপায় চিন্তা করেন এবং অবশেষে সংযমও ব্রহ্মচর্য্য সাধনা ছুম্বারা সেই
নির্বাণ রাজ্যে উপনীত হন যেথানে বাসনা ছিন্ন মূল; যেথানে তিনি
জন্ম ভন্ন জরা মৃত্যু জালা যন্ত্রণা হইতে বিমুক্ত হইরা শাশ্বত আনন্দ
উপভোগ করেন।"

তৎপরে তিনি উরুবেলা হইতে দেনীয় বিশ্বিসারের রাজধানী রাজগৃহে আসিয়া স্থপতীর্থের নিকট ষষ্টিবন নামক আরাম-কাননে বাস করিতে লাগিলেন। রাজা বুদ্ধের আগমন সংবাদ-পাইয়া স্বীয় অন্থচরবর্গসহ বুরুদর্শনে সমাগত হইলেন, তথন অগ্নিহোত্রী কাগ্রপকে দেথিয়া ও তাঁহার শিষ্যত্ব গ্রহণ বৃত্তান্ত প্রবণ করিয়া সকলেই বিশ্বয়ে অবাক্। বুদ্ধদেব তাহাদের মনের ভাব বুঝিতে পারিয়া রাজা, ব্রাহ্মণমণ্ডলী ও অন্যান্ত উপস্থিত গৃহপতিগণের সমক্ষে কাগ্রপকে জিজ্ঞাসা করিলেন—

"কাশুণ, তুমি তাপদজনের মধ্যে খ্যাতনামা অগ্নিহোতী ব্রাহ্মণ, বল কেন তুমি জপ তপ যাগ যজ্ঞ পরিত্যাগ করিয়া এই নবীন পছা অবলম্বন করিয়াছ? তোমার অগ্নিগৃহ শৃশু পড়িয়া রহিবার কারণ কি? হে উক্বেলার ব্রাহ্মণ, তুমি এমন কি সত্য উপার্জ্জন করিয়াছ যাহার জন্ম এতটা ত্যাগ স্বীকার করিতে প্রস্তুত? স্বর্গ মর্ত্যে এমন কি আছে, যার জন্ম তুমি লালায়িত?"

কাশ্রপ উত্তর করিলেন।

"আমি বেশ বৃথিরাছি হোম যাগ যজ্ঞ নিতান্ত নিক্ষণ, কেন না সে সমস্ত অমুষ্ঠান বাহ্য-আড়ম্বর মাত্র, তাহাতে এমন কিছুই নাই যদ্বারা বিষয়-লালসা প্রশমিত হয়, মোহপাশ হইতে মুক্তিলাভ করা যায়। আমি জানিয়াছি সংসারের সকলি অলীক, ক্ষণিক, মুণিত, শৃত্য। আমি সেই মোক্ষাবন্থার সন্ধান পাইয়াছি, বে অবস্থায় জন্ম-বন্ধন ছিন্ন হয়, লোভ মোহ দ্বেষ হিংসা বিনষ্ঠ হইয়া যায়, বিষয়-ভৃষণা স্বৰ্গকামনা নিরস্ত হয়। আমি সেই পরম সম্পদ লাভ করিয়াছি, যাহার ক্ষয় নাই, পরিবর্তন নাই, এই হেতু হোম বলি যাগ যজ্ঞে আর আমার প্রবৃত্তি নাই।" এই বলিয়া তিনি বৃদ্ধদেবের চরণে প্রণত হইয়া কহিলেন—"ভগবান বৃদ্ধই আমার গুরু, আমি ইহাঁর শিষ্য—ভগবান বৃদ্ধই আমার গুরু।" তথন উপস্থিত জনগণ সমস্ত বৃত্তান্ত অবগত হইলেন ও নির্দ্দিল শুল বসনে যেমন সহজে রং ধরে তাহাদের মন ও সত্য ধারণের জন্ম প্রস্তুত হইল। বৃদ্ধ তাহাদিগকে সহ্পদেশ দিয়া সংসারের অসারতা হৃদয়ক্ষম করিয়া দিলেন এবং অনেকে সেই উপদেশ গ্রহণ করিয়া গৃহী শিষ্যরূপে দীক্ষিত হইলেন। তাহার মধ্যে রাজা বিশ্বিসারও একজন।

পরে রাজা বিদিসার বৃদ্ধদেবের নিকট কতাঞ্জলিপুটে নিবেদন করিলেন "প্রভো আমি যথন যুবরাজ ছিলাম, তথন আমার মনের সাধ এই পাঁচটী ছিল—প্রথম রাজ্যাভিষেকের অভিলাষ, দ্বিতীয় আমার রাজ্যে বৃদ্ধদেবের চরণধূলি পড়ে এই ইচ্ছা; পরে তাঁহার দর্শন, উপদেশ শ্রেবণ এবং তাঁর উপদেশের মর্ম্মগ্রহণ—প্রভো, আমার এই পাঁচটী মনোরথই পূর্ণ হইয়াছে, আমি এখন আপনাকে ধন্ত মনে করিতেছি। এইক্ষণে আমার মিনতি এই যে প্রভূ ভিকুমগুলী লইয়া কল্য রাজবাটীতে মধ্যাহ্ন ভোজন করিয়া আমাকে অনুগৃহীত করেন।" বৃদ্ধদেব মৌনভাবে সম্মতি প্রকাশ করিলেন। পরদিন মধ্যাহ্ন পূর্বের্ধ বৃদ্ধদেব শিষ্যবর্গ সহ প্রাসাদে উপস্থিত হইলেন। রাজা স্বহত্তে অন্ধ ব্যঞ্জন মিষ্টান্ন পরিবেশন পূর্বাক তাঁহাদের যথোচিত আতিথ্য সৎকার করিলেন এবং ভোজ-

নাস্তে বৌদ্ধ সজ্বে বেণুবন উৎসর্গ করিয়া গুরুজীর মনস্তৃষ্টি সাধন করিলেন। (মহাবগ্র)

এই আশ্রমে বৃদ্ধদেব হুই মাদ অতিবাহিত করেন।

ঐ সময়ে রাজগৃহে সারীপুত্র ও মুদালায়ন, এই হুই ব্রাহ্মণ বাস করিতেন। ইঁহারা পরিব্রাজক সঞ্জয়ের শিষ্য ছিলেন ও পরম বন্ধুভাবে গুরুর নিকট ধর্ম শিক্ষা করিতেন। তাঁহাদের প্রতিজ্ঞা এই যে আমাদের মধ্যে যিনি প্রথমে মুক্তির পথ খুঁজিয়া পাইবেন তিনি বন্ধুকে তাহা খুলিয়া বলিবেন। একদিন সারী-পুত্র বৃদ্ধ শিষ্য অর্থজিৎকে দেখিতে পাইলেন; দেখিলেন তিনি রাজগৃহে ভিক্ষা পাত্র হস্তে দ্বারে দ্বারে ভিক্ষা করিয়া বৈড়াইতেছেন। তাঁহার স্থান্দর মুখন্ত্রী এবং প্রশান্ত গঞ্জীর মূর্ভি দেখিয়া বিম্ময়ানন্দ ভাবে জিজ্ঞাসা করিলেন "ভাই, তোমার মুখন্ত্রী কি স্থানর তাহাতে কি উজ্জল বিমল কান্তি দীপ্তি পাইতেছে! কাহার মন্ত্রে তুমি সয়্যাস গ্রহণ করিয়াছ? কে তোমাকে উপদেশ দিয়াছেন"?

অর্থজিৎ কহিলেন "শাক্য বংশীয় গোতম মুনি আমার গুরু, তাঁহারই উপদেশে আমি দীক্ষিত"।

সারীপুত্র—"তোমার গুরুর নিকট কি শিক্ষা পাইয়াছ ?"

অশ্বজিং— "আমি অল্প দিন হইল এই ধর্ম গ্রহণ করিয়াছি বিশেষ কিছু জানি না, আমি সবটা আপনাকে খুলিয়া বুঝাইতে পারিব না। আপনি আমার গুরুজির নিকটে গোলে যাহা জানিতে ইচ্ছা করেন তিন সকলি বলিয়া দেবেন—আপনার সর্ব্ব সংশন্ন দূর করিবেন। বুদ্ধদেব কার্য্য কারণ শৃঞ্জল সমস্তই অবগত আছেন.

হেতৃ-প্রভব ধর্ম সকলের হেতু এবং তাহাদের নিরোধ, তাহাদের আদি অন্ত সকলি জানেন ও সেইরূপ উপদেশ দিয়া থাকেন। \*

সারীপুত্র এই গুটি কত কথার মধ্যে সত্যের কতক জ্ঞান উপলব্ধি করিলেন, দেখিলেন বিশ্বচরাচর সকলি নশ্বর ক্ষণভঙ্গুর—
যাহার জন্ম তাহার মৃত্যু, যাহার আদি তাহার অন্ধ অবশুজাবি।
এই নিয়ত ঘূর্ণায়মান ভবচক্র হইতে কিসে মুক্তি লাভ হয় তাহা
ভাবিতে লাগিলেন; এবং কি সত্য জানিলে এই ভব-যন্ত্রণা হইতে
নিস্তার পাওয়া যায় তাহা জানিবার জন্ম নিতাস্ত ব্যাকুল ইইয়া
উটিলেন।

সারীপুত্র মূল্যলারনের নিকটে গিয়া স্বীয় মনোভাব ও সংশয়
সকল ব্যক্ত করিলেন। উভয়েই বুদ্দের উপদেশ গ্রহণের জন্ত অধীর হইয়া পড়িলেন। তাঁহাদের গুরু সঞ্জয়ের অধীনে আর

ধ্যেকটা এই ।—
বে ধন্মা হেতু প্রভবা
বেসাং হেতুন তথাগত:।

অহ যেসঞ্চ বো নিরোধা

এবদাদী মহা সমনো ( পালি )।
যে ধন্মা হেতু প্রভবা হেতুন্তেষা তথাগত:।
হ্যবদৎ তেষা চ নিরোধ—এবদাদী মহাশ্রমণ: ( সংস্কৃত )।

অর্থ—ছঃথময় এ ভবের উৎপত্তি কোথায়
শ্রমণ জানেন তার তথ্য সম্দায়।
কেমনে হয় বা সেই ছঃথের নিরোধ
তথাগত যথায়থ করি দেন বোধ।

তাঁহারা থাকিতে চাহিলেন না, সঞ্জয়ের নিকট হইতে বিদার লইয়া বুদ্ধের আশ্রমে উপনীত হইলেন। বুদ্ধদেব তাঁহাদের আদিতে দেথিয়া ভবিষ্যদ্বাণী করিলেন, "এই যে ছজন ব্রাহ্মণ দেথছ ই হারা আমার শিষ্যদের মধ্যে কৃতী ও অগ্রগণ্য হইবেন।" এই বলিয়া তিনি স্বহস্তে তাঁহাদের দীক্ষা দান করিলেন।

এই নবীন' শিষ্যদের প্রতি গুরুদেবের বিশেষ ক্ষেত্র ও অন্থ্রছ দৃষ্টে পূর্ব্ব শিষ্যেরা কিঞ্চিৎ মনঃক্ষুগ্ধ হইয়াছিলেন; পরিশেষে তিনি তাঁহাদের সকলকে একত্র করিয়া বৌদ্ধার্ম-বীজের † ব্যাথান ও সত্তপর্দেশ দানে বিদ্বেধানল প্রশমিত করেন।

কথিত আছে এই রাজগৃহে অবস্থিতি কালে প্রতিমোক্ষের প্রধান প্রধান স্বত্ঞালি বিরচিত ও বৌদ্ধ সজ্মের পত্তন হয়—সেই প্রথম সভার নাম "প্রাবক সন্নিপাত।"

এই সুমস্ত ব্যাপার দেথিয়া শুনিয়া লোকেরা ক্ষেপিয়া উঠিল। কেহ বলিল গৌতম আমাদের গৃহবিচ্ছেদ ঘটাইতে আসিয়াছেন;

দর্বপাপস্য অকরণং
কুসলস্য উপসম্পদা
দিত্ত পরিয়ে।দপণং
এতং বৃদ্ধামুসাসনং
অর্থ—অকরণ পাপ-আচরণ,
দিয়ত কুশল-উপার্জন,
চিত্তের সমাক্ শোধন,
এই বৃদ্ধামুশাসন।

<sup>া</sup> দীঘ নিকারের মহাপদান সতে যে বৌদ্ধ ধর্মবীজ দেওয়া হইয়াছে তাহা এই—

কেহ বলিল, গৌতম আমাদের স্ত্রীদের বিধবা করিবার জপ্ত আসিয়াছেন; তিনি আমাদের পরিবার সমাজ সকলি উলট পালট করিয়া দিতেছেন; সকলেই গৃহত্যাগী হইয়া সন্ন্যাসী হইতে চলিল। হাজার জটাধারী সন্ন্যাসীকে তিনি শিষ্য করিয়াছেন, সপ্তরের আড়াই শো শিষ্য গুরুকে ছাড়িয়া গৌতমের পদানত; মগধ ভাঙ্গিয়া যুবকেরা দলে দলে তাঁহার পদতলে আঁসিয়া লুঞ্ভিত। নাগরিকেরা গৌতমের শিষ্যদের এইরূপে বিদ্রুপ আরম্ভ করিল।

রাজগৃহে আইলেন গুরু মহাশয়,
আসিয়া পর্বত চূড়ে বাঁধেন আলয়।
সঞ্জয়ের শিষ্য সেবে ছিল যারা বৃদ্ধি-বৃহস্পতি
কোথায় কে গেল চলে, আর ভাই না জানি কি ছুর্গতি!
ইহার উত্তরে গৌতম-শিষ্যেরা বলিতেন—

ধর্মবীর বৃদ্ধ যিনি সত্য তাঁর একমাত্র বল।
তাঁহার কি দোষ ভাই, মহিমা এ সত্যেরি কেবল।
এইরূপ শাক্য পক্ষীয় ও প্রতিপক্ষ দলের মধ্যে কথা কাটাকাটি
চলিত, তা ভিরু আর কোন গুরুতর হৃদ্দ বিপ্লব উপস্থিত হয় নাই ।
বৃদ্ধ এই বাগ্বিতগুার ব্যাপার শুনিয়া কহিলেন, ভয় নাই এ
বিবাদ অধিক দিন স্থায়ী হইবে না, এক সপ্তাহের মধ্যেই সব গোল
মিটিয়া যাইবে। ফলে তাহাই হইল। (মহাবগ্গ)

বৃদ্ধের যে কি আকর্ষণী শক্তি ছিল, তিনি নগরে গ্রামে বনে উপবনে ঘেখানে ঘাইতেন তাঁহার দর্শনার্থে, তাঁহার উপদেশ প্রবণ করিতে ঝাঁকে ঝাঁকে লোকেরা আদিয়া উপস্থিত হইত। অবস্তী প্রদেশে সোন নামক এক ভক্তের কথা শুনা যার, ঐ দুর দেশে গৌতমের নাম তাঁহার শ্রুতিগোচর হইয়াছে, ও তাঁহার দর্শনের নিমিত্ত তিনি বাাকুল। একবার বিরলে বিদিয়া তিনি ভাবিলেন, "আমি ভগবান বৃদ্ধের নাম শুনিয়াছি কিন্তু তাঁহাকে কথন চাকুষ দেখি নাই। আমার গুরুর আদেশ পাইলে আমি একবার তাঁহাকে দেখিয়া আসিব।" গুরুকে জিজ্ঞাসা করাতে তিনি কহিলেন, "যাও, গিয়া ভগবানের শ্রীচরণ দর্শন' কর। তিনি আনন্দের উৎস, মধুরভাষী, সংযমী, জিতেন্দ্রিয়, তাঁহার দর্শনে বহু পুণ্য উপার্জ্জন হইবে।" কিন্তু সোনের দীক্ষা বিধি অনুষ্ঠানের জন্ম ১০ জন ভিক্ষু উপস্থিত থাকা আবশ্যক—তিন বৎসর অপেক্ষা করিয়া অনেক কপ্তে এই দশজন ভিক্ষু সংগ্রহ পূর্ব্বক পোন শ্রাবন্তী যাত্রা করিলেন এবং জেতবনে গিয়া বৃদ্ধদেবের স্নিধানে উপনীত হুইলেন।

এই সকল ভক্ত বুদ্ধের আশ্রমে আকৃষ্ট হইত, ইহা অপেক্ষা ও উক্ত দলের লোক তাঁহার উপদেশ গুনিতে আসিত। বুদ্ধ যথন কোন প্রথাত নগরে বা কোন রাজার রাজধানীতে গাদিয়া উপস্থিত হইতেন তথন রাজা, নাগরিক বড় বড় লোকেরা কেহ রথে, কেহ গজপৃষ্ঠে, তাঁহার উপদেশ শ্রবণার্থ সমাগত হইতেন। 'সন্ন্যাস ধর্ম' নামক বৌদ্ধগ্রের ভূমিকার আমরা এইরূপ একটা চিত্র দেখিতে পাই। এইরূপ লিখিত আছে যে একরাত্রে মগধরাজ অজাতশক্র তাঁহার প্রাসাদের ছাদে সচিব সহ উপবিষ্ঠ হইয়া শরতের জ্যোৎমা উপভোগ করিতেছিলেন। আহা! সে জ্যোৎমা কি স্থানর, কি মনোহর! এই মধুর যামিনীতে সহসা রাজার মনে ধর্মভাব উদ্দীপ্ত হইল। তিনি মন্ত্রাদের পরামর্শ জিক্তাদা করিবেন, ব্রশ্বন্ধ শ্রমণের মধ্যে এমন সদগুরু কে আছে যিনি আমার মনের স্পৃহা পূর্ণ করিতে পারেন। মন্ত্রীরা কেছ একজনের নাম, কেছ অপরের নাম করিলেন। পরে রাজবৈত্য জীবককে জিজাসা করাতে তিনি কছিলেন "ভগবান বৃদ্ধ শিষ্য সমভিব্যাহারে আমার আশ্রবনে বিশ্রাম করিতেছেন, তিনশত ভিক্ তাঁহার সহচর। ত্রিজগতে তাঁহার নাম ক্রীর্ত্তি—তিনি সর্ব্ধণাত্র-বিশারদ, স্থরনর-গুরু, মহাজ্ঞানী বৃদ্ধদেব। তাঁহার দর্শনে চলুন, তাঁহার উপদেশ শ্রবণে মহারাজ প্রীত হইবেন সন্দেহ নাই।" রাজা তথনি হস্তী সজ্জা প্রস্তুত্ত করিতে আদেশ করিয়া রাণীদের সঙ্গে সেই মধুময় জ্যোৎলা রাত্রে রাজগৃহ্ছার দিয়া জীবকের আশ্রবনে উপনীত হইলেন এবং তথায় বৃদ্ধের নিকট সন্ন্যাস-ধর্ম্মের উপদেশ শ্রবণানস্তর গৃহী শিষ্যরূপে গৃহীত হইলেন।

এই সমস্ত বর্ণনা হইতে আমর। বৃদ্ধ দেবের জীবন চিত্র কতকটা মনে আনিতে পারি। তিনি কোন নগরের সন্নিকট হইলে রাজা প্রজা ছোট বড় সকলেই তাঁহার দর্শন আছে ঝুঁকিয়া পড়িত। কুশীনগরের মল্লেরা, বৈশালীর লিচ্ছবি যুবক-গণ তাঁহার দর্শনার্থে সমাগত, তার সঙ্গে অম্বপালী গণিকা ও কেলা যার না। উপদেশ সমাপ্ত হইলে বৃদ্ধের ভক্তমশুলী পরদিন তাঁহাকে ভোজনে নিমন্ত্রণ করিত। মধ্যাহে আহার প্রস্তুত হইলে গৃহস্বামী বলিয়া পাঠাইতেন যে ভোজন প্রস্তুত তথন বৃদ্ধ তাঁহার বসনত্রয় পরিধান পূর্ব্বক ভিক্ষাপাত্র হক্তে গমস্থানে উপস্থিত হইতেন। তথার স্বস্বাদ অন্নব্যঞ্জন যাহা কিছু প্রস্তুত হইত গৃহকর্ত্রীই পরিবেশন করিতেন। আহারান্তে

শ্রাবকবর্গ দলবলে বৃদ্ধ পার্থে উপবিষ্ট হইতেন ও তাঁহার উপদেশামৃত পান করিয়া আনন্দ মনে স্ব স্ব গৃহে প্রত্যাগমন করিতেন।

যদি ও ধরিয়া নেওয়া যায় যে বৃদ্ধদেব বর্ণাশ্রম ধর্ম্মের উপর আহাশৃন্ত ছিলেন, প্রত্যুত, ব্রাহ্মণ শৃদ্র আর্থ্য স্লেক্ড নির্বিশেষে ধর্ম ও সব্তেম সর্বাজির সমান অধিকার ঘোষণা করিতেন, তথাপি কার্য্যতঃ দেখা যায় যে বৃদ্ধের প্রথম শিষ্যমগুলী প্রায় সকলেই উচ্চ কুলোদ্বব। বৃদ্ধ তিনি নিজে ক্ষত্রিয় ছিলেন, তাঁহার প্রথান প্রধান পিষ্য ও উচ্চ কুলজাত। তাঁহার নবোপার্জিত শিষ্য মগুলীর মধ্যে যে সকল নাম দেখা যায় তাহা—

সারীপুত্র, মুন্দল পুত্র, কাশুপ ব্রাহ্মণ সস্তান। আনন্দ, দেবদত্ত বুদ্ধের আত্মীয়, রাছল তাঁহার পুত্র। অনিক্ষম রাজা শুদ্ধোদনের ভ্রাতুম্পুত্র।

যশ বণিক সন্তান, তাঁহার কুলমর্যাদা কম মনে হয় না। এই একজন নীচবর্ণও দেখিতে পাওয়া যায় সত্য, যেমন উপালী কিন্তু উশালী নিতান্ত সামান্ত লোক নহেন, তিনি রাজনাপিত।

সারী পুত্র ও মুগদলায়ন হই ব্রাহ্মণ শিষ্য বুদ্ধের প্রথম শিষ্যদের মধ্যে হ্বপ্রদিক। তাঁহারা বুদ্ধদেবের প্রোঢ় বয়স পর্যান্ত জীবিত থাকিয়া তাঁহার বিশ্বস্ত ভক্ত বলিয়া পরিচিত ছিলেন। সাবীপুত্র তাঁর সজ্জের জ্যেষ্ঠ পুত্র এবং বৌদ্ধধর্মের ভূষণ হ্বরূপ গণ্য ছিলেন। আনন্দ তাঁহার প্রিয়শিষ্য আমরণ গুরু সেবায় নিযুক্ত ছিলেন। বুদ্ধের শেষ বয়সের ঘটনাবলী আনন্দের সহিত জড়িত ও তাঁহার অস্তিমকালের শেষ উপদেশ আনন্দকে সন্থোধন করিয়াই প্রদত্ত হয়। উপালী ও বৌদ্ধ শাস্ত্র প্রণেতা বলিয়া বৌদ্ধ সমাজে থায়তি

নাভ করেন। বৃদ্ধের শ্যালক দেবদত্তের সহিত আপনার। কতক পরিচিত আছেন। তিনি স্বীয় গুরুর বিরুদ্ধে যে সমস্ত ষড়যন্ত্র করিয়াছিলেন তাহার বিবরণ পূর্বেই কিছু কিছু বলা হইয়াছে।

অতঃপর বুদ্ধের অনেক গৃহস্থ শিষ্য ও দেখিতে পাওয়া যায়। তাঁহারা গৃহ সম্পত্তি পরিবারে পরিবৃত থাকিয়া ও বৌদ্ধ সভ্যে দানাদি অনুষ্ঠানে থ্যাতিলাভ করিয়াছেন। ভিক্ষুদলের পার্ষে এই সমস্ত ধর্মণীল গৃহস্থেরা দণ্ডায়মান ছিলেন। ভিক্ষদের নিকট হইতে তাঁহারা উপদেশ গ্রহণ করিতেন ও তাহার বিনিময়ে অন্ন বস্ত্র দান. ভূমি-দান দারা ভিক্ষু সমাজ পোষণ করিতেন। এই ₺সকল ভক্তের মধ্যে মগ্রধাবিপতি বিশ্বিসার ও কোশলেশ্বর প্রসেনজিৎ (পশেনদী) পরিগণিত হইতে পারেন। বিশ্বিসারের রাজবৈষ্ জীবক—তিনি শুধু রাজ পরিবারের বৈদ্য ছিলেন তাহা নহে কিন্তু বুদ্ধ ও বৌদ্ধ সজ্মের চিকিৎসা ভার ও তাঁহার হস্তে সমর্পিত ছিল। তাহা ছাড়া অনাথপিণ্ডিক বণিক যাহার অনুগ্রহে বৌদ্ধ সজ্য বৃদ্ধ দেবের প্রিয় শান্তি-নিকেতন জেতবন উপার্জন করেন; বৃদ্ধদেব প্রচারে পরিভ্রমণ কালে এই সমস্ত গৃহস্ত শিষ্য সংগ্রহ করিতেন এ ভিক্ষাদান, ভূমিদান, গৃহ ও উদ্যানে সভার আয়োজন, এইরূপে তাঁহারা ভিক্ষু দলের আতিথ্য সৎকারে নিযুক্ত থাকিয়া বিবিধ উপায়ে ধর্মা প্রচারে সহায়তা করিতেন।

#### ধর্ম প্রচার।--

ভারতের প্রাচীন ধর্ম যে সমস্ত কুসংস্কার জালে আচ্ছন্ন হইয়া-ছিল তাহা ফেলিয়া দিয়া, সেই ধর্মের যে সত্য স্থন্দর মধুর ভাব তাহা রক্ষা করিয়া, বাহাড়ম্বর বাদ দিয়া ধর্মের সহজ সত্য সকল শাধ্যাত্মিক ভাবে গ্রহণ করিয়া, সম্পায় ভারতবাসীকে মৈত্রীবন্ধনে বন্ধ করিয়া বৃদ্ধদেব সরল সহজ ভাষায় জাতিকুল নির্বিশেষে আপামর সাধারণ জনপদের মধ্যে তাঁহার ধর্ম প্রচারে জীবন উৎসর্গ করিলেন। তাঁহার কর্ষণক্ষেত্র প্রয়াগের পূর্ব্ব, গোড়ের পশ্চিম, হিমালয়ের দক্ষিণ ও গন্দোয়ানার উত্তর এই চতুঃ-সীমার মধ্যবর্ত্তীস্থল— ক্রযোধ্যা, মিথিলা, বারাণদী, মগধ এই সমস্ত রাজ্য। তাঁহার শিব্যেরা তাঁহার হন্তের বীজ লইয়া দেশ দেশান্তরে ছড়াই-বার জন্ত বাহির হইলেন।

হিন্দুধর্ম প্রচার-স্থলভ বিশ্বজনীন ধর্ম নহে। হিন্দুক্লে জন্মগ্রহণ না করিলে হিন্দু হওয়া যায় না—এমন কি, হিন্দু সমাজ বর্ণাশ্রম ধর্মের কঠোর নিয়মে আটে ঘাটে এমনি বন্ধ যে, যে ব্যক্তিয়ে বর্ণে জন্মিয়াছে দে কোন উপায়েই তাহার বাহিরে যাইতে পারে না এবং স্ববর্ণের গণ্ডীর ভিতর অক্তকে গ্রহণ করিতেও অপারক। তাহা ছাড়া, ব্রাহ্মণ্য ধর্মের উচ্চ অঙ্গের শিক্ষা ও উপদেশ উচ্চ বর্ণেই আবদ্ধ। দে শিক্ষা সর্ব্ধ জাতির সাধারণ সম্পত্তি নহে, উচ্চ বর্ণের এক চেটিয়া—শূদাদি হীণবর্ণ তাহা হইতে বঞ্চিত। বৌদ্ধর্ম্ম ইহার ঠিক বিপরীত। বৃদ্ধদেব তাহা হইতে বঞ্চিত। বৌদ্ধর্ম ইহার ঠিক বিপরীত। বৃদ্ধদেব তাহা করিতেন। বাদ্ধর্ম পালনের উপদেশ দিতেন সেইরূপ দেশ বিদেশে বিভিন্ন জনপদের মধ্যে সেই ধর্ম্ম প্রচারেও উৎসাহিত করিতেন। তাহার উপদেশান্ত্রসারে ভিক্ষ্ণলল দেশ দেশান্তরে বিক্ষিপ্ত হইয়া বৌদ্ধ ধর্ম্ম বীজ বপনে প্রাণপণে সচেষ্ট্র হইলেন।

অলোকের পিতামহ চক্র গুপ্ত অথবা তাঁহার পিতা বিধিসার বৌদ্ধর্মের পক্ষপাতী ছিলেন কি না তাহার কোন প্রমাণ পাওয়া যায় না , চক্ত গুপ্ত চানক্যের ষড্যন্তে মগ্র দিংহাসন অধিকার করেন, অত্রব তাঁহার উপর ব্রাহ্মণ্যের শাসন বলবত্তর থাকাই সম্ভব। বৌদ্ধর্মের প্রধান নায়ক ও অবলম্বন অশোক রাজা। অশেক রাজা।

বৈশালী মহাসজ্অের ১১৮ বৎসর প**ে তথাৎ খৃষ্ট পূর্বে** ২৫৯ অন্দে অশোক বৌদ্ধধর্ম গ্র গ্রার উৎসাহ প্রভাবে বৌরধর্মের দাতিশয় প্রাত্রভাব <u>টনি এত চৈতা.</u> এত স্তৃপ ও অন্ত অন্ত প্রকার বার্ত্তিনিকেতন প্রস্তৃত করেন তাহার চিহ্ন সকল ছুই সহস্র বৎসরাস্তেও কালের হস্তে বিলুপ্ত হয় নাই। মগধ রাজ্যে অন্যন ৬৪০০০ বৌদ্ধ ভিক্ প্রতিপালিত হইত এবং উহাদের বাদোপযোগী বিহারে বিহারে ঐ প্রদেশ এমনি ভরিয়া যায় যে বিহার নামেই উহার নামকরণ হইল-এ নাম এখনো পর্যান্ত চলিয়া আসিতেছে। রোম-দামাজ্যে কনষ্টান্টাইন রাজার খ্রীষ্টধর্ম্মের সহিত যে সম্পর্ক, মগধ রাজ অশোক বৌদ্ধধর্ম সম্বন্ধে সেই রূপ। তিনি সমগ্র ভারতে বৌদ্ধধর্ম প্রচারে ব্রতী হয়েন; শুধু স্বরাজ্যে নর, ভারতের বহির্ভাগেও ধর্ম্মযাজকগণ প্রেরণ করেন। বলগা হইতে জাপান, সাইবিরিয়া মোঙ্গলিয়া হইতে সিংহল খ্রাম পর্যান্ত যেখানে যেখানে বৌদ্ধধর্ম্মের বিস্তার সেখানেই অশোকের নাম প্রকীর্ত্তিত। অশোক রাজার ধর্মামুশাসন গুলি \* কতক

<sup>\*</sup> যে অই শিলালেখ্য প্রসিদ্ধ তাহা-

সাহাবাজ-গড়—পেদোয়ারের উত্তর পূর্ব্ব ২০ ক্রোশ দূর উসফজাই বিভাগে।

গিরিপ্রটে বা গিরি গুহার খোদিত, কতকবা শিলা স্তম্ভোপরি মুদ্রিত। অমুশাসন স্তম্ভ সকল দিল্লী, আলাহাবাদ ও অস্থাস্ত স্থানে দেখিতে পাওয়া যার এবং শিলা লিপি সকল পেশোরার গিণার (কাঠেওফা মধ্য হিন্দুস্থান, মাক্রাজ এবং উড়িয়ার

- ২। থালসি—২ সেক্স তিমালয় হইতে নিঃস্ত হইয়া চুলিতে আরম্ভ কয়িঃ নদীর পশ্চিমকুলে।
- ৩। গির্ণার—ব ১৯৫০ জুনাগড়ের নিকট সোমনাথের ২০ ডেগশ উত্তরে।
- ४। ধৌলী —উড়িষ্যা —কটকের ১০ ক্রোশ দক্ষিণে এবং পুরীর
   কোশ উত্তরে।
  - ে। জৌগদ---গাঞ্জাম বিভাগ (মাক্রাজ)
- ৬। বিরাট (জয়পুর রাজ্য) তুইটি লেখ, একটি এসিয়াটিক সোসাইটির গৃহে স্থাপিত।
  - ৭। রূপনাথ ( কায়মূর পর্বত তলে )
- ্ ৮। সহসরাম—বক্সার বা তুমরাও হইতে প্রায় ২৫ ক্রোশ দক্ষিণে।

#### স্তম্ভ ।---

- >। २। দিল্লী (ফিরোজসা লাট) ছইটি দেখা যায় ফিরোজ সা বাদসা সিবালিক এবং মিরট ছইতে স্থানাস্তরিত করিয়া দিল্লীতে রাথিয়া দেন।
  - 2। व्यानाश्चान-अञ्चात्त्र हुर्ग मत्था।
  - 8। লৌরিয়া—বেটিয়ার নিকটস্থ লৌরিয়া গ্রামে।
  - ৫। লৌরিয়া-পাটনার উত্তর পশ্চিম ৭৭ মাইল।

আবিষ্কৃত হইরাছে। সর্বাশুদ্ধ চতুর্দ্দশ শিলালিপি প্রাপ্ত হওরা গিরাছে, তন্মধ্যে একটি লিপিতে পঞ্চগ্রীক রাজার \* সহিত সদ্ধি স্থাপনের উল্লেখ আছে, প্রিয়দশীর রাজত্বের ১৩শ বর্ষে এই লিপি উৎকীর্ণ হয়। এই সমস্ত অনুশাসন হইতে প্রতিপন্ন হইতেছে যে খৃষ্টপূর্ব্ব তৃতীয় শতাবেদ সীরিয়া, মিশর, গ্রীস, মাসিডন প্রভৃতি দূর দ্রান্তর প্রদেশেও বৌদ্ধর্ম্ম প্রচারের উত্যোগ চলিয়াছিল। ত্রয়োদশ আদেশ পত্রে প্রিয়দশী বলিতেছেন—

"গ্রীকরাজ আণ্টিয়োকসের (antiochus) রাজ্যে এবং তুরময়

¿Ptolemy), আন্টিকিনি, (Antigonus), মক (Magus),

ং আলেকস্থর ( Alexander ) এই চারিজন রাজার

রাজ্যে এবং অস্তান্ত স্থানে দেবানাং প্রিয় প্রিয়দশীর ধর্ম্মের অমুজ্ঞা

সকল যেথানে প্রচারিত হইতেছে, সেই খানেই লোকদিগেকে

ধর্মাভূক্ত করিতেছে। দেশ বিজয় বছপ্রকারে হইতে পারে।

কিন্ত ধর্মের জয় সর্বাপেক্ষা আনন্দপ্রদ—এই প্রকার বিজয়ই

সর্বতোভাবে বাঞ্ছনীয়।"

<sup>\*</sup> পঞ্জীক্রাজ--

<sup>1.</sup> Antiochus of Syria.

<sup>2.</sup> Ptolemy of Egypt, father of Ptolemy Philadelphus.

<sup>3.</sup> Antigonus of Lycia &c.

<sup>4.</sup> Magus of Cyrene.

<sup>5.</sup> Alexander of Epirus, Maternal Uncle to Alexander the Great.

অশোকের অমুশাদন গুলি স্নেহ বাৎসল্য, দয়া দাক্ষিণ্য, ভক্তি
অহিংসাদি সাধারণ ধর্মনীতির উপর দিয়াই গিয়াছে—তাহার
একটী ভিন্ন অপর কোন লেথে প্রিয়দর্শী আপনাকে বৌদ্ধ
বিলয়া পরিচয় দেন নাই; প্রত্যুত, একস্থানে ধর্মবিষয়ক অপার
উদার্য্য প্রকাশ করিয়া লিথিয়া রাথিয়াছেন যে 'প্রিয়দর্শার ইচ্ছা
যে অবৌদ্ধ পাষতেরাও তাঁহার রাজ্যে নির্বিদ্ধে বাদ করুক
কেননা তাহারাও ভাবগুদ্ধি এবং ধর্মের শান্তি কামনা করে।'
কেবল একটী অনুশাদনে বৌদ্ধর্মের বিশেষ প্রদঙ্গ দেখা
যায় সৈটি মগধ দজ্বকে সংধাধন করিয়া লিথিত—তাহাতে
আছে—

"রাজা প্রিয়দশী সভ্যের কুশল কামনা করিতেছেন। বৃদ্ধ,
ধর্ম ও সভ্যের উপর আমার কি প্রগাঢ় ভক্তি শ্রদ্ধা, মহাশয়েরা
অবগত আছেন। বৃদ্ধ যে উপদেশ দিয়াছেন তাহা সকলই সত্পদেশ—তাঁহার আজ্ঞান্তরপ চলিলে সত্য ধর্ম বহুকাল স্থরক্ষিত
থাকিবে।" পরে তিনি দৃষ্ঠান্ত স্বরূপ সাতটি ধর্মতত্ব পালি-শাস্ত্র
ছইতে প্রকটন করিয়াছেন—

- ১। বিনয় সমুৎকর্ষ ( প্রতিমোক্ষ হইতে )
- ২। আর্য্যবশ (সঙ্গীতি স্থত্র হইতে)
- ৩। অনাগত ভয় (অঙ্গুত্র)
- ৪। মূনি গাথা
- ে। মৌনী হুত্র
- ৬। উপতিস্স-পসিণ, উপতিষ্য = সারীপুত্র প্রশ্ন (বিনয়)
- ৭। রাহুল বাদ, রাহুলের প্রতি বুদ্দের উপদেশ।

"এই সকল কথা শ্রমণ শ্রমণা ও বৌদ্ধ গৃহস্থগণ প্রণিধান পূর্ব্বক শ্রবণ ও মনন করিবেন এই অভিপ্রায়ে আমি এই অন্ধ্যাসন প্রচার করিতেছি।" ('বিরাট' অনুশাসন)

#### ধর্ম মহামাত্র—প্রতিবেদক

এই সমস্ত অন্থশাসন লিপি হইতে আরো জানা মায় যে অশোকের রাজত্ব কালে "ধর্ম মহামাত্র" নামে এক শ্রেণীর কর্মাচারী
নিযুক্ত হন, ধর্মের পবিত্রতা রক্ষণ এবং ধর্ম্মপ্রচার এই তুই বিষয়ের
তর্বাবধানের ভার তাঁহার প্রতি অর্পিত ছিল। প্রজাবর্গের নির্মন্তরেই
ধর্ম্ম প্রচারের বিশেষ আরগ্রন্থক এই হেতু অনার্য্য জাতিগণের সংরক্ষণ
ও উন্নতি সাধন উল্লিখিত ধর্মাধ্যক্ষের কর্ত্তবা মধ্যে গণ্য ছিল।
আর এক শ্রেণীর কর্মাচারীর নাম প্রতিবেদক, প্রজাদিগের নীতি
সম্বন্ধে তত্ত্বাবধান করা তাহাদের ও কার্য্য ছিল। প্রজাদের আচার
ব্যবহার হিতাহিত তন্ন তন্ন অন্থসন্ধান করিয়া তৎসম্বন্ধীয় সকল
সংবাদ প্রতিবেদকেরা মহারাজের নিকট আনিয়া দিত্তেন।

অশোক স্বীয় রাজ্যে ধর্ম প্রচারের ব্যবস্থা করিয়াই নিরস্ত্ব হন নাই,—পথের ধারে বৃক্ষরোপন, কুপবাপী থনন, পশুহিংসা নিবারণ, পশু ও মন্তুর্যার মধ্যে স্বতন্ত্র স্বতন্ত্র চিকিৎসালয় স্থাপন, স অন্তঃপুর বাদিনা ও আর আর লোকের জন্ম ধর্ম ও নীতি-শিক্ষা-প্রণালী প্রবর্ত্তন, এইরূপ বিবিধ উপায়ে প্রজাগণের হিত্যাধনের চেষ্টা পান। তাঁহার অনুশাসন লিপিতে এই সমস্ত ধর্ম কার্যোর অনুষ্ঠানও কর্মচারী নিয়োগের বার্তা লিখিত আছে।

অশোকের রাজত্বের অস্তাদশ বর্ষে পাটলিপুত্রে বোদ্ধদের তৃতীর . মহাসভা হয়, সে সভায় প্রায় ১০০০ স্থবির ভিক্ষু উপস্থিত ছিলেন। মুদ্দালপুত্র তিষ্য তাহার অধ্যক্ষস্থানে ছিলেন এবং সভারকার্য্য প্রায় ৯ মাস ধরিয়া চলে। বিনয় ও ধর্ম্মের পাঠ ও আবৃত্তি—তাহার কোন্ ভাগ শাস্ত্রীয় কোন্ ভাগ অশাস্ত্রীয়—কি গ্রাহ্ম কি ত্যজ্য তাহা নিরূপণ, আদিসমাজের নিয়ম ও ধর্ম সংরক্ষণ, সাম্প্রদায়িক মত ধণ্ডন ইত্যাদি কার্য্য সম্পন্ন হয়। ইহা বলা আবশ্রক যে, উত্তর দেশীয় বৌদ্ধ শাস্ত্রে এই পাটলিপুত্র সভার কোন উল্লেখ নাই; ইহার বিষয় যাহা কিছু জানা যায় তাহা এক-দেশ-দর্শী দক্ষিণ শাখার প্রন্থ সকল হইতে জানা গিয়াছে, বিরুদ্ধ পক্ষের কথা শুনিতে পাইলে এ সভার বিবরণ আরো স্পষ্ট বুঝা যাইত।

কিন্তু এ সভার শাস্ত্রীয় বিচার যাহাই হউক না কেন, ধর্ম প্রচার কার্য্যে ইহার বিশেষ মনোযোগ আকর্ষিত হয় এবং এই কার্য্য স্থসম্পন্ন করায় ইহার সমধিক গৌরব বলিতে হইবে। সভার কার্য্য শেষ হইবামাত্র অশোক রাজা কার্ম্মীর, গান্ধার, মহীশূর, বনবাস (রাজস্থান), অপরস্তক (পশ্চিম পাঞ্জাব), মহারাষ্ট্র, যবন লোক (বজুিয়া ও গ্রাক রাজ্য), হিমালয়, স্থবর্ণ ভূমি (মূলয়) এবং লন্ধানীপে ধর্ম প্রচারকগণ প্রেরণ করেন। অশোকের অমুশাসন লিপিতে আরো অনেক দেশের নাম পাওয়া যায়; চোলা (তাঞ্জোর), পাও্য (মহুরা), সাতপুর (নর্ম্মদার দক্ষিণ পর্বাত্তশ্রেণী) এবং আর্টিয়োকসের গ্রীকরাজ্য, এই সকল দেশকে ধর্ম্ম্যুদ্ধে পরাজয় করা অশোকের মনোগত অভিপ্রায় ছিল এবং তিনি স্পষ্টই বলুয়, গিয়াছেন ধর্ম্ম বিজয়ই সমধিক বাঞ্ছনীয় ও আনন্দজনক।

## मिश्हल वोक्षध्य।

ধর্ম প্রচার উদ্দেশে অশোক যে সকল বৌদ্ধ ভিকু দেশ

বিদেশে প্রেরণ করেন তাহাদের মধ্যে তাঁহার নিজের পুত্র মহেক্রের সিংহল প্রয়াণ বিশেষ উল্লেখ যোগ্য। তথন দেবানাং প্রিয়তিষ্য দিংহলের রাজা, তাঁহার নিকট অশোকপুত্র মহেন্দ্র দলবলে উপস্থিত হয়েন। তিষ্য তাঁহাকে সাদরে অভ্যর্থনা করেন ও আপনি অনতিকাল বিলম্বে বৌদ্ধধর্ম গ্রহণ করেন। অমুরাধাপুরের অনতিদরে মহিস্তালী পর্বত শিখরে যে বৌদ্ধ মঠ আছে তাহা তাঁহারই আদেশ ক্রমে নির্ম্মিত হয়। এই পর্ব্বতাশ্রমে মহেন্দ্র কতিপয় বংদর যাপন করেন। পাহাড খুদিয়া তাঁহার জন্ম যে গুহাশ্রম নির্মিত হইয়াছিল ইতাহার চিত্র সকল অভাপি •বর্তমান। মহেল্রের পর্বতাশ্রম হইতে নিমদেশস্থ স্থবিস্থত অধিত্যকা দৃষ্টিগোচর হয়। গিরিচ্ছত্র ছায়ায় আশ্রমটী সূর্য্যকিরণ হইতে স্বরক্ষিত। জনমানব নাই সকলি নিস্তব: নিয়দেশ হইতেও জনকোলাহল শ্রুতি-গোচর হয় না কেবল ভ্রমরের গুণ গুণ শব্দ ও বৃক্ষ পত্রের মর্ম্মর ধ্বনি ভিন্ন আর কিছুই শোনা যায় না। বৌদ্ধ শাস্ত্র বিশারদ Rhys Davids এই মাশ্রম দর্শন করিয়া বলিয়াছেন "এই শান্তিম্বর্ণ শীতল কক্ষে প্রবেশ করিয়া যে দিন এই স্থান দর্শন করিলাম— এই স্থন্দর বিজন স্থান যেখানে ২০০০ বৎসর পূর্বের সেই মহোৎসাহী ধর্ম প্রচার ধ্যান করিতেন ও লোক দিগকে ধর্ম শিক্ষা দিতেন—সেদিন আমার স্মৃতি-পথ হইতে কথনই অপসারিত হইবার নহে।"

রাজার অন্তঃপুর বাসিনীদের মধ্যে অনেকে বৌদ্ধধর্ম গ্রহণের ইচ্ছা প্রকাশ করায় মহেন্দ্র তাঁহার বৌদ্ধ ভগিনী সঙ্ঘ মিত্রাকে ডাকিয়া আনাইলেন। পিতার নিকট হইতে বিদায় লইয়া সঙ্ঘমিত্রা কতকগুলি ভিক্ষুণী সহ সিংহলে উপস্থিত হইলেন ও নৃত্তন শিষ্যদিগকে বৌদ্ধধেশ্ব দীক্ষিত করিলেন।

সভ্যমিত্রা সঙ্গে করিয়া বোধিবৃক্ষের এক শাখা লইয়া আদেন—দেই অস্বথ বৃক্ষ বাহার তলে বৃক্ষেবে দিব্যজ্ঞান লাভ করিয়া প্রবৃদ্ধ হইয়াছিলেন। এই শাখা অন্থরাধাপুরে রোপিত হয় ও ইহা বন্ধমৃত হইয়া এইক্ষণে প্রকাণ্ড অর্থথ হইয়া দাঁড়াইয়াছে। ঐতিহাসিক বৃক্ষের মধ্যে ইহা অতি প্রাচীন বলিয়া
বিখ্যাত। খৃঃ পৃঃ ২৮৮ শতাকে ইহা রোপিত, স্কুতরাং ইহার বয়ঃক্রম হুই সহস্র বংসরের অধিক হইবে।

দেবানাং প্রিয় তিষ্য ২০ বৎসর রাজত্ব করিয়া মহেন্দ্রের পূর্ব্বেই দেহত্যাগ করেন। তাঁহার মৃত্যুর পর বহুতর রাজ-বিপ্লব সংঘটিত হয় কিন্তু মহেন্দ্র যে বীজ বপন করিয়া যান তাহা সতেজ সবল রক্ষ রূপে সিংহলে এরূপ বদ্ধমূল হয় যে তাহার উপর দিয়া রাজ-বিপ্লবের প্রচণ্ড ঝড় বহিয়া গিয়াও তাহার কোন ক্ষতি করিতে পারে নাই। গোতমের মৃত্যুর ৩৩০ বৎসর পরে বন্ত-গামনীর রাজত্ব কালে ত্রিপিটক বৌদ্ধশাস্ত্র সিংহলী ইইতে পালি ভাষায় প্রথম লিপিবদ্ধ হয়। (মহাবংশ)

মহেদ্রের কয়েক শতাকী পরে বুদ্ধবোষ, সিংহলে আসিয়া বৌদ্ধশাস্ত্রের ভাষ্য (অর্থকথা) প্রভৃতি প্রণয়ন করেন। মহেদ্রের নীচেই তাঁহার নাম সিংহলে প্রকীর্ত্তি। ৪৫০ খুপ্তাকে তিনি সিংহল হইতে ব্রহ্মদেশে গমন পূর্বেক বৌদ্ধর্ম্ম প্রচার করেন। তৎপরে শ্রামদেশে ঐ ধর্ম প্রবেশ করে, তথা হইতে স্থমাত্রা যবদ্বীপ ও তৎসন্নিহিক অস্তান্ত স্থানে নীত হয়। সপ্তম হইতে দ্বাদশ শতাকী পর্যান্ত ভারতবর্ষ হইতে অনেকানেক বৌদ্ধ ভিক্কু তিব্বত,

নেপাল, সিংহল, শ্রাম, ব্রহ্মদেশ গমন করত ধর্ম প্রচার করেন। ধন্ত তাঁহাদের ধর্মান্তরাগ! ধন্ত তাঁহাদের উদ্যম ও অধ্যবসায়!

### গ্রীকরাজ মিলিন্দ।---

উত্তরে খৃষ্টান্দ পূর্ন্দেই বৌদ্ধধর্ম প্রচার আরম্ভ হইয়াছিল তাহার অনেক প্রমাণ প্রাপ্ত হওয়া যায়। বে॰ সময় ভারতে গ্রীকরাজ্য প্রতিষ্ঠিত হয় তথনও ঐ ধর্মের প্রভাব অক্র ছিল। 'মিলিন্দ প্রশ্ন' নামক গ্রন্থে বৌদ্ধ ভিক্ষু নাগদেন ও গ্রীকরাজ মিলিন্দের মধ্যে যে বৌদ্ধমত সংক্রান্ত কথাবার্ত্তা আছে তাহাতে নাগদেন যবনরাজের শম্দয় যুক্তি তর্ক খণ্ডন করিয়া কিরূপে স্বমত সমর্থন করিয়াছেন তাহা পাঠ করিয়া বৌদ্ধ তপস্থীর তীক্ষ বৃদ্ধি ও পাণ্ডিত্যের বিলক্ষণ পরিচয় পাণ্ডয়া যায়।

## রাজা কনিক।--

খৃষ্ঠান্দ প্রবর্তনের কিছু পূর্ব্বে এক শক জাতীয় নৃপতি উত্তর ভারত থণ্ডে স্বায় আধিপত্য স্থাপন করেন। ঐ জাতীয় ভৃতীয় রাজা কনিষ্ক কাবুল হইতে পঞ্জাব, দিল্লু হইতে আগ্রা পর্যান্ত এক স্থবিস্থৃত রাজ্য পত্তন, করিয়া যান। কাশ্মীর তাঁহার রাজধানী। কনিষ্ক একজন উৎসাহী বৌদ্ধ ছিলেন এবং তাঁহার রাজধানী। কনিষ্ক একজন উৎসাহী বৌদ্ধ ছিলেন এবং তাঁহার রাজধানী। জালন্ধরে যে মহাসক্ত হয় তাহা হইতে মহাযান গ্রন্থ সকল বিনিঃস্ত। পূর্ব্বে বলা হইয়াছে এই সভায় বৌদ্ধশান্তের তিনটী মহাভাষ্য সংস্কৃত ভাষায় প্রস্তুত হয় কিন্তু এই সকল গ্রন্থ হইতে ম্লুধর্মের বিশুদ্ধতা রক্ষার কোন সাহায্য হয় নাই। দক্ষিণে প্রথম হইতে বৌদ্ধশান্ত্র সমুদ্ধর পালি ভাষায় প্রস্তুত হওয়াতে ধর্ম বিষয়ক

উচ্ছ্ ঋণতা অনেকাংশে নিবারিত হয় উত্তরে সেরূপ দেখা যায় না। সেথানে বৌদ্ধর্ম্ম কোন বন্ধন না পাইয়া কামরূপী মেঘের স্থায় নানা স্থানে নানা মূর্ত্তি ধারণ করিয়াছেন।

## **हीनएएए (वीक्ष धर्म ।**—

৬১ খুষ্টাব্দে টীনদেশে বৌদ্ধ ধর্ম্মের প্রকৃত পত্তন হয়। প্রবাদ এই যে তথনকার সম্রাট মিং-তি স্বপ্ন দেখেন যে একটি সোনার দেবতা তাঁহার প্রদাদে অবতীর্ণ হইয়াছেন —এইরূপ স্বপ্ন দেথিয়া তাহার অর্থ মন্ধ্রীকে জিজ্ঞাসা করেন। মন্ত্রী এই অর্থ করেন যে পশ্চিমা-ঞ্চলে বুদ্ধদেবের আবির্ভাব হইয়াছে হয়ত তাঁহার সঙ্গে এই স্থপ্নের কোন যোগ থাকিবে। চীন সমাট বুদ্ধের আসল তথা জানিবার নিমিত্ত ভারতে দৃত প্রেরণ করেন। দৃতগণ হুইজন বৌদ্ধ সন্ন্যাসী ও পঁ,থি ছবি প্রভৃতি কতকগুলি জিনিদ লইয়া প্রত্যাগমন করেন। সমাট ভিক্ষদের উপদেশে বৌদ্ধদর্ম গ্রহণ করিয়া তাঁহার রাজধানীতে এক বৌদ্ধ মন্দির নির্মাণ করিলেন। সেই সময় হইতে চীন **দেশে অল্পে আল্পে** রৌদ্ধর্ম্ম প্রচার হইতে লাগিল। পঞ্চম শতাদীতে বৌদ্ধ-সন্ন্যাসী কুমারজীব অপর ৮০০ ভিক্ষুক সাহায্যে চীন ভাষায় বৌদ্ধশাস্ত্র অমুবাদ করেন। তৎপরে ফাহিয়ান হুয়েন সাং ইৎসিং প্রভৃতি চীন পরিব্রাজকগণ ভারতের তীর্থ হইতে ফিরিয়া স্বদেশে ঐ ধর্ম বিস্তার করেন, ক্রমে কনফ্যুসদ্, তাও-মত ও অক্তান্ত প্রচলিত ধর্ম শুংস্কারের সংশ্রবে চীনদেশীয় বৌদ্ধধর্ম এইক্ষণ কার বিমিশ্র ভাব ধারণ করিয়াছে। ষষ্ঠ খুষ্টান্দে চীন ও কোরিয়া হইতে ঐ ধর্ম জাপানে প্রবেশ লাভ করে। এইরূপ দক্ষিণে উত্তরে কৌদ্ধধর্ম ক্রমশঃ বিস্তার হইয়া যায়।

### विकथर्भ।

## মার্কিণ দেশে বৌদ্ধর্ম।—

ভারতবর্ষ হইতে দক্ষিণে সিংহল শ্রাম ব্রহ্মাদি দেশে, উত্তরে নেপাল তিব্বত কাবুল গান্ধার, পূর্ব্বে চীন, চীন হইতে মোঙ্গলিয়া, কোরিয়া জাপান ও মধ্য এসিয়া থণ্ডে কয়েক শতাব্দীর মধ্যে বৌদ্ধর্ম 'দূরাৎ স্কদ্রে' ছড়াইয়া পড়ে—এ সকল ত জানা কথা কিন্তু কলম্বনের আবিক্রিয়ায় ১০০০ বৎসর পূর্বেও যে বৌদ্ধ প্রচারকগণ ঐ ধর্ম্ম আমেরিকায় লইয়া যান এ কথা অনেকের নৃতন ঠেকিবে। বাস্তবিক যে তাহাই ঘটিয়াছিল তাহার অনেক প্রমাণ সাওয়া গিয়াছে। বিষয়টী এরপ কৌতৃকাবহ যে পাঠকগণের সম্মুখে উপস্থিত না করিয়া ক্ষান্ত থাকিতে পারিতেছি না। "কলম্বনের পূর্বের্ব আমেরিকায় আবিক্রিয়া" শার্মক একটা সচিত্র প্রবন্ধ আমেরিকায় এক মাসিক পত্রে সম্প্রতি প্রকাশিত হইয়াছে এই স্থলে তাহা সংক্রেপে সঙ্কলিত হইল; বাহারা সবিশেষ বিবরণ জানিতে ইচ্ছা করেন তাহারা ঐ পত্র মানাইয়া দেখিবেন।

কতকগুলি প্রমাণ হইতে নিষ্পন্ন হইতেছে যে পাঁচজন বৌদ্ধ ভিক্ষু ক্ষেরে উত্তর সীমা কামাটকাস্কা হইতে পাসিফিক মহাসাগর উত্তীর্ণ হইরা আলাস্কা দিয়া আমেরিকার প্রবেশ পূর্বক দক্ষিণে মেক্সিকো পর্যান্ত গমন করেন। ঐ পথ দিয়া আমেরিকা যাত্রা হর্মহ ব্যাপার নহে; মধ্যে যে আল্যুসিয়াদি দ্বীপপুঞ্জ আছে তাহা অতিক্রম করিয়া কি সহজে আমেরিকা পোঁছান যায় মানচিত্র দৃষ্টে তাহা বৃঝিতে পারিবেন; বলিতে কি চীন পরিব্রাহ্রক দিগের স্থল-পথ দিয়া ভারতবর্ষ ভ্রমণ অপেক্ষা অনেক সহজ। মেক্সিকোও তৎসন্নিহিত আদিম আমেরিকান-

### বৌদ্ধর্ম্ম

তহাস, ধর্ম, আচার ব্যবহার, প্রাচীন কীর্ত্তি-কলাপের সকল এই ঘটনার সত্যতা বিষয় সাক্ষ্য প্রাণান করিতেছে। প্রাচীন চীন গ্রন্থাবলিতে ফুসং নামক এক পূর্বাদেশের উল্লেখ আছে সে দেশের এক বৃক্ষ হইতে ফুসং নাম গৃহীত হয়। বর্ণনা হইতে মেক্সিকো দেশে 'আগুয়ে' বা 'মাগুয়ে, যে বৃক্ষ জন্মে তাহার সহিত মুসং বৃক্ষের সৌসাদৃশ্র উপলব্ধি হয়।

চীন সাহিত্যে হুইসেনের ভ্রমণ বৃত্তাস্ত নামে একটী গ্রন্থ আছে, তার লেখাটী অত্যন্ত সরল, এমন কোন অন্ত অলৌকিক ঘটনার বর্ণনা নাই যাহা লেখকের কল্পনা-প্রস্থৃত বলিয়া মনে হয়। এই বুতান্ত হইতে জানা যায় যে হুই-সেন কাবুলবাদী ছিলেন. ৪৯৯ পৃষ্ঠাব্দে য়-আন সম্রাটের রাজহ কালে ফুসং হইতে কিঞ্চেন রাজ-ধানীতে আগমন করেন। তথন রাজা-বিপ্লব বশতঃ তিনি সমাটের সহিত সাক্ষাৎ করিতে পারেন নাই, বিদ্রোহ থামিয়া গেলে পরবর্ত্তী নৃতন সমাটের সাক্ষাৎকার লাভ করেন। তিনি ফুসং হইতে কৌতুক জনক নানা নৃতন নৃতন সামগ্রী ভেট লইয়া আদেন তাহার মধ্যে এক রকম কাপড় ছিল তাহা রেসমের মত নরম অথচ তার স্থতা এরূপ কঠিন যে কোন ভারি জিনিস বুলাইয়া রাখিলেও ছিঁড়িয়া যায় না। মেক্সিকোর 'আগুয়ে' গাছ হইতেও ঐ রকম রেসম উৎপন্ন হয়। আর একটা স্থন্দর ছোট দর্পণ উপহার দেন যাহার অনুরূপ দর্পণ মেক্সিকো অঞ্চলের লোকদের মধ্যে - বাবহৃত হইত। রাজাজায় চুই-সেনের ভ্রমণ রক্তান্ত তাঁহার কথা মত লিখিয়া লওয়া হয় তাহার সারাংশ এই।:---

পূর্বে ফুসং বাসীরা বৌদ্ধধর্মের কিছুই জানিত না, ৪৫৮ এপ্রিলে

স্থা বংশীয় তা-মিং সমাটের রাজত্ব কালে কাবুল হইতে ৫ জন বৌদ্ধতিক ফুদং গমন করত দে ধর্ম প্রচার করেন। সেথানকার অনেকে বৌদ্ধ ভিক্ষ রূপে দীক্ষিত হয় ও তথন হইতে লোকদের রীতিনীতি সংশোধন আরম্ভ হয়। পরিব্রাজক ভিক্ষুরা কামাটকাঙ্গা হইতে কোন পথ দিয়া কিরুপে যাত্রা করেন, কোন পথ কত দূর, অধিবাসী দিগের আঁচার ব্যবহার কিরূপ ঐ গ্রন্থে দকলি বিগ্রন্থ আছে। ফুদং বুক্ষের গুণাগুণ, তার ছাল হইতে সূতা বাহির হওয়া ও বস্ত্র বয়ন ও তাহা হইতে কাগজ প্রস্তুত হওয়া পর্যান্ত যথায়থ বর্ণিত আছে। সে<sup>\*</sup>দেশে এক প্রকার রাঙ্গা পিয়ারা জন্মে ও প্রচুর দ্রাক্ষা জন্মানোর কথা আছে বাহা মেক্সিকো প্রদেশের ফলের সঙ্গে ঠিক মেলে। ও দেশে তানু পাওয়া যায়, লোহ থনি নাই, সোনা রূপার ব্যবহার नाइ. जिनित्रत परत्र ठिक नाइ। उथानकात लारकरमत রাজাতন্ত্র, রীতিনীতি, বিবাহ ও অত্যেষ্টি পদ্ধতি, নগর হুর্গ দেনাও অস্ত্র শস্ত্রের অভাব এই সকল বিষয়ের যেরূপ বর্ণনা আছে তাহা, আর আদিম আমেরিকা, বিশেষতঃ মেক্সিকে अक्षरल यांटा (एथा यांत्र जांटांत्र मर्था ठमएकांत्र लेका पृष्टे इट्टेंद्र ।

মেক্সিকো-বাসীদের মধ্যে এক জনশ্রতি আছে যে একজন খেতকায় বিদেশী পুক্ষ, লম্বা শুল্র বসন তার উপর এক আল-খাল্লা, এই বেশে আগমন করেন। তিনি লোকদিগকে পাপ পরিহার, ত্যায় সতা ব্যবহার, শিষ্টাচার, মিতাচার এই সমস্ত ব্যবহার ধর্মের উপদেশ দেন। পরে সেই সাধু পুরুষের উপর লোকের উৎপীড়ন আরম্ভ হওয়াতে তিনি প্রাণ-ভরে হঠাৎ এক- দিন কোথার চলিরা গেলেন কেছই সন্ধান পাইল না, এক পাছাড়ের উপর তাঁর পদ চিত্র রাখিরা গেলেন। তাঁহার স্মরণার্থ
ম্যাগডালিনা গ্রামে তাঁহার এক প্রস্তর মূর্ত্তি নির্মিত হয় তার
নাম উই-দি-পেকোকা, সম্ভবতঃ 'ছই-সেন-ভিক্নু' নামের অপভংশ। আর একজন বিদেশী ভিক্নু কতকগুলি অমুচর সঙ্গে
প্যাসিফিক সাগর তীরে আসিয়া নামেন। হয়ত তাঁহারা
উল্লিখিত পঞ্চ ভিক্নু। এই সকল ভিক্নুরা যে ধর্মা শিক্ষা দেন
তাহা অনেকটা বৌদ্ধানতের অমুরূপ। স্প্যানিষ জাতি কর্ত্ক
আমেরিকা বিজয় কালে তাঁহারা মেক্সিকো ও মধ্য আমেরিকার
জনপদে যে ধর্মা মত ও বিশ্বাস প্রচলিত দেখেন, তাহাদের
শিল্প, গৃহ নির্মাণ-কৌশল, মাস গণনার রীতি প্রভৃতি যাহা
প্রত্যক্ষ করেন, এসিয়ার ধর্মা ও সভ্যতার সহিত তাহার এমন
আশ্চর্যা সৌসাদৃশ্র যে তাহা ছই দেশের পরস্পর লোক সমাগম
ভিন্ন আর কিছুতেই ব্যাধ্যা করা যায় না।

আর এক প্রকার প্রমাণ পাওয়া যায় তাহা ভাষাগত।
'এসিয়া থণ্ডে 'বৃদ্ধ' নামের তেমন চলন নাই। বৃদ্ধের জন্মনাম
গৌতম এবং জাতীয় নাম শাক্যই প্রচলিত। এই হুই নাম
এবং তাহার অপল্রংশ শব্দ মেক্সিকোর প্রদেশ-সমূহের নামে
মিলিয়া গিয়াছে। দেশীয় যাজকদের নাম এবং উপাধি ও
এক্রপ সাদৃশ্য ব্যঞ্জক।

থাতেমালা = গোতম-আলয়, হয়াতামো ইত্যাদি স্থানের নাম;
পুরোহিতের নাম থাতেমোট্-জিন—'গোতম' হইতে ব্যুৎপর
বোধ হয়। ওয়ায়াকা, জাকাটেকাস, শাকাটাপেক, জাকাটলাম,
শাকা-পুলাস এই সকলের আদি পদে শাকা নামের সাদৃশ্র দেখা

যার। মিক্স্টেকার প্রধান পুরোহিত্তের উপাধি হচ্ছে "তার-সাক্কা" অর্থাৎ শাক্যের মান্তব। পালেক্ষে একটা বৃদ্ধ প্রাতমূর্ত্তি আছে তাহার নাম "শাক্-মোল" (শাক্যমূনি)। কোলোরাডো নদীর একটা ক্ষুদ্র দ্বীপে একজন পুরোহিত বাস করিতেন তাঁর নাম গোতুশাকা (গৌতম শাক্য)। তিক্বতী কোন নাম চা'ন ত দেখিতে পাইবেন মেক্সিকোর পুরোহিতের নাম তুমা। আর এক কথা—মেক্সিকো দেশের নাম সেথানকার এক বৃক্ষ হইতে হইরাছে; ছই সেন বদি ঐ দেশে গিয়া থাকেন তাহা হইলে ফুসং বৃক্ষ হইতে দেশের নামকরণ করা তাঁহার পক্ষে শাভাবিক।

পরিশেষে বক্তব্য এই যে আমেরিকায় এমন কতকগুলি জিনিদ পাওয়া গিয়াছে যাহা দে দেশে বৌদ্ধর্ম প্রচারের মূর্ত্তিনান প্রমাণ স্বরূপ। ধ্যানস্থ বৃদ্ধের প্রতিমূর্ত্তি, দল্লাদী বেশধারী বৌদ্ধ-ভিক্ষু মূর্ত্তি, হস্তীর প্রতিমূর্ত্তি ( আমেরিকায় হস্তীর স্থায় কোন জন্ত নাই), চীন পাগোডাক্বতি দেবালয়, প্রাচীরের গায়ে চিত্র, খোদিত শিলা, স্তৃপ বিহার অলঙ্কার, এই দকল জিনিদ্ধের ছাপ বিলক্ষণ পড়িয়াছে.।

এই সমন্ত প্রমাণ হইতে অধ্যাপক ফ্রায়র (Fryer) \* স্থির করিয়াছেন যে ১৪০০ বংসর পূর্ব্বে বৌদ্ধ ভিক্ষুগণ প্রচার কার্য্যে আমেরিকায় গমন করিয়াছিলেন। তাঁহারা অনেক বিদ্ন বাধা আপদ বিপদ অভিক্রম করিয়া কিয়ং পরিমাণে কার্য্য-সিদ্ধি,ও

<sup>\*&</sup>quot;The Buddhist Discovery of America,"

Harper's Magazine,

July, 1901.

করিয়াছিলেন। এইক্ষণে জাপানের সিন্-স্থা বৌদ্ধ সম্প্রদায়ী তাঁহাদের পদাস্ক অম্পরণে ব্রতী হইয়াছেন। স্যানফ্রান্সিস্কো সহর তাঁহাদের মিসনের পীঠছান। ইহার মধ্যে তাঁহারা ক্যালিফর্ণিয়া অঞ্চলে পাঁচজন প্রচারক প্রেরণ করিয়া মিসনের কার্য্য আরম্ভ করিয়াছেন। প্রচারকেরা সেথানে যে ধর্ম-সজ্য প্রতিষ্ঠা করিয়াছেন। প্রচারকেরা সেথানে যে ধর্ম-সজ্য প্রতিষ্ঠা করিয়াছেন ৫০০ জাপানী বৌদ্ধ তাহার সভ্যা ক্যালিফর্ণিয়ার আর আর সহরে এই সভার ভিন্ন ভিন্ন শাখা সংস্থাপিত হইয়াছে। আমেরিকানদের জন্ম প্রতি রবিবারে ইংরাক্ষি ভাষায় বৌদ্ধ ধর্মায়্যায়ী উপাসনাদি হইয়া থাকে। বিংশতি বা ততোধিক আমেরিকান তৃথায় উপস্থিত থাকেন, তাঁহাদের মধ্যে ১১ জন আমেরিকান বৃদ্ধ, ধর্ম্ম ও সজ্যের শরণাপন্ন হইয়াছেন, ইহা বৌদ্ধধর্মের সারবতার সামান্য পরিচায়ক নহে।

#### উপসংহার ৷—

গৌতম যদি শুধু দশন শাস্ত্র প্রণয়ন করিয়াই ক্ষান্ত থাকিতেন
ত্নাহা হইলে তিনি তাঁহার ধর্ম প্রচারে কৃতকার্য্য হইতেন কি না
সন্দেহ। স্থায় সাংখ্য বেদান্তাদি বড় দর্শনের পাশে হয়ত বৌদ্দ
দর্শন সাত ভাইয়ের এক ভাই বলিয়া গণা হইত, আর কিছু
নয়। সেইয়প আবার বৌদ্ধনীতি শাস্ত্র বলে ও হিন্দু সমাজ
বিকম্পিত হইত না। জাতি বর্ণ ছোট বড় বিচার না করিয়া
বৃদ্ধনেব সাধারণ সকল মন্ত্রেরের উপযোগী বিশুদ্ধ ব্যবহার ধর্মের
শিক্ষা ও উপদেশ দিয়াছেন সত্য বটে কিন্তু তাঁহার উপদিপ্ত
নীতি শিক্ষা আক্ষণ্য ধর্ম-শাস্ত্রের ও অঙ্গীভূত, সেয়প উচ্চ
শিক্ষার গুণে তাঁহার ধর্ম প্রচারের বিশেষ সাহায্য হইবার ও

मञ्जावना हिन ना। वाकौ द्रश्चित. विनय-भाक नियस द्योक সমাজ বন্ধন, এক কথায় 'সজ্ব'—এই এক শক্তি বৌদ্ধধৰ্ম বিস্তারের মুখ্য সাধন বলিয়া প্রতীয়মান হয়। তাহা ছাড়া, সেই সময়কার রাজকীয় অবস্থা ও এই নৃতন ধর্ম বিস্তার পক্ষে অমুকূল বলিতে হইবে। নানাদিক হইতে নানা প্রকার শক্তি আসিয়া তথন ভারতের পরিবর্ত্তন সাধন করিয়াছিল। আমরা দেখিতে পাই যে তৎকালে দেশীয় আচার বিচারের অনেক পরিবর্ত্তন আরম্ভ হইয়াছে। বৈদিক ধর্ম কতকগুলি কর্মঞালে আচ্ছন হইয়। নিম্প্রভ হইয়া গিয়াছে। সেই সময় আঁবার দেকন্দর-দা'র ভারত আক্রমণ হইতে যবন আধিপত্যের স্থ্রপাত: অবশেষে গ্রীক প্রতাপ রোধ করিয়া মৌর্য্যবংশীয় শুদ্র রাজাদের অভ্যাদয়। দেকলর এদেশে কোন চিরস্থায়ী কীর্ত্তি রাথিয়া যাইতে পারেন নাই। তিনি এদেশ ছাড়িয়া চলিয়া যাইবার कि इ मिन পরে চক্র গুপ্ত চানক্যের সাহায্যে নন্দবংশ ধ্বংস করিয়া মগধ রাজ্য অধিকার করেন। চন্দ্র গুপ্ত জাতিতে শুদ্র ছিলেন। सोर्या वश्मीय मुक्त ताकारमत ताकच विखादतत मरह সঙ্গে বৌদ্ধধর্মের অভ্যুদয় ও বিস্তার। মোর্ঘ্য বংশীয় রাজাদের এই ধর্মের প্রতি আন্তরিক টান থাকা স্বাভাবিক। ভারতে এ इहेरे नुजन मक्ति, উভয়েरे बाक्षापात विद्यारी—देविषक धर्माः সনে বৌদ্ধধর্ম-ক্ষতিয়ের আসনে শূদ্র রাজা। শীঘ্রই এই চুই परलद मरधा मथा रक्षन रहेल। **अ**रणाक दाङ्गा वोक्षधर्य श्रद्धन ও পোষর করিয়া তাঁহার ধর্মাত্ররাগ এবং রাজকীয় দুরদর্শিতা ত্রেরই পরিচয় দিলেন। দূর দূর স্থিত রাক্ষাদের সহিত অশোকের মিত্রতা-বন্ধন এই ধর্ম প্রচারের আমুষ্ট্রিক ফল। তাঁহার পুত্র মহেক্রকে দিয়া দাক্ষিণাত্যেও তিনি তাঁহার ধর্মাধিকার বিস্তার করিলেন। পরে একদিকে যেমন মৌর্যংশের
অবনতি হইল, অন্তদিকে, অর্থাৎ ভারতের উত্তর থণ্ডে, কয়েক
শতান্দী ধরিয়া গ্রীক্, পার্থিয়ান শকজাতির প্রভুত্ব বিস্তার হইতে
চলিল। বৌদ্ধর্মা এই রাজ-বিপ্লবের ফলভাগা হইলেন।
ব্রাহ্মণ্য কেবল হিন্দু জাতিতেই আবদ্ধ, বৌদ্ধর্মা সকল জাতির
সাধারণ সম্পত্তি। যবন রাজাদের সঙ্গে উত্তর হইতে যে সকল
অসভ্য জাতি ভারতে প্রবেশ করিল বৌদ্ধর্মা তাহাদের
আদর্রের বস্ত হইয়া দাঁড়াইল। তা ছাড়া অশোকের প্রতাপে
যেমন দাক্ষিণাত্য বিজিত হইয়াছিল, ঐ সকল রাজার
প্রভুত্ব বলে তেমনি হিমালয়ের ওদিক্কার প্রদেশ, আফগানি
স্থান, বাজ্রিয়া, চীন প্রভৃতি দেশে তাহার প্রবেশ-পথ উন্মুক্ত
হইল।

উদয়াচল হইতে মধ্যাহে উঠিয়। পরে ঐ ধর্ম কালক্রমে অস্তোমুথ হইল। একদিকে যেমন সভ্য হইতে বৌদ্ধর্মের প্রচার ও উরতি আবার সে ধর্মের পতনের কারণ ও সেই সভ্য। ব্রাহ্মণ্য ধর্মের মজ্জাগত একটা উদার্য্য আছে তাহাতে বিভিন্ন মতাবলম্বী লোকদিগকে স্বদলে টানিয়া লওয়া তাহার পক্ষেক্তিন নহে। মত ও বিশ্বাসের প্রভেদে তাহার এমন কিছু যায় আসে না। মতের অমিলে তিনি খৃষ্ঠীয় ইনকিজিসানের অস্ত্র শস্ত্র প্রয়োগ করিতে প্রস্তুত্ত নন। কিন্তু একটা বিষয় তাহার অসহনীয়, সে কি না বাহ্নিক আচার অম্ঠানে হস্তক্ষেপ—জাতি ভেদ প্রথার ম্লোচ্ছেদ চেষ্টা। কোন ন্তন সম্প্রদার যতক্ষণ হিদ্দু আচার অম্ঠানের বিরোধী হইয়ানা দাঁড়ায়, ততক্ষণ

তাহাদের মতামত তিনি নিরপেক্ষ ভাবে দৃষ্টি করেন। এই হেতুবৌদ্ধ দর্শন শাস্ত্র ও নয়, বৌদ্ধ নীতি শাস্ত্র ও নয়, বৌদ্ধ-ধর্মের প্রতি ব্রাহ্মণ্যের বৈরভাব উদ্রেক হইবার কারণ অন্ত। আমার মতে "দজ্ব"—ভাহার খাঁটী ধর্ম ভাগটুকু নয় দজ্বের সামাজিক বন্ধন –তুই প্রতিযোগী ধর্মের মধ্যে বিচ্ছেদ ঘটাইবার প্রধান কারণ। যথন বৌদ্ধ সজ্জ কতকগুলি •বিশেষ নিয়মে গঠিত হইয়া হিন্দু সমাজ হইতে পৃথক হইয়া দাঁড়াইল, য়থন সে ব্রাহ্মণ শূদ্র গৃহী সন্ন্যাসী সকলকেই অবাধে স্বদল-ভুক্ত করিতে লাগিল, বিশেষতঃ যথন রাজারা, ধনাঢ্য গৃহস্থেরা ও ঠাহাকে বহুমূল্য দানাদি দারা প্রশ্রম দিতে প্রবৃত্ত হইলেন তথন তাহা হিন্দু সমাজের চক্ষু:-শূল হইয়া দাঁড়াইল। ব্রাহ্মণ্য স্বীয় আধি-পত্য ও মর্গোপার্জনের পথ যুগপৎ অবরুদ্ধ দেখিয়া তাহার বিক্লকে কটিবদ্ধ হইল। আমার মনে হয় বেদাচার বিক্ল সভ্যের স্বতন্ত্র গঠন প্রণালী হইতেই ব্রাহ্মণ্য ও বৌদ্ধর্ম্মের সাজ্যাতিক বিরোধের স্ত্রপাত। একদিকে ব্রাহ্মণ্যের গৃহাশ্রম, অন্তদিকে বৌদ্ধ সভ্যের সন্ন্যাসধর্ম : এক সমাজ বৈদিক ক্রিয়াকাও বর্ণাশ্রমের উপর প্রতিষ্ঠিত, অন্থ সমাজ মহুষ্যের সাম্যবাদী কঠোর ধর্মনীতি-মূলুক; এই ছই পরম্পর বিরোধী শক্তি কত দিন আর শান্তি সম্ভাবে কার্য্য করিবে ? এই বিরোধ ক্রমে ঘনীভূত হইয়া অবশেষে ব্রাহ্মণ্যের জয়, বৌদ্ধধর্মের পতন সজ্বটিত হইল।

ভারতবর্ষে বৌদ্ধর্মের প্রভাবে হিন্দুধর্ম কোনকালে সমূলে নিমূল হয় নাই। অনেক বংসর ধরিয়া এই ছই ধর্ম পরস্পর শান্তি সম্ভাবে একত্রে বাস করে। হুয়েন সাং-এর ভ্রমণ বুত্তাস্ত

হইতে ইতিপুর্বে দেখান গিয়াছে যে, রাজা শিলাদিত্য ত্রাহ্মণ শ্রমণ উভয় পক্ষেরই আফুকুল্য করিতেন, উভয় দলকেই आमञ्जन नानानि नाता পतिजृष्टे ताथिवात आग्रामी हित्नन। প্রয়াগে যথন তাঁহার মহাসভা হয় তথন তাহাতে উভয়ধর্মাবলম্বী चार्চार्यात्मत्र मार्था धर्मात्नाह्ना हत्न এवः वृक्ष मविका विवमर्छि এক এক দিনে এক এক প্রতিমা প্রতিষ্ঠা হয়। নাগানন্দ নামক বৌদ্ধ নাটক ঐ সময়কার প্রণীত, তাহাতেও বিভিন্ন धर्म, विভिन्न मल्लामारमञ्जू मरक्षा मुद्धारवज्ञ व्यानक প्रतिहम भाउम যায়; ঐ নাটকের নান্দীতে 'মার ছহিতা অপ্যরাগণের মায়ামন্ত্রে অপরাজিত' ধর্মবীর বৃদ্ধের অবতারণা আছে। ইলোরা ও অক্তান্ত স্থানে বৌদ্ধ ও হিন্দু গুহামন্দির পাশাপাশি দেখা যায়, তাহাও এই চুই ধর্মের সম্ভাব-স্কুচক। খুষ্টাব্দের একাদশ শতাব্দেও পশ্চিমাঞ্চলে বৌদ্ধর্মের প্রাতৃর্ভাব উপলক্ষিত হয়। বেহার ও গোদাবরী প্রদেশে ঘাদশ খৃষ্টান্দ পর্য্যন্ত বৌদ্ধ নুপতিগণের রাজত্বের প্রমাণ পাওয়া যায়। ত্রয়োদশ শতাব্দীতে ভারতে বৌদ্ধর্মের নিতান্ত হীনাবস্থা। 'প্রবোধ চক্রোদয়' নাটক, যাহা मञ्चवछः द्यानम मजाक्रीत त्रह्मा, जाहाराज वोह्नधरर्यत उपत ব্রাহ্মণ্যের আগন্ন বিজয় স্টত হইয়াছে। চতুর্দশ শতাব্দী পর্যান্ত উহার চিতু সকল স্থানে স্থানে বর্ত্তমান, তৎপরে বৌদ্ধধর্ম কিরূপে কোণা হইতে একেবারে অদুশু হইয়া যায়, আশ্চর্যা!

## तोक्षध्रच्यत्र ध्वःम—कात्रग-निर्गत्र।—

ভারতবর্ষ হইতে বৌদ্ধধর্ম বিলুপ্ত হইবার কারণ কি ? এই প্রশ্ন লোকের মনে সহজেই উৎপন্ন হয় এবং ইহার উত্তরে

नाना मूनि नाना मछ वाक कतिया थारकन। त्कर त्कर व्यानन যে ব্রাহ্মণদের অত্যাচার ও মুদলমানদের উৎপীড়নে বৌদ্ধেরা এদেশ হইতে বিভাড়িত হয়; এ মত যে নিতান্ত অমূলক তাহাও বলা যায় না। হিন্দুরা এক সময় বেদিনের উপর যথেষ্ট অত্যাচার করিয়াছিলেন, পূর্ব্বে তাহার উদাহরণ স্বরূপ রাজা স্থধবার নৃশংস আদেশ-পত্র প্রকটিত হইয়াছে। তেমনি আবার মুদলমানেরা মৃণ্ডিত মন্তকগণকে যার পর নাই উৎপীড়ন করেন—তাহাদের তীর্থক্ষেত্র সকল লণ্ডভণ্ড বিনষ্ট कतिया एक लग, जाहात अ व्यानक निष्मिन शाख्या याय। कि इ এ কথা মানিয়া নিলেও এইরূপ স্থানীয় সাময়িক অত্যাচার বৌদ্ধর্মের সমূল উৎপাটনের প্রকৃত কারণ রূপে নির্দেশ করা যায় না। যে দেশ ধর্মবিষয়ক এমন ঔলার্য্যগুণের জন্ম প্রথিত: যে দেশে পরস্পর বিরোধী এত প্রকার মত ও সম্প্রদায় স্ব স্ব ক্ষেত্রে অবাধে রাজত্ব করিয়া আসিতেছে, সে দেশ হইতে নিরীহ বৌদ্ধ जिक्रमञ्जूनी जाड़ाहेवात ज्ञा किन्हे वा नकरन थड़ाहरु हरेरव १ আর এক দলের মত এই যে, বৌদ্ধধর্ম এদেশ হইতে বলপূর্বক বিতাড়িত হয় নাই—ব্রাহ্মণ্য ধর্মের সহিত আত্তে আত্তে মিশিয়া গিয়া অদৃশ্য হইয়া পুড়িয়াছে। বৌদ্ধধর্ম আপনার নিজস্ব মত-সম্পত্তির বিনিময়ে ব্রাক্ষণ্যের ঋক্থাংশ হরণ করিলেন-ব্রাক্ষণ্য এ কতক কতক বিষয়ে প্রতিপক্ষের মত ও ভাব গ্রহণ করিলেন এইরলে পরস্পরের ঘাত প্রতিঘাতে ক্ষীণপ্রাণ বৌদ্ধর্ম্ম প্রথর ব্রহ্মতেজে বিলীন হইয়া গেল। আমার বিবেচনায় এরপ হওয়া থবই সম্ভব। শৈব শাক্ত তান্ত্রিক মত বৌদ্ধধর্মে প্রবেশ করিয়া তাহার বে কি রূপান্তর ও বিকৃতি উৎপাদন করিয়াছে আমরা

তাহা কতক কতক দেখিয়াছি, এইরূপে বৈষ্ণব ধর্ম্মের সহিত ও তাহার আদান প্রদান সংঘটিত হয় সন্দেহ নাই। বৌদ্ধধর্মের ঐকান্তিক তঃথবাদরূপ কঠোর ধর্মনীতির কাঠিন্ত নিবারণ চেষ্টা—আত্মপ্রভাবের সহিত দেবপ্রসাদের সন্মিশ্রণ—নিরীশ্বর বাদের স্থানে বৃদ্ধ-দেবাদির পূজার্চ্চনা—নির্বাণের স্থানে স্থর্গনরক কল্পনা—এই "সমন্ত পরিবর্ত্তনে ব্রাহ্মণ্যের প্রভাব বিলক্ষণ প্রতিভাত হয় কিন্ত বৌদ্ধধর্ম এইরূপে তাঁর নিজস্বত বিসর্জন করিবার দরুন আত্মহার। হইয়া পড়িলেন। আর একদিকে দেখিছে পাই বৌদ্ধর্মের সার্বভোম প্রেম ও মৈত্রীভাব, অহিংসা দরা দাক্ষিণ্য, মন্ত্রেয় মন্ত্রেয়ে সাম্যভাব জাতৃসৌহার্দ্দ, বর্ণবিচার বর্জনে আপামর সাধারণের জ্ঞান-ধর্মে সমান অধিকার, বৈষ্ণব धर्य এই ममञ्ज छेनात नी छि व्यवनयन शृर्वक वोक्रानत निष्कत অস্ত্রে তাহাদিগকে মর্মাহত করিলেন। অপিচ, বিষ্ণুর দশা-বতার অবতারণ করিয়া বুদ্ধাবতারগণকে পদ্চাত করিলেন — ७४ जा नय, त्कारनवरक अभागनारनत (नवम ७ नी मर्सा छान দান করত আত্মসাৎ করিয়া লইলেন। দেখুন হিন্দুরা লোক ভুলানো মন্ত্র তার প্রয়োগে কেমন পটু ! – তাঁহারা ধ্যানন্থ বুদ্ধকে যোগাসনার্চ মহাদেব গড়িয়া তুলিয়াছেন, কত কত বৌদ্ধতীর্থ ও বৌদ্ধক্ষেত্র আপনাদের তীর্থ ও ধর্মক্ষেত্রে পরিণত করিয়াছেন. এবং বৌদ্ধদের ধর্মক্রিয়া যাত্রা মহোৎসবাদিরও অমুকরণ করিয়া हिन्द्रधर्मात महिमा तृष्कि कृतिशाहिन। तृष्क शशाय এक हि तनवाल ह्य একখানি গোলাকুতি প্রস্তরে ছুইটি পদ্চিত্র আছে। ঐ দেবা-লয়ের নাম বুদ্ধপদ। প্রথমে উহা বুদ্ধপদ ছিল, পরে তাহা विकुलन विनया अठांतिक हम। भमां अपूर्व (वीकत्कर्व हिन;

পরে একটি প্রধান হিন্দৃতীর্থ হইয়া উঠিয়াছে। গয়া মাহাত্মো স্বস্পষ্ট লিখিত আছে, তীর্থঘাতীরা বিষ্ণুপদে পিওদান করিবার পূর্ব্বে বৃদ্ধগয়া গমন পূর্ব্বক বোধিবৃক্ষকে প্রণাম করিবেন—

ধর্মাং ধর্মেশ্বরং নত্বা মহাবোধি তরুং নমেৎ। জগমাথ ক্ষেত্র।—-

জগন্নাথ ক্ষেত্রের ব্যাপারটিও বৌদ্ধর্মের সহিত বিলক্ষণ সংশ্লিষ্ট। জগন্নাথ বৃদ্ধাবতার এইরূপ একটি জনশ্রুতি সর্ব্বেত্র প্রচলিত আছে। দশাবতারের চিত্রপটে বৃদ্ধাবতার স্থলে জগন্নাথের প্রতিরূপ চিত্রিত হয়। জগন্নাথের ত্রিমূর্ত্তি, রথ্যাত্রা, বিষ্ণুপঞ্জর প্রবাদ, বর্ণবিচার পরিহার ইত্যাদি অনেক বিষয়ে বৌদ্ধভাব প্রচল্ল দেখা যায় । প্রীক্ষেত্রে বর্ণবিচার পরিভাগে হিলুধর্মের অমুগত নয়—দাক্ষাৎ বৌদ্ধ-আদর্শ হইতে গৃহীত বলিলে বলা যায়। হুয়েন সাং উৎকলের পূর্ব-দক্ষিণ প্রান্তে সমুদ্র তটে চরিত্রপুর নামে একটি স্থপ্রসিদ্ধ বন্দর দেখিয়া যান। এ চরিত্রপুরই এইক্ষণকার পুরী বোধ হয়। উহার নিকটে পাঁচটি অত্যুদ্ধত স্তৃপ ছিল। কনিংহাম সাহেব অহুমান করেন তাহারই একটি জগন্নাথের মন্দির। খৃষ্টাব্দের দ্বাদশ শতাব্দীতে যথন বৌদ্ধেরা অত্যন্ত অবসন্ন হইয়া পড়িয়াছিল তথন এই মন্দির প্রস্তুত হয়। স্তুপের মধ্যে বুদ্ধদেবের অস্থি কেশ প্রভৃতি দেহাবশেষ সমাহিত থাকে, ইহার দেখাদেখি জগন্নাথের বিগ্রহ মধ্যে বিষ্ণুপঞ্জর অবস্থিত, এইরূপ এক প্রবাদ রটিয়া গিয়াছে। চীন পরিব্রাজক ফাহিয়ান ভারতে তীর্থ্যাতার সময় প্রিমধ্যে তাতার দেশের অন্তর্গত খোটান নগরে একটি বৌদ্ধ মহোৎসব দন্দর্শন করেন, তাহাতে এক রথে তিনটি প্রতিমূর্ত্তি দেখিয়া

আদেন। মধান্তলে বুদ্ধ মূর্ত্তি ও তাহার ছই পার্শ্বে ছইটি বোধি-সত্ত্বের প্রতিমৃত্তি সংস্থা**পিত ছিল। জগরা**থের রথযাত্রা সম্ভবতঃ খোটানস্থ বৌদ্ধদিগের রথযাত্রার অনুকরণ এবং জ্বগন্নাথ বলরাম স্বভদা বৌদ্ধত্তির রূপাস্তর ভিন্ন আর কিছুই নহে। ভূপালের প্রায় ৯ ক্রোশ পূর্ব্বোত্তর বেতোয়া নদীতীরস্থ সাঞ্চিগ্রামে বৌদ্ধ-সম্প্রদায়ের অনেকগুলি স্তুপাদি আছে। সেই স্থানের দক্ষিণ দ্বারে বৌদ্ধ-সম্প্রদায়ী তিনটি ধর্মায়ন্ত্র একত্র খোদিত রহিয়াছে। কনিংহাম সাহেব ঐ তিনটি বৌদ্ধদিগের বৃদ্ধ, ধর্ম, সঙ্ঘ এই ` ত্রিমূর্ত্তির বিজ্ঞাপক হওয়াই অতিমাত্র সম্ভাবিত বলিয়া বিবেচনা করেন। তিনি দাঞ্চি, অযোধাা, উজ্জ্যিনী প্রভৃতি নানাস্থান হইতে, এমন কি, শক রাজাদিগের মুদ্রা হইতেও ঐ ধর্ম-যন্ত্র অনেকগুলি সংগ্রহ করিয়া প্রকাশ করিয়াছেন। উল্লিখিত তিনটি ধর্ম্মারের সহিত জ্বগলাথাদির তিন মূর্ত্তির বিলক্ষণ সৌদাদুভা দেখিতে পাওয়া যায়। কনিংহাম দাহেব ভিল্পা ন্তৃপ বিষয়ক বত্রিশ সংখ্যক চিত্রপটে ঐ উভয়কেই পাশাপাশি করিয়া মুদ্রিত করিয়াছেন; দেখিলেই, শ্রীক্ষেত্রের বৈষ্ণব ত্রিমূর্ত্তি উল্লিখিত তিনটি বৌদ্ধ ধর্ম্মান্ত্রের অনুকরণ বলিয়া সহজেই প্রতীয়মান হয়, বেশীর ভাগ কেবল চোথ নাক আর অর্দ্ধচন্দ্রাকৃতি এর। বৌদ্ধেরা সচরাচর 'ধর্মা'কে স্ত্রীরূপে কল্পনা করেন, প্রস্তরেও ধর্মেরু স্ত্রীমূর্ত্তি খোদিত দৃষ্ঠ হয়। নেপালে এই ধর্ম 'পারমিত। প্রজ্ঞা' রূপিনী দেবী। খুব সম্ভব ইনিই জগন্নাথের স্বভদ্রা-এইরূপ নারী-মধ্য ত্রিমূর্ত্তি অন্ত কোন হিন্দু দেবালয়ের কোনরূপ পরিজ্ঞাত দেবাক্বতি নয়। তবেই হইতেছে জগুরাথের জগুরাথ, বলরাম, স্বভক্রা, বৌদ্ধদের বৃদ্ধ, সঙ্গ ও ধর্ম।

বৌদ্ধশান্তে বৃদ্ধপদের চক্রচিক্ন সবিশেষ বর্ণিত আছে।
বৌদ্ধেরা বহুপূর্বাবিধি তাহার একটা মূর্ত্তি প্রস্তুত করিয়া তাহার
উপাসনা করিতে প্রবৃত্ত থাকে। তাহাদের অনেকানেক মূলা
ও ঐ চিত্নে চিত্নিত দেখা যায়। শ্রীক্ষেত্রে বিষ্ণুর স্থদর্শন-চক্র
খোদিত আছে। ডাক্তার রাজেক্রলাল মিত্র সেই বিষ্ণুচক্রকে
বৌদ্ধদিগের ঐ বৃদ্ধচক্র বলিয়া অনুমান করেম। জগন্নাথ
ভিন্ন অন্ত কোন দেবতার নিকট স্থদর্শনের প্রতিরূপ দৃষ্ট
হয় না, মিত্র মহাশয়ের উল্লিখিত অভিপ্রায়ই সমধিক সম্ভাবিত
বলিতে হয়।

এই সমস্ত প্রমাণ হুইতে জগরাথক্ষেত্র পূর্বের একটী বৌদ্ধ-ক্ষেত্র ছিল এই অনুমানটি একরপ নিঃসংশ্যে নিষ্পন্ন হুইতেছে।\*

বৌদ্ধর্ম এদেশ হইতে বহিন্ধত হইল বটে, তবুও হিন্দুদমাজে তার পূর্ব প্রভাবের যে কতকগুলি চিহু রাথিয়া গেলেন তাহা বিলুপ্ত হইবার নহে। আমরা বৌদ্ধর্মের নিকট অনেক বিষয়ে শিক্ষালাভ করিয়াছি, অনেক সহপদেশ প্রাপ্ত হইয়াছি দে ঋণভার যেন আমরা বিশ্বত না হই। পূর্কেই বলা হইয়াছে, বৌদ্দেরা ভারতে গৃহ নির্দ্মাণ বিভার আদি গুরু—তাহাদের হস্তের কারকার্য্য সকল সর্ক্ত্র তাহাদের অক্ষয় কীর্ত্তি প্রচার করিতেছে। বৌদ্দেরা কর্মাফলের অপগুনীয় নিয়ম লোকের হৃদয়ে মৃত্তিত করিয়া দেন। তাঁহারাই যজ্ঞে পশু হত্যা নিবারণ করিয়া,

The antiquities of Orissa Vol. II.

Dr. Rajendralal Mitra,

ভারতবর্ষীয় উপাদক সম্প্রদায়—দ্বিতীয়ভাগ।
 অক্য়য়ৢয়য়য় দত্ত।

অহিংসা\* ধর্মের মহিমা ঘোষণা করেন। দেখুন, কবি জয়দেব কি বলিতেছেন—

> নিন্দিসি যজ্ঞবিধে রহহ শ্রুতিজ্ঞাতং সদয় হৃদয় দশিত পশুঘাতং কেশব ধৃত বৃদ্ধশরীর জয় জগদীশ হরে।

বৌদ্ধেরাই সংযম, স্বার্থত্যাগ, জ্বলস্ত ধর্মান্ত্রাগ, উদার ভ্রাত্বন্ধনের দৃষ্টান্ত দেখাইয়া যান, তাঁহাদের বাবহার ধর্মের প্রভাব হিন্দুদমাজ হইতে কথনই সম্পূর্ণ বিদ্বিত হইবার নহে। বুদ্ধ-জীবনীর সৌন্দর্যা, মাধুর্যা, নিঃস্বার্থতা, ও উদার প্রেমগুণে দেধর্ম ভারতে চির-রঞ্জিত থাকিবে।

বৌদ্ধর্মের বিস্তৃতি ও বৌদ্ধ মতাবলম্বী লোকসংখ্যা গণনা করিয়া কোন কোন পণ্ডিত হির করিয়াছেন যে, পৃথিবীর প্রায় ৫০ কোটা লোক বৌদ্ধ মতাবলম্বী। কেহ কেহ বলেন এ গণনায় অত্যুক্তি দোষ আছে। হিসাবে অনেক বাদসাদ দিয়া ধরিয়া নিলেও এ কথা অবশ্য স্বীকার করিতে হয় যে ছিন্দু মুদলমান খৃষ্ঠান ধর্মের তুলনায় এ ধর্মের ভক্ত-সংখ্যা

<sup>\*</sup> বৌদ্ধদের স্থায় জৈন-সম্প্রদায়ের লোকেরাও 'অহিংসা পরম ধর্ম' পালন করিরা থাকেন। ই হারা নিরামিষ ভোজী এবং অকারণ প্রাণিহত্যা নিবারণ উদ্দেশে স্থ্যান্ত পুর্বেই হাদের ভোজনের নিরম। তাহা ছাড়াই হাদের অস্থান্থ অনেক রীতিনীতি ক্লাচার ব্যবহারে জীবের প্রতি দরা মায়া প্রকাশ পায়। 'ক জানি নিঃমাস সহকারে কোন কীটপতঙ্গ উদরম্ভ হয় এই আশঙ্কায় কেহ কেহ মুথে একরূপ বস্ত্র বন্ধান করিয়া রাথে। পশুর হাঁসপাতাল (পিঞ্লরা পোল), এই হাঁসপাতালে জরাজীর্ণ রুশ্ম অশক্ত পশু গ্রহণ ও তাহাদের চিকিৎসা প্রণালী অবলম্বন জৈনদের অহিংসা ধর্মের এক অপূর্ব্ব স্থুন্মর দৃষ্টান্ত।

নিতান্ত অবমাননার পাত্র নহে। এ ধন্মের প্রথম অবস্থায় কে মনে করিতে পারিত—বদ্ধদেব স্বয়ং কল্পনা করিতে পারেন নাই—যে ইহা কয়েক শতান্দীর মধ্যে সমুদার এদিয়া খণ্ডে ব্যাপ্ত हरेया अमर्था मानवरक आश्वय मान कतिरव, अथह रेशात निस्कत জন্মভূমি ইহাকে দেখিবে না, চিনিবে না। আপন মাতৃক্রোড় হইতে বিতাড়িত হইয়া পৃথিবীর অজ্ঞাত কুলশীল বিজন প্রাস্ত-বর্ত্তী অধিবাদীদের মধ্যে ছড়াইয়া পড়িয়া বদ্ধমূল হওয়া আশ্চর্ট্যের ব্যাপার সন্দেহ নাই। আপনারা এই বিচিত্র ঘটনার কারণ অনুসন্ধান করিয়া স্থির করন। এ ধর্ম **জোর** জবরদস্তীতে এ দেশ হইতে বিতাড়িত হইল কিম্বা শৈব শাক্ত বৈষ্ণব ধন্মে মিশিয়া গিয়া অদুগু হইয়া গেল অথবা ইহা স্বাভাবিক নিয়মানুসারে বিকৃতি প্রাপ্ত হইয়া কাল-বিবরে প্রবিষ্ট হইল? হিনুধন্মের পুনরুখান, হিনু আচার্য্যদিগের বৃদ্ধি ও যুক্তি বল প্রয়োগ, মুসলমান অত্যাচার, বৌদ্ধধর্মে ভজন পুজনের অনাদর, বেদাচারে অনাস্থা, অনাত্মবাদ, শৃত্যবাদ, মন্ত্রতন্ত্র ভূতপ্রেত পিশাচ সিদ্ধি ইত্যাদি তান্ত্রিক কাণ্ডের প্রবেশ জনিত আদিম ধর্মের অশেষ হুর্গতি, হিন্দু সমাজে সজ্য-নির্থম প্রণালীর অনুপ্রোগিতা, উদ্বাহ বন্ধনের শৈথিল্য-এই ত (व)क धर्म क्ष्यः एतत्र अंतनक छालि कात्रण मरन इटेर उर्छ। ইহাদের কোন্টা স্থোক্তিক কোন্টা অমূলক, আপনারা তাহা নিরূপণ করুন, আমি এইখানে এই প্রবন্ধ শেষ করি।

# পরিশিষ্ট।

### তেবিজ্জ সৃত্ত।\*

( ব্রাহ্মণ যুবকের প্রতি বুদ্ধদেবের উপদেশ। )

একদা বৃদ্ধদেব বছশিষ্য সমভিব্যাহারে কোশলরাজ্যে ভ্রমণ করিতে করিতে 'মনসাক্ত' গ্রামে উপনীত হইলেন; গ্রামে পুদ্রসাতী, তারুখ্য প্রভৃতি সমৃদ্ধিশালী খ্যাতনামা ব্রাহ্মণ মণ্ডলীর বসতি। তথায় তিনি অচিরাবতী নদী তীরস্থ এক আম্রবনে কিয়ৎকাল বিশ্রাম করেন।

সেই সময়ে ছইজন ব্রাহ্মণযুৰক তাঁহার নিকটে আসিয়া উপস্থিত। তাঁহারা উভয়ে সত্যাহোষী; ধর্মালোচনায় অনেক তর্ক বিতর্কের পর তাঁহাদের মধ্যে মতভেদ ঘটিয়াছে। তাঁহাদের একজনের নাম বশিষ্ট ও অপরের নাম ভরদ্বাজ। বশিষ্ট যিনি, তিনি বুদ্ধদেবের চরণে প্রণত হইয়া নিবেদন করিলেন।—

\* মহাত্মন্, সত্য পথ কি এ বিষয় লইয়া আমাদের মহা তর্ক বিতর্ক চলিতেছে, আমরা কিছুই ঠিক করিতে পারিতেছি না। আমি বলি যে পথ দিয়া ব্রহ্মের সহিত মিলন হয়, পুক্রসাথী ব্রাহ্মণ যাহার উপদেশ দিয়াছেন সেই সত্য পথ; ইনি বলেন, ব্রহ্মবাদী তারুখ্য ব্রহ্মলাক্তর যে পথ নির্দেশ করিয়াছেন তাহাই ঠিক। হে শর্মণ, লোকে আপনাকে জগদ্ভাকু বুদ্ধ বলিয়া

<sup>\*</sup> অগীবিদ্যা স্ত্ৰ Buddhist Suttas. Sacred Books of the East.—Rhys Davids.

জানে, আপনাকে জিজাসা করি এই উভয় পথের মধ্যে কোন্
পথ ঠিক ? এই ভিন্ন ভিন্ন পথ কি সকলি সত্য ? এই মনসাকৃত গ্রামে নানাদিক্ হইতে নানান্ রাস্তা আসিয়া মিলিয়াছে
দেইরূপ ঐ সমস্ত ধর্ম-পথ কি সকলি আমাদিগকে গম্যস্থানে
আনিয়া পৌছাইয়া দেয় ? সকলি কি সরল সত্য পথ বলিয়া
অন্তুসরণ করা যাইতে পারে ?

বুদ্ধদেব জিজ্ঞাদা করিলেন—তোমাদের বিবেচনায় এ সমস্ত পথই কি সোজা পথ ৪ ঠিক পথ ৪

হজনেই উত্তর করিলেন—হা আমরা তাহাই মনে করি।
বুদ্ধদেব কহিলেন—আচ্ছা, বল দেখি, সেই বেদাধাায়ী
বাহ্মণের মধ্যে কি এমন কেহ আছেন যিনি ব্রহ্মকে দর্শন
করিয়াছেন ৽

উত্তর-না,

প্রশ্ন—তাঁহাদের গুরুর মধ্যে কি কেহ ব্রহ্মকে প্রত্যক্ষ দর্শন করিয়াছেন ?

উত্তর—না,

প্রশ্ন—অনেকানেক বেদ রচয়িতা ঋষির নাম শ্রবণ করা যায়—যথা অষ্টক, বামুক, বামদেব, বিশ্বামিত্র, যমদগ্লি, অঙ্গীরস ভরন্বাজ, বশিষ্ট, কাশ্রপ, ভৃগু—তাঁহারা কি বলিয়াছেন—আমরা ব্রহ্মকে জানি, আমরা তাঁহাকে সাক্ষাৎ প্রত্যক্ষ দেখিয়াছি ?

ব্রাহ্মণের। পুনর্কার ইহার উত্তরে 'না' বলায় বৃদ্ধদেব দৃষ্টান্ত স্বরূপ হু'একটী কথা পাড়িলেন—

মনে কর, এই চৌরাস্তার মাঝথানে কোন এক ব্যক্তি একটী সিঁড়ি নির্মাণ করিতেছেন--কিসের জন্ম না সেই সিঁড়ি দিয়া কোন এক বাড়ীতে উঠিতে হইবে। লোকে তাহাকে জিজ্ঞানা করিল—কৈ, বাড়ী কোথায় ? যাহাতে চড়িবার জন্ত এই দিঁড়ি নির্মিত হইতেছে দেই বাড়ী কোথায় ? পূর্ব্ব, পশ্চিম—দক্ষিণে কি উত্তরে ? ইহা ছোট বড় মাঝারি, কি আকারের বাড়ী ? ইহা প্রাসাদ কি কুটীর ? ইহার উত্তরে যদি নির্মাতা বলেন, আমি তা জানি না, তখন লোকে কি তাহাকে উপহাদ করিয়া বলিবে না, যে বাড়ীতে উঠিতে চাহ দে বাড়ী কোথায় তাহা জান না,—দে বাড়ী কখন দেখ নাই অথচ তাহার দিঁড়ি নির্মাণ করিতে এত ব্যস্ত—এ কি কথা ? ইহা কি বাতুলের প্রলাপ-বাক্য বলিয়া ধার্য হইবে না ?

বান্ধণের। উত্তর করিলেন—তাঁহার দে কথা পাগলামী ভিন্ন আর কিছুই বলা যায় না। বুদ্দেব কহিলেন, যে ব্রহ্ম বিষয়ে তাঁহারা সম্পূর্ণ অনভিজ্ঞ, যাঁহাকে তাঁহারা জানেন না—যিনি তাঁহাদের প্রত্যক্ষ গোচর নহেন, রান্ধণেরা সেই ব্রহ্মের সহিত মিলন করাইয়া দিতে চান—সেই মিলনের পথ দেখাইয়া দিতে প্রস্তুত। তাঁহাদের কথা কি বাতুলের প্রলাপবাক্য তুল্য অগ্রাহ্ম নহে? তাঁহাদের ব্রন্ধোপদেশের কি কোন অর্থ আছে ?

আৰু কৰ্তৃত আৰু নীয়মান হইলে যাহা হয় এও তাহাই। যে অগ্ৰগামী দেও কিছু দেখিতে পায় না, যে পশ্চাতে চলিয়াছে সেও দেখিতে পায় না—ইহারাও দেই আন্দের দল! বক্তাও আৰু, শ্রোতাও আর। এই সকল বেদবিৎ ব্রাহ্মণের উপদেশ সারহীন, অর্থহীন, তাৎপর্যাশৃত্য—কথাই সর্বস্ব, তাহার কোন অর্থ নাই।

(मान विश्वहें), आंत्र এक वाङ्कि विलाउ हिन- अहे नशतीत ।

মধ্যে একটা পরমা স্থলরী রমণীর জন্ত আমার চিত্ত বড়ই চঞ্চল হইরাছে। তাহার প্রতি আমার যে কি প্রগাঢ় প্রেম, কি আগাধ ভালবাসা তাহা কি বলিব? লোকে জিজ্ঞাসা করিল— আছো, এই পরমাস্থলরী রমণী যাহার জন্ত তোমার মন এমন চঞ্চল— এতই উতলা হইরাছে এই রূপদী কিরূপ ? ইনি ব্রাহ্মণ কি ক্ষত্রিয়—বৈশ্য শূদ্র কোন্ জাতীয় ? ইনি কালে। কি গৌরবর্ণ, ইহার নাম কি, নিবাস কোথায় ?

ইহার উত্তরে যদি তিনি অন্ধকার দেখেন আর বলেন আমি তা কিছুই জানি না, তথন লোকে কি তাঁহাকে উন্মাদ ভাবিয়া উপহাস করিবে না ? • তাঁহার কথা কি কিছুমাত্র বিশ্বাস্থাস্য মনে করিবে ? কথনই না। পুনশ্চ মনে কর, —এই অচিরাবতী নদী বস্তার জলে ভরিয়া গিয়াছে—ছই পাড়ের উপর পর্যাস্ত জল উঠিয়াছে—এমন সময়ে এক জন কোন কার্য্যশতঃ পরপার যাইবার ইচ্ছা করে। দে যদি নদীকে ডাকিয়া বলে "হে নদি, তোমার ওপারটা উঠাইয়া আমার কাছে নিম্নে এম।" তাহা হইলে কি তাহার মনস্কামনা পূর্ণ হইবে ?

ব্রাহ্মণেরা বলিল "হে গৌতম, তাহা কথনই হইতে পারে না।"

বুদ্ধদেব কহিলেন তোমাদের উপদেষ্টা ব্রাহ্মণদেরও এই দশা। যে দকল দদ্গুণ যথার্থ ব্রাহ্মণ-লক্ষণ তাহা তাহাদের অঙ্গে নাই, যে দমস্ত অনুষ্ঠানে ব্রাহ্মণের প্রকৃত ব্রাহ্মণত্ব তাহা হইতে তাহার। বিরত অথচ তাহারা হে ইক্র, হে সোম, হে বরুণ—ইক্র সোম বরুণকে ডাকিয়া চীৎকার করে! এইরূপ প্রার্থনা, এই কাকুতি মিনতি স্তবস্তুতির কি ফল ? তাহাতে

কি তাহাদের ইহলোকে ব্রহ্মলাভ হইবে, না মৃত্যুর পরে পর-লোকে ব্রহেমর সহিত মিলনের আাকাজ্জা পূর্ণ হইবে ? এরপ কি সম্ভব ?

হে বশিষ্ট, আরো ভাবিরা দেখ, এই নদী জ্বলপ্লাবনে প্লাবিত হইরাছে, পাড়ের উপর পর্যান্ত জ্বল ছাপাইরা উঠিরাছে, এমন সময় কোন এক বাক্তি নদী পার হইতে চাহে, কিন্তু তার হাত পা কঠোর শৃঞ্জলে বাঁধা, সে যদি এইরূপে শৃঞ্জল-বন্ধ হইরা এ পাড়ে দাঁড়াইরা ভাবে আমি নদী পার হইব তাহা হইলে কি মনে কর তাহার অভীষ্ট দিদ্ধ হইবে ?

উত্তর —হে গৌতম, তাহা কথন হইফ্লে পারে না। বুদ্ধদেব কহিলেন—

আমাদের ধর্মশাস্ত্রে পাঁচটি শৃঙ্খলের কথা আছে, পঞ্চপাশ, পঞ্চবন্ধন, পঞ্চ আবরণ ;--বে পাঁচটি কি কি ?

কাম ৷

দেব, হিংসা।

बरकात, आग्राভिমान।

আলস্য।

বিচিকিৎদা--ধর্ম্মের প্রতি সংশয়।

এই পঞ্চ মোহ পাশ—পঞ্চ বন্ধন। এই বন্ধনে বেদবিৎ ব্রাহ্মণেরা আবদ্ধ, এই পঞ্চপাশে জড়িত হইনা তাঁহার। চলং-শক্তি রহিত। হে বীশষ্ট, আমি সত্য বলিতেতি, এই ব্রাহ্মণেরা ষতই বেদাত্যাস করুন না কেন কিন্তু যে সকল গুণে যে সমস্ত অষ্ঠানে ব্রাহ্মণের যথার্থ ব্রাহ্মণত্ব সে সকল গুণ হইতে তাঁহারা বঞ্চিত, —সে সমস্ত অফুঠানে বিমুধ, তাঁহারা সংসার বন্ধনে . মাবদ্ধ। মোহপাশে জড়িত তাঁহাদের মাঝা দেহত্যাগানস্তর ব্রন্থের সহিত মিলিত হইবে ইহা কদাপি সম্ভব নহে।

হে বশিষ্ঠ, তোমরা ত অনেকানেক বয়োবৃদ্ধ ব্রাহ্মণ পণ্ডি-তের উপদেশ শ্রবণ করিয়াছ; ব্রন্সের স্বরূপ লক্ষণ বিষয়ে তাঁহারা কি উপদেশ দেন ?

ব্রন্মের কি ধন-সম্পত্তি স্ত্রী-প্রত্র-পরিবার আছেম উত্তর—না। ব্ৰহ্ম কি কাম ক্রোধে বিচলিত ? উত্তর—না। তিনি কি ছেষ হিংশা প্রবশ ? তিনি কি মদমাৎস্থ্য আলস্তের অধীন ? উত্তৱ---না। তিনি সংযমী না বাসনী গ উত্তর-সংযমী। তিনি পবিত্র স্বরূপ কি অপবিত্র ? উত্তর- পবিত্র স্বরূপ। কিন্তু হে বশিষ্ঠ, ব্ৰাহ্মণ চরিত্ৰ কি ইহার বিপরীত নহে ? তাহারা কি স্ত্রী-প্রত্র-পরিবার ঐখর্য্য সম্পন্ন নহেন গ উত্তর –হাঁ। তাঁহারা কি কামাসক্ত ক্রোধ পরায়ণ নহেন ? উত্তর---হাঁ। তাঁহারা কি দেষ হিংদা বর্জিত ? উত্তর—না। তাঁহারা সংযমী অথবা বিলাদী গু

উত্তর—বিলাসী। তাঁহাদের অন্তরাত্মা পবিত্র না পাপ-কল্মিত ? উত্তর—কলুমিত।

বৃদ্ধদেব—বান্ধণেরা যথন সংসারাসক্তি হইতে বিমুক্ত হয় নাই—বিষয়বাসনা বিসর্জন করিতে সক্ষম হয় নাই—তাহারা যথন ইন্দ্রিয় সেবায় অহোরাত্র নিময়—কাম ক্রোধ লোভ প্রভৃতি মোহ বন্ধনে আবদ্ধ আর ব্রহ্ম, যিনি ইহার বিপরীতধর্মা, তাঁহার সহিত মরণাস্তর তাহারা মিলিত হইবে ইহা কি কথন সম্ভব মনে কর? তাহাদের মধ্যে পরস্পর সাদৃশ্য কোথায় ? আমি সত্য বলিতেছি এই সকল ব্রাহ্মণের উপত্রদশ ব্যর্থ, তাহাদের জয়ীবিদ্যা পথশৃত্য অরণ্য, নির্জ্লা নিক্ষণা মক্রভূমি সমান। তাহাদের লক্ষ্য এক, কার্য্য অন্তর্জপ। তাহারা তাহাদের গম্য স্থানে পৌছিবার প্রকৃত সরল পথ ছাড়িয়া বিপথে পদার্পণ করে ও পথহারা পথিকের তায় দিপ্ত্র ইহয়া বিনাশ প্রাপ্ত হয়।

व्कारत এইরূপ উপদেশ করিলে পর বশিষ্ঠ কহিলেন-

ু হে শর্মণ, আমর। গুনিরাছি—শাক্যমূনি সেই ব্রশ্ধ-মিলনের পথ সম্যক্রপে অবগত। আপনার নিকট হইতে আমরা সেই উপদেশ প্রবণ করিতে ইচ্ছা করি—আমাদের উপর অনুগ্রহ করিরা মুক্তিমার্গ প্রদর্শন করুন, ব্রহ্মকুল উদ্ধার করুন।

वृक्षापव कत्रिरमन---

বে বাজি এই মনসাক্ষত গ্রামে জন্মগ্রহণ করিয়াছেন — বিনি এখানে আজীবন বাস করিতেছেন তিনি কি এই গ্রামের তাবৎ পথঘাট বলিয়া দিতে পারেন না ?

উত্তর—অবশ্যই পারেন।

এই পৃথিবীতে দেইরূপ তথাগত বুদ্ধ সময়ে সময়ে অবতীর্ণ হন—তিনি বিজ্ঞানময়—মঙ্গল নিকেতন। তিনি পৃথিবীর সমস্ত বৃত্তাস্ত অবগত আছেন—স্বর্গ, মর্ত্তা, পাতাল, ব্রহ্ম শর্মান্ রাহ্মণ—স্বর নব মার ভূত প্রেত—সর্ব্ধ চরাচর তিনি জানিতে-ছেন —সত্য তিনি নিজে জানিতেছেন ও অতকে উপদেশ দিয়া থাকেন। তিনি জ্ঞান্ত গ্রহ্ম সত্য ধর্ম তিনি জগতে প্রচার করেন—যে ধর্মের আদি মধুর, অস্ত মধুর—মধুর যাহার গতি—যাহার উন্নতি মধুময়।

যথন কোন গৃহস্থ উচ্চবংশীয়ই হউন আর নীচকুলজাতই হউন—তথাগত কথিত সত্য যথন তাঁহার শ্রুতি গোচর হয়—সে সত্য শ্রুবণ করিয়া তিনি তথাগতের উপর সম্পূর্ণ বিশ্বাস স্থাপন পূর্বক মনে মনে চিস্তা করেন—

দংসার কেবলই ত্রঃধনন্য—সংসারী ব্যক্তি মোহ-পাশে আর্ত, বাসনাপঙ্কে নিমগ্য—যিনি সংসারাসক্তি পরিত্যাপ করিয়াছেন বায়ুর স্থায় তাঁহার মুক্ত জীবন। সংসারের মধ্যে স্ত্রী-পুত্র-পরিবারে পরিবৃত হইয়া তিনি মহন্তর পবিত্রতর জীবনের স্বাদ্ধ-প্রতে অক্ষম। অতএব অত হইতে আমার প্রতিজ্ঞা এই যে শিরোমুগুন ও গৈরিক বসন পরিধান করিয়া গার্হস্যাশ্রম পরি-ত্যাগ পূর্বক সন্ন্যাসপ্রতে জীবন উৎসর্গ করিব।

এইরপে ভিক্ষুর বেশ ধারণ করিয়া তিনি প্রাতিমাক্ষের নিয়মানুসারে আত্মসংযম অভ্যাস করেন। ইনি সত্যেতে রমণ করেন—ধর্ম ইঁহার জীবনের ব্রত। ইনি পাপের কুটালপথ পরিত্যাগ করিয়া আপনাকে ধর্ম নিয়মে নিয়মিত করেন— প্রত্যেক কথায় প্রতি কার্য্যে ইনি ধর্মের আদেশ পালন করেন— ধর্মপথ হইতে কদাপি বিচলিত হয়েন না। সাধু ইঁহার সঞ্চল সাধু ইহার চরি ন—ই ক্রিয়বারের আটে বাটে শত শত প্রহরী নিযুক্ত—আত্মনির্ভর ইঁহার নির্ভর-যৃষ্টি—আত্মপ্রসাদে ইনি সদাই স্থাসন্ধল—ইঁহার বিশুদ্ধ চিত্তক্ষেত্রে আনন্দের উৎস নিয়ত উৎসারিত হইতে থাকে।

স্থাতীর ভেঁরী নিনাদ আকাশে উথিত হইয়া যেমন সহজে দিখিদিক্ প্রতিধানিত করে ইংহার প্রেমও দেইরূপ বিশ্বব্যাপী; ক্ষুদ্র বৃহৎ উচ্চ নীচ কাহাকেও ইনি অবহেলা করেন না—কাহাকেও পরিত্যাগ করেন না। ইংহার প্রীতি মৈত্রী মমতা সর্বাভৃতে সমভাবে বিস্তৃত। সর্বাজীবে ইংহার দয়া বাৎসল্য। ইংহার চক্ষে উচ্চ নীচে প্রভেদ নাই, আত্মপর সমান। ব্রহ্মলাভের এই একমাত্র পথ। যিনি সত্য অবলম্বন করিয়াছেন, কাম ক্রোধ লোভ হইতে বিমৃক্ত হইয়াছেন, যিনি বিষয়-বাসনা বিসর্জন দিয়াছেন—দেষহিংসা যাহার ছাদয়ে স্থান পায় না—পবিত্র যাহার চরিত্র—কায়মনোবাক্যে যিনি ধর্মের অষ্টবিধ মহামার্গ অবলম্বন করিয়া চলেন—সেই যে ভিক্ম সাধু প্রক্ষ, ব্রক্ষের সহিত তাঁহার জীবনের সাদৃশ্য আছে কি না ?

## —উত্তর—অবশ্যই আছে।

এই ভিক্ষু সাধু পুরুষ দেহত্যাগানন্তর এক্ষের সহিত মিলিত হইবেন ইহা সর্কতোভাবে সম্ভব।

বৃদ্ধদেবের উপদেশ সমাপ্ত হইলে বশিষ্ঠ ও ভরহাজ তাঁহার চরণে প্রণত হইয়া নিবেদন করিলেন—

হে প্রভো! আপনার এই জ্ঞানগর্ভ উপদেশ শ্রবণ করিয়া আমরাধন্ত হইলাম, যাহা ভাঙ্গিয়া পড়িয়াছে তাহা আপনি গড়িয়া তুলিলেন—যাহা প্রচ্ছন্ন তাহা প্রকাশ করিলেন—যে বিপথগামী তাহাকে সংপণ প্রদর্শন করিলেন—অন্ধকারে প্রদীপ জ্বালিয়া অন্ধকে চক্ষু দান করিলেন। প্রভা! আমরা বুদ্ধের শরণাপন্ন হইতেছি—বৃদ্ধং শরণং গচ্ছামি ধর্মং শরণং গচ্ছামি সজ্বং শরণং গচ্ছামি (বৌদ্ধল্যত্বর্ণের) শরণাপন্ন হইতেছি। অদ্য হইতে আমাদ্বিগকে আপনার চিরভক্ত শিষ্যরূপে দীক্ষিত করিয়া কৃতার্থ করুন এই আমাদের প্রার্থনা।

## ব্যাখ্যা—

বৌদ্ধর্মের অনুশীলন করিতে করিতে সহজেই এই প্রশ্ন
মনে উদয় হয়—ঈশ্বর ও পরকাল সম্বন্ধে বৃদ্ধানেরে মন্ত ও
বিশ্বাস কি ছিল ? তৎকাল প্রচলিত ধর্মের সহিত তাঁহার
সম্বন্ধই বা কিন্ধপ ছিল ? উল্লিখিত হত্ত হইতে এই প্রশ্নের
উত্তর কিয়দংশে প্রাপ্ত হওয়া যায়। ব্রাহ্মণ যুবকেরা মৃত্যুর
পরে ব্রহ্মের সহিত মিলনের উপায় অন্বেষণ করিতেছেন অর্থাৎ
বৈদান্তিক মতে জীবাস্থার স্বতন্ত্ব অন্তিম্ব গিয়া সে ব্রহ্মেতে ক্রিল
লয় প্রাপ্ত ইইতে পারে তাহার সরল পথ তাঁহারা জ্বানিতে
চাহেন—গৌতমের প্রতি তাঁহাদের প্রশ্নও তদন্ত্যায়ী। বৃদ্ধদেব
যে উপায় বলিয়া দিলেন, যে পথ প্রদর্শন করিলেন তাহা ধর্ম্মনীতিহ্চিত সহজ মার্গ। আসুসংযম—বিষয়বাসনা বিস্ক্রেন—
সন্ন্যাসগ্রহণ—চরিত্রশোধন—সার্বভৌম মৈত্রী মমতা—এতত্তির
বন্ধলাতের কোন ঐক্রন্ধালিক উপায় নির্দ্ধিই হয় নাই।

এই স্ত্রে ব্রহ্মের সহিত মিলনের কথা যাহা প্রশ্নোন্তরে ব্যক্ত হইয়াছে তাহার অর্থ কি ? বৌদ্ধর্ম মতে তাহার অর্থ ঠিক করা দহজ নহে। ইহা মনে রাখা কর্ত্তব্য যে বুদ্ধের দময়
পৌরাণিক ব্রহ্মা জন্মগ্রহণ করেন নাই। বেদান্ত ও উপনিষদের
ব্রহ্ম আর বৌদ্ধ ব্রহ্মা যে একই এমনও মনে করিবেন না।
নাম এক হইতে পারে কিন্তু ভিন্নার্থে প্রয়োগ দলেহ নাই।
আর্যাধর্ম প্রকৃতি পূজা হইতে আরম্ভ করিয়া শেষ মঞ্চে এক
ব্রহ্মের উপাদনার বিশ্রাম লাভ করিয়াছে। কিন্তু বৌদ্ধর্মে
এই বৈদান্তিক ব্রহ্মোপাদনার ভাব গৃহীত হইয়াছে বলিয়া
বোধ হয় না। ব্রহ্মবিভার কথা দূরে থাকুক, বৌদ্ধর্ম্ম দেহাভান্তরে আ্রার পৃথক দত্তাই স্বীকার করেন না, অথচ
দেখিতে গেলে হিন্দুধর্মের দেব দেবীর নাম, দেব দেবীর প্রতি
বিশ্বাদ তাহার মধ্যে কতক অংশে স্থান পাইয়াছে—এই তুই
ভিন্ন জিনিদ, বিভিন্ন ভাবের দামঞ্জন্ম করা এক বিষম দমস্যা।

বৈদিক দেবতাগণ বৌদ্ধর্মে সাধুপুরুষের স্থান অধিকার করিয়া বসিয়াছেন তাহার উর্দ্ধে পদনিক্ষেপ করেন না।—বড় জোর তাঁহারা বৌদ্ধ ভিক্ষুর সমকক্ষরূপে পরিগণিত হইতে পার্নেন। এই সকল দেবতার আরাধনা পূজার্চনা বৌদ্ধর্মে আদিপ্ত হয় নাই। দেবতারা অমর নহেন, অস্তাস্ত জ্পীবের স্থায় তাঁহারাও মরণধর্মশীল। তবে এই মাত্র বলা যাইতে পারে যে তাঁহারা নিজ নিজ্ক কর্ম্মগুণে উচ্চ হইতে উচ্চতর সোপানে উঠিয়া ক্রমে নির্দ্ধাণরাজ্যে—হয়ত বৌদ্ধ আহৎ মণ্ডলীর মধ্যে স্থান পাইতে পারেন। ব্রন্ধাও সেইরূপে কলিত। অপর জীবের স্থায় তিনিও মৃত্যুর অধীন—তিনিও বৃদ্ধ নির্দ্ধিপ্ত স্থার্ম অবলম্বন করিয়া কালক্রমে নির্দ্ধাণমুক্তি লাভের অধিকারী।

দে যাহা হউক, এ কথা অবশ্য স্বীকার করিতে হইবে যে বৌদ্ধমতে ব্রহ্মা ইতরজীব অপেক্ষা বিশেষ প্রতিষ্ঠাসম্পন্ন মহা-পুরুষ বলিয়া পরিগণিত, স্থরবুনের মধ্যে যেমন স্থরপতি দেবেক্র। ক্ষিত আছে যে তাঁহার পূর্বজন্মে যখন কাশ্যপবুদ্ধ পৃথিবীতে অবতীর্ণ হইয়াছিলেন তথন ব্রহ্ম৷ সাহক নামক পর্যভক্ত ভিকু বলিয়া প্রদিদ্ধ ছিলেন। জ্ঞাতক টাকাকার বলেন এয় ব্রহ্মা বদ্ধ-**(मरवत ভবিষাৎ জনা ধারণ বিষয়ে বিশেষ আগ্রহবান ছিলেন** এবং তৎপরে বোধিদত্ত্বের জীবনে 'মার' রাক্ষদ যথন তাহাকে অশেষ প্রলোভন ও বিভীষিকা প্রদর্শন করিয়া ঘোরতর :বিপদে ফেলিবার উপক্রম ক্রিয়াছিল দেই 'মার' দমনে ব্রহ্মা তুইবার সহায়তা করেন। 'মার' বিজয়ের পর যথন বুদ্ধদেব তাঁহার উপাৰ্জিত সতা প্ৰচাৱে সন্দিগ্ধচিত হইয়াছিলেন তথন ব্ৰহ্মাদেব তাঁহার সমক্ষে আবিভূতি হইয়া সে সংশয় ভঞ্জন করত তাঁহাকে সত্য ধর্ম প্রচারে উৎদাহিত করেন। আবার কথিত আছে, বুদ্ধদেবের মৃত্যুকালে যে গগনভেদী গভীর শোকধ্বনি সমু্থিত হয় ব্রহ্মা সহাম্পতির কণ্ঠ হইতে প্রথমে সে বাণী উদ্দীব্রিত হইয়াছিল ও পরবর্তী কালে একবার বৌদ্ধর্মসমাজে বিপ্লব উপস্থিত হইলে ব্রহ্মা স্বর্গ হইতে অবতীর্ণ হইয়া বৌদ্ধনেতৃবর্গের মধ্যে সূভাব ও শান্তি স্থাপনপূর্বক সে বিপ্লব প্রশমন করেন।

এই সমস্ত উদাহরণ হইতে বৌদ্ধ জগতের সহিত ব্রহ্মার কি
্ ঘনিষ্ঠ সম্বন্ধ তাহা সহজেই উপলব্ধি হয়। গুধু এই মর্ত্তালোক নয়
কিন্তু অনন্ত আকাশের স্থানে স্থানে যে লোক-পুঞ্জ অবস্থাপিত
এক এক জন ব্রহ্মা তাহার অধিপতিরূপে কল্লিত দেখা যায়।


এই ব্রহ্মার সহিত মিলন আর বৈদান্তিক ব্রহ্মেতে জীবাঝার

বিলীন হইবার ভাব যে একই তাহা কে বলিবে ? বৌদ্ধমতে দে মিলনের অর্থ ব্রহ্মলোকে ব্রহ্মার দহিত একত্র সহবাস ভিন্ন আর কিছুই কল্পনা করা যায় না। কিন্তু এই সহবাস-লাভ বৌদ্ধর্মের সর্ব্বোচ্চ আদর্শ নহে; বৌদ্ধর্মের সর্ব্বোচ্চ আদর্শ নহে; বৌদ্ধর্মের সার উপদেশ এই যে প্রত্যেক মন্যু নিজ কর্মগুলে, নিজ পুণাবলে, আত্মপ্রভাবে, আর্থবিসর্জ্জনে, সত্যোপার্জ্জনে, প্রেম দয়া মমতা বর্দ্ধনে ইহজীবনে অর্থবা পরলোকে নির্ব্বাণরূপ প্রমপ্রক্ষার্থ সাধনে সমর্থ।

এই নির্বাণমুক্তি কি — আলো কি অন্ধকার — জাগরণ কি মহানিদ্রা—অনস্তজীবন কিম্বা দিরমৃত্যু—শাখতআনন্দ অথরা চেতনাশ্স মহানির্বাণে জীবাত্মার অন্তিম্বলোপ;—এই নির্বাণমুক্তি কি, বৌদ্ধশান্ত্র-সিল্ল্ মন্থন করিয়া আপনারা তাহা স্থির করুন—আমি এইখানে এই প্রবন্ধের উপসংহার করি।\*

**B**t. 19111/02

PHILE.



<sup>\*</sup> এই ব্যাখ্যায় ব্রহ্ম ও ব্রহ্মা সম্বন্ধে ষাহা বলা হইল Rhys Davids
'তেনির ক্রের টাকায় দেইরূপ মক ব্যক্ত করিয়াছেন। ক্রের বৃদ্ধক্ষিত
ভাগে ব্রহ্ম অথবা ব্রহ্মা শব্দ ব্যবহৃত হইয়াছে ঠিক বলা যায় না—মূল পালি না
দেখিলে ইহার মীমাংসা হয় না কিন্তু ব্রহ্ম শব্দ ব্যবহৃত হইলেও ব্রহ্মের সহিত
একীভূত হওয়া এই তরে যে ব্রের নিজের বিখাস তাহা সপ্রমাণ হয় না।
তিনি ব্রাহ্মণদের কথার সত্যতা ধরিয়া নিয়া ক্মতামুয়ায়ী ধর্মণথ দেখাইয়া দিবার
চেষ্টা করিতেছেন মাত্র।



